

國語  
周序  
目

2017010101 NATIONAL CENTRAL LIBRARY, TAIWAN, R.O.C







國立中央圖書館藏

書號	3003
類號	
冊數	
全書	5冊





3374-566-11



國語解序



昔孔子發憤於舊史垂法於素王左丘明因聖言以摠意託王義以流藻其淵源深大沈懿雅麗可謂命世之材博物善作者以其明識高遠雅思未盡故復采錄前世穆王以來下訖魯悼知伯之誅邦國成敗嘉言善語陰陽律呂天時人事逆順之數以爲國語其文不主於經故號曰外傳所以包羅天地探測禍福發起幽微章表善惡者昭然甚明實與經統並陳非特諸子之倫也遭秦之世幽





而復光賈生史遷頗綜述焉及劉光祿於漢成世始更考校是正疑謬至於章帝鄭大司農爲之訓解解疑釋滯昭晰可觀至於細碎有所闕畧侍中賈君敷而衍之其所發明大義略舉爲已憐矣然於文間時有遺忘建安黃武之間故侍御史會稽虞君尚書僕射丹陽唐君皆英才碩儒洽聞之士也采摭所見因賈爲主而損益之觀其辭義信多善者然所註釋猶有異同昭以末學淺闇寡聞階數君之成訓思事義之是非愚心頗有所覺今諸

家並行是非相質雖聰明疏達識機之士知所去就然淺聞初學猶或未能祛過切不自料復爲之解因賈君之精實採唐虞之信善亦所以覺增潤補綴參之以五經檢之以內傳以世本考其流以爾雅齊其訓去非要存事實凡所發正三百七事又諸家紛錯載述爲煩是以時有所見庶幾頗近事情裁有補益猶恐人之多言未詳其故欲世覽者察之韋昭撰





國語目錄

周語第一

魯語第二

齊語第三

晉語上第四

晉語下第五


鄭語第六

楚語第七

吳語第八

國語目

NATIONAL CENTRAL LIBRARY, TAIWAN, R.O.C.





越語第九

按漢志及隋唐經籍志或為二十卷或二十一卷雖多割裂於義無取也春秋獨晉主盟為久事文繁多今定自武公至懷公為晉上卷自文公至晉末為晉下卷而周及列國每為一卷又舊本取語中各章首句錄為細目尤為無謂今不復贅也

國語第一

周

穆王將征犬戎祭公謀父諫曰不可先王耀德不

觀兵夫兵戰而時動動則威觀則玩玩則無震是

故周文公之頌曰載戢干戈載櫜弓矢我求懿德

肆于時夏允王保之先王之於民也茂正其德而

厚其性阜其財求而利其器用明利害之鄉以文

修之使務利而避害懷德而畏威故能保世以滋

大昔我先世后稷以服事虞夏及夏之衰也棄稷

國語第一

是今文祖  
時氣也  
後非謂也

行文微似周

平鋪

大皮道錫為  
子孫受樂而  
遠之正曰非  
其情守代之  
者與漢代者  
俱見不及此

國語第一









翟或作狄  
聞古聞字語  
中凡聞俱作  
聞說文亦無  
聞字

各稱

凡各評字注  
俱用點悉其  
誤行與讀易  
以共圖反不  
誤評  
大音扶復凡  
語端及助語  
夫字並同不  
再音

神功轉並下  
甚稱其有欲

投是字


對押與勢逆

事注

事乃

弗務我先王不甯用失其官而自竄於戎翟之間  
不敢怠業時序其德纂修其緒修其訓典朝夕恪  
勤守以惇篤奉以忠信奕世載德不忝前人至於  
武王昭前之光明而加之以慈餼事神保民莫不  
欣喜商王帝辛大惡於民庶民弗忍欣戴武王以  
致戎於商牧是先王非務武也勤恤民隱而除其  
害也夫先王之制邦內甸服邦外侯服侯衛賓服  
蠻夷要服戎翟荒服甸服者祭侯服者祀賓服者  
享要服者貢荒服者王日祭月祀時享歲貢終王

先王之訓也有不祭則修意有不祀則修言有不  
享則修文有不貢則修名有不王則修德序成而  
有不至則修刑於是乎有刑不祭伐不祀征不享  
讓不貢告不王於是乎有刑罰之辟有攻伐之兵  
有征討之備有威讓之令有文告之辭布令陳辭  
而又不至則又增修於德無勤民於遠是以近無  
不聽遠無不服今自大畢伯仕之終也夫戎氏以  
其職來王天子曰予必以不享征之且觀之兵其  
無乃廢先王之訓而王幾頓乎吾聞夫夫戎樹惇





終以印錄也

穆文熙曰舉先王之訓見不可伐有以禦我見不能伐

柳宗元曰康公之母誠賢則則宜以荒淫失度命其子為用懼之以數且以德大而後堪則納三女之奔者德果何如若曰勿受之則可矣教子而婚王以女非正也左傳以滅密微之無足取者

召或作御

能帥舊德而守終純固其有以禦我矣王不聽遂征之得四白狼四白鹿以歸自是荒服者不至

耀明也觀示也戰聚也時動謂三時務農一時講武文公周公旦之證也載戰載櫜之載則也櫜猶也言天下已定聚斂其干戈韜藏其弓矢示不復用也懿美也肆陳也時是也言武王常求美德故陳其功於是夏而歌之樂章大者曰夏允信也信哉武王能保此時夏之美也后君也稷官名父子相繼曰世謂稷與不窋奕累也載德之載成也商牧商郊牧野何王田也服其職業也賓服常以服貢實見於王者要要結好信也祭無日祭也祀俱月祀也享供時享也大畢伯任大戎氏之二君頌敗也樹立也立性悖慢也帥循也言大戎氏循先王之舊德奉其常職天性專一終身不移不聽穆王責其享也

恭王游於涇上密康公從有三女奔之其母曰必

致之於王夫獸三為羣人三為衆女三為粲王田

不取羣公行下衆王御不參一族夫粲美之物也

衆以美物歸女而何德以堪之王猶不堪况爾小

醜小醜備物終必亡康公弗獻一年王滅密

奔不由媒氏也粲美貌御婦官也參三也一族一父子也醜類也

厲王虐國人謗王召公告王曰民不堪命矣王怒

得衛巫使監謗者以告則殺之國人莫敢言道路

以目王喜告召公曰吾能弭謗矣乃不敢言召公





孫應鑿曰天子  
聽政一段自是  
本理而首以川  
喻後以山川原  
顯沃衍喻各極  
旨趣

內注三卷

東齊人謂專為  
著艾  
梓步沒切一說  
梁武以佛有梓  
音改梓為梓按  
經史及諸儒多  
布內切

向中者指毛  
子

胡可  
其典

穉文熙曰榮  
公好專利蓋  
秦弘羊之流  
耳

以喻款便不  
張

國語


曰是郭之也防民之口甚於防川川壅而潰傷人必多民亦如之是故為川決之使導為民者宣之使言故天子聽政使公卿至於列士獻詩瞽獻典史獻書師箴騶賦朦誦百工諫庶人傳語近臣盡規親戚補察瞽史教誨耆艾修之而後王斟酌焉是以事行而不悖民之有口也猶土之有山川也財用於是有乎出猶其有原隰衍沃也衣食於是乎生口之宣言也善敗於是乎興行善而備敗所以阜財用衣食者也夫民慮之於心而宣之於口成

而行之胡可壅也若壅其口其與能幾何王弗聽於是國人莫敢出言三年乃流王於彘

衛巫衛國之巫以巫有神靈有謗必知之弭止也無日曰替典樂典也無眸子曰矇有眸子而無見曰矇替史掌陰陽天時禮法之書以相教誨者單襄公曰吾非瞽史焉知天道是也耆艾師傳也對取也酌行也與語辭

厲王說榮夷公芮良夫曰王室其將卑乎夫榮公好專利而不知大難夫利百物之所生也天地之所載也而或專之其害多矣天地百物皆將取焉胡可專也所怒甚多而不備大難以是教王王能

國語





日或作曰義  
六西通

是示

久乎夫王人者將導利而布之上下者也使神人  
百物無不得其極猶日怵惕懼怨之來也故頌曰  
思文后稷克配彼天立我烝民莫匪爾極大雅曰  
陳錫載周是不布利而懼難乎故能載周以至於  
今今王學專利其可乎匹夫專利猶謂之盜王而  
行之其歸鮮矣榮公若用周必敗既榮公為卿士  
諸侯不享王流于彘

載成也導開也思文郊祀后稷以配天之樂歌  
經緯天地曰文極中也陳布也錫賜也言文王  
布賜施利以  
載成周道

按汲冢書共音  
恭共伯名和也  
然章氏自休史  
記周紀為注則  
共當如字

藉或作措

藉四賦

彘之亂宣王在召公之宮國人圍之召公曰昔吾  
驟諫王王不從以及此難今殺王子王其以我為  
懟而怒乎夫事君者險而不懟怨而不怒況事王  
乎乃以其子代宣王宣王畏而立之

彘之亂公卿相與和而修政事  
號曰共和凡十四年而宣王立

宣王即位不藉千畝藉號文公諫曰不可夫民之大  
事在農上帝之棗盛成於是乎出民之蕃庶於是乎  
生事之共給供於是乎在蘇協輯睦於是乎興財用  
蕃殖於是乎始敦龐純固於是乎成是故稷為大





癘丁賀切又得柔切俱訓

病也

初事

與在

工辭

章法

絕何用轉

後音弗又音

廢

易字致音

矣

官古者大史順時覘土陽瘴憤盈土氣震發農祥  
 晨正日月底于天廟土乃脉發先時九日大史告  
 稷曰自今至于初吉陽氣俱烝土膏其動弗震弗  
 渝脉其滿膏穀乃不殖稷以告王曰史帥陽官以  
 命我司事曰距今九日土其俱動王其祗祓監農  
 不易王乃使司徒咸戒公卿百吏庶民司空除壇  
 於藉命農大夫咸戒農用先時五日警告有協風  
 至王即齊宮百官御事各即其齊三日王乃淳濯  
 饗醴及期鬱人薦鬯犧人薦醴王裸鬯饗醴乃行

癘音錄又音

百吏庶民畢從乃藉后稷監之膳夫農正陳藉禮  
 大史贊王王敬從之王耕一墾班三之庶人終於  
 千畝其后稷省功大史監之司徒省民大師監之  
 畢宰夫陳饗膳宰監之膳夫贊王王飲大牢班嘗  
 之庶人終食是日也警帥音官以省風土廩於藉  
 東南鍾而藏之而時布之於農稷則徧戒百姓紀  
 農協功曰陰陽分布震雷出滯土不備壅辟在司  
 寇乃命其旅曰徇農師一之農正再之后稷三之  
 司空四之司徒五之大保六之大師七之大史八






柳宗元曰古之  
少精于誠者其  
道若曰吾猶耕  
云爾又曰吾以  
奉天地宗廟其  
禮誠善矣今而  
曰將何以求福  
用民政于戎而  
引是而合焉夫  
何惟而不居也  
又曰戰于千畝  
吾蓋羞之

何以

宗出廟字下  
乃謂其我  
而少也

國語  
之宗伯九之王則大徇釋穫亦如之民用莫不震  
動恪恭於農修其疆畔日服其耨不解於時財用  
不乏民用飶同是時也王事唯農是務無有求利  
於其官以干農功三時務農而一時講武故征則  
有威守則有財若是乃能媚於神而飶於民矣則  
享祀時至而布施優裕也今天子欲修先王之緒  
而棄其大功置神乏祀而困民之財將何以求福  
用民王弗聽三十九年戰於千畝王師敗績於姜  
氏之戎

天子藉田千畝諸侯百畝自厲王之流藉田禮  
廢宣王卽位不復遵古也藉借也借民力以爲  
之也規視也薄厚也慎積也農祥房星也晨正  
謂立春之日晨中於午也農事之候故曰農祥  
底至也天廟營室也孟春之月日月皆在營室  
脈理也農書曰春土冒嫩陳根可拔耕者急發  
震動也渝變也青災也言陽氣俱升土膏欲動  
當卽發動變寫其氣不然則脈滿氣結更爲災  
病穀乃不殖矣陽官春官距去也。不易不易物  
土之宜。淳沃也。濯洗也。饗飲也。鬱鬱金香草宜  
以和鬯酒也。周禮鬱人掌祿器凡祭祀賓客和  
鬱鬯以實彝而陳之。共王之齊鬯。饗人司尊也。  
瓚一柶之瓚也。班次也。王於下各三其上也。王  
一瓚。公三。卿九。大夫二十七。終。盡耕也。故饗也。  
音官。樂官。風土以音律省土風。風氣和則土氣  
養也。廩。御廩。一名神倉。鍾。聚也。布。賦也。辟在司  
寇。司寇行其罪也。旅。衆也。徇。行也。一之。先  
往也。大徇。帥公。御大夫親行農也。耨。鋤屬





突橋括劉紀  
能不道所以  
括法亦容乃  
心一也而法  
經史唯父母  
之父如字其  
凡地各人名  
皆音甫

將有所變即  
上之犯王命  
而不從也誅  
王命乃自出  
令而自誅之  
也俱在今王  
上說注非  
卒即律切終  
也盡也與兵  
卒之卒不同  
音兵卒之卒  
滅沒切

國語

魯武公以括與戲見王，王立戲，樊仲山父諫曰：不可立也。不順必犯，犯王命必誅，故出令不可不順也。令之不行，政之不立，行而不順，民將棄上，夫下事上，少事長，所以為順也。今天子立諸侯而建其少，是教逆也。若魯從之，而諸侯倣之，王命將有所壅。若不從而誅之，是自誅王命也。是事也，誅亦失。不誅亦失。天子其圖之。王卒立之，魯侯歸而卒，及魯人殺懿公而立伯御。三十二年，宣王伐魯，立孝公，諸侯從是而不睦。

括，武公長子伯括也。戲，括弟。懿公也。孝公，懿公之弟，屬也。王命將有所壅，言先王立長之命，將壅塞不行也。誅王命者，先王之命立長。今魯亦立長，若誅之，是自誅王命矣。

宣王欲得國子之能，導訓諸侯者，樊穆仲曰：魯侯孝，王曰：何以知之？對曰：肅恭明神，而敬事耆老，賦事行刑，必問於遺訓，而咨於故實，不干所問，不犯所咨，王曰：然則能訓治其民矣。乃命魯孝公於夷宮。

國子，同姓諸姬也。先王之子弟，謂之國子。導，訓諸侯，謂為州伯。夷宮者，夷王之廟。

宣王既喪南國之師，乃料民於大原，仲山父諫曰：

國語





汪道昆曰治民之官各盡其職而後民生可頌故引司民以下告之治民之事各得其理而後民業可興故引莫猶以下告之

神宗元口仲山氏采以職有所攝不待料而具而料之者政之也姑云爾而已矣又何以示少惡事為說况為大妄以謗乎後嗣成于神宗燕強之昆而以

是御出之廣誠則是幽之竹泉不足以及而料民以禍之也

鎮音珍史記神墳

國語

民不可料也。夫古者不料民而知其少多。司民協孤終。司商協名姓。司徒協旅。司寇協姦。牧協職。工協革。場協入。廩協出。是則少多死生出入往來者皆可知也。於是乎又審之以事。王治農於藉。蒐於農隙。耨穫亦於藉。獮於既烝。狩於畢時。是皆習民數者也。又何料焉。不謂其少而大料之。是示少而惡事也。臨政示少。諸侯避之。治民惡事。無以賦令。且無故而料民。天之所惡也。害於政而妨於後嗣。王卒料之。及幽王乃廢滅。

詩云。滔滔江漢。南國之紀。南國。江漢之間也。喪南國之師。敗于姜戎是也。料。數也。司民。掌登萬民之數。自生齒以上。皆書於版。協。合也。合其名籍。以登於王也。無父曰孤。終死也。司商。掌賜族受姓之官。旅。師旅。革。更也。更制度者。合其數也。藉。藉於千畝也。耨。穫亦於藉。言於藉。考課之。不謂其少云者。言王不謂其衆少。而大料數之。是示以寡少。又厭惡政事不能修之意也。臨政示少云者。言示天下以寡弱。諸侯將避遠也。言不親附也。

幽王三年。西周三川皆震。伯陽父曰。周將亡矣。夫天地之氣。不失其序。若過其序。民之亂也。陽伏而不能出。陰遁而不能烝。於是。有地震。今三川實震。是陽失其所。而鎮陰也。陽失而在陰。川源必塞。夫

國語





水土演而民用也。水土無演，民乏財用，不亡何待。昔伊洛竭而夏亡，河竭而商亡。今周德若二代之季矣。其川源又塞，塞必竭。夫國必依山川，山崩川竭，亡之徵也。川竭山必崩，若國亡，不過十年。數之紀也。夫天之所棄，不過其紀。是歲也，三川竭，岐山崩。十一年，幽王乃滅，周乃東遷。

丞，升也。陰氣在下，陽氣迫之，使不能升也。鎮，爲陰所鎮，竿也。水土氣通爲演。演，猶潤也。演則生物，民得用也。

變內傳作述

惠王三年，邊伯、石速、速，妻也。爲國出王而立王子積。王處

於鄭。三年，子積飲三大夫酒，子國爲客樂及徧儻。鄭厲公見，號叔曰：「吾聞之，司寇行戮，君爲之不舉，而况敢樂禍乎！今吾聞子積歌舞不思憂，夫出王而代其位，禍孰大焉！臨禍忘憂，是謂樂禍，禍必及之。」子織盍納王乎？號叔許諾。鄭伯將王自圍門入，號叔自北門入，殺子積及三大夫，王乃入。

王，魏嬖於莊王。生子積，子積有寵，爲國爲之師。及惠王卽位，取爲國之圖及邊伯之官。又收石速之秩，故三子出王而立子積。子國，爲國客。上客也。徧儻，六代之樂也。謂黃帝曰雲門，堯曰咸池，舜曰大招，禹曰大夏，殷曰大濩。周曰大武。一曰：諸大夫徧儻也。不舉，不舉樂也。






恭謹  
各太補不乃  
內傳之物

十五年有神降於莘王問於內史過曰是何故固  
有之乎對曰有之國之將興其君齊明衷正精潔  
惠餼其德足以昭其馨香其惠足以同其民人神  
饗而民聽民神無怨故明神降之觀其德政而均  
布福焉國之將亡其君貪冒辟邪淫佚荒怠麤穢  
暴虐其政腥臊馨香不登其刑矯誣百姓攜貳明  
神弗蠲而民有遠志去志民神怨痛無所依懷故神亦  
往焉觀其苛慝而降之禍是以或見神以興亦或  
以亡昔夏之興也融降於崇山其亡也回祿信於

舜或作錫

事性與法性

聆聆隧商之興也構構杙次於次丕山其亡也夷羊在牧  
周之興也鷺鷥鳴於岐山其衰也杜伯射王於郟  
是皆明神之志者也王曰今是何神也對曰昔昭  
王娶於房曰房后實有爽德協於丹朱丹朱馮身  
以儀之生穆王焉實臨照周之子孫而禍福之夫  
神壹不遠徙遷焉若由是觀之其丹朱乎王曰其  
誰受之對曰在虢土王曰然則何為對曰臣聞之  
道而得神是謂逢福淫而得神是謂貪禍今虢少  
荒其亡乎王曰吾其若之何對曰使犬宰以祝史






帥狸姓奉犧牲梁盛玉帛往獻焉無有所也王曰  
 號其幾何對曰昔堯臨民以五今其胃見神之見  
 也不過其物若由是觀之不過五年王使大宰忌  
 父帥傅氏及祝史奉犧牲玉鬯往獻焉內史過從  
 至號號公亦使祝史請土焉內史過歸告王曰號  
 必亡矣不禋同於神而求福焉神必禍之不親於民  
 而求用焉民必違之精意以享禋也慈保庶民親  
 也今號公動匱百姓以逞其違離民怒神而求利  
 焉不亦難乎十九年晉取號

鬯潔也融祝融也回祿火神每宿為信過信曰  
 次夷羊神獸牧高郊牧野鴛鴦鳳之別名周春  
 秋曰宣王殺杜伯而無辜後二年宣王會諸侯  
 田于圃杜伯起于道左衣朱衣朱冠操朱弓朱  
 矢射宣王中心折脊而死志記也記錄在史籍  
 者與亡也馮依也儀匹也壹一心依馮於人也  
 狸姓丹朱之後胃後也物物  
 數也傅氏狸姓在周為傅氏

襄王使召公過及內史過賜晉惠公命呂甥卻芮  
 相晉侯不敬晉侯執玉卑拜不稽首內史過歸以  
 告王曰晉不亡其君必無後且呂卻將不免王曰  
 何故對曰夏書有之曰衆非元后何戴后非衆無  
 與守邦在湯誓曰余一人有臯無以萬夫萬夫有

舉古文釋字  
 泰以其似皇  
 字改為罪





屠隆曰引三書  
似無根着而實  
有深意夏書見  
不可不敬王而  
舉其上湯誓見  
不可虐處者而  
陵其民版庚見  
不可廢心遠却  
而施其河惡故  
總之曰長衆使  
民不可不慎也  
暗舍發諫一篇  
綱領

批按可存

諸亦工

學音至或作  
贊

少古

嗜句雅字

臯在余一人。在般<sup>然</sup>。庚曰。國之臧。則維女<sup>女</sup>衆。國之不  
臧。則維余一人。是有逸罰。如是。則長衆使民。不可  
不慎也。民之所急。在於大事。先王知大事之必以  
衆濟也。故祓除其心。以飭惠民。考中度衷。以泄之。  
昭明物則以訓之。制義庶乎以行之。祓除其心。精  
也。考中度衷。忠也。昭明物則。禮也。制義庶乎。信也。  
然則長衆使民之道。非精不飭。非忠不立。非禮不  
順。非信不行。今晉侯卽位而背外內之賂。虐其處  
者。棄其信也。不敬王命。棄其禮也。施其所惡。棄其

忠也。以惡實心。棄其精也。四者皆棄。則遠不至而  
近不蘇矣。將何以守國。古者先王既有天下。又崇  
立上帝明神而敬事之。於是乎有朝日夕月。以教  
民事君。諸侯春秋受職於王。以臨其民。大夫士日  
恪位<sup>也</sup>。箸以儆其官。庶人工商各守其業。以共其上。  
猶恐有墜失也。故爲車服旗章以旌之。爲摯幣瑞  
節以鎮之。爲班爵貴賤以列之。爲令聞嘉譽以聲  
之。猶有散遷解慢。而箸在刑辟。流在裔土。於是乎  
有夷蠻之國。有斧鉞刀墨之民。而況可以淫縱其





說文無疊字  
古但作妮  
任而林切又  
而鶴切

身乎夫晉侯非嗣也而得其位疊疊怵惕保任戒懼猶曰未也若將廣其心而遠其鄰陵其民而卑其上將何以固守夫執玉卑替其摯也拜不稽首誣其王也替摯無鎮誣王無民夫天事恒象任重享大者必速及故晉侯誣王人亦將誣之欲替其鎮人亦將替之大臣享其祿弗諫而阿之亦必及焉襄王三年而立晉侯八年而隕於韓十六年而晉人殺懷公無胄秦人殺子金子公

命瑞命諸侯即位天子賜之命圭以為瑞節一曰命服也諸侯七命冕服七章大事戎祀也

猶拂也。漼。臨也。考省已之中心。以度人之心。恕以臨之也。庶。衆也。孚。信也。背外賂。不予秦地。背內賂。不予里平之田也。虐其處者。殺里平之黨也。中庭之左右曰位。門屏之間曰著。旌表也。鎮。重也。替。廢也。廢其執摯之禮也。恒。常也。事善象吉。事惡象凶。胄。後也。子金子。錫。子公。卻芮之也。字。

襄王使大宰文公及內史與賜晉文公命上卿逆於境晉侯郊勞館諸宗廟饋九牢設庭燎及期命於武宮設桑主布几筵大宰漼之晉侯端委以入大宰以王命命冕服內史贊之三命而後即冕服既畢賓饗贈餞如公命侯伯之禮而加之以宴好

燦力燒切又  
力召切





內史興歸以告王曰晉不可不善也其君必霸逆王命敬奉禮義成敬王命順之道也成禮義德之則也則德以道諸侯地皆事諸侯必歸之且禮所以觀忠信仁義也忠所以分也仁所以行也信所以守也義所以節也忠分則均仁行則報信守則固義節則度分均無怨行報無匱守固不偷節度不攜若民不怨而財不匱令不偷而動不攜其何事不濟中能應外忠也施三服義仁也守禮不淫信也行禮不疚義也臣入晉境四者不失臣故曰晉侯其

能禮矣王其善之樹於有禮艾人必豐王從之使於晉者道相逮也及惠后之難王出在鄭晉侯納之襄王十六年立晉文公二十一年以諸侯朝於衡音離且獻楚捷遂為踐土之盟於是乎始霸

武宮文公之祖武公之廟也端委說云衣玄端冠委貌諸侯祭服也韋氏云此士服也諸侯之子未受爵命服士服也奉禮義成謂三讓賓饗之屬皆如禮度得其度也施三謂三讓也服義服得其宜謂端委也艾報也惠后惠王之后襄王繼母陳媯也陳媯有寵生子帶將立未及而卒子帶奔齊王復之又適於襄王之后隗氏王替隗氏周大夫頹叔桃子奉帶以翟師伐周王出適鄭處於汜魯僖二十五年晉侯納王于周而殺子帶襄王十六年魯僖之二十四年也





它古文他字


可厭

襄王十三年鄭人伐滑王使游孫伯請滑鄭人執之王怒將以翟伐鄭富辰諫曰不可人有言曰兄弟讒聞侮人百里周文公之詩曰兄弟鬩于墻外禦其侮若是則鬩乃內侮而雖鬩不敗親也鄭在天子兄弟也鄭武莊有大動力於平桓凡我周之東遷晉鄭是依子頹之亂又鄭之由定今以小忿棄之是以小怨置大德也無乃不可乎且夫兄弟之怨不徵於它徵於它利乃外矣章怨外利不義棄親即翟不祥以怨報德不仁夫義所以生利也

蘇篆文和字古今通用

內傳富辰之言曰報者德矣施者木版秋因貪憚王又勝之女德無極婦德無終秋必為患只二十八字語簡意盡

祥所以事神也仁所以保民也不義則利不阜不祥則福不降不仁則民不至古之明王不失此三德者故能光有天下而蘇寧百姓令聞不忘王其不可以棄之王不聽十七年王降翟師以伐鄭王德翟人將以其女為后富辰諫曰不可夫婚姻禍福之階也利內則福由之利外則取禍今王外利矣其無乃階禍乎昔摯疇之國也由大任太杞繪由大奴齊許申呂由大姜陳由大姬是皆能內利親親者也昔鄆之亡也由仲任密須由伯姑極乙鄆由叔






云云  
姁聃由鄭姬息由陳媯鄧由楚曼羅由季姬廬由  
荆媯是皆外利離親者也王曰利何如而內何如  
而外對曰尊貴明賢庸勳長老愛親禮新親舊然  
則民莫不審固其心力以役上令官不易方而財  
不匱竭求無不至動無不濟百姓兆民夫人奉利  
而歸諸上是利之內也若七德離判民乃攜貳各  
以利退上求不暨是其外利也夫翟無列於王室  
鄭伯南也王而卑之是不尊貴也翟豺狼之德也  
鄭未失周典王而蔑之是不明賢也平桓莊惠皆

宋徐錫禧錄  
國有法

獻一占切又  
行能切

受鄭勞王而棄之是不庸勳也鄭伯捷之齒長矣  
王而弱之是不長老也翟隗姓也鄭出自宣王王  
而虐之是不愛親也夫禮新不聞舊王以翟女聞  
姜任非禮且棄舊也王一舉而棄七德臣故曰利  
外矣書有之曰必有忍也若能有濟也王不忍小  
忿而棄鄭又登叔隗以階翟翟封豕豺狼也不可  
厭也王弗聽十八年王黜翟后翟人來誅殺譚伯  
富辰曰昔吾驟諫王王弗從以及此難若我不出  
王其以我為懟乎乃以其屬死之初惠后欲立王





子帶故以其黨啓翟人翟人遂入周王乃出居於鄭晉文公納之

先是鄭伐滑滑人聽命鄭師還又卽衛故鄭師又伐滑鄭文公怨惠王之入而不與厲公爵又怨襄王之與衛滑故不聽王命而執王使問侮也兄弟雖以讒言相違狠猶禁禦它人侵侮已者徵召也降下也擊時太任之家也太任王季之妃把綰太叔之家也太叔文王之妃齊許申呂皆姜姓太姜之家也太姜太王之妃陳媯姓大姬武王元女內利內行七德親親以申固其家也仲任氏女爲驪夫人伯姬密須之女也鄆姓叔姪鄆夫人稱姬姓鄭姬稱夫人亦其嬖姓所以亡也陳媯息侯夫人傅稱楚子滅息以息媯歸是也楚曼媯女爲楚武王夫人生文王過鄧而利其國遂滅鄧而兼之季姬羅夫人荆媯媯女爲荆夫人荆楚也外利行淫僻求利於


高法會命書

平鋪起

請隨事簡而此乃最詳

黃佐

外不能親親以亡其國也夫人猶人人也暨至也列位次也伯南者賈侍中云在南服之侯伯也或云南南面而君也鄭司農云南謂子男畿內之諸侯雖爵於侯伯周之舊法皆食子男之地也蔑小也開代也姜氏任氏之女世爲王妃今以翟女代之爲棄舊也階階翟禍也封大也  
晉文公既定襄王於郊王勞之以地辭請隧焉王弗許曰昔我先王之有天下也規方千里以爲甸服以共上帝山川百神之祀以備百姓兆民之用以待不庭不虞之患其餘以均分公侯伯子男使各有寧宇以順及天地無逢其災害先王豈有賴焉內官不過九御外官不過九品足以共給神祇






真西山曰晉文  
定哀王自以為  
不世之功其請  
德也蓋寢平  
窺大物之漸王  
日之曰私德曰  
私勞所以折其  
驕矜不憂之意  
玩其辭氣若優  
游而實峻致其  
可為論者諸侯  
之法

而已豈敢狀縱其耳目心腹以亂百度亦唯是死  
生之服物采章以臨長百姓而輕重布之王何異  
之有今天降禍災於周室余一人僅亦守府又不  
伎以勤叔父而班先王之**大物**以賞私德其叔父  
實應且憎以非余一人余一人豈敢有愛也先民  
有言曰改玉改行叔父若能光裕大德更姓改物  
以創制天下自顯庸也而縮取備物以鎮撫百姓  
余一人其流辟於裔土何辭之與有若由是嬖姓  
也尚將列為公侯以復先王之職大物其未可改

也叔父其茂昭明德物將自至余敢以私勞變前  
之大章以忝天下其若先王與百姓何何政令之  
為也若不然叔父有地而隧焉余安能知之文公  
遂不敢請受地而還

郊洛邑王城之地也賈侍中云王之葬禮闕地  
通路曰隧韋氏云隧六隧也周禮天子遠郊之  
內有六鄉則六軍之事也外有六隧掌供王之  
貢賦唯天子有隧諸侯則無規規畫而有之也  
賴利也言無所利皆均分諸侯也王何異之有  
帝王皆然也勤勞也應猶受憎惡也言晉文雖  
當私賞猶非我一人也玉佩玉所以節行步也  
君臣尊卑遂速有節言服其服器行其禮晉侯  
尚在臣位不宜有隧也改物改正朔易服色也  
創造也庸用也謂為天子造創制度自顯用於





古法

土辭

天下也。  
縮引也。

王至自鄭以陽樊賜晉文公陽人不服晉侯圍之  
 倉葛呼曰王以晉君為德故勞之以陽樊陽樊懷  
 我王德是以未從於晉謂君其何德之布以懷柔  
 之使無有遠志今將大泯其宗祊而蔑殺其民人  
 宜吾不敢服也夫三軍之所尋將蠻夷戎翟之驕  
 逸不虔於是乎致武此羸者陽也未狎君政故臣  
 承命君若惠及之唯官是徵其敢逆命何足以辱  
 師君之武震無乃玩而頰乎臣聞之曰武不可觀

找得嚴厲  
德虛守相照

文不可匿觀武無烈匿文不昭陽不承獲甸而祇  
 以觀武臣是以懼不然其敢自愛也且夫陽豈有  
 喬民夫亦皆天子之父兄甥舅也若之何其虐之  
 也晉侯聞之曰是君子之言也乃出陽民

陽樊一邑。廟門謂之祊。羸弱也。狎習也。觀見也。  
 匿隱也。祇適也。言陽人既不得承王室為甸服。  
 又懼晉不惠恤其民。適以震威耀武而見殘破。  
 不然豈敢自愛而不服乎。喬民謂凶惡之民。放  
 在荒  
 裔者

溫之會晉人執衛成公歸之於周晉侯請殺之王  
 曰不可夫政自上下者也上作政而下行之不逆

以殺叔武稅  
之亦未為不  
是殺之則其  
矣王以上下  
為言尚有與  
刑哉






故上下無怨。今叔父作政而不行，無乃不可乎？夫君臣無獄，今元咺雖直，不可聽也。君臣皆獄，父子將獄，是無上下也。而叔父聽之，一逆矣。又為臣殺其君，其安庸刑，布刑而不庸，再逆矣。一合諸侯而有再逆政，余懼其無後也。不然，余何私於衛侯？晉人乃歸衛侯。

晉文公討不服，衛成公恃楚而不從，聞楚師敗于城濮，懼，出奔楚，使元咺奉叔武以受盟于踐土。或怨元咺曰：立叔武矣。衛侯殺其子角。咺不廢命，奉叔武以守。晉人復衛侯。衛侯先期入，叔武將沐，聞君至，喜，提髮走出，前驅射而殺之。元咺出奔晉。晉于溫，討不服也。衛侯與元咺訟，不勝。故晉侯執之，歸之於京師。不行，謂不順也。言晉侯不行德政，而聽元咺之懇，欲殺衛侯也。無後，無以復合諸侯也。

二十四年，秦師將襲鄭，過周北門，左右免胄而下，超乘者三百乘。王孫滿觀之，言於王曰：秦師必有譴。王曰：何故？對曰：師輕而驕，輕則寡謀，驕則無禮。無禮則脫，寡謀自陷，入險而脫，能無敗乎？秦師無譴，是道廢也。是行也，秦師還，晉人敗諸殺，獲其三帥丙、術、視。

兵車參乘，御在中央，故左右下也。胄，兜鍪也。免，脫也。脫胄而下，敬天王也。超乘，跳躍而上車，譴





殺或作肴

破殺之疑數  
言可免切  
浮漫無可採

治本平聲借  
為去聲凡平  
聲不音  
吉人即今之  
通事

嘉不

禮記卷六

猶答也。脫簡脫也。言不敦旅整陳。  
丙術視謂白乙丙。酉乞術孟明視。

晉侯使隨會聘於周。定王饗之。殺烝。原公相禮。范  
子私於原公曰。吾聞王室之禮無毀折。今此何禮  
也。王見其語也。召原公而問之。原公以告王。召士  
季曰。子弗聞乎。禘郊之事。則有全烝。王公立飫。則  
有房烝。親戚宴饗。則有殺烝。今女非它也。而叔父  
使士季實來。修舊德。以獎王室。唯是先王之宴禮。  
欲以貽女。余一人敢設飫禘焉。忠非親禮。而干舊  
職。以亂前好。且唯夫戎翟。則有體薦。夫戎翟冒沒

輕儇。貪而不讓。其血氣不治。若禽獸焉。其適來班  
貢。不俟馨香嘉味。故坐諸門外。而使舌人體委。與  
之女。今我王室之一二兄弟。以時相見。將飫協典  
禮。以示民訓。則無亦擇其柔嘉。選其馨香。潔其酒  
醴。品其百遵。修其簠簋。奉其犧象。出其尊彝。陳其  
鼎俎。靜其中。羃敬其祓除。體解節折。而共飲食之。  
於是乎有折俎。加豆。酬幣。宴貨。以示容合好。胡有  
孑然。其效戎翟也。夫王公諸侯之有飫也。將以講  
事。成章。建大德。昭大物也。故立成禮。烝而已。飫以





不可

持券用


顯物、宴以食好、歲飲不倦、時宴不淫、月會旬修、日完不忘、服物昭庸、采飾顯明、文章比象、周旋序順、容貌有崇、威儀有則、五味實氣、五色精心、五聲昭德、五義紀宜、飲食可饗、飶同可觀、財用可嘉、則順而建德、古之善禮者、將焉用全、烝武子遂不敢對而退、歸乃講聚三代之典禮、於是乎修執秩以為晉法。

隨會士為之孫。隨武子也。字季。食采於隨。范。故或曰隨會。或曰范子。或曰士季。或曰武子。烝。升也。烝。升。體解節折之俎。謂之折俎也。全。烝。全具牲體而升之也。禮之立成者為餼。房。大俎也。

謂半解其體。升之房也。奠。成也。忠。厚也。親。禮。親戚。宴享之禮也。舊。職。故事。冒。抵觸也。沒。入也。僂。進退上下無列也。班。賦也。古人能達異方之志。象。胥之官也。儀。儀尊。象。象尊。禮。烝而已者。升其備物而已也。日。完。日。完。一日之所為。不忘。不忘其禮也。庸。功也。冕。服。旗。章。所以昭有功。采。色之飾。所以顯明德也。文章。黼。黻。錦。繡。之文章也。比。象。比。文。以。象。山。龍。華。蟲。之屬。崇。飾。也。五。色。精。心。五。色。之。章。所以異賢不肖。精。其。心。也。五。聲。昭。德。聞。其。樂。知。其。德。也。五。義。謂。父。義。母。慈。兄。友。弟。恭。子。孝。也。則。順。之。則。法。也。晉。文。公。蒐。于。被。廬。作。執秩之法。靈公以來。闕而不用。武子修之。

定王使單襄公聘於宋、遂假道於陳、以聘於楚、火朝覲矣、道弗可行也、候不在疆、司空不視塗、澤不陂、川不梁、野有庾積、場功未畢、道無列樹、墾田

工辭  
幸注  
錄句云工且  
銘錄有故





楚製之田生子  
如如或時可得  
田在字間也

按注施舍者所  
以施舍賓客負  
任之處則施當  
作弛式爾切

禮大方准以送  
注

潤下各切又戶  
各切

既其高遠據據  
相直宜以爲據  
注

典

救去聲一云如  
字

高啟臨古而仍  
今字之非也  
據論和石之君  
祭原道而祖

如谷志令中火

量即織字同于  
六切又于救切  
按經史多從于  
救切與于六切  
又鳥報切

國語

若莠膳宰不致餼司里不投館國無寄寓縣無施

舍民將築臺於夏氏及陳陳靈公與孔寧儀行父

南冠以如夏氏留賓弗見單子歸告王曰陳侯不

有大咎國必亡王曰何故對曰夫辰角見而雨畢

天根見而水涸本見而草木節解駟見而隕霜火

見而清風戒寒故先王之教曰雨畢而除道水涸

而成梁草木節解而備藏隕霜而冬裘具清風至

而修城郭宮室故夏令曰九月除道十月成梁其

時儆曰收而場功稷而春揭營室之中土功其始

火之初見期於司里後此先王之所以不用財賄而

廣施德於天下者也今陳國火朝覲矣而道路若

塞野場若棄澤不陂鄆川無舟梁是廢先王之教

也周制有之曰列樹以表道立鄙食以守路國有


郊牧置有寓望藪有圃草固有林地所以禦災也

其餘無非穀土民無縣耜野無與草不奪民時不

蔑民功有優無置有逸無罷國有班事縣有序民

今陳國道路不可知田在草間功成而不收民罷

於逸樂是棄先王之法制者也周之秩官有之曰





分一作介

敵國賓至關尹以告行理以節逆之候人為導卿  
出郊勞門尹除門宗祝執祀司里授館司徒具徒  
司空視塗司寇詰姦虞人入材甸人積薪火師監  
燎水師監濯膳宰致饗廩人獻餼司馬陳芻工人  
展車百官官以物至賓人如歸是故小大莫不懷  
愛其貴國之賓至則以班加一等益虔至於王使  
則皆官正蒞事上卿監之若王巡守則君親監之  
今雖朝也不才有分族於周承王命以為過賓於  
陳而司事莫至是蔑先王之官也先王之令有之

傳即記切說  
大作為支切  
讀或作蹟又  
作蹟古字通

曰天道賞善而罰淫故凡我造國無從非彛無卽  
悖淫各守爾典以承天休今陳侯不念胤續之常  
棄其仇儷妃嬪而帥其卿佐以淫於夏氏不亦瀆  
姓矣乎陳我大姬之後也棄衮冕而南冠以出不  
亦簡彛乎是又犯先王之令也昔先王之教茂率  
其德也猶恐隕越若廢其教而棄其制蔑其官而  
犯其令將何以守國居大國之間而無此四者其  
能久乎六年單子如楚八年陳侯殺於夏氏九年  
楚子入陳

殺申志切或  
作試







聘禮若過國至於境使次介假道東帛將命於廟時天子微弱故以諸侯之禮假道火心星朝見謂夏之十二月晨見於辰也草穢塞路為蕪候候人阪鄆也蕪猶蕪也言其稀少猶若蕪物寓亦寄也辰角大辰蒼龍之角宿朝見謂東方建戌之初寒露節也天根亢氏之間寒露之後五日天根朝見也本氏也寒露後十日陽氣盡草木之枝節皆理解也朝房星朝見建戌之中火見霜降之後侍具也揭昇土器也定謂之營室謂建亥小雪之中定星昏正於午詩云定之方中作於楚宮是也期會也致其築作之具會於司里之官也鄆四鄙十里有廬虛有飲食晷境也境界之上有寄寓之舍候望之人也民無縣邦言常用也野無與草皆墾闢也蔑稊也秩官周常官篇名理吏也行理小行人燕食曰餐生曰饘展車展省客車補傷敗也朝單子名侂對儻偶也夏徵舒靈公之從祖父也而淫其妻是為潰姓簡彛言其棄禮簡畧常服也

大可感

詩經卷之二  
話能討分曉

敬立列切又  
勅列切

定王八年使劉康公聘於魯發幣於大夫季文子孟獻子皆儉叔孫宣子東門子家皆侈歸王問魯大夫孰賢對曰季孟其長處魯乎叔孫東門其亡乎若家不亡身必不免王曰何故對曰臣聞之為臣必臣為君必君寬肅宣惠君也敬恪恭儉臣也寬所以保本也肅所以濟時也宣所以教施也惠所以保民也本有保則必固時動而濟則無敗功教施而宣則徧惠以蘇民則阜若本固而功成施徧而民阜乃可以長保民矣其何事不徹敬所以

國語

二十六



承命也。恪所以守業也。恭所以給事也。儉所以足用也。以敬承命，則不違。以恪守業，則不懈。以恭給事，則寬於死。以儉足用，則遠於憂。若承命不違，守業不懈，寬於死而遠於憂，則可以上下無隙矣。其何任不堪。上任事而微，下能堪其任，所以為令聞長世也。今夫二子者，儉其能，足用矣。用足則族可以庇。二子者，侈侈則不恤。置匱而不恤，憂必及之。若是則必廣其身。且夫人臣而侈，國家弗堪，亡之道也。王曰：幾何？對曰：東門之位，不若叔孫，而秦侈

焉，不可以事二君。叔孫之位，不若季孟，而亦秦侈焉，不可以事三君。若皆蚤世，猶可。若登年以載其毒，必亡。十六年，魯宣公卒，赴者未及。東門氏來告亂。子家奔齊。簡王十一年，魯叔孫宣伯亦奔齊。成公未沒二年。

廣其身，務自廣大，不顧其上也。東門大夫，叔孫下卿。季孟，上卿。登年，多歷年也。東門子家，謀去三桓，使如晉，未及。宣公薨，三桓遂子家，遂奔齊也。赴者未及，明不及二君來告。告周也。宣伯遁於宣公夫人穆姜，欲去季孟而專公室。國民逐之。故出奔齊。言成公未沒二年，明不及三君也。  
簡王八年，魯成公來朝，使叔孫僑如先聘，且告見





柳宗元曰夫  
惡取孫者恣  
侈貪陵則可  
矣方上而視  
下非所以得  
罪於天子

王孫說與之語說言於王曰魯叔孫之來也必有  
異焉其享覲之幣薄而言諂殆請之也若請之必  
欲賜也魯執政唯彊故不歡焉而後遣之且其狀  
方上而鏡下宜觸冒人王其勿賜若貪陵之人來  
而盈其願是不賞善也且財不給故聖人之施舍  
也議之其喜怒取予也亦議之是以不主寬惠亦  
不主猛殺主德義而已王曰諾使私問諸魯請之  
也王遂不賜禮如行人及魯侯至仲孫蔑為介王  
孫說與之語說讓說以語王王厚賄之


魯執政唯強魯執政之人唯畏其強難拒其欲故不歡說而遣之也介上介所以佐相禮儀說讓言蔑好讓

卻乞逆切控  
且下音色與  
卻逆之御不  
同御乞約切  
與却同俱從  
且下音節

為注

強巨兩切又  
其亮切

晉既克楚於鄆使郤至告慶於周未將事王叔簡  
公飲之酒交酬好貨皆厚飲酒宴語相說也明日  
王叔子譽諸朝郤至見召桓公與之語召公以告  
單襄公曰王叔子譽溫季以為必相晉國相晉國  
必大得諸侯勸二三君子必先導焉可以樹今夫  
子見我以晉國之克也為已實謀之曰微我晉不  
戰矣楚有五敗晉不知乘我則強之背宋之盟一





德也勇辨而  
指不勞者皆  
勝而險謀也

行下浪切經  
典多戶即切

微謀言不止  
於善謀以終  
上文已實述  
之惡禮弓類  
微言而已矣  
如此解注軍  
無謀策似未

柳宗元曰御氏  
良大夫不幸其  
宗優而充兄弟  
之不令而智不  
能周強不能制  
禮晉厲之淫暴  
諸嬖竊據以利  
其室幸及於禍  
吾嘗憐焉今夫  
執筆者以其及  
也而必求其惡  
以補於後世然  
則有大惡幸而  
得終者則因掩  
矣


幸法

必厚德之謂

國語

也薄德而以地賂諸侯二也棄壯之良而用幼弱  
三也建立卿士而不用其言四也夷鄭從之三陳  
而不整五也舉不由晉晉得其民四軍之帥旅力  
方剛卒伍治整諸侯與之是有五勝也有辭一也  
得民二也軍帥彊禦三也行列治整四也諸侯輯  
睦五也有一勝猶足用也有五勝以伐五敗而避  
之者非人也不可以不戰樂范不欲我則強之戰  
而勝是吾力也且夫戰也微謀吾有三伐勇而有  
禮反之以仁吾三逐楚君之卒勇也見其君必下

而趨禮也能獲鄭伯而赦之仁也若是而知晉國  
之政楚越必朝吾曰子則賢矣抑晉國之舉也不  
失其次吾懼政之未及子也謂我曰夫何次之有  
昔先大夫荀伯自下軍之佐以政趙宣子未有軍  
行而以政今欒伯自下軍往是三子也吾又過於  
四之無不及若佐新軍而升為政不亦可乎將必  
求之是其言也君以為奚若襄公曰人有言曰兵  
在其頸其郤至之謂乎君子不自稱也非以讓也  
惡其蓋人也夫人性陵上者也不可蓋也求蓋人





以上字易下  
字均有效

其抑下滋甚故聖人貴讓且諺曰獸惡其網民惡  
其土書曰民可近也而不可土也詩曰豈弟君子  
求福不回在禮敵必三讓是則聖人知民之不可  
加也故王天下者必先諸民然後庇焉則能長利  
今郤至在七人之下而欲土之是求蓋七人也其  
亦有七怨怨在小醜猶不可堪而況在侈卿乎其  
何以待之晉之克也天有惡於楚也故傲之以晉  
而郤至佻天意以爲已力不亦難乎佻天不祥乘人  
不義不祥則天棄之不義則民畔之且郤至何三

伐之有夫仁禮勇皆民之爲也以義死用謂之勇  
奉義順則謂之禮畜義豐功謂之仁姦仁爲佻姦  
禮爲羞姦勇爲賊夫戰盡敵爲上守師同順義爲  
上故制戎以果毅制朝以序成畔戰而擅舍鄭君  
賊也棄毅行容羞也畔國卽讎佻也有三姦以求  
替其上遠於得政矣以吾觀之兵在其頸不可久  
也雖吾王叔未能違難在大誓曰民之所欲天必  
從之王叔欲郤至能勿從乎郤至歸明年死難及  
伯輿之獄王叔陳生奔晉





透即迂字一  
于切又一紐  
切  
柳宗元曰以  
語之迂而曰  
宜死則單于  
之語迂之大  
者

晉厲公伐鄭。楚人救之。戰於鄆陵。楚師敗績。樹  
檟黨於晉也。事不由晉言楚叛盟非晉之辜。故  
晉有辭也。微諱言軍無謀策。微無也。伐功也。先  
諸民先求民志也。庇猶蔭也。言王者先安民。然  
後自庇蔭也。庇偷也。姦仁以姦偽行仁也。守和  
同謂不相與戰而平和也。容儀容也。謂下趨也。  
違避也。明年郤至為厲公所殺。王叔陳生與  
伯與爭政。王右伯與。王叔不勝。遂出奔晉。

柯陵之會。單襄公見晉厲公。視遠步高。晉郤錡見  
單子。其語犯郤欒。見其語迂。郤至見其語伐齊國。  
佐見其語盡。魯成公見言及晉難。及郤欒之譖。單  
子曰。君何患焉。晉將有亂。其君與三郤其當之乎。  
魯侯曰。寡人懼不免於晉。今君曰將有亂。敢問天

道乎。抑人故也。對曰。吾非瞽史焉。知天道。吾見晉  
君之容而聽三郤之語矣。殆必禍者也。夫君子目  
以定體。足以從之。是以觀其容而知其心矣。目以  
處義。足以步目。今晉侯視遠而足高。目不在體而  
足不步目。其心必異矣。目體不相從。何以能久。夫  
合諸侯國之大事也。於是乎觀存亡。故國將無咎。  
其君在會。步言視聽。必皆無謫。則可以知德矣。視  
遠日絕其義。足高日棄其德。言爽日反其信。聽淫  
日離其名。夫目以處義。足以踐德。口以庇信。耳以

謫或作諛





典二語妙云  
以何說  
舊注云與當  
是喪字誤

名吉

經字一轉亦  
自有法

聽名者也故不可不慎也偏喪有咎既喪則國從  
之晉侯爽二吾是以云夫郤氏晉之寵人也三卿  
而五大夫可以戒懼矣高位寔疾債厚味寔腊毒  
今郤伯之語犯叔适季伐犯則陵人适則誣人伐  
則拚人有是寵也而益之以三怨其誰能忍之雖  
齊國子亦將與焉立於淫亂之國而好盡言以招  
人過怨之本也唯善人能受盡言齊其有乎吾聞  
之國德而鄰於不修必受其福今君偏於晉而鄰  
於齊齊晉有禍可以取伯新無德之患何憂於晉且  
夫長翟之人利而不義其利淫矣流之若何魯侯  
歸乃逐叔孫僑如簡王十一年諸侯會於柯陵十  
二年晉殺三郤十三年晉侯殺於翼東門葬以車  
一乘齊人殺國武子

魯成十七年公會尹子單子晉侯齊國佐邾人  
於柯陵以伐鄭言及晉難語次及晉將罪已之  
難及為郤擊所誣也晉將伐鄭使欒黶乞師於  
魯成公將如會叔孫僑如通於成公之母穆姜  
欲去季孟而取其室姜氏送公使逐季孟公以  
晉難告請反而聽命姜怒公子偃公子鉏趨過  
指之曰汝不可此皆君也公懼待於壞墮敵守  
而後行故不及戰郤擊受僑如之賂為之講魯  
於晉侯曰魯侯後至將以待勝者也晉侯怒不  
見公故公為單子言之淫濫也離失也名聲也





敬彼義切又  
猶火切  
左氏內傳大  
柳敬整外傳  
大都浩翰此  
篇浩翰中具  
有敬整


可原之善

疾速。饋。饋也。腊。臘也。三。怨。陵。誣。掩也。國德。已。國  
有德也。鄰於不修。與不修德者為鄰也。長翟之  
人。謂僑如也。僑如之父。敗翟於鹹。獲長翟。僑如  
因名其子。其利淫矣。言其所利。驕淫之事耳。流  
也。放

晉孫談之子周適周事單襄公立無跛視無還聽  
無聳言無遠言敬必及天言忠必及意言信必及  
身言仁必及人言義必及利言知必及事言勇必  
及制言教必及辯言孝必及神言惠必及蘇言讓  
必及敵晉國有憂未嘗不戚有慶未嘗不怡襄公  
有疾召頃公而告之曰必善晉周將得晉國其行

也文能文則得天地天地所胙小而後國夫敬文  
之恭也忠文之實也信文之孚也仁文之愛也義  
文之制也知文之與也勇文之帥也教文之施也  
孝文之本也惠文之慈也讓文之材也象天能敬  
帥意能忠思身能信愛人能仁利制能義事建能  
知帥義能勇施辯能教昭神能孝慈蘇能惠推敵  
能讓此十一者夫子皆有焉天六地五數之常也  
經之以天緯之以地經緯不爽文之象也文王質  
文故天胙之以天下夫子被之矣其昭穆又近可


昭穆之昭當  
作昭





以得國且夫立無跋正也視無還端也聽無聳成也言無遠慎也夫正德之道也端德之信也成德之終也慎德之守也守終純固道正事信明令德矣慎成端正德之相也爲晉休戚不背本也被文相德非國何取成公之歸也吾聞晉之筮之也遇乾之否曰配而不終君三出焉一旣往矣後之不知其次必此且吾聞之成公之生也其母夢神規其臀以墨曰使有晉國三而畀驩之孫故名之曰黑臀於今再矣襄公曰驩此其孫也而令德孝恭非此其誰且其夢曰必驩之孫實有晉國其卦曰必三取君於周其德又可以君國三襲焉吾聞之大誓故曰朕夢協于朕卜襲于休祥戎商必克以三襲也晉仍無道而鮮冑其將失之矣必蚤善晉子其當之也頃公許諾及厲公之亂召周子而立之是爲悼公

晉自獻公用驪姬之讒誣不畜羣公子故孫周適周事單襄公談晉襄公之孫惠伯談也周談之子跋偏任也睛轉復反爲還言義必及利者能利人物然後爲義易曰利物足以和義言讓必及敵者雖在匹敵猶以禮讓也胙福也天之所福小則得國也天子晉周也天六地五者天







國語

有六氣地有五行六氣陰陽風雨晦明也質文其質性有文德也。被被服之也。成公之歸自周歸於晉也。配配先君也。不終子孫不終為君也。君三出焉三出於周也。一謂成公規畫也。界予也。襲合也。二襲德夢卦也。

使剛二石倍言必為善文  
平補起

唐俗本作塘說  
大無塘字摩皮  
彼切說文便得  
切沈直林切俗  
作泥非

過丁南切又  
持心切

宿古崇字

靈王二十二年穀洛鬪將毀王宮王欲壅之天子晉諫曰不可晉聞古之長民者不墮山不崇藪不防川不竇澤夫山土之聚也藪物之歸也川氣之導也澤水之鍾也夫天地成而聚於高歸物於下疏為川谷以導其氣疏成陂唐汚庫以鍾其美是故聚不隳崩而物有所歸氣不沈滯而亦不散越是以

民生有財用而死有所葬然則無天昏札瘥之憂而無饑寒乏匱之患故上下能相固以待不虞古之聖王唯此之慎昔共工棄此道也虞於湛樂淫失其身欲壅防百川墮高墜庫以害天下皇天弗福庶民弗助禍亂並興共工用滅其在有虞有宿伯鯀播其淫心禰遂共工之過堯用殛之於羽山其後伯禹念前之非度釐改制量象物天地比類百則儀之於民而度之於羣生共之從孫四岳佐之高下下疏川道滯鍾水豐物封崇九山決汨

國語



與于六切又  
于報切

何其遠也  
得工各精志  
或可耳

祀或為氏  
交五今為厥  
祭

祭滿社切  
以作祭

九川、陂、鄆、九澤、豐、殖、九藪、汨、越、九原、宅居九隩、合  
通四海、故天無伏陰、地無散陽、水無沈氣、火無災  
燿、神無閉行、民無淫心、時無逆數、物無害生、帥象  
禹之功、度之於軌儀、莫非嘉績、克厭帝心、皇天嘉  
之、胙以天下、賜姓曰姁、氏曰有夏、謂其能以嘉社  
殷富生物也、胙四岳、國命為侯伯、賜姓曰姜、氏曰  
有呂、謂其能為禹股肱、心膂以養物、豐民人也、此  
一王、四伯、豈繁多寵、皆亡王之後、唯能釐舉嘉義、  
以有胤在下、守祀不替其典、有夏雖衰、杞、鄫猶在、

申呂雖衰、齊許猶在、唯有嘉功、以命姓受祀、迄於  
天下、及其失之也、必有惰淫之心、閒之、故亡其氏  
姓、踣弊不振、絕後無主、堙替隸圉、夫亡者、豈繁無  
寵、皆黃炎之後也、唯不帥天地之度、不順四時之  
序、不度民神之義、不儀生物之則、以殄滅無胤、至  
於今不祀、及其得之也、必有忠信之心、閒之、度於  
天地而順於時動、穌於民神而儀於物則、故高朗  
令終、顯融昭明、命姓受氏而附之、以令名、若啓先  
王之遺訓、省其典圖、刑法而觀其廢興者、皆可知






明即其也廢  
示突莫欲王  
知微耳精氣  
非是  
此後文易辨  
固

也其興者必有夏呂之功焉其廢者必有共鯀之  
敗焉今吾執政無乃實有所避而滑夫二川之神  
使至於爭明以妨王宮王而飾之無乃不可乎人  
有言曰無過亂人之門又曰佐雖者嘗焉佐鬪者  
傷焉又曰禍不好不能爲禍詩曰四牡騤騤旗旐  
有翻亂生不夷靡國不泯又曰民之貪亂寧爲荼  
毒夫見亂而不惕所殘必多其飾彌章民有怨亂  
猶不可遇而況神乎王將防鬪川以飾宮是飾亂  
而佐鬪也其無乃章禍且遇傷乎自我先王厲宣

幽平而貪天禍至於今未弭我又章之懼長及子  
孫王室其愈卑乎其若之何自后稷以來寧亂及  
文武成康而僅克安民自后稷之始基靖民十五  
王而文始平之十八王而康克安之其難也如是  
厲始華典十四王矣基德十五而始平基禍十五  
其不濟乎吾朝夕微懼曰其何德之修而少光王  
室以逆天休王又章輔禍亂將何以堪之王無亦  
鑒於黎苗之王下及夏商之季上不象天而下不  
儀地中不飭民而方不順時不共神祇而蔑棄五






十餘句作區  
領起區區一  
仍同自妙非  
作仁者情生  
皆而為精措  
標乃象善

微古亮切訓  
作要

則是以人夷其宗廟而火焚其彝器子孫為隸下  
夷於民而亦未觀夫前哲令德之則則此五者而  
受天之豐福饗民之勳力子孫豐厚令聞不忘是  
皆天子之所知也天所崇之子孫或在畎畝由欲  
亂民也畎畝之人或在社稷由欲靖民也無有異  
焉詩云殷鑒不遠近在夏后之世將焉用飾宮以  
徼亂也度之天神則非祥也比之地物則非義也  
類之民則則非仁也方之時動則非順也咨之前  
訓則非正也觀之詩書與民之憲言皆亡王之為

也上下儀之無所比度王其圖之夫事大不從象  
小不從文上非天刑下非地德中非民則方非時  
動而作之者必不節矣作又不節害之道也王卒  
壅之及景王多寵人亂於是乎始生景王崩王室  
大亂及定王王室遂卑

洛在王城之南穀在王城之北關者兩水格有  
似於關也實決也唐隄也大曰崩小曰隄疫死  
日札瘳病也虞安也湛淫也埋塞也高謂山陵  
庫謂川澤共共工也高高封崇九山下下破郭  
九澤也汙通也越揚也燁焱起貌逆數四時寒  
暑反逆也四伯謂四岳也為四岳伯故稱四伯  
繫是也迄於天下謂禹也開代也黃黃帝炎炎  
帝也達達也滑亂也明精氣也離烹煎之官也






弭止也。寧安也。華更也。典法也。方四方也。不順時謂逆四時之令。象天象也。文詩書也。景王無適子。既立于猛。又許賓孟立子朝。未立而王崩。單子劉子立子猛而攻子朝。王室大亂。

晉羊舌肸聘於周。發幣於大夫。及單靖公。靖公享之。儉而敬。賓禮贈餞。視其上而從之。燕無私。送不過郊。語說昊天有成命。單之老送叔向。叔向告之曰。異哉。吾聞之曰。一姓不再興。今周其興乎。其有單子也。昔史佚有言曰。動莫若敬。居莫若儉。德莫若讓。事莫若咨。單子之況我禮也。皆有焉。夫宮室不崇。器無彤鏤。儉也。身聳除潔。外內齊給。敬也。宴

好享賜。不踰其上。讓也。賓之禮事。效上而動。咨也。如是而加之以無私。重之以不殺。能辟怨矣。居儉動敬。德讓事咨。而能辟怨。以爲卿佐。其有不興乎。且其語說昊天有成命。頌之盛德也。其詩曰。昊天有成命。二后受之。成王不敢康。夙夜基命。宥密。緝熙亶厥心。肆其靖之。是道成王之德也。成王能明文昭。能定武烈者也。夫道成命者。而稱昊天。翼其上也。二后受之。讓於德也。成王不敢康。敬百姓也。夙夜恭也。基始也。命信也。宥寬也。密寧也。緝明也。





用利沽の文  
前可厭此  
如上等和書  
却不法  
御後司農云  
廣當為此  
注亦云

國語

熙廣也。亶厚也。肆固也。靖餼也。其始也。翼上德讓而敬百姓。其中也。恭儉信寬。帥歸於寧。其終也。廣厚其心以固餼之。始於德讓。中於信寬。終於固餼。故曰成。單子儉敬讓咨以應成德。單若不與子孫必蕃。後世不忘。詩曰其類維何。室家之壺。君子萬年。未錫祚胤。類也者。不忝前哲之謂也。壺也者。廣裕民人之謂也。萬年也者。令聞不忘之謂也。祚胤也者。子孫蕃育之謂也。單子朝夕不忘成王之德。可謂不忝前哲矣。膺保明德以佐王室。可謂廣裕

民人矣。若能類善物以混厚民人者。必有章譽蕃育之祚。則單子必當之矣。單若有關必茲君之子孫實續之。不出於它矣。

上。位在巴上也。除治也。翼。敬也。類。族類也。壺。相也。言孝子之行。先於室家族類以相致。乃及於天下也。章。明也。單。單氏之世也。


景王二十一年。將鑄大錢。單穆公曰。不可。古者天災降戾。於是乎量資幣。權輕重。以振救民。民患輕。則為之作重幣以行之。於是乎有母權子而行。民皆得焉。若不堪重。則多作輕而行之。亦不廢重於

為注

黃注

國語

單





是乎有子權母而行小大利之今王廢輕而作重

民失其資能無匱乎若匱王用將有所乏乏則將

厚取於民民不給將有遠志是離民也且夫備有

未至而設之有至而後救之是不相入也可先而

不備謂之怠可後而先之謂之召災周固羸國也

天未厭禍焉而又離民以佐災無乃不可乎將民

之與處而離之將災是備禦而召之則何以經國

國無經何以出令令之不從上之患也故聖王樹

德於民以除之夏書有之曰關石餘均王府則有

詩亦有之曰瞻彼旱鹿榛楛濟濟愷悌君子干祿

愷悌夫旱鹿之榛楛殖故君子得以易樂干祿焉

若夫山林匱竭林鹿散亡藪澤肆旣民力彫盡田

疇荒蕪資用乏匱君子將險哀之不暇而何易樂

之有焉且絕民用以實王府猶塞川原而為潢汚

也其竭也無日矣若民離而財匱災至而備亡王

其若之何吾周官之於災備也其所怠棄者多矣

而又奪之資以益其災是去其藏而翳其人也王

其圖之王弗聽卒鑄大錢

善倫  
命報合承  
斷感為差不  
對地不操也  
厥於盤切又  
於涉切

虞廷而詳民

鹿詩作麓古  
字通榛任巾  
切又則巾切

解詩好

善倫

又漢紀云平  
災似






名理妙而  
深不可測  
惟此不與  
相

古樂石傳樂  
記亦不備周  
語數獨可以  
本致

錢古曰泉。後轉曰錢。大錢者大於舊其買重也。民患幣輕而物貴則作重幣以行其輕重曰母。輕曰子。以子質物物輕則子獨行物重則以母權而行之子母相通民皆得其欲矣。堪任也。不任之者幣重物輕妨其用也。故作輕幣雜而用之。以重者質其貴以輕者質其賤子權母者母不足則以子平而行之。故錢小大民皆以爲利也。不相入不相爲用也。二者先後各有所宜也。關門關之征也。石今之斛也。言征賦調均則王之府藏常有也。旱山名山足曰鹿。愷樂也。惕易也。干求也。君子君長也。言陰陽調草木盛故君子以求祿其心樂易肆極也。既盡也。去其藏者謂善政藏於民故也。翳屏也。奪其資。民將叛是遠屏其民也。一曰翳滅也。

二十三年王將鑄無射而爲之大林單穆公曰不可作重幣以絕民資又鑄大鐘以鮮其繼若積聚


既喪又鮮其繼生何以殖且夫鐘不過以動聲若無射有林耳不及也夫鐘聲以爲耳也耳所不及非鐘聲也猶目所不見不可以爲目也夫目之察度也不過步武尺寸之間其察色也不過墨丈尋常之間耳之察絀也在清濁之間其察清濁也不過一人之所勝是故先王之制鐘也大不出鈞重不過石律度量衡於是乎生小大器用於是乎出故聖人慎之今王作鐘也聽之弗及比之不度鐘聲不可以知絀制度不可以出節無益於樂而鮮





民財將焉用之。夫樂不過以聽耳，而美不過以觀目。若聽樂而震，觀美而眩，患莫甚焉。夫耳目心之樞機也，故必聽<sup>精</sup>而視正，聽<sup>理</sup>而視正，聽<sup>理</sup>則聰，視正則明。聰則言聽，明則德昭。聽言昭德，則能思慮純固，以言德於民，民歆而德之，則歸心焉。上得民心，以殖義方，是以作無不濟，求無不獲。然則能樂夫耳內<sup>納</sup>聲，而口出美言，以為憲令，而布諸民，正之以度量，民以心力從之，不倦成事不貳，樂之至也。口內味而耳內聲，聲味生氣，氣在口為言，在目為明言，以

信名，明以時動，名以成政，動以殖生，政成生殖，樂之至也。若視聽不<sup>納</sup>，而有震眩，則味入不精，不精則氣佚，氣佚則不<sup>納</sup>，於是乎有狂悖之言，有眩惑之明，有轉易之名，有過<sup>納</sup>之度，出令不信，刑政放紛，動不順時，民無據依，不知所力，各有離心，上失其民，作則不濟，求則不獲，其何以能樂。三年之中，而有離民之器二焉，國其危哉。王弗聽，問之伶州鳩，對曰：臣之守官弗及也。臣聞之，琴瑟尚宮，鐘尚羽，石尚角，匏竹利制，大不踰宮，細不過羽，夫宮音





國語  
之主也。第以及羽。聖人保樂而愛財。財以備器。樂以殖財。故樂器重者從細。輕者從大。是以金尚羽。石尚角。瓦絲尚宮。匏竹尚議。革木一聲。夫政象樂。樂從蘇。蘇從平。聲以蘇。樂律以平聲。金石以動之。絲竹以行之。詩以道之。歌以誄之。匏以宣之。瓦以贊之。革木以節之。物得其常曰樂極。極之所集曰聲。聲應相保曰蘇。細大不踰曰平。如是而鑄之。金磨之。石繫之。絲木越之。匏竹節之。鼓而行之。以遂八風。於是乎氣無滯陰。亦無散陽。陰陽序次。風雨

時至。嘉生繁祉。人民蘇利。物備而樂成。上下不罷。故曰樂正。今細過其主。妨於正。用物過度。妨於財。正害財。匱妨於樂。細抑大陵。不容於耳。非蘇也。聽聲越遠。非平也。妨正匱財。聲不蘇平。非宗官之所司也。夫有蘇平之聲。則有蕃殖之財。於是乎道之以中德。誄之以中音。德音不愆。以合神人。神是以寧。民是以聽。若夫匱財用。罷民力。以逞淫心。聽之不蘇。比之不度。無益於教。而離民怒神。非臣之所聞也。王不聽。卒鑄大鐘。二十四年。鐘成。伶人告蘇。






王謂伶州鳩曰鐘果飶矣對曰未可知也王曰何故對曰上作器民備樂之則為飶今財亡民罷莫不怨恨臣不知其飶也且民所曹好鮮其不濟也其所曹惡鮮其不廢也故諺曰衆心成城衆口鑠金今三年之中而害金再興焉懼一之廢也王曰爾老耄矣何知二十五年王崩鐘不飶

無射鐘名律中無射也大林無射之覆也作無射而為大林以覆之其律中林鐘也動聲謂合樂以金奏而八音從之若無射復有大林以覆無射陽聲之細者林鐘陰聲之大者細抑大陵故耳不能聽及也六尺為步半步為武五尺為墨倍墨為丈八尺為尋倍尋為常尋舉也鈞所

以鈞音之法也以木長七尺有弦繫之以為鈞法百二十斤為石律五聲陰陽之法也度丈尺也量斗斛也衡稱上衡衡有斤兩之數生於黃鐘黃鐘之管容秬黍千二百粒粒百為銖是為一龠龠二為合合重一兩故曰律度量衡於是乎生信名審號令也明以時動視明則動得其時也不知所力不知所為盡力也凡樂輕者從大重者從細故琴瑟尚宮鐘聲大故尚羽利制以聲音調利為制無所尚也竈長也古者以樂者土風而紀農事故曰樂以殖財也議議從其調利一聲無清濁之變也極中也越謂為之孔也遂猶順也細謂無射也圭正也無射有大林是作細而大過其律妙於正聲也大大林也大越遠之越猶迓也無射之聲為大林所陵聽之微細而迓遠也宗官宗伯也樂官屬焉中德中庸之德舞也中音中和之音也曹舉也害金害民之金謂錢鐘也懼一之廢謂二金之中其一





一本無州字

直述

六律六呂鐘以律名皆截竹為筒也其曰鐘無射蓋以金鑄為鐘而其聲中無射耳所謂及律均鐘

必廢矣

王將鑄無射問律於伶州鳩對曰律所以立均出度也古之神瞽考中聲而量之以制度律均鐘百官軌儀紀之以三平之以六成於十二天之道也夫六中之色也故名之曰黃鐘所以宣養六氣九德也由是第之二曰大簇本泰所以金奏贊陽出滯也三曰姑洗本襄所以修潔百物考神納賓也四曰蕤賓所以安靖神人獻酬交酢也本各五曰夷則所以詠歌九則平民無貳也六曰無射所以宣布哲人之令

任而林切又而鷄切

德示民軌儀也為之六閒以揚沈伏而黜散越也元閒大呂助宣物也二閒夾鐘出四隙之細也三閒中呂宣中氣也四閒林鐘餘展百事俾莫不任肅純恪也五閒南呂贊陽秀也六閒應鐘均利器用俾應復也律呂不易無姦物也細鈞有鐘無鐃博昭其大也大鈞有鐃無鐘甚大無鐃鳴其細也大昭小鳴餘之道也餘平則久久固則純純明則終終復則樂所以成政也故先王貴之王曰七律者何對曰昔武王伐殷歲在鶉火月在天駟日在析





歷事文公  
而和  
幸信

柳宗元曰王以  
典則畢陳黃鐘  
布戎太孫布令  
無射布憲施舍  
於百姓吾知其  
來之自矣是大  
武之勝也州鳩  
之惡信其傳而  
以為武用律也  
孔子語賓年賈  
之言大武也曰  
武始自吐吐再  
成而滅商三成  
而南四成而南  
闕是繼五成而  
分周公左召公  
右六成復繼以  
崇天子夾振之  
而四伐盛威於  
中國則是大武  
之象也致右憲  
左以立於綴階  
大武之形也夾

木之津辰在斗柄星在天龍星與日辰之位皆在  
北維斗、箕、頤頤之所建也帝嚳受之帝嚳我姬氏出自天龍  
及析木者有建星及牽牛焉則我皇妣大姜之姪  
伯陵之後逢公之所馮神也歲之所在則我有周  
之分野也月之所在辰馬農祥也我大祖后稷之  
所經緯也王欲因是五位三所而用之自鷄及駟  
七列也南北之揆七同也凡神人以數合之以聲  
昭之數合聲齟然後可同也故以七同其數而以  
律齟其聲於是乎有七律王以二月癸亥夜陳未

畢而雨以夷則之上宮畢之當辰辰在戌上故長  
夷則之上宮名之曰羽所以藩屏民則也王以黃  
鐘之下宮布戎於牧之野故謂之厲所以厲六師  
也以大簇之下宮布令於商昭顯文德底紂之多  
皐故謂之宣所以宣三王之德也反及羸內以無  
射之上宮布憲施舍於百姓故謂之羸亂所以優  
柔容民也

律鐘律謂六律六呂也立均之均即鈞鐘木見  
上章均鐘之均平也度律呂之長短以平其鐘  
和其聲也三天地人也六六律也十二律呂也  
陰陽相扶助律取妻呂生子上下相生之數備





剛黃鐘太簇無射大武之律變也成猶奏也每奏武曲一終為一成

國詩

矣。十一月曰黃鐘。乾初九也。六者天地之中。天有六氣。降生五味。天有六母。地有五子。十一而天地畢矣。而六為中。黃中之色也。鐘之言陽氣。鐘聚於下也。黃鐘。陽之變也。管長九寸。徑三分。圍九分。律長九寸。因而九之。九九八十一。故黃鐘之數立焉。為宮。法云。九分之六。得林鐘初六。六呂之首。坤之始也。十一月陽伏於下。物始萌。於五聲為宮。舍元處中。所以編養六氣。九德之本。六氣陰陽風雨。顯明也。九德。九功之德。水火金木土穀。正德利用厚生也。正月曰大簇。乾九二也。管長八寸。法云。九分之八。太簇。言陽氣太簇。達於上也。太簇。正聲為商。故為金奏。三月曰姑洗。乾九三也。管長七寸一分。律長七寸九分。寸之一。姑。潔也。洗。濯也。於正聲為角。五月曰蕤賓。乾九四也。管長六寸三分。律長六寸八十一分。寸之二十六。蕤。委蕤。柔貌。言陰氣為主。委蕤於下。陽氣盛長於上。有似於賓主也。七月曰夷則。乾九五也。管長五寸六分。律長五寸七分。二

十九分寸之四百三十七。夷。平也。則。法也。萬物既成。可法則也。九月曰無射。乾上九也。管長四寸九分。律長四寸六千五百六十一分寸之五千九百四十九。九月陽氣收藏。萬物無射見者。故可以編布前哲之令德。示民道法也。六開。六呂在陽律之閒也。十二月曰大呂。坤六四也。管長八寸八分。法云。三分之二。四寸二百四十三分寸之五十四。倍之為八寸分寸之一百八下。生律元一也。陰繫於陽。以黃鐘為主。故曰元間。天氣始於黃鐘。萌而赤。地受之於大呂。牙而白。成黃鐘之功也。二月曰夾鐘。坤六五也。管長七寸四分。律長三寸二寸八分。七寸八分。寸之一千五百三十一。倍之為七寸八分。八百七十五。四隙。四時之閒氣。微細者。春為陽中。萬物始生。四時之微氣。皆始於春。春發而出之。三時奉而成之。故夾鐘出四時之微氣也。四月曰中呂。坤上六也。管長六寸六分。律長三寸萬九千六百八十三分寸之六千五百六十一。倍之為六寸

周書

四八






分寸之萬三千一百二十二。陽氣起於中。至四月宣散於外也。六月曰林鍾。坤初六也。管長六寸。律長六寸。林衆也。言萬物衆盛也。於正聲爲徵。八月曰南呂。坤六二也。管長五寸三分。律長五寸三分寸之一。榮而不實曰秀。南任也。陰任陽事。助成萬物也。十月曰應鍾。坤六三也。管長四寸七分。律長四寸二十七分寸之十九。陰應陽用事。萬物鍾聚。百嘉具備。時務均利。百官器用程度庶品。使皆應其禮。復其常也。細細聲謂角徵羽也。鈞調也。鍾大鐘。鈞小鐘也。昭明也。有鍾無鈞。爲兩細不相和。故以鍾爲節。節明其大者。以太平細也。太謂宮商也。舉宮商而但有鈞無鍾。爲兩大不相和。故去鍾而用鈞。以小平大也。其大謂同尚大聲也。則又去鈞。獨鳴其細。細謂絲竹革木。大昭大聲耶也。小鳴小聲鳴也。周有七音。王問七音之律。意謂七律爲音器。用黃鐘爲宮。太簇爲商。姑洗爲角。林鍾爲徵。南呂爲羽。應鍾爲變宮。蕤賓爲變徵。歲歲星也。從柳九

度至張十七度爲鶉火。武王始發師東行時。殷之十一月二十八日戊子。是時歲星在張十三度。天駟房星也。戊子日。月宿房五度。津天漢也。從尾十度至斗十一度爲析木。其間爲漢津。戊子日。日宿其七度也。辰日月之會。斗柄斗前也。戊子後三日。辛卯朔。日月合在斗前一度也。星辰星也。天竈一名玄枵。從須女八度至危十五度爲天竈。辛卯朔二日壬辰。辰星始見。二十九日巳未曉。辰星在須女。伏天竈之首也。北維北方水位也。顛頊水德之王。立於北方。帝嚳水德。故受之於水。今周亦木德。當受殷之水。猶帝嚳之受顛頊也。建星在牽牛間。從辰星所在。須女天竈之首。至析木之分。歷建星及牽牛。皆水宿。伯陵太姜之祖。有逢伯陵也。逢公伯陵之後。太姜之姪。殷之諸侯。封於齊地。齊地屬天竈。故祀天竈。死而配食。爲其神主。故云馮。言天竈乃皇妣家之所馮依。非但合於水木相承而已。又我實出於水家也。周道起於大王。故本於太姜。鶉







火。周之分野。歲星所在。利以伐人。天駟。駟馬也。故曰辰馬。房星晨正而農事起。故又謂之農祥。稷播百穀。故農祥爲后稷之所經緯也。五位。歲日月星辰也。三所。謂逢公所馮神。周分野所在。后稷所經緯也。七列。合七宿。謂張翼軫角亢氏房之位。七同。合七律也。撥度也。歲在鶉火。午。辰星在天。龜子。鶉火。周分野。天龜及辰水星。周所出。自午至子。其度七同也。凡。凡合神人之樂也。以數合之。取其七也。以聲昭之。用律調音也。可同。神人相應也。夷。則所以平民無貳。上官。以夷則爲宮聲。夷則上官也。故以畢陳。周禮。太師執同律以聽軍聲。而詔吉凶。是也。一曰。陽氣在上。故曰上官。長。謂先用之也。當辰之辰。時也。辰在之辰。日月之會。斗柄也。當初陳時。昏斗建丑而斗柄在戌上。下臨其時。名其樂爲羽。羽之義。取能藩蔽民。使中法則也。黃鐘所以宣養氣德。使皆自勉。尚桓桓也。黃鐘在下。故曰下官。名。此樂爲厲者。所以厲六軍之衆也。太簇所以贊陽出

滯。蓋謂釋箕子之囚。散鹿臺之財。發鉅橋之粟也。太簇在下。故曰下官。羸內。地名。無射所以宣布哲人之令德。示民軌儀。故以布憲。施舍。無射在上。故曰上官。亂治也。

景王既殺下門子。賓孟適郊。見雄雞自斷其尾。問

之侍者曰。憚其犧也。遽歸告王曰。吾見雄雞自斷

其尾。而人曰。憚其犧也。吾以爲信畜矣。人犧實難

已。犧何害。抑其惡爲人用也乎。則可也。人異於是。

犧者。實用人也。王弗應。田於鞏。使公卿皆從。將殺

單子。未克而崩。

下門子。王子猛之傅。賓孟。子朝之傅也。純美爲犧。祭祀所用者。景王既立子猛。賓孟有寵於王。

大費辭

用人甚繁。生殺之柄。與爲人用相反。

奇

亂是曲終之義

國語

五



欲立于朝。王將許之。先殺下門子。賓孟知其意。故感犧之美。念及子朝。而疾歸。語王。信誠也。雞畏爲宗廟之用。故自斷其尾。此誠六畜之情。不與人同耳。人犧爲人作犧。謂雞也。實難言。將見殺也。已犧。已自爲犧。謂子朝也。人君冕服有似於犧。故以喻焉。雞惡爲人所用。故自斷其尾。可爾。人之美。則宜君人。事宗廟。異於雞也。用人。猶治人。

敬王十年。劉文公與長弘欲城成周。爲之告晉魏獻子爲政。說長弘而與之。將合諸侯。衛彪傒適周。聞之。見單穆公曰。長劉其不沒乎。周詩有之曰。天之所支。不可壞也。其所壞。亦不可支也。昔武王克殷。而作此詩也。以爲飮歌。名之曰支。以遺後之人。

志或作七

格

使未監焉。夫禮之立成者。爲飮。昭明大節而已。少曲與焉。是以爲之日惕。其欲教民戒也。然則夫支之所道者。必盡知天地之爲也。不然。不足以遺後之人。今長劉欲支天之所壞。不亦難乎。自幽王而天奪之明。使迷亂棄德。而卽悖淫。以忘其百姓。其壞之也久矣。而又將補之。殆不可矣。水火之所犯。猶不可救。而況天乎。諺曰。從善如登。從惡如崩。昔孔甲亂夏。四世而殞。玄王勤商。十有四世而興。帝甲亂之。七世而殞。后稷勤周。十有五世而興。幽王





柳宗元曰彪僕  
天西壞之說吾  
友化光銘成周  
其後牛隱黜作  
訟忠其私之忠  
悉矣學者求焉  
若夫當身速及  
之說亟之無恒  
者之言也速為  
之耳

呂溫字化光  
作古東周城  
銘云大夫長  
弘言抗其頌  
坐召諸侯卿  
崇王城雖微  
遠敵實被令  
若宜福而禍  
何傷於明乎  
僧孺字思黯  
作訟忠以美  
長弘

亂之十有四世守府之謂多胡可與也夫周高山  
廣川大藪也故能生之良材而幽王蕩以為魁陵  
糞土溝瀆其有俊乎單子曰其咎孰多曰長叔必  
速及夫將以道補者也夫天道道可而省不長叔  
反是以誑劉子必有二殃違天一也反道二也誑  
人三也周若無咎長叔必為戮雖晉魏子亦將及  
焉若得天福其當身乎若劉氏則必子孫實有禍  
夫子而棄常法以從其私欲用巧變以崇天災勤  
百姓以為己名其殃大矣是歲也魏獻子合諸侯



之大夫於翟泉遂困於大陸焚而死及范中行之  
難長弘與之晉人以為討二十八年殺長弘及定  
王劉氏亡

成周在灑水東王城在灑水西初王子朝作亂  
魯昭二十三年夏入於王城殺王如劉秋敬王  
居於翟泉翟泉成周之城周墓所在也魯昭二  
十六年四月敬王師敗出居於滑十月晉人殺  
之王入於成周于朝奔楚其餘黨僭扁之徒多  
在王城敬王畏之於是晉徵諸侯戍周月役煩  
勞故長弘使富新石張為主如晉請城成周也  
曲章曲也與類也詩樂少章曲威儀少比類也  
如登喻難如崩喻易玄王契也由玄鳥而生也  
小阜曰魁俊止也以道補者欲以天道補人事  
也道可之道達也省去也崇猶益也晉范吉射  
中行寅作難叛其君劉氏范氏世為婚姻長弘







事劉文公。故周人與范  
氏。晉以讓周。周殺萇弘。  
皇明萬曆己未仲秋烏程閔齊伋過五父栽注







國立中央圖書館 NATIONAL CENTRAL LIBRARY, TAIWAN, R.O.C.





國立中央圖書館 NATIONAL CENTRAL LIBRARY, TAIWAN, R.O.C.





國語魯齋

國立中央圖書館藏







勅

國語第二

魯

長勺之役，曹劌問所以戰於嚴公。公曰：余不愛衣食於民，不愛牲玉於神。對曰：夫惠本而後民歸之，志民歸而後神降之福。若布德於民而平均其政，事君子務治而小人務力，動不違時，器不過用，財用不匱，莫不共祀。是以用民無不聽，求福無不豐。今將惠以小賜，祀以獨恭，小賜不咸，獨恭不優，不咸民弗歸也，不優神弗福也。將何以戰？夫民求不





抄語

匱於財而神求優裕於享者也故不可以不本公  
曰余聽獄雖不能察必以情斷之對曰是則可矣  
夫苟中心圖民知雖不及必將至焉

嚴本作莊避漢明帝諱以莊為嚴先儒因而不改後嚴伯魯嚴並同嚴公十年齊師伐魯戰於長勺惠本謂樹德施利也成福也優裕也

陸私祥曰古今論讓堂與讓而少直故僖伯之于觀魚來伯之于納鼎曹劌之于觀社宜其不能理三公之惑也

社謂專名氏向社會祀非向與國為名穀秋後備之穀相首考為社要分於社曰者之

嚴公如齊觀社曹劌諫曰不可夫禮所以正民也是故先王制諸侯使五年四王一相朝也終則講於會以正班爵之義帥長幼之序訓上下之則制財用之節其閒無由荒怠夫齊棄大公之法而觀

民於社君為是舉而往觀之非故業也何以訓民土發而社助時也收擣而烝內要也今齊社而往觀旅非先王之訓也天子祀上帝諸侯會之受命焉諸侯祀先王先公卿大夫佐之受事焉臣不聞諸侯之相會祀也祀又不法君舉必書書而不法後嗣何觀公不聽遂如齊

齊因祀社蒐軍實以示客公往觀之王謂王事天子也歲聘以志業聞朝以講禮五年之聞四聘於王而一相朝者將朝天子先相朝也終畢也其聞朝會之閒土發春分也周語曰土乃脉發社者助時求福為農始也擣拾也冬祭曰烝因祭社以納五穀之要休農夫也旅衆也不法





謂觀民也

嚴公丹桓宮之楹而刻其桷榑也匠師慶言於公曰臣聞聖王公之先封者遺後之人法使無陷於惡其為後世昭前之令聞也使長監於世故能攝固不解以久今先君儉而君侈之令德替矣公曰吾屬欲美之對曰無益於君而替前之令德臣故曰庶可以已乎公弗聽

桓宮桓公廟也楹柱也榑椽頭也嚴公娶於齊曰哀姜哀姜將至當見於廟故以夸之監觀也觀世成敗以為戒也攝持也屬適也

監古機切又古街切

古法

鼎古粟字

哀姜至公使大夫宗婦覲用幣宗人夏父展曰非故也公曰君作故對曰君作而順則故之逆則亦書其逆也臣從有司懼逆之書於後也故不敢不告夫婦贊不過棗栗以告虔也男則玉帛禽鳥以章物也今婦執幣是男女無別也男女之別國之大節也不可無也公弗聽

故故事也

魯饑臧文仲言於嚴公曰夫為四鄰之援結諸侯之信重之以婚姻申之以盟誓固國之艱急是為

饑於春切又於元切





計命  
古法  
美懼至獲辰  
為句

鑄名器藏寶財固民之殄病是待今國病矣君盍以名器請糴於齊公曰誰使對曰國有饑饉卿出告糴古之制也辰也備卿辰請如齊公使往從者曰君不命吾子吾子請之其為選事乎文仲曰賢者急病而讓夷居官者當事不避難在位者恤民之患是以國家無違今我不如齊非急病也在位不恤下居官而情非專君也文仲以鬯圭與玉如齊告糴曰天災流行戾於敝邑饑饉荐降民幾卒大懼殄周公大公之命祀職貢業事之不


美注

而獲戾不腆先君之敝器敢告滯積以紓執事以救敝邑使能共職豈唯寡君與二三臣實受君賜其周公大公及百辟神祇實永饗而賴之齊人歸其玉而予之糴

選事自選擇其職事也夷平也鬯圭祿鬯之圭卒盡也滯久也紓緩也穀久積則將朽敗執事所憂也請之所所以緩執事

齊孝公來伐臧文仲欲以辭告病焉問於展禽對曰獲聞之處大教小處小事大所以禦亂也不聞以辭若為小而崇以怒大國使加已亂亂在前矣

國語





命

膏沐是今肥  
是白土瓦  
之兼戰者

磨或作磨

命


辭其何益文仲曰國急矣百物唯其可者將無不  
趨也願以子之辭行賂焉其可乎展禽使乙喜以  
膏沐犒師曰寡君不佞不能事疆場之司使君盛  
怒以暴露於敵邑之野敢犒與師齊侯見使者曰  
魯國恐乎對曰小人恐矣君子則不公曰室如縣  
磬野無青草何恃而不恐對曰恃二先君之所職  
業昔者成王命我先君周文公及齊先君大公曰  
女股肱周室以來輔先王賜女土地質之以犧牲  
世世子孫無相害也今君來討敵邑之舉其亦使

還音旋又如  
字

聽從而釋之必不泯其社稷豈其貪壤地而棄先  
王之命其何以鎮撫諸侯恃此以不恐齊侯乃許  
為平而還

欲以辭告欲以文辭告謝齊也病焉病不能為  
辭也展禽柳下惠也展無駭之後字季禽獲其  
名也崇高也謂自高大也膏所以澤髮沐滌  
首去垢者以膏沐為禮明不以賂克與衆也

溫之會晉人執衛成公歸之於周使醫鳩之不死  
醫亦不誅臧文仲言於僖公曰夫衛君殆無辜矣  
刑五而已無有隱者隱乃諱也大刑用甲兵其次  
用斧鉞中刑用刀鋸其次用鑽笮薄刑用鞭扑以





王慎中曰諸侯之患諸侯之長者之言自不妨於智辭將更可人

榘音各即狂守

威民也。故大者陳之原野，小者致之市朝。五刑三  
次，是無隱也。今晉人鳩衛侯不死，亦不討其使者，  
諱而惡殺之也。有諸侯之請，必免之。臣聞之，班相  
恤也。故能有親。夫諸侯之患，諸侯恤之，所以訓民  
也。君盍請衛君，以示親於諸侯，且以動晉。夫晉新  
得諸侯，使亦曰魯不棄其親，其亦不可以惡。公說  
行玉二十穀，乃免衛侯。自是晉聘於魯，加於諸侯  
一等。爵同則厚其好貨，衛侯聞其臧文仲之爲也，  
使納賂焉。辭曰：外臣之言不越境，不敢及君。

衛成公恃楚而不事晉，又殺弟叔武。其臣元咺  
訴之晉，故文公執之。鷓鴣，一名運日，其羽有毒，  
潰之酒而飲之，立死。鑽臍刑，箠，黥刑也。班，次也。  
言位次同者，當相恤也。雙玉曰穀，爵同則厚其  
好貨，爵與魯同者，特厚其好貨而已。

晉文公解曹地以分諸侯，僖公使臧文仲往，宿於  
重館。重館人告曰：晉始伯而欲固諸侯，故解有舉  
之地，以分諸侯。諸侯莫不望分而欲親晉，皆將爭  
先。晉不以故班，亦必親先者。吾子不可以不速行。  
魯之班長而又先，諸侯其誰望之？若少安，恐無及  
也。從之，獲地於諸侯爲多。反，旣復命，爲之請曰：地





之多也。重館人之力也。臣聞之曰：善有章，雖賤賞也；惡有釁，雖貴罰也。今一言而辟境，其章大矣。請賞之，乃出而爵之。

晉文公誅無禮。曹人不服。伐而執其君。削其地以分諸侯。

海鳥曰爰居，止於魯東門之外。二日，臧文仲使國人祭之。展禽曰：「越哉！臧孫之爲政也。夫祀，國之大節也。而節政之所成也。故慎制祀以爲國典。今無故而加典，非政之宜也。夫聖王之制祀也，法施於民則祀之，以死勤事則祀之，以勞定國則祀之，能

禦大災則祀之，能扞大患則祀之，非是族也，不在祀典。昔烈山氏之有天下也，其子曰柱，能殖百穀百蔬，夏之興也，周棄繼之，故祀以爲稷。共工氏之伯九有也，其子曰后土，能平九土，故祀以爲社。黃帝能成命百物，以明民共財，顓頊能修之，帝嚳能序三辰以固民，堯能單均刑法以儀民，舜勤民事而野死，鯀汭洪水而殛死，禹能以德修鯀之功，契爲司徒而民輯，冥勤其官而水死，湯以寬治民而除其邪，稷勤百穀而山死，文王以文昭，武王去民





之穢故有虞氏禘黃帝而祖顓頊郊堯而宗舜夏  
后氏禘黃帝而祖顓頊郊鯀而宗禹商人禘舜而  
祖契郊冥而宗湯周人禘嚳而郊稷祖文王而宗  
武王慕能帥顓頊者也有虞氏報焉桀能帥禹者  
也夏后氏報焉上甲微能帥契者也商人報焉高  
圉大王能帥稷者也周人報焉凡禘郊宗祖報此  
五者國之典祀也加之以社稷山川之神皆有功  
烈於民者也及前哲令德之人所以爲明質也及  
天之三辰民所以瞻仰也及地之五行所以生殖  
也及九州名山川澤所以出財用也非是不在祀  
典今海鳥至已不知而祀之以爲國典難以爲仁  
且知矣夫仁者講功而知者處物無功而祀之非  
仁也不知而不問非知也今茲海其有災乎夫廣  
川之鳥獸恒知而避其災也是歲也海多大風冬  
煖煖文仲聞柳下季之言曰信吾過也季子之言不  
可不法也使書以爲三策

越透也。族類也。烈山氏炎帝之號也。其工氏伯  
在戲農之間。其子句龍。佐黃帝爲土官。單盡也。  
冥契後。爲夏水官。死於水。慕舜之後。虞思也。爲  
夏諸侯。帥循也。顓頊有虞氏之祖也。報報德之





天子曰不易  
歌子曰有敬  
對君之辭和  
而詳

使國法中亦  
不在法也  
於此法也  
歌可見工  
在而用  
善滿  
注信

何服口切又  
胡茂切  
善守國而對  
大夫心不善  
志有章之法  
意操操意去  
無廢出化  
工在  
妙法  
其法

祭也。村少康之子。能與夏道者。上甲徵。契後八世。高圉。稷後十世。典法也。質信也。以其有德於民而祭之。所以信之於民心也。處名也。笑簡書也。

文公欲弛孟文子之宅。使謂之曰。吾欲利子於外之寬者。對曰。夫位政之建也。署位之表也。車服表之章也。宅章之次也。祿次之食也。君議五者以建政。為不易之故也。今有司來命。易臣之署。與其車服。而曰。將易而次。為寬利也。夫署所以朝夕虔君命也。臣立先臣之署。服其車服。為利故而易其次。是辱君命也。不敢聞命。若舉也。則請納祿與車服。

而違署。唯里人之所命。次公弗取。臧文仲聞之曰。孟孫善守矣。其可以蓋穆伯。而守其後於魯乎。公欲弛郈敬子之宅。亦如之。對曰。先臣惠伯以命於司里。嘗禘烝享之所。致君胙者有數矣。出入受事之幣。以致君命者有數矣。今命臣更次於外。為有司之。以班命事也。無乃違乎。請從司徒。以班徒次。公亦弗取。

弛。毀也。位。謂爵也。署者。位之表識。次。次舍也。違。署之違去也。里人。里宰。有罪去位。則當受舍於里宰。穆伯。公孫敖。淫乎莒。出奔而死於齊。亦如之。謂之如孟文子也。以命於司里。受命於司里。





居此宅也。違乎之違遠也。言有司以位次命職事於臣。臣在外次。無乃違遠而不便乎。

夏父弗忌為宗。烝將躋僖公。宗有司曰：非昭穆也。曰：我為宗伯。明者為昭。其次為穆。何常之有。有司曰：夫宗廟之有昭穆也。以次世之長幼。而等胄之親疏也。夫祀昭孝也。各致齊敬於其皇祖。昭孝之至也。故工史書世。宗祝書昭穆。猶恐其踰也。今將先明而後祖。自玄王以及主癸。莫若湯。自稷以及王季。莫若文武。商周之烝也。未嘗躋湯與文武為踰也。魯未若商周而改其常。無乃不可乎。弗聽。遂躋之。展禽曰：夏父弗忌必有殃。夫宗有司之言。順矣。僖又未有明焉。犯順不祥。以逆訓民。亦不祥。易神之班。亦不祥。不明而躋之。亦不祥。犯鬼道二。犯人道二。能無殃乎。侍者曰：若有殃焉。在抑刑戮也。其天札也。曰：未可知也。若血氣強固。將壽寵得。沒雖壽而沒。不為無殃。既其葬也。焚煙徹於上。

宗。宗伯。躋。升也。僖公。閔公之庶兄。繼閔而立。躋。僖公。逆祀也。父為昭。子為穆。僖為閔。臣。臣子一例。而升閔上。故曰：非昭穆也。明。言僖有明德。當為昭。閔次之。當為穆也。主癸。湯父。焚煙。徹於上。已葬而火。焚其棺也。

違用四不詳

章注





臧才即切通  
作數

情信

余書拾又音  
數

字句係工筆  
柱柱圖形  
與此

寢古寢字

借側角切或  
作獨又作籍


宜履之宜當  
為宜之度切

昔大子僕殺紀公以其寶來奔宣公使僕人以書命季文子曰夫莒大子不憚以吾故殺其君而以寶來其愛我甚矣為我予之邑今日必授無逆命矣里革遇之而更其書曰夫莒大子殺其君而竊其寶來不識窮固又求自邇為我流之於夷今日必通無逆命矣明日有司復命公詰之僕人以里革對公執之曰違君命者女亦聞之乎對曰臣以死奮筆奚啻其聞之也臣聞之曰毀則者為賊掩賊者為臧竊寶者為軌用軌之財者為姦使君為

臧姦者不可不去也臣違君命者亦不可不殺也公曰寡人實貪非子之舉也乃舍之

莒紀公生僕及季佗既立僕又愛季佗而黜僕僕殺紀公固廢也邇近也亂在內曰軌謂以子

宜公夏濫於泗淵里革斷其罟而棄之曰古者大寒降土蟄發水虞於是乎講秋方北罟取魚登川禽而嘗之寢廟行諸國人助宣氣也鳥獸孕水蟲成獸虞於是乎禁罝羅罝獵魚鼈以為夏槁助生阜也鳥獸成水蟲孕水虞於是乎禁罝麗麗設罝鄂以實





畜許救切又  
且救切又勅  
六切

蘇即義字

實文義切置  
也

廟庖畜功用也且夫山不槎蘗澤不伐天魚禁鯤  
鮪獸長麋麋鳥翼蘇殼卵蘇蟲舍陳如蟻蘇蜂蘇蕃庶物也古之  
訓也今魚方別孕不教魚長又行網罟貪無藝也  
公聞之曰吾過而里革匡我不亦善乎是良罟也  
爲我得法使有司藏之使吾無忘蘇諗師存侍曰藏  
罟不如寘里革於側之不忘也

濫漬也漬罟於泗水之淵以取魚也川禽鱉蟹  
之屬宜免罟羅鳥罟也蘇楫楫也槁乾也夏不得  
取故於此時橫刺魚鱉以爲夏儲也且麗小網  
也郭梓格所以誤獸者畜功用者畜四時功足  
國財用也槎斫也以株生曰蘗鯉魚子也鮪木  
成魚也鹿子曰麋麋子曰麋生哺曰麋蘇蟻蘇蠅子

也可以爲醢蘇復陶也可食別孕  
別於雄而懷子也蘇極也諗告也

子叔聲伯如晉謝季文子卻犖欲與之邑弗受也  
歸鮑國謂之曰子何辭苦成叔之邑欲信讓邪抑  
知其不可乎對曰吾聞之不厚其棟不能任重重  
莫如國棟莫如德夫苦成叔家欲任兩國而無大  
德其不存也亡無日矣譬之如疾余恐易焉苦成  
氏有三亡少德而多寵位下而欲上政無大功而  
欲大祿皆怨府也其君驕而多私勝敵而歸必立  
新家立新家不因民不能去舊因民非多怨民無





所始為怨三府。可謂多矣。其身之不能定焉。能予人邑。鮑國曰。我信不若子。若鮑氏有覺。吾不圖矣。今子圖遠以讓邑。必常立矣。

魯叔孫僑如欲去季氏。諸季文子於晉。晉人執之。卻擘之妻。聲伯之外妹也。故魯成公使聲伯如晉謝。且請之。鮑國。鮑叔牙之玄孫。去齊適魯。為施孝叔臣。兩國謂晉與魯也。覺。亮也。言鮑氏若有禍兆。吾不能豫圖之。

如此問千古  
絕少里輩到  
言非不切  
正好作注脚  
耳

晉人殺厲公。邊人以告。成公在朝。公曰。臣殺其君。誰之過也。大夫莫對。里革曰。君之過也。夫君人者。其威大矣。失威而至於殺。其過多矣。且夫君也者。

汜古流字

將牧民而正其邪者也。若君縱私回而棄民事。民旁有慝。無由省之益。邪多矣。若以邪臨民。陷而不振。用善不肯。專則不能。使至於殄滅。而莫之恤也。將安用之。桀奔南巢。紂蹠於京。厲汜於彘。幽滅於戲。皆是術也。夫君也者。民之川澤也。行而從之。美惡皆君之由。民何能為焉。

季文子相宣成。無衣帛之妾。無食粟之馬。仲孫它諫曰。子為魯上卿。相二君矣。妾不衣帛。馬不食粟。人其以子為愛。且不華國乎。文子曰。吾亦願之。然。





謂溫而音厲  
宛然對談其  
變語不文而  
百工

內得詳勿讀  
私復方成也  
味此只一句  
讀雖殊勝

積文然而主  
人以過禮加  
人未必不知  
用以嘗試客  
而觀其領略  
何如耳魯國  
守禮所以管  
鍾後大而  
敢侮

禮記


吾觀國人其父兄之食麤而衣惡者猶多矣吾是以不敢人之父兄食麤衣惡而我美妾與馬無乃非相人者乎且吾聞以德榮為國華不聞以妾與馬文子以告孟獻子獻子囚之七日自是子服之妾衣不過七升之布馬餼不過稂莠文子聞之曰過而能改者民之上也使為上大夫

仲孫它孟獻子之子子服它也八十縷為升

叔孫穆子聘於晉晉悼公饗之樂及鹿鳴之三而後拜樂三晉侯使行人問焉曰子以君命鎮撫敝

邑不腆先君之禮以辱從者不腆之樂以節之吾子舍其大而加禮於其細敢問何禮也對曰寡君使豹來繼先君之好君以諸侯之故況使臣以大禮夫先樂金奏肆夏繁遏渠天子所以饗元侯也夫歌文王大明絲則兩君相見之樂也皆昭令德以合好也皆非使臣之所敢聞也臣以為肄業及之故不敢拜今伶簫味歌及鹿鳴之三君之所以況使臣臣敢不拜況夫鹿鳴君之所以嘉先君之好也敢不拜嘉四牡君之所以章使臣之勤也敢

國語





諷子余切又  
將候切

不拜章。皇皇者華。君教使臣曰。每懷靡及。諷謀度  
詢必咨於周。敢不拜教。臣聞之曰。懷和為每懷。咨  
才為諷。咨事為謀。咨義為度。咨親為詢。忠信為周。  
君況使臣以大禮。重之以六德。敢不重拜。


晉悼公先為穆子作肆。夏文王各三篇而不拜。至作鹿鳴之三篇而後拜樂三。大謂肆。夏文王細謂鹿鳴也。況。賜也。金奏以鐘奏樂也。肆。夏一名樊。詔。夏一名過。納。夏一名渠。此三夏曲也。禮有九夏。周禮。鐘師掌以鐘鼓奏九夏。鄭後司農云。九夏皆篇名。頌之類也。載在樂章。樂崩亦從而亡。是以頌不能具。文王大明。縣文王之三也。伶蕭味歌。言樂人以蕭作此三篇之聲。與歌者相應也。每懷靡及。言臣奉使既受命。當思在公。每人人懷其私。於事將無及矣。訪問於善為咨。

懷和之和。鄭後司農云。當作私也。才。當為事。傳曰。咨事為諷。事當為難。傳曰。咨難為謀。

辨文照曰。以齊桓之表。東海而猶寄軍。今於內政。蓋兵人之所畏也。大則取。小則取。伐三軍。作而魯其日。泉矣。

季武子為三軍。叔孫穆子曰。不可。天子作師。公帥之以征不德。元侯作師。卿帥之以承天子。諸侯有卿無軍。帥教衛以贊元侯。自伯子男。有大夫無卿。帥賦以從諸侯。是以上能征下。下無姦慝。今我小侯也。處大國之間。繕貢賦以共從者。猶懼有討。若為元侯之所。以怒大國。無乃不可乎。弗從。遂作中軍。自是齊楚代討於魯。襄昭皆如楚。

魯伯禽之封。舊有三軍。其後削弱。二軍而已。武子欲專公室。故益中軍以為三。三家各征其一。





嚮向同或作向

教衛所教武衛之士也。賦國中出兵車甲士也。為元侯之所謂作三軍。元侯所為也。代更也。諸侯伐秦及涇莫濟。晉叔嚮見叔孫穆子曰。諸侯謂秦不恭而討之。及涇而止。於秦何益。穆子曰。豹之業及匏有苦葉矣。不知其它。叔嚮還。召舟虞與司馬曰。夫苦匏不材於人。共濟而已。魯叔孫賦匏有苦葉。必將涉矣。具舟除隧。不共有法。是行也。魯人以莒人先濟。諸侯從之。

業事也。嗚風。匏有苦葉。濟有深涉。深則厲。淺則揭。言其必濟。不知其他也。舟虞。掌舟者。材。讀若裁。不裁於人。言不可食也。共濟而已。佩匏可以度水也。隧。道也。以用也。能東西之曰以。

略談

汪道昆曰。為名與衆。此來之情也。故善為謀者。不肯自贊。凡以為

詳論

義人者。處善而後。推原大義。以見為名與衆也。以下正見其名未改。其衆未散。去其誰字。心在古者必去

襄公如楚。及漢。聞康王卒。欲還。叔仲昭伯曰。君之來也。非為一人也。為其名。與其衆也。今王死。其名未改。其衆未敗。何為還。諸大夫皆欲還。子服惠伯曰。不知所為。姑從君乎。叔仲曰。子之來也。非欲安身也。為國家之利也。故不憚勤遠而聽於楚。非義楚也。畏其名與衆也。夫義人者。固慶其喜而弔其憂。況畏而服焉。聞畏而往。聞喪而還。苟羊姓實嗣。其誰代之任喪。王大子又長矣。執政未改。子為先君來死而去之。其誰曰不如先君。將為喪舉。聞喪





辨雖欲誠廣  
曲可初求

說古脫字通  
用

儒人未切或  
作憮

此情之妙不  
得替人言必  
與不之

此非實與之  
體然魯非其  
國也

章句


闕與窺同

此非叔區之  
道然家非其  
君也

而還其誰曰非侮也。事其君而任其政。其誰由已。  
貳求說其侮而亟於前之人。其讎不滋大乎。說侮  
不懦。執政不貳。帥大讎以憚小國。其誰云待之。若  
從君而走患。則不如違君以避難。且夫君子計成  
而後行。二三子計乎有禦楚之術。而有守國之備  
乎。則可也。若未有不如往也。乃遂行。反及方城。聞  
季武子襲卞。公欲還出楚師以伐魯。榮成伯曰。不  
可。君之於臣。其威大矣。不能令於國。而恃諸侯。諸  
侯其誰暱之。若得楚師以伐魯。魯既不違。夙之取

卞也。必用命焉。守必固矣。若楚之克魯。諸姬不獲  
闕焉。而況君乎。彼無亦置其同類以服東夷。而大  
攘諸夏。將天下是王。而何德於君。其予君也。若不  
克魯。君以蠻夷伐之。而又求入焉。必不獲矣。不如  
予之。夙之事君也。不敢不悛。醉而怒。醒而喜。庸何  
傷。君其入也。乃歸。

羊。楚姓也。任。當也。誰。當代之當。衷。為主者乎。言  
必自當之。故不可不往弔也。將為喪舉。言如在  
國。聞楚有喪。將為之舉動而往也。其誰由已。說  
言楚臣方事其君。而當其政。其誰肯從已時。而  
使諸侯有攜貳者乎。說猶除也。言楚君求除其  
輕侮已者。將急於前之人也。憮。弱也。憚。難也。待





傳文照口張  
良驛足封韓  
信即此意蓋  
當其時不得  
不然耳

不若也

若也

猶禦也。卞魯邑。武子襲之以自子。夙武子名。夙  
取卞時。魯人不遠。是為聽用其命。必同心而守  
固矣。公欲伐魯。若人醉而怒。  
今止。若醒而喜也。何傷乎。

襄公在楚。季武子取卞。使季冶逆。追而予之璽書。  
以告曰。卞人將畔。臣討之。既得之矣。公未言。榮成  
子曰。子股肱魯國。社稷之事。子實制之。唯子所利。  
何必卞。卞有舉而子征之。子之隸也。又何謁焉。子  
冶歸。致祿而不出。曰。使子欺君。謂子能也。能而欺  
其君。敢享其祿而立其朝乎。

逆。迎也。古者大  
夫之印亦稱璽。

號之會。楚公子圍。二人執戈先焉。蔡公孫歸生與  
鄭罕虎見叔孫穆子。穆子曰。楚公子甚美。不大夫  
矣。抑君也。鄭子皮曰。有執戈之前。吾惑之。蔡子家  
曰。楚大國也。公子圍。其令尹也。有執戈之前。不亦  
可乎。穆子曰。不然。天子有虎賁。習武訓也。諸侯有  
旅賁。禦災害也。大夫有武車。備承事也。士有陪乘。  
告奔走也。今大夫而設諸侯之服。有其心矣。若無  
其心。而敢設服以見諸侯之大夫乎。將不入矣。夫  
服。心之文也。如龜焉。灼其中。必文於外。若楚公子






不爲君必死，不合諸侯矣。公子圍反，殺郟敖而代

之。  
先謂在前導也。虎賁掌先後王而趨，舍則守王。閉在國則守宮門，所以習武教也。旅賁掌執戈盾，夾車而趨，車止則持輪，所以備非常也。郟敖，楚康王之子麇，麇有疾，圍絀而殺之，葬之於郟，謂之郟敖。

號之會，諸侯之大夫尋盟未還，季武子伐莒，取郟。附  
莒人告於會，楚人將以叔孫穆子爲戮。晉樂王鮒求貨於穆子曰：「吾爲子請於楚，穆子不予，梁其蹠。」形蹠  
謂穆子曰：「有貨以衛身也，出貨而可以免，子何愛

善法  
善法

焉。穆子曰：「非女所知也。」承君命以會大事，而國有舉，我以貨私免，是我會吾私也。苟如是，則又可以出貨而成私欲乎？雖可以免，吾其若諸侯之事何？夫必將或循之曰：「諸侯之卿有然者，故也。」則我求安身而爲諸侯法矣。君子是以患作，作而不衷，將或導之，是昭其不衷也。余非愛貨，惡不衷也。且舉非我之由，爲戮何害？楚人乃赦之。穆子歸，武子勞之，日中不出，其人曰：「可以出矣。」穆子曰：「吾不難爲戮，養吾棟也。夫棟折而榱崩，吾懼壓焉。」故曰：「雖死





於外而庇宗於內可也今既免大恥而不忍小忿  
可以爲能乎乃出見之

循效也。惠作惠所作不得中以亂事也。武子正卿也。是爲國棟言已爲戮魯誅盡矣故曰去五棟也。

平丘之會晉昭公使叔嚮辭昭公弗與盟子服惠伯曰晉信蠻夷而棄兄弟其執政貳也貳必失諸侯豈唯魯然夫失其政者必毒於人魯懼及焉不可以不恭必使上卿從之季平子曰然則意如何若我往晉必患我誰爲之貳子服惠伯曰椒旣言

章注

牙孫少孫曰  
說中亦

動人

之矣敢逃難乎椒請從晉人執平子子服惠伯見韓宣子曰夫盟信之要也晉爲盟主是主信也若盟而棄魯侯信抑闕矣昔樂氏之亂齊人聞晉之禍伐取朝歌我先君襄公不敢寧處使叔孫豹悉帥弊賦躋歧畢行無有處人以從軍吏次於離俞與邯鄲勝擊齊之左<sup>左衛</sup>掎止晏萊焉齊師退而後敢還非以求遠也以魯之密邇於齊而又小國也齊朝駕則夕極於魯國不敢憚其患而與晉共其憂亦曰庶幾有益於魯國乎今信蠻夷而棄之夫諸





得炎火信說  
得痛切

物宗元曰近  
世京兆杜濟  
穿井獲土在  
中有狗焉投  
之於河化為  
龍

墳或作墳古  
字一本作積

侯之勉於君者將安勸矣若棄魯而苟固諸侯羣  
臣敢憚戮乎諸侯之事晉者魯為勉矣若以蠻夷  
之故棄之其無乃得蠻夷而失諸侯之信乎子計  
其利者小國共命宣子說乃歸平子

要猶結也。蔡氏之亂。樂盈也。開侯也。跼跂。躄蹇也。從後曰倚。止獲也。非以求遠。非以求遠功也。

季桓子穿井獲如土缶其中有羊焉使問之仲尼  
曰吾穿井而獲狗何也對曰以丘之所聞羊也丘  
聞之木石之怪曰夔大也蜩蝻水之怪曰龍罔象土之  
怪曰墳羊

夔一足。越人謂之山繅。或作猱。富陽有之。人而  
微身。能言。蜩蝻。山精。好教人聲而迷惑人者。罔  
象。食人。一名沐臆。墳羊。雌雄不成者。


季康子問於公父文伯之母曰主亦有以語肥也  
對曰吾能老而已何以語子康子曰雖然肥願有  
聞於主對曰吾聞之先姑曰君子能勞後世有繼  
子夏聞之曰善哉商聞之曰古之嫁者不及舅姑  
謂之不幸夫婦學於舅姑者也

大夫稱主。  
妻亦如之。

公父文伯飲南宮敬叔酒以露睹父為客羞鼈焉

黃洛成誦

或丁古切本  
或作睹





於何有備言  
所五幾何

禮記

小賂父怒相延食鼈辭曰將使鼈長而後食之遂  
出文伯之母聞之怒曰吾聞之先子曰祭養尸饗  
養上賓鼈於何有而使夫人怒也遂逐之五日魯  
大夫辭而復之

客上客也禮飲尊一人以爲客羞進也於何有猶何禮有鼈也辭請也

公父文伯之母如季氏康子在其朝與之言弗應  
從之及寢門弗應而入康子辭於朝而入見曰肥  
也不得聞命無乃臯乎曰子弗聞乎天子及諸侯  
合民事於外朝合神事於內朝自卿以下合官職

於外朝合家事於內朝寢門之內婦人治其業焉  
上下同之夫外朝子將業君之官職焉內朝子將  
庀季氏之政焉皆非吾所敢言也


庀治也

公父文伯遯朝朝其母其母方績文伯曰以歌之  
家而主猶績懼于季孫之怒也其以歌爲不能事  
主乎其母歎曰魯其亡乎使僮子備官而未之聞  
邪居吾語女昔聖王之處民也擇瘠土而處之勞  
其民而用之故長王天下夫民勞則思思則善心

漢食貨志冬  
民既入婦人  
相從夜績女  
工一月得四  
十五日注云  
每日又得半  
夜爲四十五  
日也與農之  
宵索蠲士  
之短禁夜誦  
俱美事佳境








生逸則淫。淫則忘善。忘善則惡心生。沃土之民不材。淫也。瘠土之民莫不嚮義勞也。是故天子大采朝日。與三公九卿祖識地德。日中考政。與百官之政事。師尹惟旅。牧相宣序民事。少采夕月。與大史司載糾虔天刑。日入監九御。使潔奉禘郊之粢盛。而後卽安。諸侯朝修天子之業命。晝考其國職。夕省其典刑。夜儆百工。使無惰淫。而後卽安。卿大夫朝考其職。晝講其庶政。夕序其業。夜庀其家事。而後卽安。士朝而受業。晝而講貫。夕而習復。夜而計

皇出每微二  
字大妙

過無憾。而後卽安。自庶人以下。明而動晦。而休無日以怠。王后親織玄紘。公侯之夫人加之以紘。緹安延卿之內子爲大帶。命婦成祭服。列士之妻加之以朝服。自庶士以下。皆衣其夫。社而賦事。烝而獻功。男女效績。愆則有辟。古之制也。君子勞心。小人勞力。先王之訓也。自上以下。誰敢淫心。舍力。今我寡也。爾又在下位。朝夕處事。猶恐忘先人之業。況有怠情。其何以避辟。吾冀而朝夕修我。曰必無廢先人。爾今日胡不自安。以是承君之官。余懼穆伯之

情今本多作  
濟





絕祀也。仲尼聞之曰：弟子志之，季氏之婦不淫矣。

禮：天子以春分朝日，示有尊也。大采，衮職也。祖習也。識，知也。地德所以廣生，師尹大夫官也。掌以美詔王，惟陳也。旅，衆士也。牧，州牧也。相，國相也。皆百官政事之所及也。夕月，以秋分。少采，繡衣也。載，天文也。司天文，謂馮相氏、保章氏與太史相儷偶也。監視也。九御，九嬪之官，卽就也。業，事也。令，命也。賁，習也。統，冠之垂前後者。韋，云，所以縣瑱當耳者。紘，纓之無綫者也。從下而上，不結。紕，冕上之覆也。卿之適妻曰內子。大帶，緇帶也。社，春分祭。冬祭曰烝。績，功也。

公父文伯之母，季康子之從祖叔母也。康子往焉。

闕門與之言，皆不踰闕祭。悼子，康子與焉。酢不受。

徹俎不宴，宗不具，不繹。繹不盡，飫則退。仲尼聞之。

以爲別於男女之禮矣。

闕，闕也。門，寢門也。悼子，穆伯之父。敬姜先舅，與與祭也。禮，祭。主人獻賓，賓酢主人，不受。敬姜不親受也。祭畢，徹俎，又不與康子宴飲。宗，宗臣。主祭祀之禮。繹，又祭也。謂宗臣不具在，則敬姜不與繹也。立曰飫，坐曰要。繹畢而飲，不盡飫。禮而退，恐有醉飽之失，皆所以遠嫌也。

公父文伯之母，欲室文伯，饗其宗老而爲賦。綠衣之三章，老請守龜卜室之族，師亥聞之曰：善哉，男

女之饗，不及宗臣，宗室之謀，不過宗人，謀而不犯。

微而昭矣。詩所以合意，歌所以詠詩也。今詩以合

室，歌以詠之，度於法矣。

徹通作撤

公父文伯




知也夫選作  
數美辭從注  
解夫當如字  
似理而太鑿

室妻也。綠衣邶風。其三章曰。我思古人。實獲我心。以言古之賢人。正其室家之道。我心所善也。族姓也。男女之饗不及宗臣。至於謀宗室之事。則不遇宗臣。故敬姜欲室文伯。而饗其宗老。賦詩以成之也。不犯。不犯禮也。微而昭。詩以合意也。

公父文伯卒。其母戒其妾曰。吾聞之。好內女死之。好外士死之。今吾子天死。吾惡其以好內聞也。二三婦之辱共先祀者。請無瘠色。無洵涕。無搯膺。無憂容。有降服。無加服。從禮而靜。是昭吾子也。仲尼聞之。曰。女知莫如婦。男知莫如夫。公父氏之婦知也。夫欲明其子之令德也。

瘠色。毀瘠之色也。無聲涕出為洵涕。搯。叩也。膺。胸也。女處女。男童也。言處女之知不如婦。童子之知不如丈夫也。知也。夫者。凡婦人之情。愛其子。欲令妻妾思慕而已。今敬姜乃反剝抑欲以明德。此丈夫之知。故曰知也夫。

公父文伯之母朝哭穆伯而莫哭文伯。仲尼聞之。曰。季氏之婦可謂知禮矣。愛而無私。上下有章。吳伐越。墮會稽。獲骨焉。節專車。吳子使來好聘。且問之。仲尼曰。無以吾命。賓發幣於大夫。及仲尼。仲尼爵之。既徹俎而宴。客執骨而問曰。敢問骨何為。大仲尼曰。丘聞之。昔禹致羣神於會稽之山。防風





氏後至禹殺而戮之其骨節專車此爲大矣客曰  
敢問誰守爲神仲尼曰山川之靈足以紀綱天下  
者其守爲神社稷之守爲公侯皆屬於王者客曰  
防風氏何守也仲尼曰汪芒氏之君也守封隅之  
山者也爲漆姓在虞夏商爲汪芒氏於周爲長翟  
今爲大人客曰人長之極幾何仲尼曰僬僥氏長  
三尺短之至也長者不過十之數之極也

專擅也。骨一節。其長專車也。徹俎而宴。獻酢禮畢。徹俎而宴飲也。羣神謂主山川之君。爲羣神之主。故謂之神。陳尸爲戮。山川之守。主爲山川設者也。紀綱天下。謂名山大川。能與雲致雨以

利天下也。封封山隅隅山。在今吳郡永安縣。僬僥西南蠻之別名。

仲尼在陳有隼集於陳侯之庭而死楛矢貫之石  
斨其長尺有咫陳惠公使人以隼如仲尼之館問

之仲尼曰隼之來也遠矣此肅慎氏之矢也昔武

王克商通道於九夷百蠻使各以其方賄來貢使  
無忘職業於是肅慎氏貢楛矢石斨其長尺有咫

先王欲昭其令德之致遠也以示後人使未監焉

故銘其楛曰肅慎氏之貢矢以分大姬配虞胡公

而封諸陳古者分同姓以珍玉展親也分異姓以

斨音奴又音斨


素注

周書旅獒傳  
通通于九夷  
八蠻

却若臨石山  
味字







遠方之職貢使無忘服也故分陳以肅慎氏之貢君若使有司求諸故府其可得也使求得之金積如之

隼鷲鳥今之鷲也楛木名。斧鐵也。八尺曰咫。刻曰銘。括箭羽之間也。晨重也。如之如孔子之言

從白字

齊閭丘來盟子服景伯戒宰人曰陷而入於恭閔馬父笑景伯問之對曰笑吾子之大滿也昔正考父校商之名頌十二篇於周大師以那爲首其輯之亂曰自古在昔先民有作溫恭朝夕執事有恪先聖王之傳恭猶不敢專稱曰自古古曰在昔昔

曲右故

曰先民今吾子之戒吏人曰陷而入於恭其滿之甚也周恭王能庇昭穆之闕而爲恭楚恭王能知其過而爲恭今吾子之教官寮曰陷而後恭道將何爲

陷猶失過也。如有失過。寧近於恭也。閔馬父魯大夫。滿驕滿也。正考父宋大夫。孔子之先也。毛詩敬曰。微子至於戴公。其間禮樂廢壞。有正考父者。得商頌十二篇於周之太師。以那爲首。鄭司農云。自考父至孔子。又亡其七篇。故餘五耳。輯成也。凡作篇章。義旣成。撮其大要。以爲亂辭。周恭王昭王之孫。穆王之子也。昭王南昭而不反。穆王欲肆其心。皆有闕失。恭王能庇覆之。故爲恭。楚恭王有疾。召大夫曰。不穀不德。覆亡楚國之師。若沒。請爲靈。若厲。子囊曰。可不謂恭乎。



大夫從之。道將何為。言失道尚為恭。如其得道。將何為乎。

精倫訪句

砥之復切又音指

法問

季康子欲以田賦。使冉有訪諸仲尼。仲尼不對。私於冉有曰。求來。汝不聞乎。先王制土。藉田以力。而砥其遠邇。賦里以入。而量其有無。任力以夫。而議其老幼。於是乎有鰥寡孤疾。有軍旅之出。則徵之。無則已。其歲收。田一井出稷禾秉芻。方有。不是過也。先王以為足。若子季孫欲其法也。則有周公之藉矣。若欲犯法。則苟而賦。又何訪焉。

田賦。以田出賦也。賈侍中云。田一井也。周制。十六井賦。戎馬一匹。牛二頭。今一井之田。而欲出

十六井之賦也。制土。制其肥瘠。以為差也。藉田。謂稅也。以力。謂三十者受田百畝。二十者受五十畝。六十還田也。砥。平也。平遠近。遠近有差也。周禮。近郊十一。遠郊二十。而三。甸稍縣都。皆無過十二也。里。廛也。謂商賈所居之區域也。以入計其利入多少。而量其財業有無。以為差也。周禮。國宅無征。園廛二十。而一。漆林二十。而五。力謂徭役。以夫家為數。老幼則有復除也。徵之。徵鰥寡孤疾之賦。無軍旅之出。則止不賦也。其歲有軍旅之歲也。缶。庚也。十六斗曰庚。十庚曰秉。四秉曰筥。十筥曰稷。藉。藉田之法。苟。苟且也。康子不聽。魯哀十二年春。卒用田賦。

皇明萬曆己未仲秋烏程閔齊伋遇五父裁注






壽語平紀  
 公伯常大著  
 與管子同止  
 其文不類諸  
 國語明是取  
 諸按者  
 饒誤同本或  
 作饒誤文但  
 作饒無饒字  
 文氣快遠饒  
 饒之乃少減  
 先饒同之註  
 揚  
 抱音乎或音  
 浮

國語第三

齊

桓公自莒反於齊使鮑叔爲宰辭曰臣君之庸臣  
 也君加惠於臣使不凍餒則是君之賜也若必治  
 國家者則非臣之所能也若必治國家者則管夷  
 吾乎臣之所不若夷吾者五寬惠柔民弗若也治  
 國家不失其柄弗若也忠信可結於百姓弗若也  
 制禮義可法於四方弗若也執枹鼓立於軍門使  
 百姓加勇焉弗若也桓公曰夫管夷吾射寡人中





壽語平紀  
 公伯常大著  
 與管子同止  
 其文不類諸  
 國語明是取  
 諸按者  
 饒誤同本或  
 作饒誤文但  
 作饒無饒字  
 文氣快遠饒  
 饒之乃少減  
 先饒同之註  
 揚  
 抱音乎或音  
 浮

國語第三

齊

桓公自莒反於齊使鮑叔爲宰辭曰臣君之庸臣  
 也君加惠於臣使不凍餒則是君之賜也若必治  
 國家者則非臣之所能也若必治國家者則管夷  
 吾乎臣之所不若夷吾者五寬惠柔民弗若也治  
 國家不失其柄弗若也忠信可結於百姓弗若也  
 制禮義可法於四方弗若也執枹鼓立於軍門使  
 百姓加勇焉弗若也桓公曰夫管夷吾射寡人中





施伯既知管子之才將為魯國憂何不蚤令魯用之以憂齊乎此實經魯用仲游嚴慈不

施伯勸禮重耳各別殺之聲于勸後湫奉石則即監使殺皆其此意

慶或為嘉

章法

工辭

寡力製切語是裂字而書法小異耳

鉤是以濱於死。鮑叔對曰：夫為其君動也。君若宥而反之，夫猶是也。桓公曰：若何？鮑子對曰：請諸魯。桓公曰：施伯，魯君之謀臣也。夫知吾將用之，必不予我矣。若之何？鮑子對曰：使人請諸魯。曰：寡君有不令之臣，在君之國，欲以戮於羣臣，故請之。則予我矣。桓公使請諸魯。如鮑叔之言。嚴公以問施伯。施伯對曰：此非欲戮之也。欲用其政也。夫管子天下之才也。所在之國，則必得志於天下。令彼在齊，則必長為魯國憂矣。嚴公曰：若何？施伯對曰：殺而

以其屍授之。嚴公將殺管仲。齊使者請曰：寡君欲親以為戮，若不生，得以戮於羣臣，猶未得請也。請生之。於是嚴公使束縛以予齊使。齊使受而以還。比至，三疊三浴之。桓公親逆之於郊，而與之坐。問焉。曰：昔吾先君襄公，築臺以為高位，田狩畢弋，不聽國政。卑聖侮士，而唯女是崇。九妃六嬪，陳妾數百，食必粱肉，衣必文繡。戎士凍餒，戎車待游車之褻，戎士待陳妾之餘，優笑在前，賢才在後。是以國家不日引，不月長，恐宗廟之不埽，除社稷之不血。






全相圖禮  
搏指克切或  
音銘

二百四十二  
年大快之舉  
二百四十二  
年大快之文

食敢問爲此若何管子對曰昔吾先王昭王穆王  
世法文武遠績以成名合羣容史比較民之有道者  
設象以爲民紀式權以相應比緩以度搏本本肇末  
勸之以賞賜糾之以刑罰班序顛毛以爲民紀統  
桓公曰爲之若何管子對曰昔者聖王之治天下  
也參其國而伍其鄙定民之居成民之事陵爲之  
終而慎用其六柄焉桓公曰成民之事若何管子  
對曰四民者勿使雜處雜處則其言本隉其事易公  
曰處士農工商若何管子對曰昔聖王之處士也

使就閒燕處工就官府處商就市井處農就田野  
令夫士羣萃而州處閒燕則父與父言義子與子  
言孝其事君者言敬其幼者言悌少而習焉其心  
安焉不見異物而遷焉是故其父兄之教不肅而  
成其子弟之學不勞而能夫是故士之子恒爲士  
令夫工羣萃而州處審其四時辨其功苦權節其  
用論比協材以旦莫從事施於四方以飭其子弟  
相語以事相示以巧相陳以功少而習焉其心安  
焉不見異物而遷焉是故其父兄之教不肅而成





實是屋所高也  
何合可切又  
胡佐切

葉古老切  
特彙

章法  
樓寫字是  
有境

峻七倫切又  
遠錄切

其子弟之學不勞而能夫是故工之子恒爲工令  
夫商羣萃而州處察其四時而監其鄉之資以知  
其市之賈負任僭何服牛輅馬以周四方以其所  
有易其所無市賤鬻貴且莫從事於此以飭其子  
弟相語以利相示以賴相陳以知賈少而習焉其  
心安焉不見異物而遷焉是故其父兄之教不肅  
而成其子弟之學不勞而能夫是故商之子恒爲  
商令夫農羣萃而州處察其四時權節其用耒耜  
枷芟及寒擊藁除田以待時耕及耕深耕而疾耰

之以待時雨時雨既至挾其槍刈耨鎔以旦莫從  
事於田野脫衣就功首戴茅蒲身衣襪襪露體塗  
足暴其髮膚盡其四支之敏以從事於田野少而  
習焉其心安焉不見異物而遷焉是故其父兄之  
教不肅而成其子弟之學不勞而能夫是故農之  
子恒爲農野處而不暱其秀民之能爲士者必足  
賴也有司見而不以告其舉五有司已於事而竣  
桓公曰定民之居若何管子對曰制國以爲二十  
一鄉桓公曰善管子於是制國以爲二十一鄉工

國語 齊






帥所律切或  
作所類切非

此便是王伯  
分岐與監處  
是以不知此不

商之鄉六士鄉十五公帥五鄉焉國子帥五鄉焉  
高子帥五鄉焉參國起案以爲三官臣立三宰工  
立三族市立三鄉澤立三虞山立三衡桓公曰吾  
欲從事於諸侯其可乎管子對曰未可國未安桓  
公曰安國若何管子對曰修舊法擇其善者而業  
用之遂滋民與無財而敬百姓則國安矣桓公曰  
諾遂修舊法擇其善者而業用之遂滋民與無財  
而敬百姓國既安矣桓公曰國安矣其可乎管子  
對曰未可君若正卒伍修甲兵則大國亦將正卒

伍修甲兵則難以速得志矣君有攻伐之器小國  
諸侯有守禦之備則難以速得志矣君若欲速得  
志於天下諸侯則事可以隱令可以寄政桓公曰  
爲之若何管子對曰作內政而寄軍令焉桓公曰  
善管子於是制國五家爲軌軌爲之長十軌爲里  
里有司四里爲連連爲之長十連爲鄉鄉有良人  
焉以爲軍令五家爲軌故五人爲伍軌長帥之十  
軌爲里故五十人爲小戎里有司帥之四里爲連  
故二百人爲卒連長帥之十連爲鄉故二千人爲






文就至此不  
水奇而自奇  
金谷花開爛  
馬連日

文就至此不  
水奇而自奇  
金谷花開爛  
馬連日

旅鄉良人帥之五鄉一帥故萬人爲一軍五鄉之  
帥帥之三軍故有中軍之鼓有國子之鼓有高子  
之鼓春以糝振旅秋以獮治兵是故卒伍整於里  
軍旅整於郊內教旣成令勿使遷徙伍之人祭祀  
同福死喪同恤禍災共之人與人相疇家與家相  
疇世同居少同游故夜戰聲相聞足以不垂晝戰  
目相視足以相識其歡欣足以相死居同樂行同  
歆死同哀是故守則同固戰則同彊君有此士也  
三萬人以方行於天下以誅無道以屏周室天下

大國之君莫之能禦也

齊襄公立其政無常鮑叔牙曰亂將作矣奉公  
子小曰奔莒公孫無知殺襄公而自立管夷吾  
召忽奉公子糾奔魯齊人殺無知逆子糾於魯  
魯嚴公不卽遣而盟以要之齊大夫歸逆小白  
於莒嚴公伐齊納子糾小白自莒先入是爲桓  
公宰太宰也瀆近也以香塗身曰鬻畢掩雉兔  
之網也容老也周禮正月之吉縣治象於象環  
使萬民觀焉扶日而斂之所以爲民綱紀也扶  
通作決式用也權平也使均平相應也比比其  
衆寡綴連也連其夫家也度法也鬻等也肇正  
也請先等其本以正其末也顛頂也毛髮也次  
列頂髮之白黑使長幼有等以爲治民之經紀  
也參三也國郊以內也伍五也鄙郊以外也三  
分國都以爲三軍五分其鄙以爲五屬也陵爲  
之終以爲葬也六柄生殺貧富貴賤也嗾亂貌  
易變易也萃集也州聚也功宰也苦脆也論擇





近代鄉約之法亦祖此意虛文從事鮮有實效非法之過也

期居其切或作恭

也。比。比其善惡也。協。和也。和其剛柔也。監視也。資財也。背曰負。肩曰擔。任。抱也。何。搗也。服。牛車也。輅。馬車也。賴。贏也。柳。拂也。所以擊草者。芟。大鎌。所以芟草者。藁。枯草也。槍。梅也。鑄。鉏也。發。稊。藜。薛。衣。曬。近也。秀。民。民之秀出者。足。賴之賴。恃也。其罪五。其罪在五刑也。已。畢也。竣。伏退也。士。鄉十五。唐尚書云。士與農。共十五鄉也。韋氏云。此士。軍士也。十五鄉。合三萬人。是為三軍。農野處而不。不在都邑之數。則下所云。伍。鄙。是也。公帥五鄉。是為中軍。國高各帥五鄉。為左右軍也。參。三也。案。界也。分國事以為三也。業。用。創。用也。遂。育也。滋。長也。貧。無財者。振。業之也。事。戎。事也。隱。匿也。寄。托也。置。軍令。託於國政。若有征伐。鄰國不知也。居。則為軌。出。則為伍。所謂寄政。小戎。兵車也。春。田曰。狩。振。整也。旅。衆也。秋。田曰。獮。方。行。橫行也。

正月之朝。鄉長復事。君親問焉。曰。於子之鄉。有居

處好學。慈孝於父母。聰慧質仁。發聞於鄉里者。有則以告。有而不以告。謂之蔽明。其舉五。有司已於事而竣。桓公又問焉。曰。於子之鄉。有拳勇股肱之力。秀出於衆者。有則以告。有而不以告。謂之蔽賢。其舉五。有司已於事而竣。桓公又問焉。曰。於子之鄉。有不慈孝於父母。不長弟於鄉里。驕躁淫暴。不用上令者。有則以告。有而不以告。謂之下比。其舉五。有司已於事而竣。是故鄉長退而修德進賢。桓公親見之。遂使役官。桓公令官長期而書。伐以告。






且選選其官之賢者而復用之曰有人居我官有  
功休德惟慎端慤以待時使民以勸綏謗言足以  
補官之不善政桓公召而與之語嘗相其質足以  
比成事誠可立而授之設之以國家之患而不疚  
選問其鄉以觀其所能而無大厲升以為上卿之  
贊謂之三選國子選而修鄉鄉選而修連連  
選而修里里選而修軌軌選而修伍伍選而修家  
是故匹夫有善可得而舉也匹夫有不善可得而  
誅也政既成鄉不越長朝不越爵罷士無伍罷女

大都是周禮  
遺意而開有  
任術處

無家夫是故民皆勉為善與其為善於鄉也不如  
為善於里與其為善於里也不如為善於家是故  
士莫敢言一朝之便皆有終歲之計莫敢以終歲  
之議皆有終身之功桓公曰伍鄙若何管子對曰  
相地而衰征則民不移政不旅舊則民不偷山澤  
各致其時則民不苟陸阜陵壘井田疇均則民不  
憾無奪民時則百姓富犧牲不略則牛羊遂桓公  
曰定民之居若何管子對曰制鄙三十家為邑邑  
有司十邑為卒卒有卒帥十卒為鄉鄉有鄉帥三





鄉爲縣。縣有縣帥。十縣爲屬。屬有大夫。五屬。故立五大夫。各使治一屬焉。立五正。各使聽一屬焉。是故正之政聽屬。牧政聽縣。下政聽鄉。桓公曰。各保治爾所。無或淫怠而不聽治者。

復白也。比阿黨也。役官爲官也。期。期年也。伐。功也。書其所掌在官有功者也。復用之復。亦白也。待時。動不違時也。綏。止也。警。量也。相視也。比。成之比。輔也。疾。病也。豫。設國家之患難以問之。而不罷病也。厲。惡也。衰。征。規土地之美惡。及所生出。以差征賦之輕重也。舊。君之故舊也。不以故人爲師旅。則民相與不苟且也。瑾。蒲上之道也。麻地曰疇。略。奪也。遂。長也。此定民之居。謂制野鄙之政也。與郊內之政異。

卷之四  
齊

正月之朝。五屬大夫復事。桓公擇是寡功者而譴之曰。制地分民如一。何故獨寡功。教不善。則政不治。一再則宥。三則不赦。桓公又親問焉。曰。於子之屬。有居處爲義。好學。慈孝於父母。聰慧質仁。發聞於鄉里者。有則以告。有而不以告。謂之蔽明。其舉五。有司已於事而竣。桓公又問焉。曰。於子之屬。有拳勇股肱之力。秀出於衆者。有則以告。有而不以告。謂之蔽賢。其舉五。有司已於事而竣。桓公又問焉。曰。於子之屬。有不慈孝於父母。不長弟於鄉里。





一本君欲從  
事於天下諸  
侯


若注

驕躁淫暴不用上令者有則以告有而不以告謂  
之下比其舉五有司已於事而竣五屬大夫於是  
退而修屬屬退而修縣縣退而修鄉鄉退而修卒  
卒退而修邑邑退而修家是故匹夫有善可得而  
舉也匹夫有不善可得而誅也政既成以守則固  
以征則疆

桓公曰吾欲從事於諸侯其可乎管子對曰未可  
鄰國未吾親也君若欲從事於諸侯則親鄰國桓  
公曰若何管子對曰審吾疆場而反其侵地正其

封疆無受其資而重爲之皮幣以驟聘類於諸侯  
以安四鄰則四鄰之國親我矣爲游士八十人奉  
之以車馬衣裘多其資幣使周游於四方以號召  
天下之賢士皮幣玩好使人鬻之四友以監其上  
下之所好擇其淫亂者而先征之桓公問曰夫軍  
令則寄諸內政矣齊國寡甲兵爲之若何管子對  
曰輕過而移諸甲兵桓公曰爲之若何管子對曰  
制重臯贖以犀甲一戟輕臯贖以鬮鬮看一戟小臯  
贖以金分宥閒臯索訟者三禁而不可上下坐成

是兵之法莫  
良于此





抄校

三語元其五  
我少之尚前  
階有城與克  
反其侵地而

使為主心便  
如服如山如  
海之可待耳  
注謂軍必依  
險阻三國安  
能共此險耶

勝晉文一著

備極揚厲可  
指不遺餘力

汶音文又音  
問

疏賦於後

辭必亦切又  
區亦切不古  
流字

以束矢美金以鑄劍戟試諸狗馬惡金以鑄鉏夷  
斤櫛朱綠試諸壤土甲兵大足桓公曰吾欲南伐何主  
管子對曰以魯為主反其侵地堂潛使海於有蔽  
渠弭於有渚環山於有牢桓公曰吾欲西伐何主  
管子對曰以衛為主反其侵地臺原姑與漆里使  
海於有蔽渠弭於有渚環山於有牢桓公曰吾欲  
比伐何主管子對曰以燕為主反其侵地柴夫吠  
狗使海於有蔽渠弭於有渚環山於有牢四鄰大  
親既反侵地正封疆地南至於餽陰西至於濟北

至於河東至於紀鄴有革車八百乘擇天下之甚  
淫亂者而先征之卽位數年東南多有淫亂者萊  
莒徐夷吳越一戰帥服三十一國遂南征伐楚濟  
汝踰方城望汶山使貢絲於周而反荊州諸侯莫  
不來服遂北伐山戎神剗令支曼斬孤竹而南歸海濱  
諸侯莫不來服與諸侯飾牲爲載以約誓於上下  
庶神與諸侯勩力同心西征攘白翟之地至於西  
河方舟設泚字乘桴濟河至於石抗縣車束馬踰大  
行與辟耳之谿拘夏西服說汜沙西吳南城周反昨





於絳嶽濱諸侯莫不來服而大朝諸侯於陽穀兵  
 車之屬六乘車之會三諸侯甲不解繫兵不解繫  
 殺無弓服無矢隱武事行文道帥諸侯而朝天子  
 葵丘之會天子使宰孔致胙於桓公曰余一人之  
 命有事於文武使孔致胙且有後命曰以爾自卑  
 勞實謂爾伯舅無下拜桓公召管子而謀管子對  
 曰為君不君為臣不臣亂之本也桓公懼出見客  
 曰天威不遠顔咫尺小白余敢承天子之命曰爾  
 無下拜恐隕越於下以為天子羞遂下拜升受命

齊命

王世貞曰稱  
 類稱仁稱寬  
 稱廣不可分  
 看四者段  
 皆有只如此  
 鼓舞華端耳  
 諸侯知桓公  
 之為已動桓  
 公知諸侯之  
 歸已後又云  
 桓公知諸侯  
 之多與已皆  
 是鼓舞華端  
 以美奇且前  
 既稱言未服  
 未又述禁恭  
 示權皆足張  
 示伯界深而  
 適長而有體

墓或作墓

賞服大路龍旂九旒渠門赤旂諸侯稱順焉桓公  
 憂天下諸侯魯有夫人慶父之亂二君殺死國絕  
 無嗣桓公聞之使高子存之翟人攻邢桓公築夷  
 儀以封之男女不淫牛馬選具翟人攻衛衛人出  
 廬於曹桓公城楚丘以封之其畜散而無育桓公  
 與之繫馬三百天下諸侯稱仁焉於是天下諸侯  
 知桓公之為已動也是故諸侯歸之譬若市人桓  
 公知諸侯之歸已也故使輕其幣而重其禮故天  
 下諸侯罷馬以為幣縷纂以為奉鹿皮四个諸侯

國語齊





變通作識

之使垂橐而入，捆載而歸。故拘之以利，結之以信。示之以武，故天下小國諸侯，既許桓公，莫之敢背。就其利而信其仁，畏其武，桓公知天下諸侯多與已也。故又大施忠焉，可為動者為之動，可為謀者為之謀。軍譚遂而不有也，諸侯稱寬焉。通齊國之魚鹽於東萊，使關市幾而不征，以為諸侯利。諸侯稱廣焉。築葵茲，晏負夏，領釜丘，以禦戎翟之地，所以禁暴於諸侯也。築五鹿，中牟，蓋與牡丘，以衛諸夏之地，所以示權於中國也。教大成，定三革，隱五

冷讀經句按  
懸右抄故  
只平常語徒  
用作結便覺  
奇峻  
勝似祥尾

刃朝服以濟河而無怵惕焉。文事勝矣，是故大國慚愧，小國協附。唯能用管夷吾，甯戚，隰朋，賓胥無，鮑叔牙之屬，而伯功立。




類視也。監觀也。鞶者，綴革有文如績也。金分，賄金有分兩之差也。鬪罪，刑罰之疑者，索訟求訟者之情也。三禁，禁之三日，使審實其辭也。不可上下者，辭定不可移也。坐成，獄訟之坐已成也。十二矢為束，周禮以兩造禁民訟，入束矢於朝，然後聽之。兩人訟，一人入矢，一人不入，則曲曲則伏，人兩矢，乃治之。矢取往而不反也。夷，平也。所以削草平地，揚斫也。圭，主人，供軍用也。有蔽言可依蔽也。渠，弭，禪海也。水中可居曰渚，有此乃可以為主人，軍必依險阻也。牢，牛羊豕也。言雖山險，皆有牢牧也。剽，擊也。斬，伐也。方，并也。編，木曰澗，小澗曰杼，石抗晉地，辟耳山名，拘夏，辟






耳之鄰也。流沙。西吳雍州之地。城周。城王城也。反。胙於終賈侍中云。反復也。胙。位也。終。晉國都也。晉獻公卒。奚齊卓子死。晉侯失其胙位。桓公以諸侯討晉。至高梁。使隰朋帥師。立公子夷吾。復之於絳。是也。嶽。北嶽常山也。繫。所以盛甲。繫所以蔽兵。發。弓衣。服。矢服也。達。遠也。顏。眉目之間也。淫。見淫略也。選。數也。繫馬。良馬在閑者。繫織文。縷。綦以縷織。綦。不用絲。取易共也。奉。藉也。所以藉玉之藻也。个。枚也。繫。發也。垂。囊。言空而來。圖。秦也。軍。譚。遂。以軍滅之。不有。以分諸侯也。桓公之奔莒也。過譚。譚子不禮。比杏之會。遂人不至。故皆滅之。定。莫。隱。藏也。三革。甲冑。盾也。五刃。刀。劍。矛。戟。矢也。

皇明萬曆己未仲秋烏程閔齊伋遇五父菽注








國立中央圖書館, TAIWAN, R.O.C.






國立中央圖書館藏





國語  
晉上

NATIONAL CENTRAL LIBRARY, TAIWAN, R.O.C.





請武公竊爾遠  
忠謀之辭乃知  
朕骨肉以得者  
亦哉骨肉以亂  
之請文公偪伯  
遠三晉之分乃  
知謀水才以興  
者亦推水才以  
亡之天道乎神  
人罪耶

抄法



抄法

國語第四

晉上

起武公  
至懷公

武公伐翼、殺哀侯、止樂共子曰：苟無死，吾以子見天子。令子爲上卿，制晉國之政。辭曰：成聞之，民生於三事之如一：父生之，師教之，君食之，非父不生，非食不長，非教不知，生之族也。故宣事之，唯其所。在，則致死焉。報生以死，報賜以力，人之道也。臣敢以私利廢人之道，君何以訓矣！且君知成之從也，未知其待於曲沃也。從君而貳君焉，用之，遂闕而





死

武公曲沃桓叔之孫嚴伯之子也。翼晉都哀侯晉昭侯之孫鄂侯之子也。初昭侯分國以封叔父桓叔為曲沃伯。曲沃疆盛。昭侯微弱。晉潘父殺昭侯而納桓叔不克。晉人立昭侯之子孝侯。嚴伯殺孝侯。翼人立其弟鄂侯。鄂侯生哀侯。魯桓三年。曲沃武公伐翼。殺哀侯而兼之。王使虢公命武公以一軍為晉侯。遂為晉祖。桓叔之始封也。樂共子之父樂賓傳之。故止共子。使無死也。如一服勤致死也。族類也。唯其所在。在君父為君父。在師為師也。且君之君。武公也。成。共子名。君知成將死。其君為從臣道。故使止臣。未知成不死而待君於曲沃之為貳也。武二心也。

獻公卜伐驪戎。史蘇占之曰：勝而不吉。公曰：何謂也？對曰：遇兆挾以銜骨齒牙為猾。戎夏交梓。交梓

驅力知切或作展音同  
為注

機張雞切或作機下同

從事

是交勝也。臣故云。且懼有口。憫民國移心焉。公曰：何口之有。口在寡人。寡人弗受。誰敢與之。對曰：苟可以憫其入也。必甘受。逞而不知。胡可壅也。公不聽。遂伐驪戎。克之。獲驪姬以歸。有寵。立以為夫人。公飲大夫酒。令司正實爵。與史蘇曰：飲而無肴。夫驪戎之役。女曰勝而不吉。故賞女以爵。罰女以無肴。克國得妃。其有吉孰大焉。史蘇卒爵。再拜稽首。曰：兆有之。臣不敢蔽。蔽兆之紀。失臣之官。有二臯焉。何以事君。大罰將及。不惟無肴。抑君亦樂其吉。

國語 晉上





孫應登曰男  
戎女戎幾妙  
而理真

喜役作婦

禮文熙曰

如與說石亡

周已無可考

然說石倭人

猶可言也若

夫伊尹比妹

喜膠鬲比妲

已不經殊甚

抑州何以無

駁

答或作句古

字通

抄詞作此功

似此其說不

肯說不在

海作多身漢

是尹方欲以

夏而殊喜而

之也初其和

明比死

史蘇郭偃各  
極禍福淺深  
之趣

而備其凶。凶之無有。備之何害。若其有之。備之爲  
瘳。臣之不信。國之福也。何敢憚罰。飲酒出。史蘇告  
大夫曰。夫有男戎。必有女戎。若晉以男戎勝戎。而  
戎亦必以女戎勝晉。其若之何。里克曰。何如。史蘇  
曰。昔夏桀伐有施。有施人以妹喜女焉。妹喜有寵。  
於是乎與伊尹比而亡夏。殷辛伐有蘇。有蘇氏以  
妲己女焉。妲己有寵。於是乎與膠鬲比而亡殷。周  
幽王伐有褒。有褒人以褒姒女焉。褒姒有寵。生伯  
服。於是乎與虢石甫比。逐太子宜咎而立伯服。大

子出奔申。申人十陵繪人召西戎以伐周。周於是乎亡。

今晉寡德而安俘女。又增其寵。雖當三季之王。不

亦可乎。且其兆云。挾以銜骨。齒牙爲猾。我卜伐驪

龜。往離散以應我。夫若是賊之兆也。非吾宅也。離

則有之。不跨其國。可謂挾乎。不得其君。能銜骨乎。

若跨其國而得其君。雖逢齒牙以猾其中。其誰云

弗從。諸夏從戎。非敗而何。從政者不可以不戒。亡

無日矣。郭偃曰。夫三季王之亡也。宜民之主也。縱

惑不疚。肆侈不違。流志而行。無所不疚。是以及亡





噤口玷切或  
作謙  
語語僅甚但  
引喻只取謙  
字一守於意  
無端

而不獲追鑑。今晉國之方偏侯也。其土又小。大國  
在側。雖欲縱惑。未獲專也。大家鄰國。將師保之。多  
而驟立。不其集亡。雖驟立。不過五矣。且夫口三五  
之門也。是以讒口之亂。不過三五。且夫挾小鯁也。  
可以小戕。而不能喪國。當之者戕焉。於晉何害。雖  
謂之挾。而猾以齒牙。口弗堪也。其與幾何。晉國懼  
則甚矣。亡猶未也。商之衰也。其銘有之。曰噤噤之  
德。不足就也。不可以矜。而祇取憂也。噤噤之食。不  
足徯也。不能爲膏。而祇離咎也。雖驪之亂。其離咎

善論

而已。其何能服。吾聞以亂得聚者。非謀不卒。時非  
人。不免難。非禮不終年。非義不盡齒。非德不及世。  
非天不離數。今不據其安。不可謂能謀。行之以齒  
牙。不可謂得人。廢國而向已。不可謂禮。不度而迂  
求。不可謂義。以寵賈怨。不可謂德。少族而多敵。不  
可謂天德。義不行。禮義不則。棄人失謀。天亦不贊。  
吾觀君夫人也。若爲亂。其猶隸農也。雖獲沃田。而  
勤易之。將弗克饗爲人而已。士爲曰。戒莫如豫。豫  
而後給。夫子戒也。抑二大夫之言。其皆有焉。既驪

武后反唐為  
周伏謀公謂  
僚伍曰此天  
地間必無之  
事吾唯會章  
靜侯以挽回  
天意耳噫伏  
之見其即假  
之見假之見  
其即蘇之見  
與  
夫子指諸大





姬不克晉正於秦五立而後平

扶猶會也。骨所以鑿刺人。猾弄也。齒牙謂兆端左右。齧拆有似齒牙。中有從畫。故銜骨在口中。齒牙弄之。以象護口之為害也。兆有一畫。外象戎內象諸夏。兆端會。齒牙交。有似梓。梓交對也。交勝言晉勝戎。戎復勝晉。憐離也。遲快也。實滿也。肴俎實也。卒盡也。男戎女戎之戎。謂兵也。女兵言其禍猶兵。北比功也。伊尹欲亡夏。妹喜為之作禍。其功同也。石甫。魏公名。鄭語曰。石甫。讒諂巧佞之人也。而立以為卿士。軍獲曰俘。應答也。往令告龜辭。往伐驪也。其兆離散不吉。賊賊敗國家之兆也。非吾宅。言非吾所安居也。離則之離。國分離也。跨猶據也。言驪姬不據有晉國。可謂內外扶乎。驪姬若能跨據晉國。而得志於君。齒牙之猾。雖為中害。國人逢之。誰有不從。言必從也。不疾。不以為病也。鑿。避也。流。放也。無所不疾。無一不以為病也。鑿。鏡也。言不得復追鏡

前世善敗。以為戒也。方大也。偏偏方也。甸內偏方小侯也。驟數也。集至也。口所以紀三辰宣五行。故謂之門。不過三五少則三君多則五君耳。堪猶勝也。言晉在口。而猾以齒牙口不能勝也。喻不能終害。其與幾何。言不久也。噉噉猶小小也。食祿也。皿食也。膏肥也。何能服。何能服人也。聚聚財眾也。卒盡也。三月一時。非有善謀。不能盡一時。齊無知是也。非得人不能自免於難。衛州吁是也。非有禮法。不能終十年。齊懿公商人。是也。齒年壽也。非有義行。不能盡其年壽。楚靈王滅陳蔡。用隱太子於岡山是也。世嗣也。非有天命。佑助不能歷數長久。若齊桓晉文。天假之年。而除其害。子孫繼業。神所命也。廢國謂盡害羣公子也。以國向已。不可謂知禮也。透邪也。不度利害之本。而以邪奪正也。沃美也。易治也。為人為他人取也。夫子指郭偃不克不能服晉也。獻公伐驪戎克之。滅驪子。獲驪姬以歸。立以為夫





居勿切又  
屈求勿切又

國語

人生奚齊其娣生卓子驪姬請使申生處曲沃以  
速縣重耳處蒲城夷吾處屈奚齊處絳以儼無辱  
之故公許之史蘇朝告大夫曰二三大夫其戒之  
乎亂本生矣日君以驪姬爲夫人民之疾心固皆  
至矣昔者之伐也起百姓以爲百姓也是以民能  
欣之故莫不盡忠極勞以致死今君起百姓以自  
封也民外不得其利而內惡其貪則上下既有判  
矣然而又生男其天道也天彊其毒民疾其態其  
亂生哉吾聞君子好好而惡惡樂樂而安安是以

畜許六切又  
勅六切  
從子用切又  
如字  
信古申字

能有常伐木不自其本必復生塞水不自其源必  
復流滅禍不自其基必復亂今君滅其父而畜其  
子禍之基也畜其子又從其欲子思報父之恥而  
信其欲雖好色必惡心不可謂好好其色必授之  
情彼得其情以厚其欲從其惡心必敗國且深亂  
亂必自女戎三代皆然驪姬果作難殺太子而逐  
二公子君子曰知難本矣

女子同生謂後生爲娣於男則言姝速疾也  
繼也以儼無辱言出此三子爲鎮於外以儼備  
戎翟無恥辱於國也疾疾其君也至深也  
昔者之伐謂古明王也深亂亂深也





穆文熙曰昔  
息徒能效死  
里不從善不  
阿總之忠貞  
有餘而權術  
不足非能圖  
天下之大事  
者也較留侯  
速矣

伯氏范氏  
突子名也

驪姬生奚齊其娣生卓子公將黜犬子申生而立  
奚齊里克丕鄭荀息相見里克曰夫史蘇之言將  
及矣其若之何荀息曰吾聞事君者竭力以役事  
不聞違命君立臣從何貳之有丕鄭曰吾聞事君  
者從其義不阿其惑也惑則誤民民誤失德是棄  
民也民之有君以治義也義以生利利以豐民若  
之何其民之與處而棄之也必立犬子里克曰我  
不佞雖不識義亦不阿惑吾其靜也三大夫乃別  
烝於武公公稱疾不與使奚齊蒞事猛足言於犬

子曰伯氏不出奚齊在廟子盍圖乎犬子曰吾聞  
之羊舌大夫曰事君以敬事父以孝受命不遷爲  
敬敬順所安爲孝棄命不敬作令不孝又何圖焉  
且夫聞父之愛而嘉其況有不忠焉廢人以自成  
有不貞焉孝敬忠貞君父之所安也棄安而圖遠  
於孝矣吾其止也

涖臨也稱疾不祭而使奚齊者欲諷羣臣使知  
已意伯氏猶言長子也圖圖所以自安固也作  
令謂擅發舉以有爲  
也聞離也况賜也

獻公田見翟相之氛歸寢不寐郤叔虎朝公語之





語一作過

厭於艷切又於鹽切

對曰牀第之不安邪抑驪姬之不存側邪公辭焉  
出語士為曰今夕君不寐必為翟祖也夫翟祖之  
君好專利而不忘其臣競諂以求媚其進者壅塞  
其退者距違其上貪以忍其下偷以幸有縱君而  
無諫臣有冒上而無忠下君臣上下各厭其私以  
縱其回民各有心無所據依以是處國不亦難乎  
君若伐之可克也吾不言子必言之士為以告公  
說乃伐翟祖郤叔虎將乘城其徒曰棄政而役非  
其任也郤叔虎曰既無老謀而又無壯事何以事

君被羽先升遂克之

田獵也翟祖國名氛殺氣象也凶曰氛吉日祥  
壅塞壅塞其上使不聞過也距違距違其君也  
乘升也政猶職也役服戎役也羽  
鳥羽繫於背若令軍將負暍矣

公之優曰施通於驪姬驪姬問焉曰吾欲作大事  
而難三公子之徒如何對曰蚤處之使知其極夫  
人知有極鮮有慢心雖其慢乃易殘也驪姬曰吾  
欲為難安始而可優施曰必於申生其為人也小  
心精潔而大志重又不忍人精潔易辱重債可疾  
不忍人必自忍也辱之近行驪姬曰重無乃難遷

後論語句





為一作而

乎優施曰知辱可辱可辱遷重若不知辱亦必不知固乘常矣今子內固而外寵且善不莫不信若外單善而內辱之無不遷矣且吾聞之甚精必愚精為易辱愚不知避難雖欲無遷其得之乎是故先施讒於申生

極至也。分之都城而位以卿。使自知其位所極至也。人知其極。則戒懼不敢違慢。有官任而違慢。易殘敗矣。大年長也。重。悻重也。值。值也。悻重者。守節不易其情。則可疾斃。值也。辱之。謂被以不義。遷移也。亦必不知無所知也。秉執也。固執常謀。因罪以去之也。內固。內得君心。外寵。外見寵愛。單。盡也。外盡善。意待天子。而內以不義加辱之。則其心無不移矣。

使俱曰指民與戎言正見民威而戎懼也

驪姬賂二五使言於公曰夫曲沃君之宗也蒲與二屈君之疆也。不可以無主。宗邑無主。則民不威疆場無主。則啓戎心。戎之生心。民慢其政。國之患也。若使天子主曲沃。而二公子主蒲與屈。乃可以威民而懼戎。且旌君伐。使俱曰翟之廣莫於晉。為都。晉之啓土。不亦宜乎。公說。乃城曲沃。天子處焉。又城蒲。公子重耳處焉。又城二屈。公子夷吾處焉。驪姬既遠天子。乃生之言。天子由是得臯。

二五。獻公嬖大夫梁五。與東闞五也。宗。本宗也。曲沃。桓叔之封。先公宗廟在焉。猶西周謂之宗






周。旌。章。也。伐。功。也。使。俱。者。使。二。五。同。聲。也。廣。莫。者。翟。沙。漠。之。地。下。邑。曰。都。使。如。爲。晉。下。邑。也。

十六年公作二軍公將上軍大子將下軍以伐霍師未出士爲言於諸大夫曰夫大子君之貳也恭以俟嗣何官之有今君分之土而官之是左之也吾將諫以觀之乃言於公曰夫大子君之貳也而帥下軍無乃不可乎公曰下軍上軍之貳也寡人在上申生在下不亦可乎士爲對曰下不可以貳上公曰何故對曰貳若體焉上下左右以相心目用而不倦身之利也上貳代舉下貳代履周旋變

孫臏曰此以體喻繁而不致下以體喻簡而不繁

反爲物用只是不能相使

動以役心目故能滄事以制百物若下攝上與上攝下周旋不變以達心目其反爲物用也何事能治故古之爲軍也軍有左右闕從補之成而不知是以寡敗若以下貳上闕而不變敗弗能補也變非聲章弗能移也聲章過數則有釁有釁則敵入敵入而凶救敗不暇誰能退敵敵之如志國之憂也可以陵小難以征大君其圖之公曰寡人有子而制焉非子之憂也對曰夫大子國之棟也棟成乃制之不亦危乎公曰輕其所任雖危何害士爲





出語人曰。天子不得立矣。改其制而不患其難。輕其任而不憂其危。君有異心。又焉得立。行之克也。將以害之。若其不克。其因以舉之。雖克與不。無所避。舉與其勤而不入。不如逃之。君得其欲。天子遠死。且有令名。爲吳夫伯。不亦可乎。天子聞之曰。子與之爲我謀。忠矣。然吾聞之。爲人子者。患不從。不患無名。爲人臣者。患不勤。不患無祿。今我不才。而得勤與從。又何求焉。焉能及矣。夫伯乎。天子遂行。克霍而反。讒言彌興。


肅猶副也。左之猶外之也。下不可以肅上。猶足不可以肅手。手足左右各自爲肅也。體四支也。相助也。倦勞也。有肅故不勞。上手代更也。下足履步也。以役之役。猶爲也。爲物用言與百物器用無以異。軍有左右。左右部也。闕缺也。不知敵不知有闕也。聲金鼓也。章旌旗也。移動也。聲障也。軍法進退旗鼓有數。過數則有隙。敵見隙而犯已矣。凶猶凶凶。恐懼也。輕其所任。謂輕太子之任。不重責也。不入君意也。

優施教。驪姬夜半而泣。謂公曰。吾聞申生甚好仁。而彊甚寬惠。而慈於民。皆有所行之。今謂君惑於我。必亂國。夫無乃以國故而行彊於君。君未終命。而不沒君。其若之何。盍殺我。無以一妾亂百姓。公

優施教及  
未里克俱話  
動心

二

句






愛望生德者  
以何利者而  
其壽之可  
長壽也又壽

曰夫豈惠其民而不惠於其父乎。驪姬曰：妾亦懼矣。吾聞之外人之言曰：爲仁與爲國不同。爲仁者愛親之謂仁，爲國者利國之謂仁。故長民者無親衆以爲親，苟衆利而百姓餓，豈能憚君以衆故不敢愛親衆，況厚之彼將惡始而美終，以晚蓋者也。凡民利是生，殺君而厚利衆，衆孰沮之？殺親無惡於人人，孰去之？苟交利而得寵，志行而衆說，欲其甚矣，孰不惑焉？雖欲愛君，惑不釋也。今夫以君爲紂，若紂有良子而先喪紂，無章其惡而厚其敗，鈞

之○死○也○無○必○假○手○於○武○王○而○其○世○不○廢○祀○至○於○今○吾○豈○知○紂○之○善○不○哉○君○欲○勿○恤○其○可○乎○若○大○難○至○而○恤○之○其○何○及○矣○公○懼○曰○若○何○而○可○驪○姬○曰○君○盍○老○而○授○之○政○彼○得○政○而○行○其○欲○得○其○所○索○乃○其○釋○君○且○君○其○圖○之○自○桓○叔○以○來○孰○能○愛○親○唯○無○親○故○能○兼○翼○公○曰○不○可○與○政○我○以○武○與○威○是○以○臨○諸○侯○未○沒○而○亡○政○不○可○謂○武○有○子○而○不○勝○不○可○謂○威○我○授○之○政○諸○侯○必○絕○能○絕○於○我○必○能○害○我○失○政○而○害○國○不○可○忍○也○爾○勿○憂○吾○將○圖○之○驪○姬○曰○以○臯○落○翟○






不勝必死  
於敵或死  
死而師歸  
以不勝之  
亦無不可

祭冬春切說  
文云背縫也

之朝夕苛我邊鄙使無日以牧田野君之倉廩固  
不實又恐削封疆君盍使之伐翟以觀其果於衆  
也與衆之信輯睦焉若不勝翟雖濟其旱可也若  
勝翟則善用衆矣求必益廣乃可厚圖也且夫勝  
翟諸侯驚懼吾邊鄙不傲倉廩盈四鄰服封疆信  
君得其賴又知可不其利多矣君其圖之公說是  
故使申生伐東山衣之偏特繫之衣佩之金玦僕人  
贊聞之曰天子殆哉君賜之奇沙程奇生怪怪生無常  
無常不立使之出征先以觀之故告之以離心而

示之以堅忍之權則必惡其心而害其身矣惡其  
心必內險之害其身必外危之危自中起難哉且  
是衣也狂夫阻之衣也其言曰盡敵而反雖盡敵  
其若內讒何申生勝翟而反讒言作於中君子曰  
知微

有所行之行之皆有法術也況益也晚後也蓋  
掩也沮敗也恤憂也阜落東山翟也苛擾也果  
果於用師也輯和也濟度也繫在中左右異故  
曰偏玦如環而缺者離心謂偏衣中分堅忍謂  
金玦玦以示離也狂夫方相氏之士也阻古詛  
字將服是衣必先詛之周禮方相氏黃金四且  
玄衣朱裳執干楊盾以駢  
疫言謂狂夫祭詛之言





若法


以面屏

厚出之意  
由信步之錯  
餘脈而

十七年冬公使大夫子伐東山里克諫曰臣聞臯落氏將戰君其釋申生也公曰行也對曰非故也君行大夫居以監國也君行大夫從以撫軍也今君居大夫行未有此也公曰非子之所知也寡人聞之立大夫之道三身鈞以年年同以愛愛疑決之以下筮子無謀吾父子之間吾以此觀之公不說里克退見大夫大夫曰君賜我偏衣金玦何也里克曰孺子懼乎衣躬之偏而握金玦令不偷矣孺子何懼夫為人子者懼不孝不懼不得且吾聞之

敬賢於請孺子勉之乎君子曰善處父子之間矣大夫遂行狐突御戎先友為右衣偏衣而佩金玦出而告先友曰君與我此何也先友曰中分而金玦之權在此行也孺子勉之狐突歎曰以危衣純而玦之以金銑者寒甚矣胡可恃也雖勉之敵其可盡乎先友曰衣躬之偏握兵之要在此行也勉之而已矣偏躬無慝兵要遠災親以無災又何患焉至於稷桑翟人出逆申生欲戰狐突諫曰不可突聞之國君好艾大夫殆好內適子殆社稷危若

得云艾當作  
外屏相似誤  
也披艾艾之





父自可通何  
必作外  
忠於父二句  
合之全進也  
語妙有致

善精必過大  
其必若名理  
論詞

若注

惠於父而遠於死，惠於衆而利社稷，其可以圖之乎。況其危身於翟，以起讒於內也。申生曰：不可。君之使我，非歡也，抑欲測吾心也。是故賜我奇服而告我權，又有甘言焉。言之大甘，其中必苦。譖在中矣。君故生心，雖蜎諧焉，避之，不若戰也。不戰而反，我辜滋厚。我戰雖死，猶有令名焉。果戰，敗翟於稷，桑而反，讒言益起。狐突杜門，不出。君子曰：善深謀。非故，非故事也。身鈞，德同。愛姦，愛同也。衣躬之偏，言分身之半。以授太子，又令握金玦。金玦，兵要也。偷薄也。君令於太子，不為薄矣。不得，不得之也。賢，愈也。言執恭發，愈於請求也。御戎，御車也。兵車曰戎車。右車右也。維色曰走，純，純德。謂太子也。鏡，猶灑也。灑灑，寒貌。言於太子無溫潤也。惡，惡也。衣身之半，君無惡意，握兵之勢。欲令太子遠災害，惠順也。去避，去齊。為順父心而遠於死。傳曰：狐突欲行，是也。惠於衆，謂不戰也。太子去，則國不爭，故利社稷。蜎，木蟲也。諧，從中起，不能避也。


也。兵車曰戎車。右車右也。維色曰走。純，純德。謂太子也。鏡，猶灑也。灑灑，寒貌。言於太子無溫潤也。惡，惡也。衣身之半，君無惡意，握兵之勢。欲令太子遠災害，惠順也。去避，去齊。為順父心而遠於死。傳曰：狐突欲行，是也。惠於衆，謂不戰也。太子去，則國不爭，故利社稷。蜎，木蟲也。諧，從中起，不能避也。

反自稷，桑處五年。驪姬謂公曰：吾聞申生之謀，愈深。日吾固告君曰：得衆，衆弗利焉。能勝翟，今矜翟之善，其志益廣。狐突不順，故不出。吾聞之，申生甚好信而彊，又失言於衆矣。雖欲有退，衆將責焉，言不可食。衆不可弭，是以深謀。君若不圖，難將至矣。

國語

晉上

十五





情狀如畫

延一作盡

吾讀如魚

不可得

此多因抄

猶如中生之  
延建時用克  
中立之一言  
大百臨大事  
如何算

公曰吾不忘也抑未有以致臯焉驪姬告優施曰  
君既許我殺太子而立奚齊矣吾難里克奈何優  
施曰吾來里克一日而已子爲我具特羊之饗吾  
以從之飲酒我優也言無郵驪姬許諾乃具使優  
施飲里克酒中飲優施起舞謂里克妻曰主孟啗  
我我教茲暇豫事君乃歌曰暇豫之吾吾不如鳥  
鳥人皆集於苑○枯○已獨集於枯里克笑曰何謂苑何  
謂枯優施曰其母爲夫人其子爲君可不謂苑乎  
其母既死其子又有謗可不謂枯乎枯且有傷優

施出里克○辟○莫不殮而寢夜半召優施曰曩而言  
戲乎抑有所聞之乎曰然君既許驪姬殺太子而  
立奚齊謀既成矣里克曰吾乘君以殺太子吾不  
忍通復故交吾不敢中立其免乎優施曰免且而  
里克見丕鄭曰夫史蘇之言將及矣優施告我君  
謀成矣將立奚齊丕鄭曰子謂何曰吾對以中立  
丕鄭曰惜也不如曰不信以疏之亦固太子以攜  
之多爲之故以變其志志少疏乃可間也今子曰  
中立況固其謀彼有成矣難以得間里克曰往言





律後漢為第  
人安律故太  
字為亦成人  
語中立為伏  
勢老保抄  
性便是里克  
罪案  
查氏叙申生  
本亦詳盡中  
間巧計詐術  
皆劇括無遺  
使人讀之如  
在當日

叔牙書注

難命

二命

國語

不可及且人中心唯無忌之何可敗也子將何如  
丕鄭曰我無心是故事君者君為我心制不在我  
里克曰殺君以為廉長廉以驕心因驕以制人家  
吾不敢抑撓志以從君為廢人以自利也利方以  
求成人吾不能將伏也明日稱疾不朝三旬難乃  
成驪姬以君命命申生曰今夕君夢見齊姜必速  
祠而歸福申生許諾乃祭於曲沃歸福於絳公田  
驪姬受福乃寘鴆於酒置董於肉公至召申生獻  
公祭之地地墳申生恐而出驪姬與犬肉犬斃飲


小臣酒亦斃公命殺杜原款申生奔新城杜原款  
將死使小臣圍告於申生曰款也不才寡知不敏  
不能教導以至於死不能深知君之心度棄寵求  
廣土而竄伏焉小心狷介不敢行也是以言至而  
無所訟之故陷於大難乃逮於讒然款也不敢愛  
死唯與讒人均是惡也吾聞君子不去情不反讒  
讒行身死可也猶有令名焉死不遷情彊也守情  
說父孝也殺身以成志仁也死不忘君敬也孺子  
勉之死必遺愛死民之思不亦可乎申生許諾人

國語 晉上

十七







謂申生日非子之舉何不去乎申生日不可去而  
舉釋必歸於君是惡君也章父之惡而笑諸侯吾  
誰鄉而入內困於父母外困於諸侯是重困也棄  
君去舉是逃死也吾聞之仁不惡君知不重困勇  
不逃死若舉不釋去而必重去而舉重不知逃死  
而惡君不仁有舉不死無勇去而厚惡惡不可重  
死不可避吾將伏以俟命驪姬見申生而哭之曰  
有父忍之況國人乎忍父而求好人人孰好之殺  
父以求利人人孰利之皆民之所惡也難以長生

詩命

情之三不  
情文純固

亦向可若此  
要之固有益

驪姬退申生乃雉經於新城之廟將死乃使猛足  
言於狐突曰申生有舉不聽伯氏以至於死申生  
不敢愛其死雖然吾君老矣國家多難伯氏不出  
奈吾君何伯氏苟出而圖吾君申生受賜以至於  
死雖死何悔是以諡爲共君驪姬既殺太子申生  
又譖二公子曰重耳夷吾與知共君之事公令奄  
楚刺重耳重耳逃於翟令賈華刺夷吾夷吾逃於  
梁盡逐羣公子乃立奚齊焉始爲令國無公族焉  
失言許衆以取國也退改悔也弭止也凡牲一  
爲特二爲牢郵過也大夫之妻稱主從夫稱也



孟克妻字。啗。啖也。茲。此。里克也。駁。開也。豫樂也。吾吾不敢自親之貌。言里克欲為開樂事。君之道。反不敢自親。吾吾然其智曾不如烏烏也。苑。茂木貌。辟。去也。莫。置也。然。食曰殮。曰不信者。逆。優施以不然。拒之以不然。則驪姬意疎。不敢必也。固。固持也。攜。離也。固持太子。以離驪姬之黨也。況。益也。忌。忌憚也。廉直也。以太子故。殺君以爲直也。自大其廉而有驕人之心。因驕以裁制人之父子。不敢爲也。撻。屈也。人謂申生。方道也。利得道以求成太子。吾力不能爲也。伏。隱也。福。肥肉也。寘。置也。鴆。運日也。董。烏頭也。將飲先祭。示有先也。墳。起也。原。欵。申生之傅。新城。曲沃也。度。尺寸也。棄。寵。令太子棄位也。求。廣上。奔他國也。言雖知當與申生俱去。恥不能事君而出。故不敢行。言至。讒言也。逮。及也。譏。人。驪姬。均。同也。不去情。不去忠愛之情。友。謂覆校。自申理。死。民之思死而爲民所思也。雄。經。頭。搶。而懸死也。奄。奄士也。楚。伯楚。寺人披之字。於文公時爲勃。魏。

望天猶云望  
子犯之謀殺  
抽於其高蓋  
天將以十九  
年成重耳之  
伯而故亂其  
智乎

二十二年公子重耳出亡及柏谷卜適齊楚狐偃曰無卜焉夫齊楚道遠而望大不可以困往道遠難通望大難走困往多悔困且多悔不可以走望若以偃之慮其翟乎夫翟近晉而不通愚陋而多怨走之易達不通可以竄惡多怨可以共憂今若休憂於翟以觀晉國且以監諸侯之爲其無不成乃遂之翟處一年公子夷吾亦出奔曰盍從吾兄竄於翟乎冀芮曰不可後出同走不免於臯且夫借出借入難聚居異情惡不若走梁梁近於秦秦





援於卷切又  
於元切  
冀丙之策不  
為不奇但夷  
吾非其人而  
以成而旋敗

親吾君吾君老矣子往驪姬懼必援於秦以吾存也且必告悔告悔是吾免也乃遂之梁居二年驪姬使奄楚以環釋言四年復為君

望大望諸侯朝貢不怕亡公子也走望之望望其力也監視也異情謂各欲求入為君秦穆夫人獻公之女故親晉環玉環環還也釋言以言自解釋也

虢公夢在廟有神人面白毛虎爪執鉞立於西阿公懼而走神曰無走帝命曰使晉襲於爾門公拜稽首覺召史闢占之對曰如君之言則蓍收也天之刑神也天事官成公使囚之且使國人賀夢舟

之僑告其諸族曰衆謂虢亡不久吾乃今知之君

不度而賀大國之襲於已何瘳吾聞之曰大國道

小國襲焉曰服小國微大國襲焉曰誅民疾君之

侈也是以遂於逆命今嘉其夢侈必展是天奪之

鑿而益其疾民疾其態天又誑之大國來誅出令

而逆宗國既卑諸侯遠已內外無親其誰云救之

吾不忍俟也將行以其族適晉六年虢乃亡

西阿西榮也襲入也蓍收西方白虎金正之官傳曰少皞氏有子曰該為蓍收官成禍福各以官象成也使國人賀夢欲轉吉之故使賀也度揆也瘳猶損也言君不揆度神意而令賀之何

柳宗元曰舟之僑誠賢者與觀其政可以去矣由夢而去則吾笑之

樂取襲服本交已有兩辭使國人賀夢自詎好一豈耳不正是轉吉之意故下云天又誑之





損於禍也。  
展申也。

伐虢之役，師出於虞宮之奇諫而不聽，出謂其子曰：「虞將亡矣，唯忠信者能留外寇而不害，除闇以應外謂之忠，定身以行事謂之信。今君施其所惡於人，闇不除矣，以賄滅親，身不定矣。夫國非忠不立，非信不固，既不忠信而留外寇，寇知其釁而歸圖焉，已自拔其本矣，何以能久？吾不去，懼及焉，以其孥適西山，三月，虞乃亡。」

留外寇，謂舍晉軍於國，除去也。去已開跡之心也。忠，猶恕也。定，安也。

物健因

尾古尾字  
鶴廷春切又  
常倫切

獻公問於卜偃曰：「攻虢何月也？」對曰：「童謠有之曰：『丙之辰，龍尾伏辰，均服振振，取虢之旂，鶉之贄，貴天策，焯焯火中成軍，虢公其奔，火中而旦，其九月十月之交乎。』」

龍尾，尾星。辰，日月之交會。天策，尾上一星。一名傅說。魯僖五年冬，周十二月，夏十月，丙子朔之朝，日在尾，月在天策。伏辰者，辰在龍尾，隱而未見也。均，同也。戎服，君臣同也。振振，威武貌。鶉，鶉火。鳥星。火，即鶉火也。中，辰中也。成軍，軍有成功也。

蔡丘之會，獻公將如會，遇宰周公曰：「君可無會也。夫齊侯好示，務施與力而不務德，故輕致諸侯而





鎮或作填經  
史通用  
責當音債


凍音速又光  
侯切澮古外  
切

重遣之使至者勸而畔者慕懷之以典言薄其要  
結而厚德之以示之信三屬諸侯存亡國三以示  
之施是以北伐山戎南伐楚西爲此會也譬之如  
室既鎮其甕矣又何加焉吾聞之惠難徧也施難  
報也不徧不報卒於怨讎夫齊侯將施惠如出責  
是之不果奉而暇晉是皇雖後之會將在東矣君  
無懼焉其有勤也公乃還宰孔謂其御曰晉侯將  
死矣景霍以爲城而汾河凍澮以爲淵戎翟之民  
實環之汪是土也苟違其違誰能懼之今晉侯不

量齊德之豐否不度諸侯之勢釋其閉修而輕於  
行道失其心矣君子失心鮮不夭昏是歲也獻公  
卒八年爲淮之會桓公在殯宋人伐之

魯僖九年齊桓公盟諸侯于葵丘周公自會先  
歸遇獻公於道好示自矜其功施惠也力功也  
輕謂垂橐而入重謂捆載而歸典法也屬會也  
甕棟也又何加喻已成也如出責望其報也果  
克也奉承也暇不暇言不暇以晉爲務東東方  
也其後會於淮是也有勤有勤勞也景大也大  
霍山名汪大貌苟違違去也其違  
達道也釋舍也閉守也修治也

二十六年獻公卒里克將殺奚齊先告荀息曰三  
公子之徒將殺孺子子將如何荀息曰死吾君而





孔父仇牧是  
二子類耶曰  
不賴曰不賴  
則如春秋何  
曰春秋之賴  
也以激不歸  
死者耳孔子  
曰與其進也  
不與其退也  
春秋之罪許  
止也隱惡焉  
耳其類否息  
也亦欲嗚非  
聖人之情也  
枉許止以德  
不予之禍進  
亦是以甚焉  
免之惡惡之  
也

善言五辨

所以沙乃在  
謂其力為甚  
八句作一氣  
下焉動有勢

殺其孤。吾有死而已。吾蔑從之矣。里克曰。子死。孺子立死。不亦可乎。子死。孺子廢焉。用死哉。荀息曰。昔君問臣事君於我。我對以忠貞。君曰。何謂也。我對曰。可以利公室。力有所能。無不為。忠也。葬死者。養生者。死人復生。不悔。生人不愧。貞也。吾言既往矣。豈能欲行吾言。而又愛吾身乎。雖死焉。辟之。里克告丕鄭曰。三公子之徒。將殺孺子。子將何如。丕鄭曰。荀息謂何。對曰。荀息曰。死之。丕鄭曰。子勉之。夫二國士之所圖。無不遂也。我為子行之。子帥七

與大夫以待我。我使翟以動之。援秦以搖之。立其薄者。可以得重賂。厚者。可使無入。國誰之國也。里克曰。不可。克聞之。夫義者。利之足也。貪者。怨之本也。廢義。則利不立。厚貪。則怨生。夫孺子。豈獲辜於民。將以驪姬之惑。蠱君而誣國人。讒羣公子而奪之利。使君迷亂。信而亡之。殺無辜。以為諸侯笑。使百姓莫不有藏惡於其心中。恐其如壅大川。潰而不可救禦也。是故將殺奚齊。而立公子之在外者。以定民弭憂於諸侯。且為援。庶幾曰。諸侯義而撫







之百姓欣而奉之國可以固今殺君而賴其富貪且反義貪則民怨反義則富不爲賴賴富而民怨亂國而身殆懼爲諸侯載不可常也不鄭許諾於是殺奚齊卓子及驪姬而請君於秦旣殺奚齊荀息將死之人曰不如立其弟而輔之荀息立卓子里克又殺卓子荀息死之君子曰不食其言矣旣殺奚齊卓子里克及丕鄭使屠岸夷告公子重耳於翟曰國亂民擾得國在亂治民在擾子盍入乎吾請爲子鉢重耳告舅犯曰里克欲納我舅犯曰

此語妙處  
得共舉示蓋  
此語妙處  
此語妙處

不可夫堅樹在始始不固本終必槁落夫長國者唯知哀樂喜怒之節是以導民不哀喪而求國難因亂以入殆以喪得國則必樂喪樂喪必哀生因亂以入則必喜亂喜亂必怠德是哀樂喜怒之節易也何以導民民不我導誰長重耳曰非喪誰代非亂誰納我舅犯曰偃也聞之喪亂有大大喪大亂之刻也不可犯也父母死爲大喪讒在兄弟爲大亂今適當之是故難公子重耳出見使者曰子惠顧亡人重耳父生不得供備灑埽之臣死又




不敢泣喪以重其舉且辱大夫敢辭夫固國者在親衆而善鄰在因民而順之苟衆所利鄰國之所立大夫其從之重耳不敢違呂甥及卻稱亦使蒲城午告公子夷吾於梁曰子厚賂秦人以求入吾主子夷吾告冀芮曰呂甥欲納我冀芮曰子勉之國亂民擾大夫無常不可失也非亂何入非危何安幸苟君之子唯其索之時音方亂以擾孰適禦我大夫無常苟衆所置孰能勿從子盍盡國以賂外內無愛虛以求入既入而後圖聚公子夷吾出見使

命

者再拜稽首許諾呂甥出告大夫曰君死自立則不敢久則恐諸侯之謀徑召君於外也則民各有心恐厚亂盍請君於秦乎大夫許諾乃使梁由靡告於秦穆公曰天降禍於晉國讒言繁興延及寡君使寡君之紹續昆裔隱悼播越託在草莽未有所依又重之以寡君之不祿喪亂並臻以君之靈鬼神降衷舉人克伏其辜羣臣莫敢寧處將待君命君若惠顧社稷不忘先君之好辱收其逋遷裔胄而建立之以主其祭祀且填撫其國家及其民

填或作鎮音同





召一作告

推使笑指遺

使言下不明

曰若使某

也若使某

也若使某

也若使某

也若使某

也若使某

也若使某

也若使某

也若使某

也若使某

也若使某

也若使某

也若使某

也若使某

也若使某

也若使某

也若使某

也若使某

也若使某

也若使某

也若使某

也若使某

也若使某

也若使某

也若使某

也若使某

也若使某

也若使某

也若使某

也若使某

國語

人雖四鄰諸侯之聞之也其誰不傲懼於君之威而欣喜於君之德終君之重愛受君之重況而羣臣受其大德晉國其誰非君之羣隸臣也秦穆公許諾反使者乃召大夫子明及公孫枝曰夫晉國之亂吾誰使先若夫二公子而立之以為朝夕之急大夫子明曰君使繫也繫敏且知禮敬以知微敏能竄謀知禮可使敬不隊命微知可不君其使之乃使公子繫弔公子重耳於翟曰寡君使繫弔公子之憂又重之以喪寡人聞之得國常於喪失

國常於喪時不可失喪不可久公子其圖之重耳告舅犯舅犯曰不可亡人無親信仁以為親是故置之者不殆父死在堂而求利人孰仁我人實有之我以微幸人孰信我不仁不信將何以長利公子重耳出見使者曰君惠弔亡臣又重有命重耳身亡父死不得與於哭泣之位又何敢有它志以辱君義再拜不稽首起而哭退而不私公子繫退弔公子夷吾於梁如弔公子重耳之命夷吾告冀芮曰秦人勤我矣冀芮曰公子勉之亡人無猶潔

靜

國語 晉上

二十六





此配字是也  
與真字有重  
眼可以當德  
也

不言之言  
之柳


猶潔不行重賂配德公子盡之無愛財人實有之  
我以微幸不亦可乎公子夷吾出見使者再拜稽  
首起而不哭退而私於公子繫曰中大夫里克與  
我矣吾命之以汾陽之田百萬嬖大夫丕鄭與我  
矣吾命之以負蔡之田七十萬君苟輔我蔑天命  
矣吾必遂矣亡人苟入埽除宗廟定社稷亡人何  
國之與有君實有郡縣且入河外列城五豈謂君  
無有亦爲君之東游津梁之上無有難急也亡人  
之所懷挾嬰瓌以望君之塵垢者黃金四十鎰白

玉之珩六雙不敢當公子請納之左右公子繫反  
致命穆公穆公曰吾與公子重耳重耳仁再拜不  
稽首不沒爲後也起而哭愛其父也退而不私不  
沒於利也公子繫曰君之言過矣君若求置晉君  
而載之置仁不亦可乎君若求置晉君以成名於  
天下則不如置不仁以滑其中且可以進退臣聞  
之仁有置武有置仁置德武置服是故先置公子  
夷吾是爲惠公

死吾君死畜吾君也。得其所任。故曰不悔。七與  
申生下軍大夫也。結秦翟之援。以立二公子。恩







薄者。可以得重賂。於已厚者。可使二公子不得入。國誰之國。言晉可專也。信而亡之。信姬之言。使皆奔亡也。載。載見於書。爲後戒也。錄。導也。刻。鋒也。主子爲子內主也。無常。無常心也。外。謂諸侯內。謂大夫。虛。虛國。藏也。聚。畜聚也。徑。召君於外。恐受賂。徑自召他公子也。罪人。驪姬。誰使先當先立誰也。若夫之若之也。使之二公子。擇所立也。以爲朝夕之急。言晉無君。朝夕之急也。竄。微也。置。立也。殆。危也。重賂配德。以重賂配已之德也。蔑。無也。言無復天命。在秦而已。君實有郡縣。言君亦自有郡縣。非謂之無也。河外。河東也。嬰。馬。纓。環。馬。帶。言塵垢。不敢當盛也。珩。珩。上飾。形似磬而小。沒。貪也。載。成也。成名。成威名也。滑。亂也。仁。置有德。或置服從。

穆公問冀芮曰。公子誰恃於晉。對曰。臣聞之。亡人無黨。有黨必有讎。夷吾之少也。不好弄。戲不過所復。怒不及色。及其長也。弗改。是故出亡。無惡於國。而衆安之。不然。夷吾不佞。其誰能恃乎。君子曰。善以徵勸。

惠公入而背內外之賂。與人誦之曰。佞之見佞。果喪其田。詐之見詐。果喪其賂。得國而徂。終逢其咎。喪田不懲。禍亂其典。既里丕死。禍公隕於韓。郭偃曰。善哉。夫衆口。禍福之門也。是以君子省衆而動。監戒而謀。謀度而行。故無不濟。內謀外度。考省不倦。日考而習。戒備畢矣。

凡者籍者視  
之者悉其切  
節者之者所  
景切




此等議論亦  
是一見解美  
指重耳惡指  
惠公但不可  
直斥故曰惡  
亦如之

此等議論亦  
是一見解美  
指重耳惡指  
惠公但不可  
直斥故曰惡  
亦如之

外謂秦內里丕也與衆也。不歌曰誦爲善爲使  
使。謂里丕受惠公賂田而納之見使謂惠公入  
而不予也。詐謂秦以詐立惠公不置德而置服  
見詐謂惠公入而肯之無快也。答謂敗於韓襄  
田不懲言丕鄭不得田不懲艾復欲與  
秦共納重耳。惠公殺之禍貪懼之禍也  
惠公卽位出共世子而改葬之。臭達於外國人誦  
之曰貞之無報也。就是人斯而有是臭也。貞爲不  
聽信爲不誠國斯無刑。媮居幸生不更厥貞大命  
其傾威兮懷兮各聚爾有以待所歸兮。猗兮違兮  
心之哀兮歲之二七其靡有徵兮。若翟公子吾是  
之依兮。鎮撫國家爲王妃兮郭假曰甚哉善之

也君改葬共君以爲榮也而惡滋章夫人美於中  
必播於外而越於民民實戴之惡亦如之故行不  
可不慎也必或知之十四年君之冢嗣其替乎其  
數告於民矣公子重耳其入乎其鬼兆於民矣若  
入必伯伯諸侯以見天子其光耿於民矣數言之紀  
也鬼意之術也光明之耀也紀言以敘之速意以  
導之明耀以炤之不至何待欲先導者行乎將至  
矣

共世子申生臭達於外不欲爲無禮者所葬也  
貞正也謂惠公欲以正禮改葬世子而不獲吉






國語  
報也。或云。貞。謂申生。則與下相違。似非。貞爲不聽。以正葬之。而不見聽也。信爲不誠。信心行之。不見誠也。刑法也。不更厥貞。不變更其正也。威畏也。懷思也。言國人畏惠公。思重耳也。爾有所有也。猶歎也。違去也。民心欲去其上。安土重遷。故心哀之。靡無也。無有徵者亦亡。謂子圉也。妃配也。言重耳當霸諸侯。爲王妃偶。難難爲也。越揚也。魄形也。兆見也。耿猶炤也。意民之志。術道也。魄兆見而民志隨之。先導。謂重耳導引者。可行也。

惠公既殺里克而悔之。曰。芮也使寡人過殺我社稷之鎮。郭偃聞之。曰。不謀而諫者。冀芮也。不圖而殺者。君也。不謀而諫。不忠。不圖而殺。不祥。不忠。受君之罰。不祥。罹天之禍。受君之罰。死戮。罹天之禍。無後。志道者勿忘。將及矣。及文公入。秦人殺冀芮而施之。

志。識也。勿忘。勿忘此占。言禍將至也。冀芮既納文公而悔。將殺之。文公知之。潛會秦伯於王城。冀芮焚公宮。求公不得。遂如河上。秦伯誘而殺之。陳尸曰施。

惠公卽位。乃背秦賂。使丕鄭聘於秦。且謝之。而殺里克。曰。子殺二君。與一大夫。爲子君者。不亦難乎。丕鄭如秦。謝緩賂。乃謂穆公曰。君厚問。以召呂甥。卻稱冀芮而止之。以師奉公子重耳。臣之屬內作。晉君必出。穆公使冷至報問。且召三大夫。鄭也與。






丕鄭之子以下宜自為一章丕豹奔秦上已見矣不應一章兩叙

揭唯無幾句恐有誤注強辭終不只處即上處者其黨半國也言力足以出君者已為君所不能復虛其能處於國中者必力不足以出君者耳此勝敗之說也况豹將迎禍不暇安能出君乎

客將事冀芮曰鄭之使薄而報厚其言我於秦也必使誘我弗殺必作難是故殺丕鄭及七與大夫共華賈華叔堅驪歆逆逆纍虎特宮山祁皆里丕之黨也丕豹出奔秦丕鄭之自秦反也而聞里克死見共華曰可以入乎共華曰二三子皆在而不及子使於秦可哉丕鄭入君殺之共賜謂共華曰子行乎其及也共華曰夫子之入吾謀也將待及賜曰孰知之共華曰不可知而背之不信謀而困人不知困而不死無勇任大惡三行將安入子其行矣

我姑待死丕鄭之子曰豹出奔秦謂穆公曰晉君大失其衆背君賂殺里克而忌處者衆固不說今又殺臣之父及七與大夫此其黨半國矣君若伐之其君必出穆公曰失衆安能殺人且夫禍唯無斃足者不處處者不足勝敗若化以禍為違孰能出君爾俟我

問遣也客冷至也將事行聘事也斃死也禍唯無斃言罪不至死則不為亂處處國也罪足以死則不處國處國者不足以死矣化言轉化無常也猶丕鄭欲殺君君反殺之也違去也謂丕豹以禍故去其國誰能出君乎






當於不說句  
其若十字為  
句若以舊注  
作不悅惠公  
下文與之以  
說其象使解  
不通

晉饑乞糴於秦，丕豹曰：「晉君無禮於君，眾莫不知。往年有難，今又荐饑，已失人，又失天，其殃也多矣。君其伐之，勿予糴。」公曰：「寡人其君是惡，其民何辜？天殃流行，國家代有，補乏薦饑，道也不可以廢。道於天下，謂公孫枝曰：『予之乎？』公孫枝曰：『君有施於晉，若晉君無施於其眾，今旱而聽於君，其天道也。君若弗予，而天子之苟眾不說，其君之不報也，則有辭矣。』不如予之，以說其眾。眾說必咎其君，其君不聽，然後誅焉。雖欲禦我，誰與？是故汎舟於河，歸糴於晉。秦饑，公令河上輸之粟。虢射曰：『弗予賂地，而予之糴，無損於怨，而厚於寇，不若勿予。』公曰：『然。』慶鄭曰：『不可已，賴其地，而又愛其實，忘善而背德。雖我必擊之，弗予必擊我。』公曰：『非鄭之所知也。遂不予。六年，秦歲定，帥師侵晉。至於韓，公謂慶鄭曰：『秦寇深矣，奈何？』慶鄭曰：『君深其怨，能淺其寇乎？非鄭之所知也。』君其訊射也。公曰：『舅所病也。』卜，右慶鄭吉，公曰：『鄭也不孫，以家僕徒為右，步揚御戎，梁由靡御，韓簡、虢射為右，以承公。公禦秦師，令韓簡。」

糴於晉，秦饑，公令河上輸之粟。虢射曰：「弗予賂地，而予之糴，無損於怨，而厚於寇，不若勿予。」公曰：「然。」慶鄭曰：「不可已，賴其地，而又愛其實，忘善而背德。雖我必擊之，弗予必擊我。」公曰：「非鄭之所知也。遂不予。六年，秦歲定，帥師侵晉。至於韓，公謂慶鄭曰：「秦寇深矣，奈何？」慶鄭曰：「君深其怨，能淺其寇乎？非鄭之所知也。」君其訊射也。公曰：「舅所病也。」卜，右慶鄭吉，公曰：「鄭也不孫，以家僕徒為右，步揚御戎，梁由靡御，韓簡、虢射為右，以承公。公禦秦師，令韓簡。」





不若由傳之

存命

七寡人字志  
在禮上以見

存命

視師曰師少於我鬪士衆公曰何故簡曰以君之  
出也處已入也煩已饑食其糴三施而無報故來  
今又擊之秦莫不愠晉莫不怠鬪士是故衆公曰  
然我今不擊歸必狃一夫不可狃況國乎公令韓  
簡挑戰曰昔君之惠寡人未之敢忘寡人有衆能  
合之弗能離也君若還寡人之願也君若不還寡  
人將無所避穆公衡雕戈出見使者曰昔君之未  
入寡人之憂也君入而列未成寡人未敢忘今君  
既定而列成君其整列寡人將身見客還公孫枝

進諫曰昔君之不納公子重耳而納晉君是君之  
不置德而置服也置而不遂擊而不勝其若爲諸  
侯笑何君盍待之乎穆公曰然昔吾之不納公子  
重耳而納晉君是不置德而置服也然公子重耳  
實不肯吾又奚言哉殺其內主背其外賂彼塞我  
施若無天乎云若有天吾必勝之君韓大夫就車  
君鼓而進之晉師潰戎馬濼而止公號慶鄭曰載  
我慶鄭曰忘善而背德又廢吉卜何我之載鄭之  
車不足以辱君避也梁由靡御韓簡輅秦公將止

解音排或為  
據又一入切






謀計

人之善謀活  
之可效

猶以毛非但  
秦亦云折損  
我必擊之句

之慶鄭曰釋來救君亦不克救遂止於秦穆公歸  
 至於王城合大夫而謀曰殺晉君與逐出之與以  
 歸與復之孰利公子縈曰殺之利逐之恐構諸侯  
 以歸則國家多患復之則君臣合作恐為君憂不  
 若殺之公孫枝曰不可恥大國之士於中原又殺  
 其君以重之子思報父之讎臣思報君之讎雖微  
 秦國天下孰不患公子縈曰吾豈將徒殺之吾將  
 以公子重耳代之晉君之無道莫不聞公子重耳  
 之仁莫不知戰勝大國武也殺無道而立有道仁  
 也勝無後害知也公孫枝曰恥一國之士又曰余  
 納有道以臨汝無乃不可乎若不可必為諸侯笑  
 戰而笑諸侯不可謂武殺其弟而立其兄兄德我  
 而忘其親不可謂仁若勿忘是再施而不遂也不  
 可謂知君曰然則若何公孫枝曰不若以歸以要  
 晉國之成復其君而質其適子使子父代處秦國  
 可以無害是故歸惠公而質子圉秦始知河東之  
 政

仍饒曰荐麋進也賴羸也質殺也雖我必擊之  
 言我當秦處亦必擊晉也訊問也病短也諸侯






謂異姓大夫曰舅。卜右卜公戎車之右。承次也。次公車也。已秦也。處已謂在梁依秦。煩已謂為秦所立。狃伏也。不擊而歸。秦必狃伏而輕我也。內主謂里不也。淳深泥也。故戎馬陷焉。號呼也。輅迎也。釋舍也。將止遂止之。止獲也。惡惡也。恐知國家間諜之惡也。要結也。成平也。秦始取河東之地而置官司。故知河東之政。

公在秦三月間。秦將成。乃使卻乞告呂甥。呂甥教之言。令國人於朝曰。君使乞告二三子曰。秦將歸寡人。寡人不足以辱社稷。二三子其改置以代圉也。且賞以說衆。衆皆哭焉。作轅田。呂甥致衆而告之曰。吾君慙焉。其亡之不恤。而羣臣是憂。不亦惠乎。君猶在外。若何。衆曰。何為而可。呂甥曰。以韓之病。兵甲盡矣。若征繕以輔孺子。以為君援。雖四鄰之聞之也。喪君有君。羣臣輯睦。兵甲益多。好我者勸。惡我者懼。庶有益乎。衆皆說焉。作州兵。呂甥逆君於秦。穆公訊之曰。晉國餓乎。對曰。不餓。公曰。何故。對曰。其小人不念其君之臯。而悼其父兄弟之死。喪者不憚征繕。以立孺子。曰。必報吾讎。寧事齊楚。齊楚又交輔之。其君子思其君。且知其臯。曰。必事秦。有死無它。故不餓。比其餓之而來。故久。公

乎君猶在外。若何。衆曰。何為而可。呂甥曰。以韓之病。兵甲盡矣。若征繕以輔孺子。以為君援。雖四鄰之聞之也。喪君有君。羣臣輯睦。兵甲益多。好我者勸。惡我者懼。庶有益乎。衆皆說焉。作州兵。呂甥逆君於秦。穆公訊之曰。晉國餓乎。對曰。不餓。公曰。何故。對曰。其小人不念其君之臯。而悼其父兄弟之死。喪者不憚征繕。以立孺子。曰。必報吾讎。寧事齊楚。齊楚又交輔之。其君子思其君。且知其臯。曰。必事秦。有死無它。故不餓。比其餓之而來。故久。公





曰而無來吾固將歸君國謂君何對曰小人曰不免君子則不公曰何故對曰小人忌而不思願從其君而與報秦是故云其君子則不曰吾君之入也君之惠也能納之則能執之能執之則能釋之德莫厚焉惠莫大焉納而不遂廢而不起以德為怨君其不然秦君曰然乃改館晉君饋七牢焉

改置以代圍令更立它公子以代子圍父子避位以感動羣下轅易也為易田之法賈泉以田易疆界也唐云讓肥取境也征賦也二千五百家為州使州長各帥其屬繕兵甲也忌怨也初秦伯拘晉侯於靈臺將復之故更舍於客館牛羊豕為一牢饗饋七牢侯伯之禮

蛾牛何切又魚奇切

物其五

萬注

高侍

曰其罪

降總取奪之義不與字作兩解

公未至蛾督謂慶鄭曰君之止子之臯也今君將來子何俟慶鄭曰鄭也聞之曰軍敗死之將止死之二者不行又重之以誤人而喪其君有大臯三將安適君若來將待刑以快君志君若不來將獨伐秦不得君必死之此所待也臣得其志而使君嘗是犯也君行犯猶失其國而況臣乎公至於絳郊聞慶鄭止使家僕徒召之曰鄭也有臯猶在乎慶鄭曰臣怨君始入而報德不降降而聽諫不戰戰而用良不敗既敗而誅又失有臯不可以封國





以待刑

以自殺

積教

明教之印

似謂行刑

令身自殺

請令自殺

明令自殺之  
非

加之何為死

不失自殺之

臣是以待刑以成君政。君曰：刑之慶鄭曰：下有直言，臣之行也。上有直刑，君之明也。臣行君明，國之利也。君雖弗刑，必自殺也。蛾析諫曰：臣聞之，奔刑之臣，不若教之以報讎。君盍赦之以報於秦。梁由靡曰：不可，我能行之。秦豈不能，且戰不勝而報之以賊，不武。出戰不克，入處不安，不知成而反之，不信，失刑亂政，不威，出不能用，入不能治，敗國且殺孺子，不若刑之。君曰：斬鄭，無使自殺。家僕徒曰：有君不忌，有臣死刑，其聞賢於刑之。梁由靡曰：夫

君政刑是以治民，不聞命而擅進退，犯政也。快意喪君，犯刑也。鄭也。賊而亂國，不可失也。且戰而自退，退而自殺，臣得其志，君失其刑，後不可用也。君命司馬說刑之。司馬說進三軍之士而數慶鄭曰：夫韓之誓曰：失次犯令，死。將止，不面夷，死。僞言誤衆，死。令鄭失次犯令而擧一也。鄭擅進退而擧二也。女誤梁由靡使失秦公而擧三也。君親止，女不面夷而擧四也。鄭也就刑，慶鄭曰：說三軍之士皆在，有人能坐待刑而不能面夷，趣行事乎。丁丑，斬





慶鄭乃入絳十五年惠公卒懷公立秦乃召重耳於楚而納之晉人殺懷公於高粱而授重耳實爲文公

誤人誤梁由靡令君見獲也曹慙也犯叛逆也不降不自降下而背秦也降而聽諫不戰言慶鄭諫公便與秦懼若公降心聽之可以不戰矣良善也卜右慶鄭吉是也奔趙也入處不安謂今復欲伐秦不得安也孺子子圉也秦復惠公而質子圉今若伐秦秦必殺之矣忌怨也文行列也將帥也止獲也夷傷也趣行事趣司馬行其刑也懷公子圉晉僖二十二年自秦逃歸文公在翟十二年狐偃曰日吾來此也非以翟爲榮可以成事也吾曰奔而易達困而有資休以擇

正似行脚  
和子恭極  
揚始遠西來  
大意却不知  
得力在那一

蓄許六切又  
勃六切

利可以戾也今戾久矣戾久將底底息蓄滯淫誰能興之蓋速行乎吾不適齊楚避其遠也蓄力一紀可以遠矣齊侯長矣而欲親晉管仲沒矣多讒在側謀而無正衷而思始夫必追釋前言求善以終厭邇逐遠遠人入服不爲郵矣會其季年可也茲可以親皆以爲然乃行過五鹿乞食於野人野人舉塊以與之公子怒將鞭之子犯曰天賜也民以土服又何求焉天事必象十有二年必獲此土二三子志之歲在壽星及鶉尾其有此土乎天以命






事所中切詩  
作馳

矣復於壽星必獲諸侯天之道也由是始之有此  
其以戊申乎所以申土也再拜稽首受而載之遂  
適齊齊侯妻之甚善焉有馬二十乘將死於齊而  
已矣曰民生安樂誰知其它桓公卒孝公卽位諸  
侯畔齊子犯知齊之不可以動而知文公之安齊  
而有終焉之志也欲行而患之與從者謀於桑下  
蠶妾在焉莫知其在此也妾告姜氏姜氏殺之而言  
於公子曰從者將以子行其聞之者吾已除之矣  
子必從之不可以貳貳無成命詩云上帝臨女無

貳爾心先王其知之矣貳將可乎子去晉難而極  
於此自子之行晉無寧歲民無成君天未喪晉無  
異公子有晉國者非子而誰子其勉之上帝臨子  
矣貳必有咎公子曰吾不動矣必死於此姜曰不  
然周詩曰莘莘征夫每懷靡及夙夜征行不遑啓  
處猶懼無及況其順身縱欲懷安將何及矣人不  
求及其能及乎日月不處人誰獲安西方之書有  
之曰懷與安實疾大事鄭詩云仲可懷也人之多  
言亦可畏也昔管敬仲有言小妾聞之曰畏威如





中之仲切又  
如字


章法

一語是矣

疾民之上也。從懷如流，民之下也。見懷思威，民之  
中也。畏威如疾，乃能威民。威在民上，弗畏有刑，從  
懷如流，去威遠矣。故謂之下。其在辟也，吾從中也。  
鄭詩之言，吾其從之。此大夫管仲之所以紀綱齊  
國。禪輔先君而成霸者也。子而棄之，不亦難乎。齊  
國之政，敗矣。晉之無道久矣。從者之謀，忠矣。時日  
及矣。公子幾矣。君國可以濟百姓而釋之者，非人  
也。敗不可處，時不可失，忠不可棄，懷不可從，子必  
速行。吾聞晉之始封也，歲在大火，闕伯之星也。實

厥或作譽

紀商人商之饗國三十一王。晉史之記曰：唐叔之  
世將如商數，今未半也。亂不長，世公子唯子。子必  
有晉，若何懷安。公子弗聽，姜與子犯謀，醉而載之，  
以行。醒以戈逐子，犯曰：若無所濟，吾食舅氏之肉。  
其知厭乎。舅犯走，且對曰：若無所濟，余未知死所。  
誰能與豺狼爭食。若克有成，公子無亦晉之柔嘉。  
是以甘食，偃之肉腥臊，將焉用之。遂行。過衛，衛文  
公有邢翟之虞，不能禮焉。甯莊子言於公曰：夫禮  
國之紀也，親民之結也，善德之建也。國無紀，不可





昭音詔李倍  
說本如字為  
漢諱改音詔  
說文昭稱之  
昭作侶亦音  
詔


辭步回切內  
傳作駢  
醫內傳作駢  
古通用

與詳說大略  
因而旁注括  
語可以攷文  
之長

國語

以終民無結不可以固德無建不可以立此三者  
君之所慎也今君棄之無乃不可乎晉公子善人  
也而衛親也君不禮焉棄三德矣臣故云君其圖  
之康叔文之昭也部唐叔武之穆也周之大功在武  
天胙將在武族苟姬未絕周室而俾守天聚者必  
武族也武族唯晉實昌晉胤公子實德晉仍無道  
天胙有德晉之守祀必公子也若復而修其德鎮  
撫其民必獲諸侯以討無禮君弗蚤圖衛而在討  
小人是懼敢不盡心公弗聽自衛過曹曹共公亦

不禮焉聞其辭脅欲觀其狀止其舍徒謀謀其將浴設  
微薄而觀之僂負羈之妻言於負羈曰吾觀晉公  
子賢人也其從者皆國相也以相一人必得晉國  
得晉國而討無禮曹其首誅也子盍蚤自貳焉僂  
負羈餽殮寘璧焉公子受殮反璧負羈言於曹伯  
曰夫晉公子在此君之匹也君不亦禮焉曹伯曰  
諸侯之亡公子其多矣誰不過此亡者皆無禮者  
也余焉能盡禮焉對曰臣聞之愛親明賢政之幹  
也禮賓矜窮禮之宗也禮以紀政國之常也失常





勉出遠調且  
合二為一點  
見與太排

防政

但說三士

氏一作風

不立君所知也。國君無親，國以爲親。先君叔振，出自文王。晉祖唐叔，出自武王。文武之功，實建諸姬。故二王之嗣，世不廢親。今君棄之，是不愛親也。晉公子生十七年而亡，卿材三人從之，可謂賢矣。而君蔑之，是不明賢也。晉公子之亡，不可不憐也。比之賓客，不可不禮也。失此二者，是不禮賓，不憐窮也。守天之聚，將施於宜，宜而不施，聚必有闕。玉帛酒食，猶糞土也。愛糞土以毀三常，失位而闕聚，是不難。無乃不可乎？君其圖之。公弗聽。公子過宋。

與司馬公孫固相善。公孫固言於襄公曰：晉公子亡長幼矣，而好善不厭，父事狐偃，師事趙衰，而長事賈它，狐偃其舅也，而惠以有謀；趙衰其先君之戎御，趙氏之弟也，而文以忠貞；賈它，公族也，而多識以恭敬。此三人者，實左右之。公子居則下之，動則咨焉，成幼而不倦，殆有禮矣。樹於有禮，必有艾。商頌曰：湯降不遲，聖敬日躋，降有禮之謂也。君其圖之。襄公從之，贈以馬二十乘。公子過鄭，鄭文公亦不禮焉。叔詹諫曰：臣聞之，親有天用，前訓禮兄。





者大約不出  
詳傳而注又  
得矣

僞通作俊


國語

弟資窮困天所福也今晉公子有三胙焉天將啓  
之同姓不婚惡不殖也狐氏出自唐叔狐姬伯行  
之子也實生重耳成而僞才離違而得所久約而  
無釁一也同出九人唯重耳在離外之患而晉國  
不靖二也晉侯日載其怨外內棄之重耳日載其  
德狐趙謀之三也在周頌曰天作高山犬王荒之  
荒大之也大天所作可謂親有天矣晉鄭兄弟也  
吾先君武公與晉文侯勦力一心股肱周室夾輔  
平王平王勞而德之而賜之盟質曰世相起也若

遷於即繼環  
之謂又見于  
紀語

魏缺之言曰  
既不能以其  
言用我亦安  
能以其言殺  
我於楚之君  
之謂矣

親有天獲三胙者可謂大天若用前訓文侯之功  
武公之業可謂前訓若禮兄弟晉鄭之親王之遺  
命可謂兄弟若資窮困亡在長幼還軫諸侯可謂  
窮困棄此四者以徼天禍無乃不可乎君其圖之  
弗聽叔詹曰若不禮焉則請殺之諺曰黍稷無成  
不能爲榮黍不爲黍不能蕃廡稷不爲稷不能蕃  
殖所生不疑唯德之基公弗聽遂如楚楚成王以  
周禮享之九獻庭實旅百公子欲辭子犯曰天命  
也君其饗之亡人而國薦之非敵而君設之非天





身

數語雖嫌不  
寫楚有人乎  
其虎口車


誰啓之心既饗楚子問於公子曰子若克復晉國  
何以報我公子再拜稽首對曰子女玉帛則君有  
之羽旄齒革則君地生焉其波及晉國者君之餘  
也又何以報王曰雖然不穀願聞之對曰若以君  
之靈得復晉國晉楚治兵會於中原其避君三舍  
若不獲命其左執鞭弭右屬繫鞶以與君周旋令  
尹子玉曰請殺晉公子弗殺而反晉國必懼楚師  
王曰不可楚師之懼我不修也我之不德殺之何  
爲天之胙楚誰能懼之楚不可胙冀州之上其無

西音移又演  
爾切

幸法無命

留州使腰射  
幸由法

令君乎且晉公子敏而有文約而不諂三才傳之  
天胙之矣天之所興誰能禦之子玉曰則請止狐  
偃王曰不可曹詩曰彼已之子不遂其媾郵之也  
夫郵而效之郵又甚焉效郵非義也於是懷公自  
秦逃歸秦伯召公子於楚楚子厚幣以送公子於  
秦秦伯歸女五人懷嬴與焉公子使奉匭沃盥既  
而揮之嬴怒曰秦晉匹也何以卑我公子懼降服  
囚命秦伯見公子曰寡人之適此爲才子圍之辱  
備嬪媵焉欲以成婚而懼離其惡名非此則無故





此時懷公未  
死何以預稱  
探微路歸文  
已正夫人之  
說及其死也  
文河以例存  
高君之稱乎  
方知實史之  
直不似善修

信或為履

蟠其驕切又  
居表切

濟當作擠子  
計切  
炎帝德與黃  
帝代與正  
相濟下文以  
濟大事取此  
義也不必改  
作擠  
統即育字

左其書是擊  
末一德院抄  
破的抄有故  
亦是一法

不敢以禮致之歡之故也公子有辱寡人之辜唯  
命是聽公子欲辭司空季子曰同姓為兄弟黃帝  
之子二十五人其同姓者二人而已唯青陽與夷  
鼓皆為已姓青陽方雷氏之甥也夷鼓彤魚氏之  
甥也其同生而異姓者四母之子別為十二姓凡  
黃帝之子二十五宗其得姓者十四人為十二姓  
姬酉祈已滕歲任荀儀姑儀依是也唯青陽與倉  
林氏同於黃帝故皆為姬姓同德之難也如是昔  
少典取於有蟠氏生黃帝炎帝黃帝以姬水成炎

帝以姜水成成而異德故黃帝為姬炎帝為姜二  
帝用師以相濟也異德之故也異姓則異德異德  
則異類異類雖近男女相及以生民也同姓則同  
德同德則同心同心則同志同志雖遠男女不相  
及畏黷敬也黷則生怨怨亂毓災災毓滅姓是故  
取妻避其同姓畏亂災也故異德合姓同德合義  
義以道利利以阜姓姓利相更成而不遷乃能攝  
固保其土房今子於子圍道路之人也取其所棄  
以濟大事不亦可乎公子謂子犯曰何如對曰將





齊桓好內女  
公子不婚者  
七人秦樹晉  
文以遠義後  
好三伯如此  
何哉今楚王  
之妻謂也

舊云勝當為  
相亦無為

叔一作叔

印牛亮切或  
作仰音同


音

四馬字君重  
耳相餘有故

國語

奪其國何有於妻唯秦所命從也謂子餘曰何如  
對曰禮志有之曰將有請於人必先有入焉欲人  
之愛已也必先愛人欲人之從已也必先從人無  
德於人而求用於人舉也今將婚媾以從秦受奸  
以愛之聽從以德之懼其未可也又何疑焉乃歸  
女而納幣且逆之他日秦伯將饗公子公子使子  
犯從子犯曰吾不如衰之文也請使衰從乃使子  
餘從秦伯饗公子如饗國君之禮子餘相如賓卒  
事秦伯謂其大夫曰為禮而不終恥也中不勝貌

恥也華而不實恥也不度而施恥也施而不濟恥  
也恥門不閉不可以封非此用師則無所矣二三  
子敬乎明日燕秦伯賦采叔子餘使公子降拜秦  
伯降辭子餘曰君以天子之命服命重耳重耳敢  
有安志敢不降拜成拜卒登子餘使公子賦黍苗  
子餘曰重耳之印君也若黍苗之印陰雨也若君  
實庇蔭膏澤之使能成嘉穀薦在宗廟君之力也  
君若昭先君之榮東行濟河整師以復疆周室重  
耳之望也重耳若獲集德而歸載使主晉民成封





河當作鴻字  
相似誤也

大演可飲

國其何實不從君若恣志以用重耳四方諸侯其誰不揚揚以從君命秦伯歎曰是子將有焉豈專在寡人乎秦伯賦鳩飛公子賦河水秦伯賦六月子餘使公子降拜秦伯降辭子餘曰君稱所以佐天子匡王國者以命重耳重耳敢有惰心敢不從德公子親筮之曰尚有晉國得貞屯悔豫皆八也筮史占之皆曰不吉閉而不通爻無爲也司空季子曰吉是在易皆利建侯不有晉國以輔王室安能建侯我命筮曰尚有晉國筮告我曰利建侯得

錄音宙卦祀  
辭也从益从  
卜从系類師  
古曰作禱俗  
本但作錄族

國之務也吉孰大焉震車也坎水也坤土也屯厚也豫樂也車班外內順以訓之泉原以資之土厚而樂其實不有晉國何以當之震雷也車也坎勞也水也衆也主雷與車而尚水與衆車有震武也衆而順文也文武具厚之至也故曰屯其繇曰元亨利貞勿用有攸往利建侯主震雷長也故曰元衆而順嘉也故曰亨內有震雷故利貞車上水下必伯小事不濟壅也故曰勿用有攸往一夫之行也衆順而有武威故曰利建侯坤母也震長男也





虛音區或為  
墟

母老子強故曰豫其繇曰利建侯行師居樂出威  
之謂也是二者得國之卦也十月惠公卒十二月  
秦伯納公子及河子犯授公子載璧曰臣從君還  
輶巡於天下惡其多矣臣猶知之而況君乎不忍  
其死請由此亡公子曰所不與舅氏同心者有如  
河水沈璧以質董因迎公於河公問焉曰吾其濟  
乎對曰歲在大梁將集天行元年始受實沈之星  
也實沈之虛晉人是居所以興也今君當之無不  
濟矣君之行也歲在大火大火闕伯之星也是謂

大辰辰以成善后稷是相唐叔以封瞽史記曰嗣  
續其祖如穀之滋必有晉國臣筮之得秦之八曰  
是謂天地配享小往大來今及之矣何不濟之有  
且以辰出而以參入皆晉祥也而天之大紀也濟  
且乘成必霸諸侯子孫賴之君無懼矣公子濟河  
召令狐曰衰桑泉皆降晉人懼懷公奔高梁呂甥  
冀芮帥師甲午軍於盧柳秦伯使公子繫如師師  
退次於郇辛丑狐偃及秦晉大夫盟於郇壬寅公  
入於晉師甲辰秦伯還丙午入於曲沃丁未入於






終卽位於武宮戊申刺懷公於高粱

戾定。底止。箸附。滯廢。洋久也。無正。無正從也。衷中也。中道思其初時也。前言管仲終善之言。逐求也。邾過也。季末也。勸使適齊。會桓公季末之年。可也。五鹿衛地。塊。業也。復於壽星。歲復在壽星也。中土。中廣土地也。啓。跪也。處。居也。辟。罪也。欲避罪。故從中。幾。近也。關伯。陶唐氏之火正。居於商丘。祀大火。死以配食。相土。因之。故商主大火。實紀商之吉凶也。亂。不長世。言亂當有平時。天聚財與衆也。併。併餘也。謀。候也。微。蔽也。薄。迫也。國。以爲親。君。以國相親。猶僚以官相親也。三。常。政之幹。禮之宗。國之常也。長幼。從幼而長也。成。幼自幼而成人也。樹。種也。艾。報也。躋。升也。言湯之尊賢下士甚疾。故其聖敬之道。日升聞於天也。有。天。天所啓也。殖。蕃也。伯。行。孤。突。字。日。載之。載。成也。相。起。相。扶。持也。軫。車。後。橫。木。還。軫。猶回車也。所。生。謂。種。黍。得。黍。種。稷。得。稷。唯。在。所。樹。

言禍福亦猶是也。若不禮重耳。則當除之。不爾則宜厚之。如此不疑。是爲德基矣。九獻。上公享禮。庭實。庭中之陳。百舉。成數也。古者師行。三十里而舍。三舍爲九十里。不獲命。不獲楚還師之命。弓。無緣者謂之弭。繫。矢。房。隄。弓。殺也。懷。贏。子。圍。妻。與。焉。與。爲。媵。也。婚。禮。媵。入。於。室。媵。御。奉。匱。盥。揮。灑。也。囚。命。自。囚。以。聽。命。也。適。嫡。妃。子。也。懼。離。其。惡。名。懼。以。爲。子。圍。妻。恐。懼。其。惡。名。非。有。此。則。無。他。故。也。不。敢。以。禮。致。請。與。於。五。人。也。歡。愛。也。同。姓。爲。兄。弟。謂。同。父。而。生。同。德。且。得。姓。同。者。乃。爲。兄。弟。惠。公。重。耳。其。德。不。同。則。子。圍。道。路。之。人。可。以。取。其。妻。矣。少。典。黃。帝。炎。帝。之。先。言。生。者。本。二。帝。所。生。也。炎。帝。神。農。黃。帝。減。炎。帝。滅。其。子。孫。耳。以。成。謂。所。生。長。以。成。功。也。濟。當。爲。擠。滅。也。房。居。也。受。好。受。其。所。好。也。歸。女。納。幣。更。成。婚。禮。逆。親。迎。也。采。叔。小。雅。王。賜。諸。侯。命。服。之。樂。黍。苗。小。雅。道。邵。伯。述。職。勞。來。諸。侯。也。集。成。也。歸。載。之。載。祀。也。鳩。飛。小。雅。小。宛。之。首。章。也。曰。宛。彼。鳴。鳩。





翰飛戾天。我心憂傷。念昔先人。明發不寐。有懷  
 二人。言已念傷亡人。思成公子也。河水當作河  
 水。其詩曰。鴻彼流水。朝宗于海。六月。小雅道尹  
 吉甫。佐宣王征伐。復文武之業也。內曰貞。外曰  
 悔。震下坎上屯。坤下震上豫。得此兩卦。震在屯  
 為貞。在豫為悔。八。謂震兩陰爻。在貞在悔皆不  
 動。故曰皆八。謂爻無為也。震為動。動遇坎坎為  
 險阻。閉塞不通。無所為也。故皆曰不吉。車雷也。  
 班。徧也。徧外內者。謂屯之內有震。豫之外亦有  
 震。坤順也。豫內為坤。屯二至四亦為坤。資財也。  
 屯三至五。豫二至四。皆有艮象。豫三至五。有坎  
 象。艮山坎水。水在山上。為泉原。流而不竭也。屯  
 豫皆有坤象。重坤故厚。豫為樂。當應也。主雷與  
 車。內為主也。坎象皆在上。故尚水與眾。屯厚也。  
 車上水下。有威而眾從。故必伯也。居樂母在內  
 也。出威。震在外也。居樂。故利建侯。出威。故利行  
 師。授還也。戴璧之儀。祀也。天行。天道也。言公將  
 成。天道也。自胃七度至畢十一度。為大梁。自畢

十二度至東井十五度。為寶流。大火。大辰也。成  
 善。謂辰為農祥。后稷之所經緯。以成善道。相視  
 也。謂視農祥。以成農事。以封。謂唐叔封時。歲在  
 大火也。乾下坤上。泰。遇泰無動爻。蓋為侯。泰三  
 至五。震為侯。陰爻不動。其數皆八。故得泰之八。  
 與貞屯。悔豫。皆八。義同。辰。大火也。參。伐也。參在  
 寶流之次。令狐。曰衰。桑  
 泉。皆晉邑。召。召其長也。

初獻公使寺人勃鞞伐公於蒲城。文公踰垣。勃鞞  
 斬其袪。及入。勃鞞求見。公辭焉。曰。驪姬之讒。爾射

余於屏內。困余於蒲城。斬余衣袪。又為惠公從。余

於渭濱。命曰三日。若宿而至。若干二命。以求殺余。

余於伯楚。屢困何舊怨也。退而思之。異日見我。對





曰吾以君為已知之矣故入猶未之知又將出矣  
 事君不貳是謂臣好惡不易是謂君君君臣臣是  
 謂明訓明訓能終民之主也二君之世蒲人翟人  
 余何有焉除君之所惡唯力所及何貳之有今君  
 卽位其無蒲翟乎伊尹放大甲而卒以為明王管  
 仲賊桓公而卒以為侯伯乾時之役申孫之矢集  
 於桓鉤鉤近於祛而無怨言佐相以終克成令名  
 今君之德字何不寬裕也惡其所好其能久矣君  
 實不能明訓而棄民主余皐戾之人也又何患焉

且不見我君其無悔乎於是呂甥冀芮畏懼悔納  
 公謀作亂將以已丑焚公宮公出救火而遂殺之  
 伯楚知之故求見公公懼遽見之曰豈不如女言  
 然是吾惡心也吾請去之伯楚以呂卻之謀告公  
 公懼乘駟自下脫會秦伯於王城告之亂故及已  
 丑公宮火二子求公不獲遂如河上秦伯誘而殺  
 之

祛袂也重耳在翟從翟君獵於渭濱勃鞞為惠  
 公就殺之若汝也宿一宿也伯楚勃鞞字蒲人  
 翟人者言當獻惠之世君為蒲人翟人耳於我  
 有何義而不殺君乎申孫矢名呂甥冀芮本惠







韓詩外傳云  
晉文公過曹  
里尼須從因  
遠重耳藏而  
亡重耳無糧  
餒不能行介  
子推割股以  
食重耳然後  
能行

國語


公黨畏見逼害。故謀作亂。遽疾也。駟傳也。下。下道也。脫會道行潛逃之言。

文公之出也。豎頭須守藏者也。不從公入。乃求見公辭焉。以沐謂謁者曰。沐則心覆。心覆則圖反。宜吾不得見也。從者為羈。繼之僕。居者為社稷之守。何必臯居者。國君而讎匹夫。懼者衆矣。謁者以告公。遽見之。

豎。文公內豎。里。里須也。公出不從。竊藏以逃。盡用以求納公。沐。低頭。故言心反。馬曰。羈。犬曰。繼。皇明萬曆己未仲秋烏程閔齊伋遇五父裁注







NATIONAL CENTRAL LIBRARY, TAIWAN, R.O.C.










國語  
晉下

201300083 NATIONAL CENTRAL LIBRARY, TAIWAN, R.O.C











辨文熙曰夫人即辰歲也或以為在九人蓋亦睹圖語納幣親迎之事耳既已納幣親迎不謂之夫人而何哉

國語第五

晉下 起文公至晉未

元年春公及夫人羸氏至自王城秦伯納衛三千人實紀綱之僕公屬百官賦職任功棄責薄歛施舍分寡救乏振滯匡困資無輕關易道通商寬農茂穡勸分省用足財利器明德以厚民性舉善援能官方定物正名育類昭舊族愛親戚明賢良尊貴寵賞功勞事耆老禮賓旅友故舊胥籍狐箕樂郤柏先羊舌董韓寔掌近官諸姬之良掌其中官

國語 晉下





肥扶嚴切地  
名也。經典音  
凡或音似排  
音似著肥也  
从巳此从巳

異姓之能。掌其遠官。公食貢。大夫食邑。士食田。庶人食力。工商食官。阜隸食職。官宰食加。政平民阜。財用不匱。

贏氏秦穆公女文嬴也。或曰辰嬴也。棄責除宿債也。分寡分少財也。救乏救乏絕也。滯淹滯之士。易道除盜賊也。方常也。物事也。立其常官以定百事也。育長也。類善也。食官官稟之。官宰家臣也。加大夫之家田也。

冬。襄王避昭叔之難。居於鄭地。汜使來告。難亦使告於秦。子犯曰。民親而未知義也。君盍納王以教之。義若不納。秦將納之。則失周矣。何以求諸侯。不

麗敬秋切或  
為鄭

能修身而又不能宗人。人將焉依。繼文之業。定武之功。啓土安疆。於此乎在矣。君其務之。公說乃行。賂於草中之戎。與麗土之翟。以求東道。二年春。公以二軍。下次於陽樊。右師取昭叔於溫。殺之於隰。城左師迎王於鄭。王入於成周。遂定之於郊。王饗醴。命公胙。侑公請隧。弗許。曰。王章也。不可以二王。無若政。何賜公南陽。陽樊。溫。原州。陸緝。鉏。橫。茅之田。陽人不服。公圍之。將殘其民。倉葛呼曰。君補王闕以順禮也。陽人未狎君德。而未敢承命。君將殘





之無乃非禮乎。陽有夏商之嗣典，有周室之師旅。樊仲之官守焉，其非官守則皆王之父兄甥舅也。君定王室而殘其姻族，民將焉放。敢私布之於吏，唯君圖之。公曰：君子也，乃出陽人。又公伐原，令以三日之糧，三日而原不降，公令疏軍而去之。謀出曰：原不過一二日矣。軍吏以告，公曰：得原而失信，何以使人？夫信，民之所庇也，不可失也。乃去之，及盟門而原請降。

昭叔叔帶也。事見周語。文之業，文侯仇也。平王東遷，文侯輔之。武之功，武公稱也。武始并晉國。

東行曰下。成周東都。郊，主城也。饗，醴設饗禮。飲，醴酒也。命，加命服也。昨，賜祭肉也。侑，侑帛，謂既食以束帛侑公也。樊仲，仲山甫也。放，依也。疏，微也。謀，間候也。盟門，原地。

班內傳作級亦音瑛

極天無口先於使宗器齊奏分曹衛以早宋人如投骨祭大開然自闕

文公立四年，楚成王伐宋，公率齊秦伐曹衛以救宋。宋人使門尹班告急於晉，公告大夫曰：宋人告急，舍之則宋絕，告楚則不許我。我欲擊楚，齊秦不欲，其若之何？先軫曰：不若使齊秦主楚怨。公曰：可乎？先軫曰：使宋舍我而賂齊秦，藉之告楚，我分曹衛之地以賜宋人。楚愛曹衛，必不許齊秦。齊秦不得其請，必屬怨焉。然後用之，蔑不欲矣。公說是故。





宛於元切又  
於阮切

謀計

善端

既一作師

以曹田衛田賜宋人，令尹子玉使宛春來告曰：請復衛侯而封曹，臣亦釋宋之圍。舅犯愠曰：子玉無禮哉！臣取二君，取一必擊之。先軫曰：子與之，我不許。曹衛之請，是不許釋宋也。宋衆無乃彊乎？是楚一言而有三施，子一言而有三怨。怨已多矣，難以擊人。不若私許復曹衛，以攜之。執宛春以怒楚，既戰而後圖之。公說，是故拘宛春於衛。子玉釋宋圍，從晉師。楚既陳，晉師退舍。軍吏請曰：以君避臣辱也，且楚師老矣，必敗。何故退？子犯曰：二三子忘在

楚乎？偃也聞之，戰鬪直爲壯，曲爲老。未報楚惠而抗宋，我曲楚直，其衆莫不生氣，不可謂老。若我以君避臣而不去，彼亦曲矣。退三舍避楚，楚衆欲止。子玉不肯，至於城濮，果戰。楚衆大敗。君子曰：善以德勸。

主楚怨，使爲怨主也。藉之告楚，藉與齊秦之勢，使請宋於楚，蔑無也。宋衆無乃彊乎？謂不釋宋。宋降於楚，其衆益彊也。老，久也。忘在楚乎？言在楚時，有退三舍之語，善以德勸，善先軫子犯也。

文公誅觀狀以伐鄭，反其埤，鄭人以名寶行，成公弗許，曰：予我詹，而師還。詹請往，鄭伯弗許，詹固請

埤，婢支切，又扶移切，多作評。





柳宗元曰觀  
晉侯之狀者  
曹也今於鄭  
初言之則是  
多為証者且  
老故以至乎  
是其說者云  
鄭效曹也是  
乃私為之辭  
不足以蓋其  
誤

曰一臣可以救百姓而定社稷君何愛於臣也鄭  
人以詹子晉人晉人將亨之詹曰臣願獲盡辭而  
死固所願也公聽其辭詹曰天降鄭禍使淫觀狀  
棄禮違親臣曰不可夫晉公子賢明其左右皆卿  
才若復其國而得志於諸侯禍無赦矣今禍及矣  
尊明勝患知也殺身贖國忠也乃就亨據鼎耳而  
疾號曰自今以往知忠以事君者與詹同乃命弗  
殺厚為之禮而歸之鄭人以詹伯為將軍

賈侍中云鄭復效曹觀駢脅之狀故伐之唐尚  
書云誅曹觀狀之辜還而伐鄭省內外傳鄭無

觀狀之事而叔詹云天降鄭禍使淫觀狀謂淫  
放於曹不禮公子與觀狀之辜同耳反撥也埋  
城上女垣詹叔詹伯也文公過鄭時詹請禮  
之鄭伯不聽因請殺之明謂公子勝猶過也

晉國饑公問於箕鄭曰救饑何以對曰信公曰安  
信對曰信於君心信於名信於令信於事公曰然  
則若何對曰信於君心則美惡不踰信於名則上  
下不干信於令則時無廢功信於事則民從事有  
業於是乎民知君心貧而不懼藏出如入何匱之  
有公使為箕及清原之蒐使佐新上軍

藏出如入出其幣藏以相振救  
如入於家也為箕為箕大夫





公問元帥於趙衰對曰郤穀如穀可行年五十矣守學  
彌惇夫先王之法志德義之府也夫德義生民之  
本也能惇篤者不忘百姓也請使郤穀公從之公  
使趙衰爲卿辭曰樂枝貞慎先軫有謀胥臣多聞  
皆可以爲輔臣弗若也乃使樂枝將下軍先軫佐  
之取五鹿先軫之謀也郤穀卒使先軫代之胥臣  
佐下軍

公使原季爲卿辭曰夫三德者偃之出也以德紀  
民其章大矣不可廢也使狐偃爲卿辭曰毛之知  
賢於臣其齒又長毛也不在位不敢聞命乃使狐  
毛將上軍狐偃佐之狐毛卒使趙衰代之辭曰城  
濮之役先且居才本之佐軍也善軍伐有賞善君有賞  
能其官有賞且居有三賞不可廢也且臣之倫箕  
鄭胥嬰先都在乃使先且居將上軍公曰趙衰三  
讓其所讓皆社稷之衛也廢讓是廢德也以趙衰  
之故蒐於清原作五軍使趙衰將新上軍箕鄭佐  
之胥嬰將新下軍先都佐之子犯卒蒲城伯請佐  
公曰趙衰三讓不失義讓推賢也義廣德也德廣





新字誤美蓋  
新上軍之封  
進位上軍為  
升一等也

國語

賢至有何患矣請令衰也從子乃使趙衰佐新上軍

原季趙衰也賈唐云三德樂枝先軫胥臣也皆狐偃所舉虞云三德謂勸納襄王以示義伐原以示信大蒐以示禮故以三德紀民也毛偃之兄伐軍功也倫伍也蒲城伯先且居也

文公學讀書於臼季三日曰吾不能行也咫聞則多矣對曰然而多聞以待能者不猶愈乎

臼季胥臣咫咫尺間也

文公問於郭偃曰始也吾以國為易今也難對曰君以為易其難也將至矣君以為難其易也將至矣

矣

謹內傳作難

不可

德在通切或音焦僥吾聊切

埃通作侯

振振中二音

按濠字又有兩鳴所九二切檢所鳩音若亦訓俊也兩九若說文解為沃也

國語 晉下

七

文公問於胥臣曰吾欲使陽處父傳讜也而教誨之其能善之乎對曰是在讜也梁除遠條不可使僂戚施不可使仰僬僥不可使舉侏儒不可使援矇矓破不可使視嚚瘖不可使言聾聵不可使聽僮昏不可使謀質將善而賢良贊之則濟可埃也若有違質教將不入其何善之為臣聞昔者大任娠文王不變少濬於豕牢而得文王不加病焉文王在母不憂在傅弗勤處師弗煩事王不怒敬友二號而





不須教

天於未切又  
於邊切  
蔡蔡公原原  
公辛辛甲尹  
尹侯皆周大  
夫

不省有叔

琴巨牛切又  
巨曲切尚書

說文但作求  
通作球  
印牛嫁切孔  
本作仰牛亮  
切按注曰迎  
也則逐音般  
未一讀信水  
出

惠慈二蔡刑于犬奴比于諸弟詩云刑于寡妻至

于兄弟以御于家邦於是乎用四方之賢良及其

即位也詢於八虞而咨於二虢度於閔天而謀於

南宮諏於蔡原而訪於辛尹重之以周召畢榮億

寧百神而柔蘇萬民故詩曰惠于宗公神罔時恫

是則文王非專教誨之力也公曰然則教無益乎

對曰胡爲文益其質故人生而學非學不入公曰

奈夫八疾何對曰官師之所材也威施沙音直鋪增蓬條

蒙瓊侏儒扶盧矇矇修聲聾聵司火僮昏鬻瘠僬

僂官師所不材也以實喬土夫教者因體能質而

利之者也若川然有原以印浦而後大

謹襄公名。蓬條。僂人。威施。僂人。僬僂。長三尺。不

可使舉重。侏儒。亦短者。矇矇。解見周語。口不道

忠信之言爲鬻。瘠。不能言者。生而聾曰聵。僮。無

知者。違邪也。不變。不變動也。少濬。小便也。不半

廟也。如小濬於廟。言其易也。二虢。虢仲。虢叔也。


管叔亦爲蔡。故曰二蔡。八虞。周八士。皆在虞官。

億。安也。惠。順也。宗公。大臣也。恫。痛也。錡。錡鐘。直

主也。蒙。戴也。瓊。玉磬也。不能僂。故使之戴。蔡。扶

文公即位二年欲用其民子犯曰民未知義盍納

天子以示之義乃納襄王於周公曰可矣乎對曰





民未知信。盍伐原以示之信。乃伐原。曰可矣乎。對曰民未知禮。盍大蒐備師尚禮以示之。乃大蒐於被廬。作三軍使郤穀將中軍以爲大政。郤溱佐之。子犯曰可矣。遂伐曹衛。出穀戍。釋宋圍。敗楚師於城濮。於是乎遂伯。

更言此者。終述善文公之事。穀齊地。楚伐齊。取穀。使申公叔侯戍之。楚圍宋。晉伐曹衛以救宋。楚使申叔去穀。使子玉去宋。

曰季使舍於冀野。冀缺擗其妻。馱之。敬相待如賓。從而問之。冀芮之子也。與之歸。既復命而進之曰。

臣得賢人當以告文公。曰其父有辜。可乎。對曰國之良也。滅其前惡。是故舜之刑也。殛鯀。其舉也。典禹。今君之所聞也。齊桓親舉管敬子。其賊也。公曰子何以知其賢也。對曰臣見其不忘敬也。夫敬德之恪也。恪於德以臨事。其何不濟。公見之。使爲下軍大夫。

擗。林也。或作薺。拔田草也。野饋曰馱。文公元年。冀芮畏僂。與呂卻謀弑公。秦伯殺之。

陽處父如衛。反過甯舍於逆旅。甯羸氏羸謂其妻曰。吾求君子久矣。乃今得之。舉而從之。陽子道與。

鄆缺以不敬。滅其前惡。謂賢矣。再傳。而臨底于扶。滅水爲冀野。二田。四。五。可。寸。矣。





李注

覆印之書


禮記非美辭

之語及山而還其妻曰子得所求而不從之何其懷也曰吾見其貌而欲之聞其言而惡之夫貌情之華也言貌之機也身爲情成於中言身之文也言文而發之合而後行離則有釁今陽子之貌濟其言匱非其實也若中不濟而外彊之其卒將復中外易矣若外內類而言反之瀆其信也夫言以昭信奉之如機歷時而發之胡可瀆也今陽子之情譏矣以濟蓋也且剛而主能不本而犯怨之所聚也吾懼未獲其利而及其難是故去之期年乃

有賈季之難陽子死之

旅客也。逆旅。迎客而舍之。舉猶起也。懷。思也。濟成也。言不副貌爲匱。匱乏也。復。反也。反其情也。易。猶異也。歷時。言思察之詳熟。譏。辯察也。濟。蓋成其容貌以蓋其短也。主。尚也。言性剛直而高尚其材能也。不本行。不本仁義也。犯。犯人也。賈季。狐偃之子射姑也。食邑於賈。魯文六年。晉蒐於夷。舍二軍。復成國之制。狐射姑將中軍。趙盾佐之。陽子至自溫。改蒐於董。使趙盾將中軍。射姑佐之。射姑怨陽子之易其班也。使狐鞠居殺陽處父而奔翟。

趙宣子言韓獻子於靈公以爲司馬。河曲之役趙孟使人以其乘車干行。獻子執而戮之。衆咸曰韓厥必不沒矣。其主朝升之而莫戮其車。其誰安之。







宣子召而禮之曰吾聞事君者比而不黨夫周以舉義比也舉以其私黨也夫軍事無犯犯而不隱義也吾言汝於君懼汝不能也舉而不能黨孰大焉事君而黨吾何以從政吾故以是觀汝汝勉之苟從是行也臨長晉國者非汝其誰皆告諸大夫曰二三子可以賀我矣吾舉厥也而申吾乃今知免於臯矣

宣子趙盾也字孟獻子韓厥也魯文十二年秦伐晉戰於河曲干犯也行軍列也沒終也其主言獻子因趙盾以爲主盾升之於公朝比比義也忠信曰則

宋人殺昭公趙宣子請師於靈公以伐宋公曰非晉國之急也對曰大者天地其次君臣所以爲明訓也今宋人殺其君是反天地而逆民則也天必誅焉晉爲盟主而不修天罰將懼及焉公許之乃發令於大廟召軍吏而戒樂正令三軍之鐘鼓必備趙同曰國有大役不鎮撫民而備鐘鼓何也宣子曰大臯伐之小臯憚之襲侵之事陵也是故伐備鐘鼓聲其臯也戰以錘于丁寧傲其民也襲侵密聲爲楚事也今宋人殺其君臯莫大焉明聲之







國語

猶恐其不聞也。吾備鐘鼓為君故也。乃使旁告於諸侯治兵振旅鳴鐘鼓以至於宋。

魯文十六年。宋公子鮑弑昭公而自立。輕曰。襲無鐘鼓曰侵。陵以大陵小也。錡干形如錡頭。與鼓相和。丁寧謂錡也。變變其無備為君故。為欲尊明君道也。振奮也。

處音達又音況

靈公虐。趙宣子驟諫。公患之。使鉏麇賊之。晨往則寢門辟矣。盛服將朝。蚤而假寐。麇退。歎而言曰。趙孟敬哉。夫不忘恭敬。社稷之鎮也。賊國之鎮。不忠受命而廢之。不信。享一名於此。不若死。觸廷之槐而死。靈公將殺趙盾。不克。趙穿攻公於桃園。逆公

子黑臀而立之。寔為成公。

殺人不以道曰賊。不脫冠帶而寐曰假寐。

郤獻子聘於齊。齊頃公使婦人觀而笑之。郤獻子怒。歸請伐齊。范武子退自朝曰。變乎。吾聞之。干人之怒。必獲毒焉。夫郤子之怒甚矣。不逞於齊。必發諸晉國。不得政。何以逞怒。余將致政焉。以成其怒。無以內易外也。爾勉從。二三子以承君命。唯敬乃老。

郤克。齊頃公惟婦人使觀之。郤子將升。婦人笑於房。武子士會變。武子之子文子也。老告老。

國語 晉下



范文子莫退於朝。武子曰：何莫也？對曰：有秦客度辭於朝，大夫莫之能對也。吾知三焉。武子怒曰：大夫非不能也，讓父兄也。爾童子何知而三掩人於朝？吾不在晉國，亡無日矣。擊之以杖，折委筭。

度，隱也。謂以隱伏請說之言問於朝也。東方朔曰：非敢試之，乃與為隱耳。是也。委，委貌。冠也。筭，替也。

靡笄之役，韓獻子將斬人，卻獻子駕將救之。至則既斬之矣。卻獻子請以徇其僕，曰：子不將救之乎？獻子曰：敢不分謗乎？


靡笄，齊山名。魯成二年，晉卻克伐齊，從齊師於靡笄之下。戰於鞍。

靡笄之役，卻獻子傷，曰：余病喙，張侯御，曰：三軍之心在此車矣。其耳目在於旗鼓，車無退，表鼓無退聲，軍事集矣。吾子忍之，不可以言病。受命於廟，受脹於社，甲冑而效死，戎之政也。病未若死，祇以解志。乃左并轡，右援枹而鼓之。馬逸不能止，三軍從之。齊師大敗，逐之。三周華不注之山。

喙，短氣貌。表，旌旗也。脹，宜社之肉，盛以蜃器，周匝也。

靡笄之役，卻獻子師勝而反。范文子後入，武子曰：

內傳云：報甲也。病未及死，吾子勉之。數語更偉。





茅坤云勝齊  
之事無足採  
者君臣推讓  
處亦可觀  
太一律不  
內傳之在否

變乎。女亦知吾望爾也乎。對曰。夫師郤子之師也。其事臧。若先則恐國人之屬耳。目於我也。故不敢。武子曰。吾知免矣。

文子時佐上軍。臧善也。謂師有功。屬猶注也。

靡笄之役。郤獻子見公曰。子之力也。夫對曰。克也。何力之。以君命命三軍之士。三軍之士用命。克也。何力之。有焉。范文子見公曰。子之力也。夫對曰。變也。受命於中軍。以命上軍之士。上軍之士用命。變也。何力之。有焉。樂武子見公曰。子之力也。夫對曰。書也。受命於上軍。以命下軍之士。下軍之士用命。書也。何力之。有焉。

靡笄之役也。郤獻子伐齊。齊侯來獻。之以得隕命之禮。曰。寡君使克也。不腆敝邑之禮。爲君之辱。敢歸諸下。執政以憇御人。苗棼皇曰。郤子勇而不知禮。矜其伐而恥國君。其與幾何。

齊成三年。齊侯以靡笄之役。故服而朝晉。獻致。養也。獻。蓬豆之數。如征伐所獲國君之獻。禮也。以得言不得也。伐國獲君。若秦獲晉惠。是爲隕命。今齊雖敗。頃公不見得。非隕命也。故苗棼皇以郤克不知禮。司馬法曰。其有限命。行禮如會。所爭義。不爭利也。歸饋也。執政執事。憇。願也。御。





人婦人願以此報君御人之笑已者其與幾何言將不終命也

梁山崩以傳竹召伯宗遇大車當道而覆立而辟之曰辟傳對曰傳為速也若埃吾辟之則加遲矣不如捷而行伯宗喜問其居曰絳人也伯宗曰何聞曰梁山崩而以傳召伯宗伯宗問曰將若何對曰山有朽壤而自崩將若何夫國主山川故川涸山崩君為之降服出次乘纁纁不舉策於上帝國三日哭以禮焉雖伯宗亦其如是而已其若之何問其名不告請以見弗許伯宗及絳以告而從之

梁山音望傳驛也大車牛車辟使下道避也車也旁出為捷不言敗失所為而稱朽壤言避也主為山川主也降服編素出次次於郊也纁車無文也不舉不舉樂也策於上帝以簡策告於上帝以禮以禮於神也周禮國有大災三日哭以見以見於君也以告以車者之言告君也伯宗朝以喜歸其妻曰子貌有喜何也曰吾言於朝諸大夫皆謂我知似陽子對曰陽子華而不實主言而無謀是以難及其身子何喜焉伯宗曰吾飲諸大夫酒而與之語爾試聽之曰諾既飲其妻曰諸大夫莫子若也然而民不能戴其上久矣難必及子子盍亟索士亟愁鹿州犁焉得畢陽及樂弗





忌之難諸大夫害伯宗將謀而殺之畢陽實送州  
犁於荆

陽子處父。主言尚言也。戴奉也。上才在人上也。亟疾也。索求也。怒願也。庇覆也。州犁伯宗子。畢陽音士。樂弗忌晉大夫。伯宗之童也。三郤害弗忌。故潛伯宗并殺之。荆楚也。

趙文子冠見樂武子武子曰美哉昔吾逮事莊主  
華則榮矣實之不知請務實乎見中行宣子宣子  
曰美哉惜也吾老矣見范文子文子曰而今可以  
戒矣夫賢者寵至而益戒不足者為寵驕故與王  
賞諫臣逸王罰之吾聞古之王者政德既成又聽

善論

善論

善論


於民於是乎使工誦諫於朝在列者獻詩使勿堯  
風聽臚言於市辯妖祥於謠考百事於朝問謗譽  
於路有邪而正之盡戒之術也先王疾是驕也見  
卻駒伯駒伯曰美哉然而壯不若老者多矣見韓  
獻子獻子曰戒之此謂成人成人在始與善始與  
善善進善不善蔑由至矣始與不善不善進不善  
善亦蔑由至矣如草木之產也各以其物人之有  
冠猶宮室之有牆屋也糞除而已何又加焉見知  
武子武子曰吾子勉之成宣之後而老為大夫非





恥乎。成子之文，宣子之忠，其可忘乎？夫成子道前志，以佐先君道法，而卒以政，可不謂文乎？夫宣子盡諫於襄靈，以諫取惡，不憚死進也，可不謂忠乎？吾子勉之，有宣子之忠，而納之以成子之文，事君必濟。見苦成叔子，叔子曰：抑年少而執官者衆，吾安容子。見溫季子，季子曰：誰之不如？可以求乎？見張老而語之，張老曰：善矣。從樂伯之言，可以滋。范叔之教，可以大。韓子之戒，可以成。物備矣，志在子。若夫三郤亡人之言也，何稱述焉？知子之道善矣。是。先。主。覆。露。子。也。

文子趙武禮既冠莫贊於君遂以贊見於卿大夫先生莊莊子武之父趙朔也大夫稱主趙朔嘗將下軍樂書佐之故云逮事中行宣子荀庚也。幾惑也。風采也。臚傳也。伯郤錡物類也。糞除喻自修潔。知武子荀罃也。成成季子武之曾祖趙衰也。宣宣子武之祖趙盾也。恥爲大夫欲其修德。蚤爲卿也。道前之道達也。志記也。以政得政也。苦成叔子郤犇溫季子郤至誰之不如可以求乎言汝不如誰可以求其次不欲其高遠也。張老晉大夫張孟滋益也。物事也。人事已備能行與否在子之志也。知子之道之道訓也。先主成宣也。露潤也。厲公將伐鄭范文子不欲曰：若以吾意，諸侯皆畔。則晉可爲也。唯有諸侯故擾擾焉。凡諸侯難之本。





也得鄭憂滋長安用鄭郤至曰然則王者多憂乎  
文子曰我王者也乎哉夫王者成其德而遠人以  
其方賄歸之故無憂今我寡德而求王者之功故  
多憂子見無土而欲富者樂乎哉


魯成十六年伐鄭鄭即楚故也。畔輒伐之故為難本得鄭楚必救之故憂益長

厲公六年伐鄭且使苦成叔及樂厲與齊魯之師  
楚恭王帥東夷救鄭楚半陳公令擊之樂書曰君  
使厲也與齊魯之師請俟之郤至曰不可楚師將  
退我擊之必以勝歸夫陳不違忌一聞也夫南夷

與楚來而弗與陳二聞也夫楚與鄭陳而不與整  
三聞也且其士卒在陳而譁四聞也夫衆聞譁則  
必懼五聞也鄭將顧楚楚將顧夷莫有關心不可  
失也公說於是敗楚師於鄢陵樂書是以怨郤至  
厲書之子樂桓子也將退無關心故可勝違避也忌謂晦也經書六月甲午晦晉侯及楚子鄭伯戰於鄢陵晦陰氣盡兵亦陰故忌之聞隙也南夷據在晉南也

鄢之戰郤至以韎韋之跗注有致三逐楚共王卒見王  
必下奔退戰王使工尹襄問之以弓曰方事之殷  
有韎韋之跗注君子也屬見不穀而下無乃傷乎

誅木并切又音妹  
共本俱作平





精文照四其  
事在亦顛倒  
叙之以見始  
終

卻至甲冑而見客免冑而聽命曰君之外臣至以  
寡君之靈聞蒙甲冑不敢當拜君命之辱為使者  
故敢三肅之君子曰勇以知禮


韎茅蒐染也茅蒐今絳草急疾呼茅蒐成韎跗  
注兵服自要以下注於跗下下車奔走也問遺  
也事戎事殷盛也屬適也免脫也脫之為郭  
耳蒙被也禮軍事肅拜肅拜下手至地也

鄆陵之役大夫欲爭鄭范文子不欲曰吾聞人臣  
者能內睦而後圖外不睦內而圖外必有內爭盍  
姑謀睦乎考訊其阜以出則怨靖

爭鄭與楚爭鄭也訊問也阜衆也靖安也考  
問百姓知其虛實然後用師則怨惡自安息

鄆陵之役晉伐鄭荆救之大夫欲戰范文子不欲  
曰吾聞君人者刑其民成而後振武於外是以內  
蘇而外威今吾司寇之刀鋸日弊而斧鉞不行內  
猶有不刑而況外乎夫戰刑也刑之過也過由大  
而怨由細故以惠誅怨以忍去過細無怨而大不  
過而後可以武刑外之不服者今吾刑外乎大人  
而忍於小民將誰行武武不行而勝幸也幸以為  
政必有內憂且唯聖人能無外患又無內憂距非  
聖人必偏而後可偏而在外猶可救也疾自中起

善語





是難。盍姑釋荆與鄭，以為外患乎。

刑其民以刑正其民。成平也。刀鋸，小人之刑。日弊用之數也。斧鉞，大刑不行，不行於大臣也。刑之過，刑殺有過者，過由大由大臣也。怨，怨望也。細，細民也。誅，除也。忍，以義斷也。外乎，大人刑不及也。距，猶自也。偏，偏有一也。在外，外有患也。

鄆陵之役，晉伐鄭，荆救之。欒武子將上軍，范文子將下軍。欒武子欲戰，范文子不欲，曰：「吾聞之，唯厚德者能受多福，無德而服者眾，必自傷也。」稱晉之德，諸侯皆畔，國可以少安。唯有諸侯故擾擾焉，凡諸侯難之本也。且唯聖人能無外患，又無內憂。距

此文字四章  
於一事而所  
信各異以事  
其意大成者  
轉該亦矣  
美編

非聖人，不有外患，必有內憂。盍姑釋荆與鄭，以為外患乎。諸臣之內相與，必將輯睦。今我戰又勝，荆與鄭吾君將伐，知而多力，怠教而重飲。夫其私暱而益婦人田，不奪諸大夫田，則焉取以益此。諸臣之委室而徒還者，將與幾人。戰若不勝，則晉國之禍也。戰若勝，亂地之秩者也。其產將害大。盍姑無戰乎。欒武子曰：「昔韓之役，惠公不復舍，燔之役，三軍不振旅。箕之役，先軫不復命。晉國固有大恥。三今我任晉國之政，不損晉恥，又以違蠻夷，以重之。」





卷八

不相聽即上  
內慶言因有  
大恥執若內  
慶云云為諸  
侯笑也注似  
速

用前注以秋  
松有秋

雖有後患非吾所知也范文子曰擇福莫若重擇  
禍莫若輕福無所用輕禍無所用重晉國固有大  
恥與其君臣不相聽以為諸侯笑也盍姑以違蠻  
夷為恥乎樂武子不聽遂與荆人戰於鄢陵大勝  
之於是乎君伐知而多力怠教而重斂大其私暱  
殺三卻而尸諸朝納其室以分婦人於是乎國人  
弗蠲遂殺諸翼葬之翼東門之外以車一乘厲公  
之所以死者唯無德而功烈多服者衆也

稱副也。昭、近也。謂變臣徒空也。與語辭。幾人言必多也。亂地。亂故地也。秩常也。產生也。言其生

變將害大臣也。魯宣十二年。楚敗晉師於鄢。師  
敗衆散。故不能振旅而入。魯僖三十三年。晉人  
敗翟於箕。先軫死之。故不復命於君。違避也。不  
相聽。謂惠公不與慶鄭相聽。以殞於韓。先穀不  
與林父相聽。以敗於邲。先軫不與襄公相聽。以  
亡於箕也。三卻。卻犇。至也。室。妻妾貨賄。蠲。潔也。  
不潔。公所為也。翼。晉故都。匠麗氏也。厲公侈。多  
外嬖。及自鄢陵。欲盡去羣大夫而立其左右。以  
胥童。夷羊午。長魚矯。為卿。故殺三卻。長魚矯。又  
以兵劫樂書中行偃。將殺之。公不忍而復其位。  
魯成十七年。冬。厲公游於匠麗氏。樂書中行偃  
執公。十八年正月。使程滑殺公。以車一乘。不成  
也。卒。宣公十二年立。

鄢陵之役。荆厭晉軍。軍吏患之。將謀。范匄自公族  
趨過之。曰。夷窺墜井。非退而何。范文子執戈逐之。

何。古。害。切。或  
作。焉。





曰國之存亡天命也童子何知焉且不及而言姦也必為戮苗棼皇曰善逃難哉既退荆師於鄢陵將敘范文子立於戎馬之前曰君幼弱諸臣不佞吾何福以及此吾聞之天道無親唯德是授吾庸知天之不授晉且以勸荆乎君與二三臣其戒之夫德福之基也無德而福隆猶無基而厚墉也其壞也無日矣

厭謂掩其不備也傳曰甲午晦楚晨壓晉軍而陳謀謀所以距扞之句文子之子宣子也自公族為公族大夫夷平也埋塞也使晉軍平塞井窺示必死不復飲食也非退而何言楚必退也

傳曰塞井夷窺陳於軍中而疏行首是也文子欲句讓大臣不蓋掩人是為避難殺處其館食其穀也戎馬公戎車馬前也佞才也且以勸荆謂今勝楚適以勸楚修德以報晉也墉牆也

反自鄢范文子謂其宗祝曰君驕泰而有烈夫以德勝者猶懼失之而況驕泰乎君多私今以勝歸私必昭昭私難必作吾恐及焉凡吾宗祝為我祈死先難為免七年夏范文子卒冬難作始於三郤卒於公

烈功也私嬖臣妾昭顯也寵私必去舊去舊必作難

既戰獲王子發鉤樂書謂王子發鉤曰子告君曰

柳宗元曰死之長短而在宗祝則誰不擇其宗祝而乞壽焉文子乞死而得亦妄之大者





規丑詭切又  
王康切

郤至使人勸王戰及齊魯之未至也且夫戰也微  
郤至王必不免吾歸子發鉤告公公告樂書樂書  
曰臣固聞之郤至欲爲難使苦成叔緩齊魯之師  
已勸君戰戰敗將納孫周事不成故免楚王然戰  
而擅舍國君而受其問不亦大舉乎且今君若使  
之於周必見孫周公曰諾樂書使人謂孫周曰郤  
至將往必見之郤至聘於周公使覘之見孫周是  
故使胥之昧與夷陽午刺郤至苦成叔及郤錡郤  
錡謂郤至曰君不道於我我欲以吾宗與吾黨夾

而攻之雖死必敗國國敗君必危其可乎郤至曰  
不可至聞之武人不亂知人不詐仁人不黨夫利  
君之富富以聚黨利黨以危君君之殺我也後矣  
且衆何臯鉤之死不若聽君之命是故皆自殺既  
刺三郤樂書殺厲公乃納孫周而立之是爲悼公  
吾歸子言告晉君如此吾令子歸楚也  
已謂郤至孫周悼公周也覘微視之

長魚矯既殺三郤乃脅樂中行而言於公曰不殺  
此二子者憂必及君公曰一旦而尸三卿不可益  
也對曰臣聞之亂在內爲軌在外爲姦禦軌以德





祭姦以刑，今治政而內亂，不可謂德。除鯁而避強，不可謂刑。德刑不立，姦軌並至，臣脆弱，弗能忍俟也。乃犇翟，三月，厲公殺。


樂武子中行獻子圍公於匠麗氏，乃召韓獻子，獻子辭曰：殺君以求威，非吾所能為也。威行為不仁，事廢為不知，享一利亦得一惡，非所務也。昔者吾畜於趙氏，孟姬之讒，吾能違兵，人有言曰：殺老牛，莫之敢尸，而況君乎？二三子不能事君，安用厥也。中行偃欲伐之，樂書曰：不可，其身果而辭順，順無不行，果無不徹，犯順不祥，伐果不克，夫以果戾順行，民不犯也。吾雖欲攻之，其能乎？乃止。

威行於君為不仁，事廢不成為不智，畜養也。孟姬，趙盾之子，趙朔之妻，晉景公姊也。盾之弟，嬰與姬通，嬰兄趙盾，括放之。姬諳同括於景公。景公殺之時，獻子能違其兵難，卒存趙氏，故未可曾與弑君也。尸，主也。戾，帥也。以果敢帥順道而行之，故民不犯。

既殺厲公，樂武子使知武子疑恭子如周，迎悼公。庚午，大夫逆於清原，公言於諸大夫曰：孤始願不及此，孤之及此，天也。抑人之有元君，將稟命焉。若稟而棄之，是焚穀也。其稟不材，是穀不成也。穀之

孫應登曰：金其功勳，因其才，品用不踰。德績不違志，一篇之中，毛羽豐滿，音節琳琅。

卷三





晉書

晉書時侯平  
魯之季年矣  
周子鬯年遠  
次數語便過  
以尊權行之  
地而持其柄  
數世復極有  
以也夫

孝法

漢文三讓再  
讓宋祖抱帝  
晉將亦是此  
意

去事

用人是一篇  
脉絡

國語

不成孤之咎也。成而焚之，二三子之虐也。孤欲長處其願，出令將不敢不成，二三子為令之不從，故求元君而訪焉。孤之不元，廢也。其誰怨元而以虐奉之，二三子之制也。若欲奉元以濟大義，將在今日。若欲暴虐以離百姓，反易民常，亦在今日。圖之進退，願由今日。大夫對曰：君鎮撫羣臣而大庇蔭之，無乃不堪君訓而陷於大戮，以煩刑史辱君之允令，敢不承業，乃盟而入。辛巳朝於武宮，定百事，立百官，育門子，選賢良，興舊族，出滯賞，畢故刑赦。

囚繫宥閒罪，薦積德，逮鰥寡，振廢淹，養老幼，恤孤疾。年過七十者，公親見之，稱曰：王父王父，不敢不承。二月乙酉，公即位，使呂宣子佐下軍，曰：邲之役，呂錡佐，知莊子於上軍，獲楚公子穀臣，與連尹襄老，以免子羽，駢之役，親射楚王而敗楚師，以定晉國而無後，其子孫不可不崇也。使彘恭子將新軍，曰：武子之季，文子之母弟也。武子宣法以定晉國，至於今，是用文子勤身以定諸侯，至於今，是賴夫二子之德，其可忘乎。故以彘季屏其宗，使令狐文



國語 晉下



與御字與却  
同从卩去約  
切

大略推測  
斗轉也石揚  
俗

繪古外切內  
傳作會

之揮此以見  
猶錄

國語


子佐之曰昔克潞之役秦來圍敗晉功魏顆以其  
身卻退秦師於輔氏親止杜回其勳銘於景鐘至  
於今不育其子不可不興也君知士貞子之帥志  
博聞而宣惠於教也使爲大傅知右行辛之能以  
數宣物定功也使爲司空知樂糾之能御以飭於  
政也使爲戎御知荀賓之有力而不暴也使爲戎  
右樂伯請公族大夫公曰荀家惇惠荀禴文敏繁  
也果敢無忌鎮靖使茲四人者爲之夫膏梁之性  
難正也故使惇惠者教之使文敏者道之使果敢

者諗之使鎮靖者修之惇惠者教之則褊而不倦  
文敏者道之則婉而入果敢者諗之則過不隱鎮  
靖者修之則壹使茲四人者爲公族大夫公知祁  
奚之果而不淫也使爲元尉知羊舌職之聰敏肅  
給也使佐之知魏絳之勇而不亂也使爲元司馬  
知張老之知而不詐也使爲元候知鐸遏寇之恭  
敬而信彊也使爲輿尉知藉偃之惇率舊職而共  
給也使爲輿司馬知程鄭端而不淫且好諫而不  
隱也使爲贊僕始合諸侯於虛打以救宋使張老

通於勇切又  
音獨

國語 晉下

二十六





延君譽於四方且觀道逆者呂宣子卒公以趙文子爲文也而能恤大事使佐新軍三年公始合諸侯四年諸侯會於雞丘於是乎布令結援修好申盟而還令狐文子卒公乃以魏絳爲不犯使佐新軍使張老爲司馬使范獻子爲候奄公譽達於戎五年諸戎來請服使魏莊子盟之於是乎始復伯悼公承篡弑之後嫌臣下不從故首以此約厲焉元善也刑刑官可寇也史太史掌書法業事也門子大夫適子澤賞謂有功於先君未賞者下文呂相之屬也故刑若今被刑居作者畢之不復作也開罪刑罰之疑者驚進也逮患及之也振起也淹久也謂本賢人以小罪久見廢者

起用之呂宣子尉武子呂錡之子呂相也子羽知莊子荀首之子箬也邲之戰楚人囚知箬莊子以其族反之尉武子御莊子射襄老獲之遂載其尸射公子穀臣囚之以二者歸魯成三年晉人歸楚穀臣與襄老之尸以求知箬楚人許之故曰以免子羽也武子士會文子士燮宣法明執秩之法也屏藩也令狐文子魏顆之于顯也令狐邑名杜回秦力士景鐘景公之鐘育遠也帥循也和於政之政軍政也膏肉之肥者梁食之精者言食肥美者率多驕放其性難正也諛告也告得失也元尉中軍尉也元司馬中軍司馬也元候中軍候奄也與尉上軍尉也與司馬上軍司馬也贊僕乘馬晉也六駟屬焉延陳也道逆有道德與逆亂者悼公元年始合諸侯於虛打三年復言始合者謂四年將會於雞丘於此始命之不犯不可犯以非法也魏莊子魏絳也繼文公後故曰復霸






四年會諸侯於雞丘，魏絳為中軍司馬，公子揚干亂行於曲梁，魏絳斬其僕，公謂羊舌赤曰：寡人屬諸侯，魏絳戮寡人之弟，為我勿失。赤對曰：臣聞絳之志，有事不避難，有辜不避刑，其將來辭，言終魏絳至，授僕人書而伏劍。士魴張老交止之，僕人授公，公讀書曰：臣誅於揚干，不忘其死，日君乏使，使臣徃中軍之司馬，臣聞師衆以順為武，軍事有死無犯為敬，君合諸侯，臣敢不敬，君不說，請死之。公既而出口，寡人之言，兄弟之禮也，子之誅軍旅之事也，請無重寡人之過，及役與之禮，食令之佐新軍。

行，行列也。勿失，執之勿失也。辭，陳其辭狀。誅，責也。徃，正也。及役，自役及也。禮食，公食大夫之禮。

祁奚辭於軍尉，公問焉，曰：孰可？對曰：臣之子午可。人有言曰：擇臣莫若君，擇子莫若父，午之少也，婉以從令，游有鄉，處有所好，學而不戲，其壯也，彊志而用命，守業而不淫，其冠也，餘安而好敬，柔惠小物而鎮定，大事有直質而無流心，非義不變，非上不舉，若臨大事，其可以賢於臣也。臣請薦所能擇。





而君比義焉。公使祁午為軍尉，沒平公，軍無秕政。

辭請老也。非義不變言從義也。非上不舉。做上而動也。比比方也。義宜也。稅以穀喻。

五年，無終子嘉父使孟樂因魏莊子納虎豹之皮，以餼諸戎。公曰：戎翟無親而好得，不若伐之。魏絳曰：勞師於戎而失諸華，雖有功猶得獸而失人也。安用之？且夫戎翟荐處貴貨而易土，與之貨而獲其土，其利一也。邊鄙耕農不做，其利二也。戎翟事晉，四鄰莫不震動，其利三也。君其圖之。公說，故使魏絳撫諸戎，於是乎遂伯。

無終，山戎之國。子爵也。嘉父，名。孟樂，嘉父臣。荐，聚也。易，輕也。

韓獻子老，使公族穆子受事於朝。辭曰：厲公之亂，無忌備公族，不能死。臣聞之曰：無功庸者，不敢居高位。今無忌知不能匡君，使至於難，仁不能救，勇不能死，敢辱君朝，以忝韓宗，請退也。固辭不立。悼公聞之曰：難雖不能死君，而能讓，不可不賞也。使掌公族大夫。

穆子，韓獻子之子。為公族大夫。掌，主也。初為公族大夫。今使主之，以是為賞也。

悼公使張老為卿。辭曰：臣不如魏絳，夫絳之知能





蕭魚之會日  
是即不復有  
晉者二十四  
年城濮之績  
不過如是


治大官其仁可以利公室不忘其勇不疚於刑其  
學不廢其先人之職若在卿位外內必平且難丘  
之會其官不犯而辭順不可不賞也公五命之固  
辭乃使爲司馬使魏絳佐新軍

不忘不忘利公室也疾  
病也勇能斷決故不疚

十二年公伐鄭軍於蕭魚鄭伯嘉來納女工妾三  
十人女樂二八歌鐘二肆及寶鏹輅車十五乘公  
賜魏絳女樂一八歌鐘一肆曰子教寡人飭戎翟  
而正諸華於今八年七合諸侯寡人無不得志請  
與子共樂之魏絳辭曰夫飭戎翟臣之幸也八年  
七合諸侯君之靈也二三子之勞也臣焉得之公  
曰微子寡人無以待戎無以濟河二三子何勞焉  
子其受之君子曰能志善也

鄭從楚故伐之軍蕭魚鄭服也歌鐘歌時所奏  
肆列也凡縣鐘磬全爲肆半爲堵鏹小鐘也輅  
廣車車輶車各十五也傳曰廣車輶車  
淳十五淳偶也濟河謂南服鄭志識

悼公與司馬侯升臺而望曰樂夫對曰臨下之樂  
則樂矣德義之樂則未也公曰何謂德義對曰諸  
侯之爲日在君側以其善行以其惡戒可謂德義





橋一作向

矣公曰孰能對曰羊舌肸習於春秋乃召叔嚮使  
傳太子彪

紀人事之善惡而目以天  
時謂之春秋周史之法也

首之對微露  
其旨中之對  
示以威權未  
之對示以處  
置  
厥一闕切成  
作蔡

平公六年箕遺及黃淵嘉父作亂不克而死公遂  
逐羣賊謂陽畢曰自穆侯以至於今亂兵不輟民  
志無厭禍敗無已離民且連寇恐及吾身若之何  
陽畢對曰本根猶樹枝葉益長本根益茂是以難  
已也今若大其柯去其枝葉絕其本根可以少閒  
公曰子實圖之陽畢曰圖在明訓明訓在威權威

畜許六切又  
勳六切

權在君君捨賢人之後有常位於國者而立之亦  
掄逞志虧君以亂國者之後而去之是遂威而遠  
權民畏其威而懷其德莫能勿從若從則民心皆  
可畜畜其心而知其欲惡民孰偷生若不偷生則  
莫思亂矣且夫樂氏之誣晉國也久矣樂書實覆  
宗殺厲公以厚其家若滅樂氏則民威矣今吾若  
起瑕原韓魏之後而賞立之則民懷矣威與懷各  
當其所則國安矣君治而國安欲作亂者誰與君  
曰樂書立吾先君樂盈不獲臯如何陽畢曰夫正





國者不可以暱於權。行權不可以隱於私。暱於權則民不道。行權隱於私則政不行。政不行何以道。民民之不道亦無君矣。則其爲暱與隱也。復產害矣。且勤君身君其圖之。若愛樂盈則明逐羣賊而以國倫數而遣之。厚戒箴國以待之。彼若求逞志而報於君。擧孰大焉。滅之猶少。彼若不敢而遠逃。乃厚其外交而勉之以報其德。不亦可乎。公許諾盡逐羣賊而使祁午及陽畢適曲沃。逐樂盈。樂盈出奔楚。遂令於國人曰。自文公以來。有力於先君

而子孫不育者。將授立之。得之者賞。居三年。樂盈晝入爲賊於絳。范宣子以公入於襄公之宮。樂盈不克。出奔曲沃。遂刺樂盈。滅樂氏。是以沒平公之身。無內亂也。樂懷子之出執政。使樂氏之臣勿從。從樂氏者爲大戮。施樂氏之臣辛俞行。吏執而獻之。公公曰。國有大令。何故犯之。對曰。臣順之也。豈敢犯之。執政曰。無從樂氏而從君。是明令必從君也。臣聞之曰。三世仕家。君之再世以下。主之事。君以死事。主以勤君之明令也。自臣之祖。以無大援。





隋許規切或作墜


於晉國世隸樂氏於今三世矣臣故不敢不君今執政曰不從君者為大戮臣敢忘其死而畔其君以煩司寇公說固止之不可厚賂之辭曰臣嘗陳辭矣心以守志辭以行之所以事君也若受君賜是隋其前言君問而陳辭未遑而逆之何以事君君知其不可得也乃遣之

箕遺黃淵嘉父皆晉大夫樂盈之黨也樂廩所取范宣子之女曰樂祁生盈廩卒祁與其老州宿通盈患之祁懼懇諸宣子曰盈將為亂樂盈好施士多歸之宣子執政畏其多士使城著將逐之箕遺黃淵等知之而作亂宣子殺箕淵嘉父及司空靜羊舌虎等十人穆侯桓叔之父也

晉亂蓋自桓叔始柯斧柄偷擇也遂巾也遠權權及後嗣也以惡取善曰誣瑕瑕嘉原原軫韓萬魏畢萬廩近也言當遠權為久長計也隱於私以私恩隱蔽其罪也復反也偷理也餞猶救也曲沃樂盈邑樂盈在楚一年而奔齊晉襄二十三年齊莊公使析歸父以藩載盈及其士納之曲沃夏四月盈帥曲沃之甲因魏獻子以晝入絳襄宮完固故就之傳曰奉公以如固宮是也施陳也陳其尸也行從盈也

叔魚生其母視之曰是虎目而豕喙為肩而牛腹谿壑可盈是不可饜也必以賄死遂弗視揚食我生叔向之母聞之往及堂聞其號也乃還曰其聲豺狼之聲也終滅羊舌氏之宗者必是子也

內傳叔向母叔魚之母美而不死其子皆諱母曰深山大洋實生龍蛇被美余俱其生龍蛇以禍女及生叔成美而有晉力樂標





子變之故半  
古之欲及于  
一子皆生而  
此禍三皆皆  
慧而前知何  
其巧相直于  
一門也

叔魚叔向母弟羊舌鮒也。虎視眈眈，豕喙長而銳，鳶肩，肩井升出，牛腹脅張也。弗視，不自養視也。揚叔向邑也。食我，叔向子伯石也。其母夏姬之女。食我既長，黨於祁盈。盈獲罪，晉殺盈及食我。遂滅祁氏、羊舌氏。在魯昭二十八年。祁盈，非樂盈也。

魯襄公使叔孫穆子來聘，范宣子問焉，曰：「人有言曰：『死而不朽，何謂也？』」穆子未對。宣子曰：「昔甸之祖自虞以上為陶唐氏，在夏為御龍氏，在商為豕韋氏，在周為唐杜氏，周卑晉繼之為范氏，其此之謂乎？」對曰：「以豹之所聞，此之謂世祿，非不朽也。魯先大夫臧文仲，其身沒矣，其言立於後世，此之謂死而不朽。」

晉繼之謂為盟主。總諸侯。杜伯為宣王大夫，宣王殺之。其子隰叔去周適晉。生子與，為晉理官。其孫士會為晉正卿。食邑於范，是為范氏。

范宣子與蘇大夫爭田，久而無成。宣子欲攻之，問於伯華。伯華曰：「外有軍，內有事，赤也。外事，不敢侵官，且吾子之心有出焉，可徵訊也。問於孫林父。」孫林父曰：「旅人所以事子也，唯事是待，問於張老。」張老曰：「老也，以軍事承子，非戎則非吾所知也。問於祁奚。」祁奚曰：「公族之不恭，公室之有回，內事之。」

滿注

心有出焉只  
是意恐不必  
說到軍旅伯  
華心欲止之  
故虛婉其辭  
耳出軍旅便  
死點





藉在亦切內  
傳作藉

邪大夫之貪是吾舉也。若以軍官從子之私懼子之應且憎也。問於藉。偃藉偃曰。偃以斧鉞從於張孟。曰聽命焉。若夫子之命也。何二之有。釋夫子而舉是反吾子也。問於叔魚。叔魚曰。待吾爲子戮之。叔向聞之。見宣子曰。聞子與鮒未寧。徧問於大夫。又無決。盍訪之。訾子斯訾實訾實直而博。直能端。辯之博能上下比之。且吾子之家老也。吾聞國家有大事必順於典刑。而訪咨於耆老。而後行之。司馬侯見曰。聞吾子有鮒之怨。吾以爲不信。諸侯皆有二

章注

心是之不憂而怒鮒大夫。非子之任也。祁午見曰。晉爲諸侯盟主。子爲正卿。若能靖端諸侯。使服朝命於晉。晉國其誰不爲子從。何必鮒。盍密鮒句法鮒大以平小乎。宣子問於訾。訾對曰。昔隰叔子違周難於晉國。生子輿。爲理以正於朝。朝無姦官。爲司空以正於國。國無敗績。世及武子。佐文襄爲諸侯。諸侯無二心。及爲卿以輔成景軍。無敗政。及爲成師。居大傅。端刑法。輯訓典。國無姦民。後之人可則。是以受隨范。及文子成晉荆之盟。豐兄弟之國。





櫟音棘一音  
歷一音樂凡  
有三音


使無有閒隙是以受櫟論今吾子嗣位於朝無姦  
行於國無邪民於是無四方之患而無外內之憂  
賴三子之功而饗其祿位今既無事矣而非餘於  
是加寵將何治爲宣子說乃益餘田而與之餘

有出焉之出以軍旅出也徵召也訊問也孫林  
父衛大夫以戚畔事晉旅客也客寄之人不敢  
違命也祁奚既老平公元年復爲公族大夫藉  
偃上軍司馬理士官也爲成師爲成公軍師兼  
太傅官昭謂此成當爲景字誤魯成十二年晉  
使士燮盟楚於宋西門之外所謂成晉荆之盟  
也隨范音二邑郇櫟音二邑非餘之非猶恨也  
於是加寵將何治爲言晉加寵於子將何所爲  
乎治

訾祜死范宣子謂獻子曰鞅乎昔者吾有訾祜也  
吾朝夕顧焉以相晉國且爲吾家今吾觀女也專  
則不能謀則無與將若之何對曰鞅也居處恭不  
敢安易敬學而好仁餘於政而好其道謀於衆不  
以賈好私志雖衷不敢謂是也必長者之由宣子  
曰可以免身

獻子宣子之子  
賈求也衷善也

平公說新聲師曠曰公室其將卑乎君之明兆於  
衰矣夫樂以開山川之風以耀德於廣遠也風德





以廣之風山川以遠之風物以聽之修詩以詠之  
修禮以節之夫德廣遠而有時節是以遠服而邇  
不遷

衛靈公將如晉舍於濮水之上聞琴聲焉甚哀  
使師涓以琴寫之至晉爲平公鼓之師曠撫其  
手而止之曰止此亡國之音也昔師延爲紂作  
靡靡之樂後而自沈於濮水之中聞此聲者必  
於濮水之上乎所謂新聲也開通也八音以通  
八風風德風宣其德廣之於四方作樂各象其  
德詔夏漢武是也遠之遠其德也周禮每樂一  
變各有所致謂鱗介毛羽之物山林川澤天地  
之神祇也風物以聽之言風化之動物莫  
不傾耳而聽時節謂作之有時動有禮節

平公射鵠不死使豎襄搏之失公怒拘將殺之叔

向聞之夕君告之叔向曰君必殺之昔吾先君唐  
叔射兕於徒林殪以爲大甲以封於晉今君嗣吾  
先君唐叔射鵠不死搏之不得是揚吾君之恥者  
也君其必速殺之勿令遠聞君<sub>六</sub>忸怩顏乃趣赦之

趣音娶又音  
促

夕朝曰夕一發而死曰殪甲鎗甲  
也以封於晉言有材藝以受封爵

叔向見司馬侯之子撫而泣之曰自此其父之死  
吾蔑與比而事君矣昔者此其父始之我終之我  
始之夫子終之無不可藉偃在側曰君子有比乎  
叔向曰君子比而不別比德以贊事比也引黨以





封已利已而忘君別也

別別爲朋黨也

秦景公使其弟鍼來求成叔向命召行人子貢行  
人子朱曰朱也在此叔向曰召子貢子朱曰朱也  
當御叔向曰肸也欲子貢之對客也子朱怒曰皆  
君之臣也班爵同何以黜朱也撫劍就之叔向曰  
秦晉不蘇久矣今日之事幸而集子孫饗之不集  
三軍之士暴骨夫子負道賓主之言無私子常易  
之姦以事君者吾所能禦也拂衣從之人救之平

公聞之曰晉其庶乎吾臣之所爭者大師曠侍曰  
公室懼卑其臣不心競而力爭

御進也言次應直事易變也

諸侯之大夫盟於宋楚令尹子木欲襲晉軍曰若  
盡晉師而殺趙武則晉可弱也文子聞之謂叔向  
曰若之何叔向曰子何患焉忠不可暴信不可犯  
忠自中而信自身其爲德也深矣其置本也固矣  
故不可搆也今我以忠謀諸侯而以信覆之荆之  
逆諸侯也亦云是以在此若襲我是自背其信而

按荆魚厥切是與月同音也然韻多不





辨或作弊

塞其忠也信反必弊忠塞無用安能害我且夫合諸侯以為不信諸侯何望焉此行也荆敗我諸侯必畔之子何愛於死死而可以固晉國之盟主何懼焉是行也以蕃為軍攀輦即利而舍候遮扞衛不行楚人不敢謀畏晉之信也自是沒平公無楚患矣

魯內傳作藩

宋之盟在魯襄二十七年晉楚始盟以弭諸侯之兵捐動也擊路也蕃籬落也不設壘壁也攀引也輦輦車也即就也言人引車就水草便利之地而舍之候候望遮遮罔也晝則候遮夜則扞衛扞衛謂羅圍狗附也張羅圍去壘五十步而陳周軍之前後左右獲弩注矢以誰何謂之

羅圍又二十人為曹輩去壘三百步畜犬其中或視前後或視左右謂之狗附皆昏而設明而罷候遮二十人居狗附處以視聽望明而設昏而罷不行不設之也

明是長楚押  
自解得門面

宋之盟楚人固請先歃叔向謂趙文子曰夫伯王之勢在德不在先歃子若能以忠信贊君而禪諸侯之闕歃雖後諸侯將戴之何爭於先若違於德而以賄成事今雖先歃諸侯將棄之何欲於先昔成王盟諸侯於岐陽楚為荆蠻置茅蕝設望表與鮮牟守燎故不與盟今將與狎主諸侯之盟唯有德也子務德無爭先務德所以服楚也乃先楚人

燎力昭切又  
力昂切





晉史各以其筆文之故兩事同而文全別

橋亦作僕

少儒性法存  
以得志不在  
法而但期職  
法亦或不存  
於其為服

孝法

善誦

歆飲血也。置立也。菴謂束茅而立之。所以縮酒。望表謂望祭山川立木以為表。表其位也。鮮牟東夷國。燎庭燎也。狎更也。

號之會。魯人食言。楚令尹圍將以魯叔孫穆子為戮。樂王鮒求貨焉。弗與。趙文子謂叔孫曰。夫楚令尹有欲於楚。少儒於諸侯。諸侯之故。求治之。不求致也。其為人也剛而尚寵。若及必弗避也。子盍逃之。不幸必及於子。對曰。豹也。受命於君。以從諸侯之盟。為社稷也。若魯有辜而受盟者。逃魯必不免。是吾出而危之也。若為諸侯戮者。魯誅盡矣。必不

加師請為戮也。夫戮出於身。實難。自它及之。何害。苟可以安君利國。美惡一也。文子將請之於楚。樂王鮒曰。諸侯有盟。未退而魯背之。安用齊盟。縱不能討。又免其受盟者。晉何以為盟主矣。必殺叔孫豹。文子曰。有人不難以死。安利其國。可無愛乎。若皆鄙國如是。則大不喪威。而小不見陵矣。若是道也。果可以教訓。何敗國之有。吾聞之曰。善人在患。弗救不祥。惡人在位。弗去亦不祥。必免叔孫。固請於楚而免之。






魯昭元年諸侯之大夫會於訖尋宋之盟食偽也魯使叔孫穆子如會尋盟未退而魯伐莒取鄆莒人告於會有欲於楚欲得楚國也儒弱也以諸侯爲弱也故事也必欲治之非但求致之而已尚寵好自尊寵也若及謂以事及於魯者必加治戮無所避也美生惡死也齊一也果必也

與

趙文子爲室斲其椽而礪之張老夕焉而見之不謁而歸要有文子聞之駕而往曰吾不善子亦告我何其速也對曰天子之室斲其椽而礪之加密石焉諸侯礪之大夫斲之士首之備其物義也從其等禮也今子貴而忘義富而忘禮吾懼不免何敢以告文子歸令之勿礪也匠人請皆斲之文子曰止爲後世之見之也其斲者仁者之爲也其礪者不仁者之爲也

礪磨也。密石。密理石。謂砥也。首之斲其首也。爲後世之爲猶使也。

趙文子與叔向遊於九京曰死者若可作也吾誰與歸叔向曰其陽子乎文子曰夫陽子行廉直於晉國不免其身其知不足稱也叔向曰其舅犯乎文子曰舅犯見利不顧其君其仁不足稱也其隨武子乎納諫不忘其師言身不失其友事君不援





而進不阿而退

京當為原。九原晉墓地。陽子處父也。剛而無謀。為狐射姑所殺。見利見全身之利。謂與晉文避難。至將反國。無輔佐安國之心。授璧請亡。故其仁不足稱也。鄭後司農以為詐請亡。要君以利也。納諫不忘其師。言聞之師也。言身不失其友。身有善行。稱友之道也。進進賢也。阿隨也。退退不自也。言不隨君。必欲進賢。退不自。

秦后子來奔趙文子見之問曰秦君道乎對曰不識文子曰公子辱於敝邑必避不道也對曰有焉文子曰猶可以久乎對曰鍼聞之國無道而年穀餼孰鮮不五稔將文子視日曰朝夕不相及誰能俟


五文子出后子謂其徒曰趙孟將死矣夫君子寬惠以恤後猶恐不濟今趙孟相晉國以主諸侯之盟思長世之德歷遠年之數猶懼不終其身今怵日而湫歲怠偷甚矣非死速之必有天咎冬趙文子卒

后子景公之弟鍼也。鮮少也。稔年也。少不至五年而亡也。怵偷也。湫遲也。偷苟也。逮及也。

平公有疾秦景公使醫蘇視之出曰疾不可為也是謂遠男而近女惑以生蠱非鬼非食惑以喪志良臣不生天命不佑若君不死必失諸侯趙文子

悅五嘆切內傳作玩柳宗元曰死與大咎非偷之能必乎爾也偷者自偷死者自死若夫大咎者非有罪惡則不幸及之偷不與也左氏控內傳云人主偷必死亦隨矣

鮮不五稔猶云未有不以





搖音搖俗本  
作搖非  
痺音平又皮  
靡切

柳宗元曰蘇  
妄人也非診  
視攻變之專  
而為及國家  
去其守以施  
大言誠不足  
聞也其言昏  
君曰諸侯服  
不過三年不  
服不過十年


凡醫之所取  
在榮衛合脈  
理也然則諸  
侯服則榮衛  
離脈理亂以  
速其死不服  
則榮衛和脈  
理平以延其  
年邪

國語

聞之曰武從二三子以佐君為諸侯盟主於今八  
年矣內無苛慝諸侯不二子胡曰良臣不生天命  
不佑對曰自今之謂餘聞之曰直不輔曲明不規  
闇搖木不生危松柏不生理吾子不能諫惑使至  
於生疾又不自退而寵其政八年之謂多矣何以  
能久文子曰醫及國家乎對曰上醫醫國其次疾  
人固醫官也文子曰子稱蠱何實生之對曰蠱之  
慝穀之飛實生之物莫伏於蠱莫嘉於穀穀與蠱  
伏而章明者也故食穀者晝選男德以象穀明宵

靜女德以伏蠱慝今君一之是不饗穀而食蠱也  
是不昭穀明而皿蠱也夫文蟲皿為蠱吾是以云  
文子曰君其幾何對曰若諸侯服不過三年不服  
不過十年過是晉之殃也是歲趙文子卒諸侯畔  
晉十年平公薨

直不輔曲明不規闇言文子不能以明直規輔  
平公之闇曲使至淫惑也搖木大木危高險痺  
下淫以喻文子不久存也官猶職也慝惡也言  
蠱之為惡害於嘉穀穀為之飛晉君類是生蠱  
疾者穀氣起則蠱伏藏穀不朽蠱而人食之章  
明之道選擇也擇有德者而親近之以象人食  
穀而有聰明也靜安也言夜當安女之有德者  
以禮自飾以去已蠱害之病譬蠱害穀猶女害





古人文字只  
看他發端叙  
事便見步驟

不稱一作必  
也

楚秦一作秦  
楚

男也。一之一晝夜也。皿器皿言為盥作器而受  
之。文文字也。諸侯服則專於色。故近十年後十  
年也。

秦后子來仕其車千乘楚公子干來仕其車五乘  
叔向為大傅實賦祿韓宣子問二公子之祿焉對  
曰大國之卿一旅之田上大夫一卒之田夫二公  
子者上大夫也皆一卒可也宣子曰秦公子富若  
之何其鈞之也對曰夫爵以建事祿以食爵德以  
賦之功庸以稱之若何其以富賦祿也夫絳之富  
商韋藩木楨蔭以過於朝唯其功庸不稱而能金玉  
其車文錯其服能行諸侯之賄而無尋尺之祿無  
大績於民故也且楚秦匹也若之何其回於富也  
乃均其祿

宣子韓起代趙文子為政五百人為旅為田五  
百頃百人為卒為田百頃鈞同也韋藩章蔽前  
後木楨木檐也文文織錯錯鏤也言商賈之財  
足以金玉其車文錯其服以其無位爵故不得  
為耳能行諸侯之賄言其財賄足  
以交於諸侯也八尺曰尋回曲也

鄭簡公使公孫成子來聘平公有疾韓宣子贊授  
客館客問君疾對曰寡君之疾久矣上下神祇無  
不徧諭也而無除今夢黃能入於寢門不知人殺

能奴求切又  
如字





乎抑厲鬼邪。子產曰：以君之明，子爲大政，其何厲之有？僑聞之，昔者繇違帝命，殛之於羽山，化爲黃能，以入於羽淵，實爲夏郊。三代舉之，夫鬼神之所及，非其族類，則紹其同位，是故天子祀上帝，公侯祀百辟，自卿以下，不過其族。今周室少卑，晉實繼之，其或者未舉夏郊邪？宣子以告祀夏郊董伯爲尸。五日，公見子產，賜之莒鼎。

成子子產謚贊，導也。論謂祭祀告謝，夢公夢也。能似熊，人殺主殺人，夏郊禹有天下而郊祀之也。舉之謂不廢其事，百辟以死勤事，功施於民者，神不歆非類，則董伯其似姓乎。

柳宗元曰：前之言曰：樂書叙厲公以厚其宰，今而曰無一卒之田，前之言曰：宗氏之誣晉國，久矣，用書之，罪以遂盈，今而離桓之罪，以亡于楚，則吾惑乎信。

叔向見韓宣子，宣子憂貧，叔向賀之。宣子曰：吾有卿之名，而無其實，無以從。二三子，吾是以憂。子賀我，何故？對曰：昔樂武子無一卒之田，其官不備，其宗器宣其德行，順其憲則，使越於諸侯，諸侯親之，戎狄懷之，以正晉國，行刑不疚，以免於難。及桓子驕泰奢侈，貪欲無藝，略則行志，假貸居賄，宜及於難，而賴武之德，以沒其身。及懷子改桓之行，而修武之德，可以免於難。而離桓之辜，以亡於楚。夫郤昭子，其富半公室，其家半三軍，恃其富寵，以泰於






國其身尸於朝其宗滅於絳不然夫八郤五大夫  
三卿其寵大矣一朝而滅莫之哀也唯無德也今  
吾子有樂武子之貧吾以爲能其德矣是以賀若  
不憂德之不建而患貨之不足將弔不暇何賀之  
有宣子拜稽首焉曰起也將亡賴子存之非起也  
敢專承之其自桓叔以下嘉吾子之賜

上大夫一卒之田樂書爲晉上卿而田不及上大夫也宗宗官器祭器越發聞也疾病也免於難免缺君之難難極也略犯也則法也居晉也專承獨受也桓叔曲沃桓叔也桓叔生子萬受轉以爲大夫是爲韓萬

士景伯如楚叔魚爲贊理邢侯與離子爭田離子  
納其女於叔魚以求直及蔽獄之日叔魚抑邢侯  
邢侯殺叔魚與離子於朝韓宣子患之叔向曰三  
姦同臯請殺其生者而戮其死者宣子曰若何對  
曰對也鬻獄離子買之以其子邢侯非其官也而  
干之夫以回鬻國之中與絕親以買直與非司寇  
而擅殺其臯一也邢侯聞之逃遂施邢侯氏而尸  
叔魚與離子於市

景伯晉理官士彌牟也叔魚羊舌鮒贊佐也景伯如楚叔魚攝其官也邢侯離子皆晉大夫蔽






斷也。抑枉也。陳尸爲戮。官司寇也。干。犯也。回。邪也。中平也。施。施。効捕也。

中行穆子率師伐翟。圍鼓。鼓人或請以城畔。穆子不受。軍吏曰。可無勞師而得城乎。何不爲。穆子曰。非事君之禮也。夫以城來者。必將求利於我。夫守而二心。姦之大者也。賞善罰姦。國之憲法也。許而弗予。失吾信也。若其予之。賞大姦也。姦而盈祿。善將若何。且夫翟之憾者。以城來。盈願。晉豈其無是。我以鼓教吾邊鄙。貳也。夫事君者。量力而進。不能而退。不以安賈。肅令軍吏呼城。傲將攻之。未傳而

### 鼓降

穆子。荀吳也。鼓。白翟別邑。盈。滿也。安。謂不勞師而得鼓。傳。著也。

中行伯既克鼓。以鼓子宛支來。令鼓人各復其所。非察勿從。鼓子之臣曰。夙沙釐。以其孥行。軍吏執之。辭曰。我君是事。非事土也。名曰君臣。豈曰土臣。今君實遷。臣何賴於鼓。穆子召之。曰。鼓有君矣。爾止事君。吾定而祿爵。對曰。臣委質於翟之鼓。未委質於晉之鼓也。臣聞之。委質爲臣。無有二心。委質而策死。古之法也。君有烈名。臣無畔質。敢卽私利。





以煩司寇而亂舊法其若不虞何穆子歎而謂其  
左右曰吾何德之務而有是臣也乃使行既獻言  
於頃公與鼓子田於河陰使風沙釐相之

宛支鼓子為鞮也。按內傳穆子既克鼓以爲鞮歸既獻而反之其後又畔魯昭二十二年荀吳襲鼓滅之以爲鞮歸使涉它守之蔡官也以其孥行將妻子而從鼓子也遷徙也賴利也鼓有君謂涉它質贊也士贊以雉委贊而退委贊而策死言委質於君書名於策示必死也即就也虞度也若就私利是爲畔君畔君有辜故煩司寇舊法策死之法也若臣皆如是是將有不意度而至之患晉其若之何也獻獻功也河陰晉河內之田使君而田之也

范獻子聘於魯問具出敖山魯人以其鄉對獻子

曰不爲具敖乎對曰先君獻武之諱也獻子歸徧戒其所知曰人不可以不學吾適魯而名其二諱爲笑焉唯不學也人之有學也猶木之有枝葉也木有枝葉猶庇蔭人而況君子之學乎

獻伯禽之曾孫獻公具也武獻公庶子武公敖也禮入境而問禁入門而問諱

董叔將取於范氏叔向曰范氏富盍已乎曰欲爲繫援焉下本它日董祁愬於范獻子曰不吾敬也獻子

執而紡於庭之槐叔向過之曰子盍爲我請乎叔向曰求繫旣繫矣求援旣援矣欲而得之又何請

柳宗元曰諸侯之諱國有數十焉尚不行於其國他國之大名之無慙焉可也魯有大夫公孫敖魯之君臣莫罪而更也又何辭野之不云其類

古人謂娶婦當不若吾家者是也





焉

富必驕。驕必陵人。已止也。欲為繫援。欲自繫。綴。以為援助也。邢童叔妻。獻子妹。紡縣也。

趙簡子曰。魯孟獻子有鬪臣五人。我無一何也。叔向曰。子不欲也。若欲之。肸也。待交捋可也。


粹。說文云。持頭髮也。

梗陽人有獄。將不勝。請納賂於魏獻子。獻子將許之。閻沒謂叔寬曰。與子諫乎。吾主以不賄聞於諸侯。今以梗陽之賄殃之。不可。二人朝而不遑。獻子將食。問誰在庭。曰。閻明叔。衰在。召之。使佐食。比已。

食三歎。既飽。獻子問焉。曰。人有言曰。唯食可以忘憂。吾子一食之間。而三歎。何也。同辭對曰。吾小人也。貪饋之始至。懼其不足。故歎。中食而自咎也。曰。豈主之食而有不足。是以再歎。主之既食。願以小人之腹。為君子之心。屬厭而已。是以三歎。獻子曰。善。乃辭梗陽人。

厭於溫切。又於艷切。

著音指按詩著定兩功讀作指字





釋單吉切一  
作釋按韻二  
守通  
柳宗元曰功  
之受賞也可  
傳繼之道也  
君子雖不欲  
亦必將受之  
今乃逸逃以  
自潔也則受  
賞者必恥受  
功者必恥斯  
弱矣君子之  
為也動以謀  
國吾固不悅  
重子之潔也  
其言若懸焉  
則法不可  
音聲  
却之虎切又

慝不產及臣之長也。端委鞶帶以隨宰人，民無二心。今臣一旦為狂疾，而曰必賞女，是以狂疾賞也。不如亡趨而出，乃釋之。

魯定十三年。簡子殺郟鄩大夫趙午。午之子稷以郟鄩畔。趙午荀寅之甥也。荀寅士吉射之姻也。二人作亂。攻趙氏。簡子奔晉陽。晉人圍之。安于。簡子家臣周禮戰功日多。時安于力戰有功也。志識也。者致也。痛玄端。委委貌。鞶韋蔽膝帶。大帶也。宰人宰官也。戰鬪凶事。猶人有狂易之疾。相殺傷也。

趙簡子使尹鐸為晉陽，請曰：「以為繭絲乎？抑為保鄣乎？」簡子曰：「保鄣哉！」尹鐸損其戶數。簡子誠襄子

曰：「晉國有難，而無以尹鐸為少，無以晉陽為遠，必以為歸。」

尹鐸，簡子家臣。晉陽，趙氏邑。繭絲，喻賦稅。保鄣，蔽扞也。小城曰保。損其戶數，則民優而稅少矣。

趙簡子使尹鐸為晉陽，曰：「必墮其壘培，吾將往焉。若見壘培，是見寅與吉射也。」尹鐸往而增之。簡子如晉陽，見壘怒，曰：「必殺鐸也。」而後入。大夫辭之，不可。曰：「是昭余讎也。」郵無正進曰：「昔先主文子少釁於難，從姬氏於公宮，有孝德以出，在公族有恭德以升，在位有武德以羞，為正卿有溫德以成其名。」





舉失趙氏之典刑而去其師保基於其身以克復其所及景子長於公宮未及教訓而嗣立矣亦能纂修其身以受先業無謗於國順德以學子擇言以教子擇師保以相子今吾子嗣位有文之典刑有景之教訓重之以師保加之以父兄子皆疏之以及此難夫尹鐸曰思樂而喜思難而懼人之道也委土可以為師保吾何為不增是以修之庶曰可以鑑而鴻趙宗乎若罰之是罰善也罰善必賞惡臣何望矣簡子說曰微子吾幾不為人矣以免

難之賞賞尹鐸初伯樂與尹鐸有怨以其賞如伯樂氏曰子免吾死敢不歸祿辭曰吾為主圖非為子也怨若怨焉

壘荀寅士吉射圍趙氏所作壘壘也壘壘曰培辭請也昭明也明我怨讎以辱我也在位在卿位也差進也正卿上卿克復其所能復其先也景子文子之子簡子之父趙成也從其王母在公宮學亦教也委土可以為師保言見壘壘可以戒懼足當師保也鳩安也免難之賞軍賞也伯樂無正字即王良也若如也言怨自如故也

鐵之戰趙簡子曰鄭人擊我吾伏殺略血鼓音不衰今日之事莫我若也衛莊公為右曰吾九上九

略或作略音容內傳作





材橫木言細而輕也以明功止使不絕之

無功


下擊人盡殲今日之事莫我加也郵無正御曰吾兩鞍將絕吾能止之今日之事我上之次也駕而乘材兩鞍皆絕衛莊公禱曰曾孫劓曠以諄趙鞅之故敢昭告于皇祖文王烈祖康叔文祖襄公昭考靈公夷請無筋無骨無面傷無敗用無隕懼死不敢請簡子曰志父寄也

螻音婁木或作婁

也乘轅也材橫木也諄謂將戰時請福也諄佐也夷傷也戰鬪不能無傷無筋無絕筋無骨無折骨也用兵用也隕墮也言不敢請歸之神也志父簡子之後名春秋書趙鞅入于晉陽以辟後得友國故改爲志父寄寄禱也

趙簡子田於螻史黯聞之以犬待於門簡子見之曰何爲曰有所得犬欲試之茲圍簡子曰何爲不告對曰君行臣不從不順主將適螻而麓不聞臣敢煩當日簡子乃還

螻音君之圍史黯音大夫史墨也時爲簡子史大田犬也門君圍門也麓主君苑圍之官當日直目也言主將之君圍不煩麓以告君臣亦不敢煩主之直日以自白也





少室周爲趙簡子右，聞牛談有力，請與之戲，弗勝，致右焉。簡子許之，使少室周爲宰，曰：知賢而讓，可以訓矣。

趙簡子歎曰：吾願得范中行之良臣，史黯侍曰：將焉用之？簡子曰：良臣人之所願也，又何問焉？對曰：臣以爲不良故也。夫事君者，諫過而賞善，薦可而替不，獻能而進賢，擇才而薦之，朝夕誦善，敗而納之，道之以文，行之以順，勤之以力，致之以死，聽則進，不則退。今范中行氏之臣不能匡相其君，使至

遺或作導


善誦

於難，君出在外，又不能定而棄之，則何良之爲？若弗棄，則主焉得之？夫二子之良，將勤營其君，使復立於外死而後止，何日以來？若來，乃非良臣也。簡子曰：善，吾言實過矣。

通 齋字如切愈

趙簡子問於壯馳茲曰：東方之士孰爲齋？壯馳茲拜曰：敢賀簡子曰：未應吾問，何賀？對曰：臣聞之，國家之將興也，君子自以爲不足，其亡也，若有餘。今主任晉國之政，而問及小人，又求賢人，吾是以賀。

壯馳茲，晉大夫。  
蓋吳人，齋賢也。





鬼大多切又  
從單切

國語

趙簡子歎曰雀入於海爲蛤雉入於淮爲蜃上移鼈鼉魚鼈莫不能化唯人不能哀夫竇犖侍曰臣聞之君子哀無人不哀無賄哀無德不哀無寵哀名之不令不哀年之不登夫中行范氏不恤庶難而欲擅晉國今其子孫將耕於齊宗廟之犧爲畎畝之勤人之化也何日之有

小曰蛤大曰蜃皆介物化謂蛇成鼈龜石首成鼈之類也。鼈卽鴨字。純色爲犧。喻二子皆名族之後當爲祭主於宗廟。今反放逐畎畝之中。是亦人之化也。

趙襄子使新穉穆子伐翟勝左人中人記遽人來告

襄子將食尋飯有恐色侍者曰狗之事大矣而主色不怡何也襄子曰吾聞之德不純而福祿並至謂之幸夫幸非福非德不當雖不爲幸吾是以懼

穆子新穉狗也。伐翟在春秋後。左人中人。翟二邑也。遽。傳也。當猶任也。雖。餘也。言唯有德者任以福祿爲餘樂能餘樂則不爲幸耳。

知宣子將以瑤爲後知果曰不如宵也宣子曰宵也狠對曰宵之狠在面瑤之狠在心心狠敗國面狠不害瑤之賢於人者五其不逮者一美鬚長大





則賢射御足力則賢伎藝畢給則賢巧文辯惠則賢疆毅果敢則賢如是而甚不仁以其五賢陵人而以不仁行之其誰能待之若果立瑤也知宗必滅弗聽知果別族於太史為輔氏及知氏之亡唯輔果在

知宣子荀躒之子甲也瑤知伯也知果知氏族宵宣子庶子狼狼戾不從人也太史掌氏族

知襄子為室美士苗夕焉知伯曰室美夫對曰美則美矣抑臣亦有懼也知伯曰何懼對曰臣以秉筆事君志有之曰高山峻原不生草木松柏之地

其土不肥今土木勝臣懼其不安人也室成三年而知氏亡

襄子知伯諡也高山峻原高險不安不生草木松柏茂盛冬夏有蔭故土不肥

還自衛三卿宴於藍臺知襄子戲韓康子而侮段規知伯國聞之諫曰主不備難必至矣曰難將由我我不為難誰敢與之對曰異於是夫郤氏有車轅之難趙有孟姬之讒樂有叔祁之愆范中行有函冶之難皆主之所知也夏書有之曰一人三失怨豈在明不見是圖周書有之曰怨不在大亦不

兩引四難皆  
人所能備者

函胡呂切又  
朝南切





蝸如銳切蟻  
音蟻通作蟻  
蓬芳容切亦  
作蜂蠱物遺  
切


在小夫君子能勤小物故無大患今主一宴而恥  
人之君相又弗備曰不敢與難無乃不可乎夫誰  
不可喜而誰不可懼蝸蟻蠶蠹皆能害人况君相  
乎弗聽自是五年乃有晉陽之難敗規反首難而  
殺知伯於師遂滅知氏

還自衛知襄子伐鄭自衛還也三卿知襄子韓  
康子魏桓子伯國知氏之族車轅之難卻犖與  
長魚矯爭田執而結之與其父母妻子同一轅  
旣矯嬖於厲公而滅三卻孟姬叔祁見前函治  
范臯夷之邑也臯夷無寵於范吉射而欲爲亂  
於范氏中行寅與范氏相睦故臯夷謀逐二子  
卒滅之三失三失人也明  
著也不見未形也物事也

地也可想亦  
是誠語即  
君其誠則皆  
曰使鶴之意  
歎字妙語云  
如飲醇醪不  
覺自醉也

善論

晉陽之圍張談曰先主爲重器也爲國家之難盍  
姑無愛寶於諸侯乎襄子曰吾無使也張談曰地  
也可襄子曰吾不幸有疾不夷於先子不德而賄  
夫地也求飲吾欲是養吾疾而干吾祿也吾不與  
皆斃襄子出曰吾何走乎從者曰長子近且城厚  
完襄子曰罷民力以完之又斃以守之其誰與我  
從者曰邯鄲之倉庫實襄子曰浚民之膏澤以實  
之又因而殺之其誰與我其晉陽乎先主之所屬  
也尹鐸之所寬也民必蘇矣乃走晉陽晉師圍而






灌之沈竈產毒民無畔意

魯悼四年。知伯伐鄭。恥趙襄子。襄子怨之。知伯請地於趙。趙又弗予。知伯帥韓魏以攻趙。襄子保晉陽。三家圍之。張談張武談也。地襄子臣。夷等也。求飲我欲。言地求飲食我以情欲。無忠諫也。知伯韓魏圍晉陽而水之。城不浸者三版。知伯行水。魏桓子御。韓康子駮乘。知伯曰。吾始知水可以亡人國也。汾水可以灌安邑。安邑。魏都。絳水可以灌平陽。平陽。韓都。桓子肘康子。康子履桓子之跗。趙襄子夜使張孟談私於韓魏。韓魏與之合。遂滅知伯。而分其地。

皇明萬曆己未仲秋烏程閔齊伋遇五父裁注







國立中央圖書館 國立中央圖書館, TAIWAN, R.O.C.










國語  
吳鄭  
越楚

2015/05, NATIONAL CENTRAL LIBRARY, TAIWAN, F104.6









辨文熙曰王  
者不擇地伯  
之故地未為  
不善也而乃  
謀遷就節之  
間欲燕而有  
之不義已甚  
而又南鄭楚  
社鄒晉王帛  
待於二境亦  
為人兩難豈  
非為謀之外  
哉  
親則不思禍  
則不能

國語第六

鄭

為法桓公為司徒甚得周衆與東土之人問於史伯曰

王室多故余懼及焉其何所可以逃死年法史伯對曰


王室將卑戎翟必昌不可偏也法當成周者南有荆

蠻申呂應鄧陳蔡隨唐北有衛燕翟鮮虞路洛泉

徐蒲西有虞虢晉隗霍楊魏芮東有齊魯曹宋滕

薛鄒莒是非王之支子母弟甥舅也則皆蠻荆戎

翟之人也非親則頑不可入也其濟洛河潁之間



NATIONAL CENTRAL LIBRARY, TAIWAN, R.O.C.





謝治一卷  
叔桓公避難  
遷都一事中  
舍成周列國  
與亡共四大  
段首言或吞  
飲南方次西  
州後則錄言  
周之制引據  
精詳數陳明  
悉其文辭則  
如老翁談家  
常事以質實  
勝

樹叔

乎是其子男之國。虢郟爲大。虢叔恃勢。郟仲恃險。是皆有驕侈怠慢之心。而加之以貪冒。君若以周難之故。寄孥與賄焉。不敢不許。周亂而弊。是驕而貪。必將背君。君若以成周之衆。奉辭伐舉。無不克矣。若克二邑。鄆蔽補丹。依喙歷莘。君之土也。若前莘後河。右洛左濟。主芼颺而食。溱洧修典。刑以守之。唯是可以少固。公曰。南方不可乎。對曰。夫荆子熊嚴生子四人。伯霜中雪。叔熊季紉。叔逃難於濮。而蠻季紉是立。遠氏將起之。禍又不克。是天啓之

成樂物生言  
成育萬物使  
之樂生也一  
作成物樂生

心也。又甚聰明。蘇協蓋其先王。臣聞之。天之所啓。十世不替。夫其子孫。必光啓土。不可偏也。且重黎之後也。夫黎爲高辛氏火正。以淳耀惇大。天明地德。光照四海。故命之曰祝融。其功大矣。夫成天地之大功者。其子孫未嘗不章。虞夏商周是也。虞幕能聽協風。以成樂物。生者也。夏禹能單平水土。以品處庶類者也。商契能蘇合五教。以保於百姓者也。周棄能播殖百穀。疏以衣食民人者也。其後皆爲王公侯伯。祝融亦能昭顯天地之光明。以生柔





福補日切又  
彼力切

挿入齊泰

嘉材者也。其後八姓於周，未有侯伯佐制物於前代者。昆吾為夏伯矣。大彭、豕韋為商伯矣。當周未有已姓、昆吾、蘇、顧、溫、董、董姓、醜、夷、秦、龍，則夏滅之矣。彭姓、彭祖、豕韋諸稽，則商滅之矣。禿姓、舟人，則周滅之矣。姁姓、鄔、郟、路、偃、陽、曹姓、鄒、莒，皆為采衛或在王室，或在夷翟，莫之數也。而又無令聞，必不興矣。斟姓無後，融之興者，其在芊姓乎？芊姓夔越，不足命也。蠻、羊蠻矣。唯荆實有昭德。若周衰，其必興矣。姜、嬴、荊、芊實與諸姬代相干也。姜、伯夷之後

也。嬴伯翳之後也。伯夷能禮於神以佐堯者也。伯

翳能議百物以佐舜者也。其後皆不失祀，而未有

興者。周衰，其將至矣。公曰：謝西之九州何如？對曰：

其民沓貪而忍，不可因也。唯謝邾之間，其冢君侈

驕，其民怠沓其君而未及周德。若更君而周訓之


是易取也。且可長用也。公曰：周其弊乎？對曰：殆於

必弊者，大誓曰：民之所欲，天必從之。今王棄高明

昭顯而好讒慝，暗昧惡角犀豐盈，而近頑童窮固

去，蘇而取同。夫蘇實生物，同則不繼，以它平它，謂

姜倫






素研白切一作素

咳政作咳

之酥故能豐長而物生之若以同禪向盡乃棄矣故先王以土與金木水火雜以成百物是以酥五味以調口剛四支以衛體酥六律以聰耳正七體以役心平八索以成人建九紀以立純德合十數以訓百體出千品具萬方計億事材兆物收經入行咳極故王者居九咳咳之田收經入以食兆民周訓而能用之酥樂如一夫如是酥之至也於是乎先王聘后於異姓求財於有方擇臣取諫工而講以多物務酥同也聲一無聽物一無文味一無果

制與專通言字信而不見最者好射行也

物一不講王將棄是類而與制同也天奪之明欲無弊得乎夫號石父讒諂巧從之人也而立以為卿士與制同也棄聘后而立內妾好窮固也侏儒戚施寔御在側近頑童也周法不昭而婦言是行用讒慝也不建立卿士而妖誅幸措行暗昧也是物也不可以久且宣王之時有童謠曰繫弧箕服實亡周國於是宣王聞之有夫婦鬻是器者王使執而戮之府之小妾生女而非王子也懼而棄之此人也收以奔褒褒人有獄而以為入天之命此久






不例叙  
章注

矣其又可為乎訓語有之曰夏之衰也褒人之神  
化為二龍以同於王庭而言曰余褒之二君也夏  
后卜殺之與去之與止之莫吉卜請其殽而藏之  
吉乃布幣焉而策告之龍亡而殽在櫝而藏之傳  
郊之及殷周莫之發也及厲王之末發而觀之殽  
流於庭不可除也王使婦人不憚而謀之化為玄  
龜以入於王府府之童妾未既亂而遭之既筭而  
孕當宣王而生不夫而育故懼而棄之為孤服者  
方戮在路夫婦哀其夜號也而取之以逸逃於褒

褒人褒姒有獄而以為入於王王遂置之而嬖是  
女也使至於為后而生伯服天之生此久矣其為  
毒也大矣將俟淫德而加之焉毒之首腊者其殺  
也滋速申緡西戎方彊王室方騷將以縱欲不亦  
難乎王欲殺太子以成伯服必求之申申人弗界  
必伐之若伐申而緡與西戎會以伐周周不守矣  
緡與西戎方將德申申呂方彊其與愛太子亦必  
可知也王師若在其救之亦必然矣王心怒矣號  
公從矣凡周存亡不三稔矣君若欲避其難速規







說文

偶與後同

所矣。時至而求用，恐無及也。公曰：若周衰，諸姬其孰興？對曰：臣聞之，武實昭文之功，文之胙盡，武其嗣乎？武王之子，應韓不在，其在晉乎？距險而鄰於小，若加以德，可以大啓。公曰：姜嬴其孰興？對曰：夫國大而有德者，近興。秦仲齊侯，姜嬴之雋也。且大其將興乎？公說，乃東寄孥與賄，虢郟受之，十邑皆有寄地。幽王八年而桓公爲司徒，九年而王室始騷，十一年而斃。及平王末而秦晉齊楚代興，秦景襄於是乎取周土，晉文侯於是乎定天子，齊莊僖於是乎小伯，楚蚡目於是乎始啓濮。

桓公周厲王之少子。宣王封之於薳，若騶山名。主爲之神主也。遂氏楚大夫。熊霜之世。叔熊逃奔濮而從蠻俗。熊霜死，國人立季紉。遂氏將起叔熊立之。又有禍難而不能立也。虞幕舜後。虞思也。單盡也。疏草菜之可食者。八姓祝融之後。已董彭秃。如曹斟。羊也。謝宣王之舅申伯之國也。一千五百家曰州。吝。讀也。郊後屬鄭。鄭衰，楚取之。魯昭元年。傳曰：葬王於郊。謂之郊。故是也。周德之周。忠信也。角犀。角有伏犀。豐盈。頰輔豐滿。皆賢明之相。以它平它。謂陰陽相生。異味相蘇也。剛。強也。七體。七竅。八索。謂八體。以應八卦也。乾爲首。坤爲腹。震爲足。巽爲股。離爲目。兌爲口。坎爲耳。艮爲手。九紀。九藏也。正藏。五。又有冒勝。臍腸。臍也。紀。所以經紀性命。立純德也。周禮曰：九藏之動。賈唐云：九紀。九功也。十數。自王以下。位有十等。王臣公。公臣大夫。大夫臣士。士



臣卑。卑臣與。與臣謀。謀臣僚。僚臣僕。僕臣臺。百體百官各有體屬也。合此十數之名。以訓導百官之體也。百官官有徽品。十於王。謂之千品。五物之官。陪屬萬位。謂之萬方。方道也。計筭也。材裁也。經常也。姦備也。萬萬曰姦。數極於姦也。自十等至千品。萬方。轉相生。故有億事兆物。王收其常入。舉九姦之數也。九咳。九州之極數也。果美也。講論校也。試用也。措置也。山桑曰縶。孤弓也。箕。木名。服。矢房也。共處曰同。縶。龍所吐沫。龍之精氣也。傳郊之。傳祭於郊也。裳。正。福曰幃。謹呼也。蠶。或為蠶。蠶。蜥蜴也。象龍。遭遇也。毀齒曰亂。未既亂。毀未畢也。女七歲而毀齒。十五而笄。置之。救。衰。灼也。精熟為會。腊。極也。申。幽。王前。后。太子宜曰之。舅也。繪。申之與國。西戎亦黨於申者。必求之申。太子將奔申。故也。異與也。申。呂同姓。隕。隱也。稔。年也。求用之用。猶備也。秦仲。康姓。附庸。為宣王大夫。齊侯。齊莊公也。十邑。謂號。鄆。鄆。蔽。補丹。依。味。歷。莘也。後桓公之子。武公。竟。

取十邑之地而居之。今河南新鄭是也。賈侍中云。寄地。猶寄止也。景。當為莊。莊公。秦仲之子。有力於周。周賜之土。及平王東遷。襄公佐之。故得西周豐鎬之地。始命為諸侯也。晉文侯。文侯。仇。迎平王定於洛邑。小伯。小主。諸侯會盟。蚡。冒。季。綢。之孫。

皇明萬曆己未仲秋烏程閔齊伋遇五父裁注






齊志偉切徐  
欽引說文無  
疊字當作姪  
歲之林切按  
史記左傳雙  
共王名皆作  
審  
此是啞廢食  
之論不可為  
詞

國語第七

楚

莊王使士疊傳犬子歲辭曰臣不林無能益焉王  
曰賴子之善善之也對曰夫善在大子大子欲善  
善人將至若不欲善善則不用故堯有丹朱舜有  
商均啓有五觀湯有大甲文王有管蔡是五王者  
皆元德也而有姦子夫豈不欲其善不能故也若  
民煩可教訓蠻夷戒翟其不賓也久矣中國所不  
能用也王卒使傳之問於申叔時叔時曰教之春

國語 楚







齊志偉切徐  
欽引說文無  
疊字當作姪  
歲之林切按  
史記左傳雙  
共王名皆作  
審  
此是嗑虞食  
之論不可為  
詞

國語第七

楚

莊王使士疊傳犬子歲辭曰臣不林無能益焉王  
曰賴子之善善之也對曰夫善在大子大子欲善  
善人將至若不欲善善則不用故堯有丹朱舜有  
商均啓有五觀湯有大甲文王有管蔡是五王者  
皆元德也而有姦子夫豈不欲其善不能故也若  
民煩可教訓蠻夷戒翟其不賓也久矣中國所不  
能用也王卒使傅之問於申叔時叔時曰教之春

國語 楚





秋而為之聳善而抑惡焉以戒勸其心教之世而為之昭明德而廢幽昏焉以休懼其動教之詩而為之道廣顯德以耀明其志教之禮使知上下之則教之樂以疏其穢而鎮其浮教之令使訪物官教之語使明其德而知先王之務用明德於民也教之故志使知廢興者而戒懼焉教之訓典使知族類行比義焉若是而不從動而不悛則文詠物以行之求賢良以翼之悛而不攝則身勤之多訓典刑以納之務慎惇篤以固之攝而不徹則明施

可

舍以道之忠明久長以道之信明度量以道之義明等級以道之禮明恭儉以道之孝明敬戒以道之事明慈愛以道之仁明昭利以道之文明除害以道之武明精意以道之罰明正德以道之賞明齊肅以耀之臨若是而不濟不可為也且夫誦詩以輔相之威儀以先後之體貌以左右之明行以宣翼之制節義以動行之恭敬以臨監之勤勉以勸之孝順以納之忠信以發之德音以揚之教備而不從者非人也其可與乎夫子踐位則退自退





國語  
則敬不則報

五觀啓子。太康昆弟也。傳曰。夏有觀扈。煩亂也。春秋見晉語。世先王之世繁也。昭顯也。爲之陳有明德者世顯。而闇亂者世廢也。道廣之道開也。令先王之官法時令。攝固也。施施已所欲。舍厥心舍過。昭明也。明利言利人及物也。明精意者斷之以情也。正德謂不私所愛也。耀明也。臨事宜徧也。夫子太子也。退謙退自退。則見敬也。報懼也。不自退則恒憂懼。


恭王有疾。召大夫曰。不穀不德。失先君之業。覆楚國之師。不穀之臯也。若得保其首領。以沒。唯是春秋所以從先君者。請爲靈。若厲。大夫許諾。王卒及葬。子囊議諡。大夫曰。君王有命矣。子囊曰。不可。夫

事君者。先其善。不從其過。赫赫楚國。而君臨之。撫征南海。訓及諸夏。其寵大矣。有是寵也。而知其過。可不謂恭乎。若先君善。則請爲恭。大夫從之。

業。伯業。謂鄢陵之戰。爲晉所敗。亂而不損。曰靈。殺戮不辜。曰厲。言春秋禘祫。當以主諡。序昭穆。從先君於廟也。寵。榮也。諡法既過。能改曰恭。先君善。先其善事也。

屈到嗜芰。有疾。召其宗老而屬之曰。祭我必以芰。及祥。宗老將薦芰。屈建命去之。宗老曰。夫子屬之。子木曰。不然。夫子承楚國之政。其法刑在民心。而藏在王府。上之可以比先王。下之可以訓後世。雖

柳宗元曰。門內之禮。是極義父子之恩。至也。而芰之薦。不爲芰義。屈子以禮之末。悉絕其父特死之言。吾





未敢贊子雨  
也禮之言齊  
也曰思其評  
嗜屈建會無  
思乎

湫子消切左  
傳作椒

徵楚國諸侯莫不譽其祭典有之曰國君有牛享  
大夫有羊饋士有豚犬之奠庶人有魚炙之薦邊  
豆脯醢則上下共之不羞珍異不陳庶侈夫子不  
以其私欲干國之典遂不用


芟蒞也。家臣曰老。宗老為宗人者。建屈到  
之子子木也。羞進也。庶衆也。侈猶多也。

湫舉娶於申公子牟子牟有舉而亡康王以湫舉  
為遣之湫舉奔鄭將遂奔晉蔡聲子將如晉遇之  
於鄭郊饗之以璧侑曰子尚良食二先子其皆相  
子尚能事晉君以為諸侯主辭曰非所願也若得

語者無心然  
中有寸鐵殺  
人處如此開  
卷便有主張  
者其大矣乎

仲禮五子事  
洪內博同註  
稽謝文  
法事詳在兩  
傳內謝和註

歸骨於楚死且不朽聲子曰子尚良食吾歸子湫  
舉降三拜納其乘馬聲子受之還見令尹子木子  
木與之語曰子雖兄弟於晉然蔡吾甥也二國孰  
賢對曰晉卿不若楚其大夫則賢其大夫皆卿材  
也若杞梓皮革焉楚實遺之雖楚有材不能用也  
子木曰彼有公族甥舅若之何其遺之材也對曰  
昔令尹子元之難或譜王孫啓於成王王弗是王  
孫啓奔晉晉人用之及城濮之役晉將遁矣王孫  
啓與於軍事謂先軫曰是師也唯子玉欲之與王






心違故唯東宮與西廣廣實來諸侯之從者畔者半矣若敖氏離矣楚師必敗何故去之先軫從之大敗楚師則王孫啓之爲也昔莊王方弱申公子儀父爲師王子變爲傅使師崇子孔帥師以伐舒變及儀父施二帥而分其室師還至則以王如盧盧戰黎殺二子而復王或譖析公臣於王王弗是析公奔晉晉人用之實讒敗楚使不規東夏則析公之爲也昔離子之父兄譖離子於恭王王弗是離子奔晉晉人用之及鄆之役晉將遁矣離子與於

二

二

二

軍事謂樂書曰楚師可料也。在中軍王族而已。若易中下楚必飲之。若合而函吾中吾上下必敗其左右則三萃以攻其王族必大敗之。樂書從之大敗楚師。王親面傷。則離子之爲也。昔陳公子夏爲御叔敗於鄭穆公。生子南。子南之母亂陳而亡之。使子南戮於諸侯。莊王旣以夏氏之室賜申公巫臣。則又畀翁之子及卒於襄老。襄老獲於鄆。二子爭之。未有成。恭王使巫臣聘於齊。以夏姬行。遂奔晉。晉人用之。實通吳晉。使其子狐庸爲行人於吳。而





諸侯使殺以  
登見得無不  
可留在他國  
耳

教之射御道之伐楚。至於今為患。則申公巫臣之為也。今湫舉取於王子牟。子牟得舉而亡。執政弗是謂湫舉曰。女實遣之。彼懼而奔鄭。緬然引領南望曰。庶幾赦吾舉。又弗圖也。乃遂奔晉。晉人又用之矣。彼若謀楚。其亦必有豐敗也哉。子木愀然曰。夫子何如。召之。其來乎。對曰。亡人得生。又何不來。為子木曰。不來。則若之何。對曰。夫子不居矣。春秋相事以還。軫於諸侯。若資東陽之盜。使殺之。其可乎。不然。不來矣。子木曰。不可。我為楚卿。而賂盜以賊一夫於晉。非義也。子為我召之。吾倍其室。乃使湫鳴召其父而復之。

湫舉。伍舉也。璧侑。以璧侑食。尚。猶強也。良善也。相助也。二先子。謂湫舉之父伍參。聲子之父子朝也。傳曰。楚伍參與蔡太師。子朝友。其子伍舉與聲子相善也。四馬曰乘。受而不辭。定其心也。兄弟於晉。言蔡晉同姓也。子元欲盡文夫人。遂處王宮。闕班殺之。在魯莊三十年。啓。子元子弗是弗理也。東宮。西廡。楚軍營名。若敖氏。子玉同族。離。謂不欲戰也。儀父。闕克也。施。施舉於二帥。二帥。潘崇子孔也。室。家資也。師還。謂子孔潘崇之師也。二子懼。故以王如廬。廬。楚邑也。傳曰。初。闕克囚于秦。秦有殺之敗。而使歸。求成。成而不得志。公子變。求令尹不得。故作亂。城鄭而使賊子孔弗克而還。嚴黎。廬大夫。二子變及儀父也。析公。臣楚大夫。或謂之言。與知二子之亂。規。猶







有也。東夏蔡洸也。易中下。中軍與下軍易卒伍也。中軍之卒良。故易之。示之弱以誘楚也。合戰也。函入也。中。中軍也。上下。上下軍。左右。左右軍也。辛集也。子夏。御叔父。御叔娶鄭穆公之女夏姬。蚤死。陳靈公與孔寧儀行父淫夏姬。徵舒殺靈公。楚莊王以諸侯討之。而滅陳。于南。徵舒宰。莊王欲納夏姬。巫臣諫不可。乃止。將以賜巫臣。則又與子及。子及欲取之。巫臣又難之。卒以與襄老。泚之戰。晉知莊子射襄老。獲之。以其尸歸。二千爭之。子及坐。臣爭夏姬也。成定也。巫臣導夏姬使歸。託以求襄老之尸。恭王遣焉。巫臣聘諸鄭。鄭伯許之。及使適齊。至鄭。遂以夏姬行。奔晉。緡猶進也。頡頏也。豐大也。不居言當奉命於它國。軫車後橫木也。言四時相聘問之事。回車於諸侯。資賂也。東陽楚北邑。倍其室。益其家也。

靈王爲章華之臺與伍舉升焉曰臺美夫對曰臣

聞國君服寵以爲美安民以爲樂聽德以爲聰致

遠以爲明不聞其以土木之崇高形鏤爲美而以

金石匏竹之昌大囂庶爲樂不聞其以觀大視侈

淫色以爲明而以察清濁爲聰也先君莊王爲匏

居之臺高不過望國氛大不過容宴豆木不妨守

備用不煩官府民不廢時務官不易朝常問誰宴

焉則宋公鄭伯問誰相禮則華元駟騅問誰贊事

則陳侯蔡侯許男頊子其大夫侍之先君是以除

亂克敵而無惡於諸侯今君爲此臺也國民罷焉

章華

樂馬路切如  
字亦通



財用盡焉年穀敗焉百官煩焉舉國留之數年乃成願得諸侯與始升焉諸侯皆距無有至者而後使大宰啓疆請於魯侯懼之以蜀之役而僅得以來使富都那豎贊焉而使長鬣之士相焉臣不知其美也夫美也者上下外內小大遠邇皆無害焉故曰美若於日觀則美縮於財用則置是聚民利以自封而瘠民也胡美之爲夫君國者將民之與處民實瘠矣君安得肥且夫私欲弘侈則德義鮮少德義不行則邇者騷離而遠者距違天子之貴

也唯其以公侯爲官正而以伯子男爲師旅其有美名也唯其施令德於遠近而小大安之也若欲民利以成其私欲使民蒿焉忘其安樂而有遠心其爲惡也甚矣安用目觀故先王之爲臺榭也榭不過講軍實臺不過望氛祥故榭度於大卒之居臺度於臨觀之高其所不奪穡地其爲不置財用其事不煩官業其日不廢時務瘠磽之地於是乎爲之城守之木於是乎用之官寮之殿於是乎臨之四時之隙於是乎成之故周詩曰經始靈臺經





國語  
之營之庶民攻之不日成之經始勿亟庶民子來  
王在靈囿麀鹿攸伏夫爲臺榭將以教民利也不  
知其以匱之也若君謂此臺美而爲之正楚其殆  
矣

服寵謂以賢受寵服清濁宮羽也氣稜氣也宴  
豆宴有折俎邊豆之陳也華元宋卿驍駟鄭穆  
公之子子駟也靈治也魯成二年楚子使公子  
嬰齊帥師侵齊至郚魯人懼使孟孫賂楚以受  
盟富富於容貌都閭也那美也豎未冠者言取  
美好不尚德也長鬚美鬚鬚也縮取也蒿藉也  
大卒主士卒也段謂足以臨見之城守之  
木城守之餘也爲之正以爲得事之正

靈王城陳蔡不羹使僕夫子督問於范無宇曰吾

不服諸夏而獨事晉何也唯晉近我遠也今吾城  
三國賦皆千乘亦當晉矣又加之以楚諸侯其來  
乎對曰其在志也國爲大城未有利者昔鄭有京  
櫟衛有蒲戚宋有蕭蒙魯有弁費齊有渠丘晉有  
曲沃秦有徵衙叔段以京患嚴公鄭幾不封櫟人  
實使鄭子不得其位衛蒲戚實出獻公宋蕭蒙實  
殺昭公魯弁費實弱襄公齊渠丘實殺無知晉曲  
沃實納齊師秦徵衙實難桓景皆志於諸侯此其  
不利者也且夫制城邑若體性焉有首領股肱至






不出大字  
已者南國有

於手<sup>毋</sup>毛<sup>脉</sup>大能掉<sup>小</sup>故變而不勤地有高下天  
有晦明民有君臣國有都鄙古之制也先王懼其  
不帥故制之以義旌之以服行之以禮辨之以名  
書之以文道之以言既其失也易物之由夫邊境  
者國之尾也譬之如牛馬處暑之既至<sup>畜</sup>蠶<sup>蠶</sup>之既  
多而不能掉其尾臣亦懼之不然是三城也豈不  
使諸侯之心惕惕焉子晳復命王曰是知天咫安  
知民則是言誕也右尹子革侍曰民天之生也知  
天必知民矣是其言可以懼哉三年陳蔡及不羹

### 人納棄疾而殺靈王

魯昭八年楚滅陳使穿封戌為陳公十一年滅  
蔡使公子棄疾為蔡公今潁川定陵有東不羹  
城襄城有西不羹亭三國楚別都也京叔段之  
邑魯隱元年段圍墓嚴公不克而奔封國也櫟  
子元之邑魯桓十五年鄭厲公因櫟人殺子元  
而遂居櫟鄭子嚴公子子儀也蒲甯殖也戚孫  
林父邑魯襄十四年甯殖孫林父逐衛獻公奔  
齊蕭蒙宋公子鮑邑魯文十六年鮑殺昭公而  
自立并費季氏邑渠丘離廩邑魯嚴八年齊無  
知執襄公而自立九年離廩殺無知曲沃樂盈  
邑魯襄二十三年樂盈奔齊齊嚴公納之盈以  
曲沃之甲盡入為賊於絳徵衛秦桓公之子景  
公之弟公子鍼之邑也公子鍼有寵於公如二  
君於景難謂侵逼也搢大指也掉作也變動也  
勤勞也帥循也易物易其尊卑服物之宜也咫  
言少也言少知天道耳何知治民之法誕虛也






葉疾靈王之弟平王也。靈王無道，葉疾入國爲亂。三軍畔王於乾谿，王自殺。在魯昭十三年。


左史倚相廷見申公子亶，子亶不出。左史謗之，舉伯以告。子亶怒而出，曰：「女無亦謂我老耄而舍我，而又謗我。」左史曰：「唯子老耄，故欲見以交傲子。若子方壯，能經營百事，倚相將奔走承序，於是不給而何暇得見？昔衛武公年數九十有五矣，猶箴傲於國，曰：『自卿以下，至於師長士，苟在朝者，無謂我老耄而舍我。』必恭恪於朝，朝夕以交戒。我聞一二之言，必誦志而納之，以訓道我。在與有旅賁之規。」

位宁有官師之典，倚几有誦訓之諫，居寢有瞽御之箴，臨事有瞽史之道，宴居有師工之誦，史不失書，矇不失誦，以訓御之。於是乎作懿戒以自儆也。及其沒也，謂之叡聖。武公子實不叡聖，於倚相何害？周書曰：「文王至于日中，旻不遑暇食，惠于小民，唯政之恭。」文王猶不敢惰，今子老楚國而欲自安也，以禦數者，王將何爲？若常如此，楚其難哉？子亶懼曰：「老之過也，乃驟見左史。」

子亶楚申公史老也。舍葉也，承序承受事業次序也。師長大夫志記也。旅賁，勇力之士。掌執矛。







國語

楯夾車而趨。車止則持輪。中庭之左右謂之位。門屏之間謂之寧。警近也。警樂太師。掌詔吉凶。史太史也。師樂師。工。警驂也。御進也。三君云。警戒書也。昭謂懿讀曰押。大雅押之篇也。毛詩叙曰。押。衛武公刺厲王。亦以自儆也。日昃曰曷。禦止也。數者謂箴戒諍誘也。王將何爲。言人臣尚如此。王將復何爲乎。

老之之老。于盥名。

規模與高孝  
大略同

此語亦是  
意王不悟耳

靈王虐。白公子張驟諫。王患之。謂史老曰。吾欲已子張之諫。若何。對曰。用之實難。已之易矣。若諫。君則曰。余左執鬼中。右執殤宮。凡百箴諫。吾盡聞之矣。寧聞它言。白公又諫。王如史老之言。對曰。昔殷武丁能聳其德。至於神明。以入於河。自河徂亳。於

陳枋尚書

是乎。三年默以思道。卿士患之。曰。王言以出令也。若不言。是無所稟令也。武丁於是作書曰。以余正四方。余恐德之不類。茲故不言。如是而又使以象夢求四方之賢聖。得傳說以來。升以爲公。而使朝夕規諫。曰。若金。用女作礪。若津水。用女作舟。若大旱。用女作霖雨。啓乃心。沃朕心。若藥不瞑眩。厥疾不瘳。若蹠不視地。厥足用傷。若武丁之神明也。其聖之叡廣也。其知之不疚也。猶自謂未又。故三年默以思道。既得道。猶不敢專制。使以象旁求聖人。

顯顯前切又  
莫定切





既得以為輔，又恐其荒失遺忘，故使朝夕規誨。箴諫曰：必交修余，無余棄也。今君或者未及武丁而惡規諫者，不亦難乎？齊桓晉文皆非嗣也，還軫諸侯不敢淫逸，心類德音，以得有國。近臣諫，遠臣諂，與人誦以自諂也。是以其入也，四封不備，一同而至於有畿田，以屬諸侯。至於今為令君，桓文皆然。君不度，憂於二令君而欲自逸也，無乃不可乎？周詩有之曰：弗躬弗親，庶民弗信。臣懼民之不信君也，故不敢不言。不然，何急其以言取舉也？王病之。

不然何急為  
向勿連下讀

曰：子復語不穀，雖不能用，吾憇寘之於耳。對曰：賴君之用也，故言不然。巴浦之犀，犛兕象，其可盡乎？其又以規為璜也，遂趨而退，歸杜門，不出七月，乃有乾谿之亂，靈王死之。

韓莫交切亦  
作施

鬼中之中身也。鷄宮，虜之居也。執謂把其錄籍，糾服其身，知其居處。若今世云能使虜也。尊敬也。入于河，遷于河內也。自河徂亳，從河內往亳都也。默諒，聞也。又治也。非嗣，非嫡嗣也。還軫，謂出奔也。詰告也。備滿也。地方百里曰同，方千里曰畿。病之，病不能然。故使復語也。慙，猶願也。羣，羣牛也。規，諫也。璜，所以塞耳。言四獸之牙角，可以為璜，難盡也。而又以規諫為之乎。

司馬子期欲以其妾為內子，訪之左史倚相曰：吾



考注

辨或作盤

四喻俱妙

有妾而愿欲筭之其可乎。對曰：昔先大夫子囊違王之命，謚子夕嗜芟子木，有羊饋而無芟，薦君子曰：違而道，穀陽豎愛子反之勞也，而獻飲焉，以弊於鄆。芋尹申亥從靈王之欲，以隕於乾谿。君子曰：從而違，君子之行欲其道也。故進退周旋，唯道之從。夫子木能違若敖之欲，以之道而去芟，薦吾子經楚國而欲薦芟以干之，其可乎？子期乃止。

違而道，違命合道也。穀陽豎，子反之內豎也。弊，弊也。鄆，陵之戰，楚師敗，恭王傷，明日將復戰，王召子反，穀陽豎獻飲於子反，子反醉，不能見，王曰：天敗我也，乃宵遁。子反自殺。芋尹申亥，申

無字之子也。乾谿之役，申亥曰：吾父再奸王命，王不誅，惠孰大焉？乃求王，遇諸棘闢，以王歸。王怒，申亥以其二女殉而葬之，從從欲也。經，經緯也。干，犯也。以妾為妻，猶以芟當祭也。

昭王問於觀射父曰：周書所謂重黎實使天地不

通者何也？若無然，民將能登天乎？對曰：非此之謂

也。古者民神不雜，民之精爽不備貳者，而又能齊

肅衷正，其知能上下比義，其聖能光遠宣朗，其明

能光照之，其聰能聽徹之，如是則明神降之，在男

曰覲，在女曰巫。是使制神之處，位次主而為之，牲

器時服，而後使先聖之後，之有光烈，而能知山川

懺音攝或作攜

考注

現胡歷切又胡格切


此句同是注此句可省一





之號高祖之主宗廟之事昭穆之世齊敬之勤禮節之宜威儀之則容貌之崇忠信之質禋潔之服而敬恭明神者以爲之祝使名姓之後能知四時之生犧牲之物玉帛之類采服之儀彝器之量次主之度屏攝之位壇場之所上下之神氏姓之出而心率舊典者爲之宗於是乎有天地神民類物之官謂之五官各司其序不相亂也民是以能有忠信神是以能有明德民神異業敬而不瀆故神降之嘉生民以物享禍災不至求用不匱及少皞

之衰也九黎亂德民神雜糅不可方物夫人作享家爲巫史無有要質民匱於祀而不知其福烝享無度民神同位民瀆齊盟無有嚴威神狎民則不獨其爲嘉生不降無物以享禍災荐臻莫盡其氣額頊受之乃命南正重司天以屬神命火正黎司地以屬民使復舊常無相侵瀆是謂絕地天通其後三苗復九黎之德堯復育重黎之後不忘舊者使復興之以至於夏商故重黎氏世敘天地而別其分主者也其在周程伯休父其後也當宣王時






失其官守而為司馬氏寵神其祖以取威於民曰  
重實上天蔡實下地遭世之亂而莫之能禦也不  
然夫天地成而不變何比之有

重黎額頊掌天地之臣周書呂刑曰乃命重黎  
絕地天通謂少皞之末民神雜糅不可方物額  
頊受之乃命南正重司天以屬神火正黎司地  
以屬民謂絕地與天相通之道雜會也不雜司  
民司神之官各異也儻離也高祖廟之先也潔  
祀曰禋祀大祀也掌祈福祥四時之生嘉穀非  
卯之屬次主之度疏數之度也屏屏風也攝形  
如今要屏皆所以分別尊卑為祭祀之位宗宗  
伯也掌祭祀之禮類物謂別善惡刑器用之官  
明德謂降福祥不為災孽也嘉生善物也九黎  
黎氏九人也同位故維維方猶別也物名也夫  
人人人也掌祀也巫主接神史次位序言人人  
自為之質誠也齊同也狎習也則法也調潔也  
其為所為也存重也氣受命之氣首長也籠尊  
也世之亂謂幽平以下也樂  
止也何比之有言不相比近

子期祀平王祭以牛俎於王王問於觀射父曰祀  
牲何及對曰祀加於舉天子舉以大牢祀以會諸  
侯舉以特牛祀以大牢卿舉以少牢祀以特牛大  
夫舉以特牲祀以少牢士食魚炙祀以特牲庶人  
食菜祀以魚上下有序民則不慢王曰其小大何  
如對曰郊禘不過蕭栗烝嘗不過把握王曰何其  
小也對曰夫神以精明臨民者也故求備物不求





一作湯久不  
虞

豐大是以先王之祀也。以一純二精三牲四時五色六律七事八種九祭十日十二辰以致之。百姓千品萬官億醜兆民經入說數以奉之。明德以昭之。酥聲以聽之。以告徧至則無不受休。毛以示物。血以告殺。接誠拔取以獻具。爲齊敬也。敬不可久。民力不堪。故齊肅以承之。王曰。芻豢幾何。對曰。遠不過三月。近不過浹日。王曰。祀不可以已乎。對曰。祀所以昭孝息民。撫國家。定百姓也。不可以已。夫民氣縱則底。底則滯。滯則不震。生乃不殖。是用不

從。其生不殖。不可以封。是以古者先王日祭月享。時類歲祀。諸侯舍日。卿大夫舍月。士庶人舍時。天子徧祀羣神。品物諸侯祀天地三辰。及其土之山川。卿大夫祀其禮。士庶人不過其祖。日月會於龍。虺說土氣含收。天明昌作。百嘉備舍。羣神類行。國於是乎烝嘗。家於是乎嘗祀。百姓夫婦擇其令辰。奉其犧牲。敬其齋盛。潔其糞除。慎其采服。禋其酒醴。帥其子姓。從其時享。虔其宗祝。道其順辭。以昭祀。其先祖肅肅濟濟。如或臨之。於是乎合其州鄉朋

盛即夷切通  
作菜






胡計切又  
胡界切

割若去切又  
工惠切

友婚姻比爾兄弟親戚於是乎弭其百苛姤其讒  
慝合其嘉好結其親暱億其上下以申固其姓上  
所以教民虔也下所以昭事上也天子禘郊之事必  
自射其牲王后必自春其粢諸侯宗廟之事必  
自射其牛刳羊擊豕夫人必自春其盛況其下之  
人其誰敢不戰戰兢兢以事百神天子親春禘郊  
之盛王后親繅其服自公以下至於庶人其誰敢  
不齋肅恭敬致力於神民所以攝固者也若之何  
其舍之也王曰所謂一純二精七事者何也對曰

聖王正端冕以其不違心帥其羣臣精物以臨監  
享祀無有苛慝於神者謂之一純玉帛爲二精天  
地民及四時之務爲七事王曰三事者何也對曰  
天事武地事文民事忠信王曰所謂百姓千品萬  
官億醜兆民經人咳數者何也對曰民之徹官百  
王公之子弟之質能言能聽徹其官者而物賜之  
姓以監其官是爲百姓姓有徹品十於王謂之千  
品五物之官陪屬萬爲萬官官有十醜爲億醜天  
子之田九咳以食兆民王取經入焉以食萬官





子期楚平王之子結祭以牛俎於王政牛俎於昭王也舉人君朔望之盛饌太牢牛羊豕也。會三大牢舉四方之貢特一也。少牢羊豕特牲豕也。薦栗角如薦栗把長不出把者八種八音九祭九州助祭十日甲至癸十二辰子至亥擇其吉日良辰以致神者至神至也。披取披毛取血獻具備物也。浹日十日也。息民使民蕃息庶箸也。滯廢也。震懼也。言無祭祀則民無所畏忌無所畏忌則志放縱志放縱則遂廢滯難復恐懼也。生人物也。殖長也。不殖神不降以福也不從不從上令也。封國也。以事類曰類。品物謂若八蜡所祭。獺虎昆蟲之類也。三辰日月星也。祀其禮謂五祀及祖所自出也。龜龍尾也。周十二月夏之十月日月合辰於尾上。合收收縮萬物含藏也。昌盛也。作起也。謂天氣上也。嘉善也。時物畢成舍入室也。類並也。並行欲求食也。烝冬祭。嘗嘗百物也。禋潔也。弭止也。姦獲也。正覆皆辨怨除恨之餘。億安也。到朝也。器實曰案。在器

曰盛。上言案。下言盛。互文也。乾稱剛健。故武地質柔順。故文。徹達也。徹官百。自以名達於上者。有百官也。物事也。以功事賜之。姓官有世功。則有官族。若司馬太史之屬是也。姓有徹品十於王。謂一官之職。其寮屬徹於王者。有十品。百官故有千品也。五物之官。謂天地神民類物之官也。臣之臣爲陪屬。復有十等。千品。故萬官也。醜類也。以十醜承萬爲十萬。十萬曰億。九咳九州之內有咳數也。經常也。常入。征稅也。

關且廷見令尹子常。子常與之語。問蓄貨聚馬。歸以語其弟曰。楚其亡乎。不然。令尹其不免乎。吾見令尹令尹問蓄聚積實。如餓豺狼焉。殆必亡者也。夫古者聚貨不妨民衣食之利。聚馬不害民之財。





換去久切又  
丘救切

循事

用國馬足以行軍公馬足以稱賦不是過也公貨  
足以賓獻家貨足以共用不是過也夫貨馬郵則  
闕於民民多闕則有離畔之心將何以封矣昔鬬  
子文三舍令尹無一日之積恤民之故也成王聞  
子文之朝不及夕也於是乎每朝設脯一束糗一  
筐以羞子文至於今令尹秩之成王每出子文之  
祿必逃王止而後復人謂子文曰人生求富而子  
逃之何也對曰夫從政者以庇民也民多曠者而  
我取富焉是勤民以自封也死無日矣我逃死非

逃富也故莊王之世滅若敖氏唯子文之後在至  
於今處郟為楚良臣是不先恤民而後已之富乎  
今子常先大夫之後也而相楚君無令名於四方  
民之羸餒日日已甚四境盈壘道殣相望盜賊司  
目民無所放是之不恤而蓄聚不厭其速怨於民  
多矣積貨滋多蓄怨滋厚不亡何待夫民心之愠  
也若防大川焉潰而所犯必大矣子常其能賢於  
成靈乎成不禮於穆願食熊蹯不獲而死靈王不  
顧於民一國棄之如遺迹焉子常為政而無禮不

司目羸無解  
按與語以司  
吾聞鄭公補  
音曰司音伺  
古通用






顧甚於成靈其獨何力以待之期年乃有柏舉之戰子常奔鄭昭王奔隨

國馬民馬十六井爲丘有戎馬一疋牛三頭足以行軍也公馬公之戎馬稱舉也賦兵賦宿饗贈也獻貢也鄆適也封厚也糗寒粥羞進也秩常也魯宣四年子文之弟子鬬椒爲亂莊王滅若敖氏之族子文之孫箴尹克黃使於齊還而自拘於司敗王思子文之治楚也曰子文無後何以勸善使復其所其子孫當昭王時爲鄆公盈滿也道家曰瑾成是成王穆王之父穆穆王商臣也成王欲黜商臣而立其弟職商臣圍成王王請食熊蹯而死不聽遂自殺如遺迹如行人之遺棄其迹也待猶禦也初蔡昭侯朝於楚子常欲其佩唐成公亦朝焉子常欲其驢騾馬二君不予而留之二年子之乃得歸歸與吳伐楚大敗之柏舉在魯定四年

陸或作陸

吳人入楚昭王出奔濟於成曰見藍尹壺載其孥王曰載子對曰自先王莫隊其國當君之世而亡之君之過也遂去王王歸又求見王王欲執之子西曰請聽其辭夫其有故王使謂之曰成曰之役而棄不穀今而敢來何也對曰昔瓦唯長舊怨以敗於相舉故君及此今又效之無乃不可乎臣避於成曰以傲君也庶悛而更乎今之敢見觀君之德也曰庶懼而鑒前惡乎君若不鑒而長之君實有國而不愛臣何有於死死在司敗矣唯君圖之

幸法







國語

子西曰使復其位以無忘前敗王乃見之

吳人闔閭也。妻子曰擊隊失也。瓦子常名。長翁積也。何有於死。何惜於死也。楚謂司寇爲司敗。

吳人之入楚楚昭王奔鄆鄆公之弟懷將殺王鄆公辛止之懷曰平王殺吾父在國則君在外則讎也見離弗殺非人也鄆公曰夫事君者不爲外內行不爲豐約舉苟君之尊卑一也且夫自敵以下則有讎非是不讎下虐上爲殺上虐下爲討而況君乎君而討臣何讎之爲若皆讎君則何上下之有乎吾先人以善事君成名於諸侯自闔伯比以

當於尊字句

古注

來未之失也今爾以是殃之不可懷弗聽曰吾思吾父不能顧矣鄆公以王奔隨王歸而賞及鄆懷子西諫曰君有二臣或可賞也或可戮也君王均之羣臣懼矣王曰夫子期之二子邪吾知之矣或禮於君或禮於父均之不亦可乎

鄆公蔓成然之子闔辛也。成然立平王。貪求無厭。平王殺之。不爲外內行。不爲外內易行也。豐盛。約衰。舉動也。敵敵體也。殃。病害也。子期成然字。

子西歎於朝藍尹亶曰吾聞君子唯獨居思念前世之崇替與哀殞喪於是有歎其餘則不君子臨

崇替當是處  
卷之二

國語楚



政思義飲食思禮同宴思樂在樂思善無有歎焉  
 今吾子臨政而歎何也子西曰闔閭能敗吾師闔  
 閭卽世吾聞其嗣又甚焉吾是以歎對曰子患政  
 德之不修無患吳矣夫闔閭口不貪嘉味耳不樂  
 逸聲目不淫於色身不懷於安朝夕勤志恤民之  
 羸聞一善若驚得一士若賞有過必悛有不善必  
 懼是故得民以濟其志今吾聞夫差好罷民力以  
 成私好縱過而翳諫一夕之宿臺榭陂池必成六  
 畜玩好必從夫先自敗也已焉能敗人子修德以  
 待吳吳將斃矣

崇終也詩云曾不崇朝結言發也若賞若受賞也翳蔽也

王孫圉聘於晉定公饗之趙簡子鳴玉以相問於  
 王孫圉曰楚之白珩猶在乎對曰然簡子曰其爲  
 寶也幾何矣曰未嘗爲寶楚之所寶者曰觀射父  
 能作訓辭以行事於諸侯使無以寡君爲口實又  
 有左史倚相能道訓典以敘百物以朝夕獻善敗  
 於寡君使寡君無忘先王之業又能上下說乎鬼  
 神順道其欲惡使神無有怨痛於楚國又有薳曰

楚語






雲連徒洲金木竹箭之所生也龜珠齒角皮革羽毛所以備賦用以戒不虞者也所以共幣帛以賓享於諸侯者也若諸侯之好幣具而導之以訓辭有不虞之備而皇神相之寡君其可以免辜於諸侯而國民保焉此楚國之寶也若夫白珩先王之玩也何寶焉圉圍國之寶六而已聖能制議百物以輔相國家則寶之玉足以庇蔭嘉穀使無水旱之災則寶之龜足以憲臧不則寶之珠足以禦火災則寶之金足以禦兵亂則寶之山林藪澤足以備財用則寶之若夫諱囂之美楚雖蠻夷不能寶也

鳴玉以相鳴其佩玉以相禮所佩上橫皇大也玉祭祀之玉憲法也取善惡之法也

惠王以梁與魯陽文子文子辭曰梁險而在北境懼子孫之有貳者也夫事君無憾憾則懼偏偏則懼貳夫盈而不偏憾而不貳者臣能自壽也不知其它縱臣而得以其首領以沒懼子孫之以梁之險而乏臣之祀也王曰子之仁不忘子孫施及楚國敢不從子與之魯陽






文子司馬子期之子魯陽公也。憾恨也。偏偏上也。偏則懼誅故貳也。盈滿也。壽保也。

子西使人召王孫勝沈諸梁聞之見子西曰聞子  
召王孫勝信乎曰然子高曰將焉用之曰吾聞之  
勝直而剛欲寘之境子高曰不可其爲人也展而  
不信愛而不仁詐而不知毅而不勇直而不衷周  
而不淑復言而不謀身展也愛而不謀長不仁也  
以謀蓋人詐也彊忍犯義毅也直而不顧不衷也  
周言棄德不淑也是六德者皆有其華而不實者  
將焉用之彼其父爲戮於楚其心又猶而不潔若

其猶也、不忘舊怨、而不以潔悛德、思報怨而已、則  
其愛也、足以得人、其展也、足以復之、其詐也、足以  
謀之、其直也、足以帥之、其周也、足以蓋之、其不潔  
也、足以行之、而加之以不仁、奉之以不義、蔑不克  
矣、夫造勝之怨者、皆不在矣、若來而無寵、速其怒  
也、若其寵之、毅貪而無厭、既而得人、而矜之以大  
利、不仁以長之、思舊怨以修其心、苟國有釁、必不  
居矣、非子職之、其誰乎、彼將思舊怨而欲大寵、動  
而得人、怨而有術、若果用之、害可待也、余愛子與





司馬故不敢不言子西曰德其忘怨乎余善之夫  
乃其寧子高曰不然吾聞之曰唯仁者可好也可  
惡也可高也可下也好之不偏惡之不怨高之不  
驕下之不懼不仁者則不然人好之則偏惡之則  
怨高之則驕下之則懼驕有欲焉懼有惡焉欲惡  
怨偏所以生詐謀也子將若何若召而下之將威  
而懼爲之上者將怒而怨詐謀之心無所靖矣有  
一不義猶敗國家今壹五六而必欲用之不亦難  
乎吾聞國家將敗必用姦人而嗜其疾味其子之

謂乎夫誰無疾肯能者蚤除之舊怨滅宗國之疾  
肯也爲之關籬蕃籬而遠備閑之猶恐其至也是  
之爲日惕若召而近之死無日矣人有言曰狼子  
野心怨賊之人其又可善乎若子不我信盍求若  
敖氏與子干子皙之族而近之安用勝也其能幾  
何昔齊驕馬繻以胡公入於貝水邠歌闕職我懿  
公於囿竹晉長魚矯殺三郤於榭魯圍人拳殺子  
般於次夫是誰之故也非唯舊怨乎是皆子所聞  
也人之求多聞善敗以鑑戒也今子聞而棄之猶





尚是相尚之  
尚勝白公名  
猶云說得勝  
太極事也天  
而曰明是輕  
勝意

國語

蒙耳也。吾語子何益。吾知逃而已。子西笑曰：子之尚勝也，不從，遂使爲白公。子高以疾閒居於蔡，及白公之亂，子西子期死，葉公聞之，曰：吾怨其棄吾言，而德其治楚國。楚國之能平均，以復先王之業者，夫子也。以小怨寘大德，吾不義也。將入殺之，帥方城之外，以入殺白公，而定王室，葬二子之族。


王孫勝，楚平王太子建之子。初，費無極爲太子少師，無寵。太子娶於秦而美，勸王納之，遂譖太子曰：「建將叛。」太子奔鄭，而與晉謀鄭人殺之。勝奔吳，沈諸梁、葉公子高也，寘置也。傳曰：召之使處吳境，爲白公，是也。展誠也。復言言可復，不欺人也。周言棄德，取周其言而不以德也。捐者

直已之志，不從人也。造勝之怨，謂費無極之徒，讚太子者，職主也。言子西將主此禍，父死而怨，故曰有術。司馬子西之弟子期也。德其忘怨，言緩之以德，必忘怨也。疾味味爲已生疾害，喻不好善也。背猶災也。若敖氏，莊王所滅，子于哲，平王所殺，其能幾何。言危不久也。騶馬，繻齊大夫，齊胡公虐馬繻，馬繻殺胡公，內之貝水，齊懿公爲公子時，與邢歇之父爭田，弗勝，及卽位，乃掘而刑之，而使歇僕，納閭職之妻，而使職驂乘。魯文十八年，懿公游于申池，二人殺公而內之竹中。長魚蟾見晉語，子般，魯莊公太子，雩講於梁氏，女公子觀之，圍人犖自繇外與之戲，子般鞭之，莊公薨，子般卽位。次于黨氏，公子慶父使犖賊子般。在魯莊三十二年，子之尚勝，言子論議好尚勝人也。魯哀十六年，白公請伐鄭，以報父讎，子西既許之，未起師，晉伐鄭，楚又救之，與之盟，白公怒，遂作亂，殺二子於朝。





皇明萬曆己未仲秋烏程閔齊伋過五父裁注



國語第八

吳

為注

書序


起語更窮用  
曰夫不唯節  
奏亦自具法

石跡模全


唯天下之至  
柔馳聘天下  
之至堅  
以弱為  
強

吳王夫差初注起師伐越，越王句踐吳侯起師逆之。江大夫種乃獻謀曰：夫吳之與越，唯天所授，王其無庸戰。夫申胥、華登、簡服、吳國之士，於甲兵而未嘗有所挫也。夫一人善射，百夫決拾，勝未可成。夫謀必素見成事焉，而後履之，不可以授命。王不如設戎約，辭行成，以喜其民，以廣後吳王之心。吾以卜之於天，天若棄吳，必許吾成，而不吾足也。將必寬然有

國語 吳




NATIONAL CENTRAL LIBRARY, TAIWAN, R.O.C





皇明萬曆己未仲秋烏程閔齊伋過五父裁注



國語第八

吳

為注

書序


起語更窮用  
曰夫不唯節  
奏亦自具法

石跡模全

唯天下之至  
至馳聘天下  
之至堅  
好語不以為  
故為也

吳王夫差初崔起師伐越，越王句踐吳侯起師逆之。江大夫種乃獻謀曰：夫吳之與越，唯天所授，王其無庸戰。夫申胥、華登、簡服、吳國之士於甲兵，而未嘗有所挫也。夫一人善射，百夫決拾，勝未可成。夫謀必素見成事焉，而後履之，不可以授命。王不如設戎約，辭行成，以喜其民，以廣後吳王之心。吾以卜之於天。天若棄吳，必許吾成而不吾足也。將必寬然有

國語 吳





伯諸侯之心焉。既罷敵其民，而天奪之食，安受其  
燼。乃無有命矣。越王許諾，乃命諸稽郢行成於吳。  
曰：寡君句踐使下臣郢，不敢顯然布幣行禮，敢私

心欲之秋猶  
秋猶屬鼠之

告於下執事，曰：昔者越國見禍，得舉於天王。天王  
親趨玉趾，以心孤句踐，而又宥赦之。君王之於越  
也，繫起死人而肉白骨也。孤不敢忘天災，其敢忘  
君王之大賜乎。今句踐申禍無良，草鄙之人敢忘  
天王之大德，而思邊垂之小怨，以重得舉於下執  
事。句踐用帥二三之老親，委重舉頓顙於邊。今君


華重蓋切又  
之蓋切

介音惟一作  
介按字書無  
介字疑即介  
誤

擗苦骨切內  
傳作胡忽切

王不察，盛怒屬兵，將殘伐越國。越國固貢獻之邑  
也。君王不以鞭箠使之，而辱軍士，使寇令焉。句踐  
請盟，一介嫡女，執箕箒以眩姓於王官。一介嫡男  
奉槃匱，以隨諸御。春秋貢獻，不解於王府。天王豈  
辱裁之，亦征諸侯之禮也。夫諺曰：狐埋之而狐搯  
之。是以無成功。今天王既封殖越國，以明聞於天  
下，而又刈亡之。是天王之無成勞也。雖四方之諸  
侯，則何實以事吳，敢使下臣盡辭。唯天王秉利度  
義焉。

此為連下為  
一介






魯定十四年。吳伐越。越敗之於檇李。闔廬傷而死。後三年。夫差伐越。報檇李也。越逆諸江。至於五湖。吳人大敗之於夫椒。遂入越。越子以甲楯五千。保於會稽。申胥佐子胥也。名負。負奔吳。吳子與之申地。故曰申胥。華登宋華費遂之子。華氏作亂於宋而敗。登奔吳爲大夫。簡習也。決鈞弦也。拾捍也。言申胥華登善用兵。衆必化之。猶一人善射。而百夫競著。決拾而做之也。授命猶鬪命也。設戎設兵。自守約辭。卑約其辭。行成求平也。不吾足。言越不足畏也。蠶餘也。孤葉也。繫是也。申重也。思邊番之小怨。言吳侵越之邊。境。心懷怨恨也。重得罪。謂報見侵。委猶歸也。邊邊境。宸令若禦寇之號令。一介一人。賅備也。而禮曰。納女於天子曰備。百姓捐發也。明聞顯聞也。芟草曰刈。勞功也。

吳王夫差乃告諸大夫曰。孤將有大志於齊。吾將

許越成而無拂。吾慮若越既改。吾又何求。若其不改。反行。吾振旅焉。申胥諫曰。不可許也。夫越非實忠。心好吳也。又非懾畏吾甲兵之彊也。大夫種勇而善謀。將還玩吳國於股掌之上。以得其志。夫固知君王之蓋威以好勝也。故婉約其辭。以從逸王志。使淫樂於諸夏之國。以自傷也。使吾甲兵鈍弊。民人離落。而日以憔悴。然後安受吾燼。夫越王好信以愛民。四方歸之。年穀時孰。日長炎炎。及吾猶可以戰也。爲虺弗摧。爲蛇將若何。吳王曰。大夫奚

善論  
善法





隆於越。越曾足以爲大虞乎。若無越，則吾何以春  
秋。矧吾軍士乃許之成，將盟。越王又使諸稽郢辭  
曰：以盟爲有益乎？前盟口血未乾，足以結信矣。以  
盟爲無益乎？君王舍甲兵之威，以臨使之，而胡重  
於鬼神而自輕也。吳王乃許之。荒成不盟。

拂絕也。還轉也。玩弄也。鹿小蛇。荒空也。

吳王夫差既許越成，乃大戒師徒，將以伐齊。申胥  
進諫曰：昔天以越賜吳，而王弗受。夫天命有反，今  
越王句踐恐懼而改其謀，舍其愆令，輕其征賦，施

卷論


司音伺古字

私事

不詳

沮子餘切內  
傳作卑

民所善，去民所惡，身自約也。裕其衆庶，其民殷衆，  
以多甲兵，譬越之在吳也。猶人之有腹心之疾也。  
夫越王之不忘敗吳於其心也，戚然服士以司吾  
聞。今王非越是圖，而齊魯以爲憂。夫齊魯譬諸疾，  
疥癬也。豈能涉江淮而與我爭此地哉？將必越實  
有吳土，王盍亦鑑於人，無鑑於水。昔楚靈王不君，  
其臣箴諫以不入，乃築臺於章華之上，闕爲石郭，  
陂漢以象帝舜，罷弊楚國，以聞陳蔡，不修方城之  
內，踰諸夏而圖東國。三歲於沮汾，以服吳越，其民





璞音撲又音朴

高之下、向法音者

後以孫新書  
解云宋地  
是非

不忍饑勞之殃三軍畔王於乾谿王親獨行屏營  
傍徨於山林之中三日乃見其消人疇王呼之曰  
余不食三日矣疇趨而進王枕其股以寢於地王  
寐疇枕王以璞而去之王覺而無見也乃匍匐將  
入棘圍棘圍不納乃入芋尹申亥氏焉王縊申亥  
負王以歸而土埋之其室此志也豈遽忘於諸侯  
之耳乎今王既變鮪禹之功而高高下下以罷民  
於姑蘇天奪吾食都鄙荐饑今王將狼天而伐齊  
夫吳民維矣體有所傾譬如羣獸然一个負矢將  
百羣皆奔王其無方收也越人必來襲我王雖悔  
之其猶有及乎王弗聽十二年遂伐齊齊人與戰  
於艾陵齊師敗績吳人有功

闕穿也。陝垂也。舜葬九嶷。其山體水旋其丘下。故壅漢水。使旋石郭以象之。開侯其隙而取之也。沮汾楚東鄙。消人。今中消也。璞塊也。棘楚邑。闕門也。志記也。高高起臺榭。下下深汚池。

吳王夫差既勝齊人於艾陵乃使行人奚斯釋言  
於齊曰寡人帥不腆吳國之役遵汶之上不敢左  
右唯好之故今大夫國子與其衆庶以犯獵吳國  
之師徒天若不知有臯則何以使下國勝






柳宗元曰伍子胥非吳之  
交國也其始  
故由其謀全  
於國者已不  
合言見進則  
議者勝國無  
可救者於是  
焉去之可也  
出則以擊累  
於人而又入  
以即死是固  
非吾之所知  
也然則負者  
豈復人也歟

善論

戰於艾陵。吳獲齊國書，釋解也。以言自解，歸非於齊也。不取左右，暴掠齊民，唯有恩好之故耳。吳王還自伐齊，乃訊申胥曰：昔吾先王體德聖明，達於上帝，譬如農夫作耦，以刈殺四方之蓬蒿，以立名於荆。此則大夫之力也。今大夫老而又不自安恬逸，而處以念惡，出則舉吾衆，撓亂百度，以妖孽吳國。今天降衷於吳，齊師受服，孤豈敢自多。先王之鐘鼓寔式，靈之敢告於大夫。申胥釋劍而對曰：昔吾先王世有輔弼之臣，以能遂疑，計惡以不陷於大難。今王播棄黎老，而孩童焉比謀。曰：余令而不違，夫不違，乃違也。夫不違，亡之階也。夫天之所棄，必驟近其小喜，而遠其大憂。王若不得志於齊，而以覺寤王心，吳國猶世。吾先君之得之也，必有以取之，其亡之也，亦有以棄之。用能援特，盈以沒，而驟救，傾以時。今王無以取之，而天祿亟至，是吳命之短也。負不忍稱疾，辟易以見王之親，爲越之禽也。負請先死。將死，曰：而縣吾目於東門，以見越之入吳國之亡也。遂自殺。王慍曰：孤不使大夫得有見也。乃使取申胥之尸，盛以鴟夷，而投之於





江

二耜爲耦。言于胥佐閭廬。其猶耕者之有耦。以成其事也。立名於荆。謂敗楚於柏舉。式用也。靈神也。遂決也。計慮也。黎。凍黎。壽徵也。猶世猶繼世也。盈。滿也。沒。終也。以時不失時也。辟。易狂疾。鴟。夷。

革囊

吳王夫差既殺申胥不稔於歲乃起師北征闕爲深溝於商魯之間比屬之沂西屬之濟以會晉公午於黃池於是越王句踐乃命范蠡舌庸率師沿海泝淮以絕吳路敗王子友於姑熊夷越王句踐乃率中軍泝江以襲吳入其郛焚其姑蘇徙其大

古如字內傳  
存后非

善論書法

舟吳晉爭長未成邊遽乃至以越亂告吳王懼乃合大夫而謀曰越爲不道背其齊盟今吾道路悠遠無會而歸與會而先晉孰利王孫雄曰夫危事不齒雄敢先對二者莫利無會而歸越聞章矣民懼而走遠無正就齊宋徐夷曰吳既敗矣將來溝而廢我我無生命矣會而先晉晉既執諸侯之柄以臨我將成其志以見天子吾須之不能去之不忍若越聞俞章吾民恐啤必會而先之王乃步就王孫雄曰先之圖之將若何王孫雄曰王其無疑

俞字如切或  
爲食





三晉雖無決  
策而能以先  
之數年以遠  
起其智不足  
備也

封于封護之  
封作制字志  
習制之非


今或當使去  
封或令部下

吾道路悠遠必無有二命焉可以濟事王孫雄進  
顧揖諸大夫曰危事不可以為安死事不可以為  
生則無為貴知矣民之惡死而欲貴富以長沒也  
與我同雖然彼近其國有遷我絕慮無遷彼豈能  
與我行此危事也哉事君勇謀於此用之今夕必  
挑戰以廣民心請王厲士以奮其朋勢勸之以高  
位重畜備刑戮以辱其不厲者令各輕其死彼將  
不戰而先我我既執諸侯之柄以歲之不獲也無  
有誅焉而先罷之諸侯必說既而皆入其地王安

挺志一日惕一日習以安步王志必設以此民也  
封於江淮之間乃能至於吳吳王許諾

稔熟也闕穿也商宋也沿順也逆流而上曰沂  
循海而逆入於淮以絕吳王還歸之路江吳江  
也邪郭也長先也成定也遠傳軍也先晉令晉  
先敵商年也不齒不以年次對正道也旁擊曰  
廢以見天子以侯伯之禮見天子也俞益也長  
沒老終也朋羣也獲放也誅責也不責諸侯之  
貢賦罷遣諸侯令先歸也入其地入其國境挺  
寬也揚疾也留徐也步行也設以此民封於江  
淮間以恐之  
必速至也

吳王昏乃戒令秣馬食士夜中乃令服兵擐甲係  
馬舌出火竈陳士卒百人以為徹行百行行頭皆





抱音早或音  
浮

神國


官帥擲鐸拱稽建肥胡奉文犀之渠十行一嬖大  
夫建旌提鼓挾經秉袍十旌一將軍載常建鼓挾  
經秉袍爲萬人以爲方陳皆白常白旂素甲白羽  
之製望之如茶王親秉鉞載白旗以中陳而立左  
軍亦如之皆赤常赤旗丹甲朱羽之製望之如火  
右軍亦如之皆玄常玄旗黑甲烏羽之製望之如  
墨爲帶甲三萬以勢攻雞鳴乃定旣陳去晉軍一  
里昧明王乃秉袍親就鳴鐘鼓丁寧本鐸于振鐸勇  
怯盡應三軍皆譁卸以振旅其聲動天地晉師大

唐順之曰讀  
內傳演着他  
下字構辭如  
商桑周尚詩  
外傳只看他  
布格叙事如  
老將用兵不  
失尺寸如此  
篇叙劫盟虛  
虛聲許儘周  
意儘善禽蝦

吾今

此進退似只  
湖當時會事

駭不出周軍飭壘乃令董褐請事曰兩君偃兵接  
好日中爲期今大國越錄而造於敝邑之軍壘敢  
請亂故吳王親對之曰天子有命周室卑約貢獻  
莫入上帝鬼神而不可以告無姬姓之振也徒遽  
來告孤日夜相繼匍匐就君君今非王室不安平  
是憂億負晉衆庶不式諸戎翟楚秦將不長弟以  
力征一二兄弟之國孤欲守吾先君之班爵進則  
不敢退則不可今會日薄矣恐事之不集以爲諸  
侯笑孤之事君在今日不得事君亦在今日爲使






携李之戰趙  
人使罪人三  
行日別以謀  
吳

辭命

者之無遠也。孤用親聽命於藩籬之外。董褐將還。王稱左。疇曰。攝少司馬。茲與王士五人坐於王前。乃皆進。自剄於客前。以酬客。董褐既致命。乃告諸趙鞅曰。臣觀吳王之色。類有大憂。小則嬖妾嫡子死。不則國有大難。大則越入吳。將毒不可與戰。主其許之先。無以待危。然而不可徒許也。趙鞅許諾。晉乃令董褐復命曰。寡君未敢觀兵。身見使褐復命曰。曩君之言。周室既卑。諸侯失禮於天子。請貞於陽卜。收文武之諸侯。孤以下。密邇於天子。無所逃。臯訊讓日至曰。昔吳伯父不失春秋。必率諸侯以顧在。余一人。今伯父有蠻荆之虞。禮世不續。用命孤禮。佐周公以見我。一二兄弟之國。以休君憂。今君掩王東海。以淫名聞於天子。君有短垣而自踰之。况蠻荆則何有於周室。夫命圭有命。固曰。吳伯不曰。吳王諸侯是以敢辭。夫諸侯無二君。而周無二王。君若無卑天子以干其不祥。而曰。吳公孤敢不順從君命。長弟許諾。吳王許諾。乃退就幕而會。吳公先歆。晉侯亞之。吳王既會。越聞俞章恐齊。






宋之爲已害也。乃命王孫雄先與勇獲帥徒師以爲過賓於宋。以焚其北郭焉而過之。

秣粟。服。執。撮。實也。係馬之舌。恐有聲。出火於竈。以自照。徹。通也。以百人通爲一行。官帥。上士。禮。抱也。抱。輝者。亦恐有聲也。稽。計兵名籍也。周禮。聽師田以簡稽。肥。胡。備也。文。犀。之。渠。謂。橋也。文。犀。犀。犀。之。有。文。理。者。折。羽。爲。旌。在。掖。曰。挾。經。兵。書。也。日月爲常。建。鼓。之。鼓。音。鼓。也。周。禮。將。軍。執。晉。鼓。建。謂。爲。之。楹。而。闕。之。交。龍。爲。旂。贈。矢。名。茶。茅。秀。也。熊。虎。爲。旗。鳥。隼。爲。旟。帶。甲。矜。鎧。丁。寧。謂。鉦。也。錙。于。與。鼓。相。應。軍。行。鳴。之。譁。如。譁。呼。也。周。禮。也。飭。治。也。錄。次。第。也。亂。故。先。期。亂。次。之。故。徒。步。也。遽。傳。車。也。僇。安。也。負。恃。也。安。恃。其。衆。而。不。用。以。征。伐。戊。翟。秦。楚。之。卑。周。者。弟。言。幼。也。不。長。弟。言。晉。不。帥。長。幼。之。節。而。征。伐。同。姓。兄。弟。之。國。謂。魯。衛。之。屬。遂。則。不。敢。不。敢。過。先。君。也。遂。則。不。可。

亦不可不及也。薄。迫也。集。成也。藩。離。碧。落也。左。時。軍。左。部。稱。呼。也。攝。執。也。少。司。馬。茲。與。王。士。五。人。皆。舉。人。死。士。到。到。也。隔。報。也。將。報。客。使。死。士。自。割。以。示。其。威。行。軍。士。用。命。也。主。謂。趙。鞅。徒。空。也。不。徒。許。宜。有。辭。義。真。正。也。龜。目。卜。以。火。發。兆。故。曰。陽。言。吳。欲。正。陽。卜。收。復。文。王。武。王。之。諸。侯。以。奉。天。子。孤。以。下。晉。辭。也。昔。吳。伯。父。至。禮。世。不。續。晉。述。天。子。告。讓。之。言。同。姓。元。侯。曰。伯。父。昔。吳。伯。父。吳。先。君。也。今。伯。父。謂。夫。差。言。夫。差。有。蠻。荆。之。備。廢。朝。聘。之。禮。不。得。繼。世。嗣。前。人。之。職。故。命。晉。以。禮。佐。助。周。公。與。兄。弟。之。國。相。見。令。朝。聘。天。子。休。君。憂。息。周。之。憂。淫。猶。借。也。名。號。也。垣。喻。禮。防。雖。短。不。可。踰。也。王。室。雖。卑。不。可。僭。也。吳。姬。姓。而。自。僭。號。況。於。蠻。荆。有。何。義。於。周。室。而。不。爲。乎。命。圭。受。賜。圭。之。策。命。敢。辭。辭。不。事。吳。也。長。弟。猶。云。先。後。也。幕。帳。也。徒。師。步。卒。也。託。爲。過。賓。而。焚。其。郭。去。其。守。備。使。不。敢。出。






吳王夫差既退於黃池，乃使王孫苟告勞於周曰：昔者楚人爲不道，不承共王事，以遠我一二兄弟之國。吾先君闔廬不費，不忍被甲帶劍，挺鉞指鐸，以與楚昭王毒。遂於中原，柏舉天舍其衷，楚師敗績，王去其國，遂至於郢。王總其百執事，以奉其社稷之祭。其父子昆弟不相能，夫槩王作亂，是以復歸於吳。今齊侯任不鑒於楚，又不承共王命，以遠我一二兄弟之國。夫差不費，不忍被甲帶劍，挺鉞指鐸，遵汶伐博，登笠相望於艾陵。天舍其衷，齊師還。夫差豈敢自多，文武實舍其衷，歸不稔於歲。余沿江沂淮，闕溝深水，出於商魯之間，以徹於兄弟之國。夫差克有成事，敢使苟告於下執事。周王答曰：苟伯父命女來，明紹享余一人。若余嘉之，昔周室逢天之降禍，遭民之不祥，余心豈忘憂卹。不唯下土之不康靖。今伯父曰：勦力同德，伯父若能然，余一人兼受而介福。伯父多歷年以沒元身，伯父秉德已侈大哉。

勞功也。賈赦也。挺，拔也。指，振也。王總之，王賈侍中云。往也。昭謂王闔廬也。賈君以爲告天子不







篇法

鹿通作麋  
齋落戈切亦  
作標

中國或吳國  
中

宜稱王。故云往。然下言夫繁王不避天子。故知稱王為閭盧也。夫繁閭盧之弟。傳曰。夫繁王先歸自立。故不能定楚而歸。荃夫須也。荃荃備雨器。紹繼也。享獻也。繼先王之禮。獻我一人我心誠嘉之也。遭民之不祥。謂民流厲王於薨。及子朝篡立。成周之民。助子朝者。不唯下土之不康。特言不但憂四方。乃憂王室也。勦力并力也。介大也。元善也。修猶廣也。

吳王夫差還自黃池。息民不戒。越大夫種乃倡謀曰。吾謂吳王將遂涉吾地。今罷師而不戒。以忘我。我不可以怠也。日臣嘗卜於天。今吳民既罷。而大荒荐饑。市無赤米。而困鹿空虛。其民必移就蒲羸。於東海之濱。天占既兆。人事又見。我蔑卜筮矣。王

若今起師以會奪之利。無使失悅。夫吳之邊鄙。遠者罷而未至。吳王將恥不戰。必不須至之會也。而以中國之師與我戰。若事幸而從我。我遂踐其地。其至者亦將不能之會也。已吾用禦兒臨之。吳王若愠而又戰。幸遂可出。若不戰而結成。王安厚取名而去之。越王曰。善哉。乃大戒師。將伐吳。楚申包胥使於越。越王句踐問焉。曰。吳國為不道。求殘我社稷宗廟。以為平原。弗使血食。吾欲與之。繳天之衷。唯是車馬兵甲卒伍既具。無以行之。請問戰奚




何嘗顧何者  
淫泆

對醫而亦工

唐順之曰包  
胥之意宜在  
勇蓋勸越之  
決於變吳也  
若智仁則上  
數者已無之  
矣

國語

以而可。包胥辭曰：不知。王固問焉。乃對曰：夫吳良國也。能博取於諸侯。敢問君王之所以與之戰者。王曰：在孤之側者。觴酒豆肉。簞食未嘗敢不分也。飲食不致味。聽樂不盡聲。求以報吳。願以此戰。包胥曰：善則善矣。未可以戰也。王曰：越國之中。疾者吾問之。死者吾葬之。老其老。慈其幼。長其孤。問其病。求以報吳。願以此戰。包胥曰：善則善矣。未可以戰也。王曰：越國之中。吾寬民以子之。忠惠以善之。吾修令。寬刑。施民所欲。去民所惡。稱其善。掩其惡。求以報吳。願以此戰。包胥曰：善則善矣。未可以戰也。王曰：越國之中。富者吾安之。貧者吾予之。救其不足。裁其有餘。使貧富皆利之。求以報吳。願以此戰。包胥曰：善則善矣。未可以戰也。王曰：越國南則楚。西則晉。北則齊。春秋皮幣玉帛子女。以賓服焉。未嘗敢絕。求以報吳。願以此戰。包胥曰：善哉。蔑以加焉。然猶未可以戰也。夫戰知爲始。仁次之。勇次之。不知則不知。民之極。無以銓度。天下之衆寡。不仁。則不能與三軍共饑勞之殃。不勇。則不能斷疑。






以發大計。越王曰：諾。越王句踐乃召五大夫曰：吳爲不道，求殘吾社稷宗廟，以爲平原，不使血食。吾欲與之，微天之衷，唯是車馬兵甲卒伍，既具無以行之。吾問於王孫包胥，既命孤矣，敢訪諸大夫，問戰奚以而可。句踐願諸大夫言之，皆以情告，無阿孤。孤將以舉大事。大夫舌庸乃進對曰：審賞則可以戰乎？王曰：聖。大夫苦成進對曰：審罰則可以戰乎？王曰：猛。大夫種進對曰：審物則可以戰乎？王曰：辨。大夫蠡進對曰：審備則可以戰乎？王曰：巧。大夫

焉  
焉


臯如進對曰：審聲則可以戰乎？王曰：可矣。王乃命有司大令於國曰：苟任戎者，皆造於國門之外。王乃令於國曰：國人欲告者來告，告孤不審，將爲戮。不利過及五日，必審之。過五日，道將不行。王乃入命夫人王背屏而立。夫人向屏，王曰：自今日以後，內政無出外政，無入內有辱是子也。外有辱是我也。吾見子於此，止矣。王遂出，夫人送王，不出屏，乃闔左闔，填之以土，去筓，側席而坐，不婦。王背檐而立。大夫向檐，王命大夫曰：食土不均，地之不修，內





已止也其歸  
若已猶云或  
歸於國或止  
於此不必從  
我也

有辱於國是子也。軍士不死，外有辱，是我也。自今  
日以後，內政無出，外政無入，吾見子於此止矣。王  
遂出，大夫送，王不出，櫓乃闔左闔，填之以土，側席  
而坐，不埽。王乃之壇，列鼓而行之。至於軍，斬有擧  
者以徇。曰：莫如此，不從其伍之令。明日，徒舍，斬  
有擧者以徇。曰：莫如此，不用王命。明日，徒舍，至  
於禦兒，斬有擧者以徇。曰：莫如此，淫逸不可禁也。  
王乃命有司大徇於軍。曰：有父母者老，而無昆弟  
者，以告王。親命之曰：我有大事，子有父母者老，而  
子爲我死，子之父母將轉於溝壑，子爲我禮已重  
矣。子歸，沒而父母之世，後若有事，吾與子圖之。明  
日，徇於軍。曰：有兄弟四五人皆在此者，以告王。親  
命之曰：我有大事，子有昆弟四五人皆在此，事若  
不捷，則是盡也。擇子之所欲歸者一人，明日，徇於  
軍。曰：有眩瞽之疾者，告王。親命之曰：我有大事，子  
有眩瞽之疾，其歸若已。後若有事，吾與子圖之。明  
日，徇於軍。曰：筋力不足以勝甲兵，志行不足以聽





戰國策兩軍  
交和而各注  
云軍門曰和  
此接和恐是  
與兵地之守  
者交共相接  
耳作上下相  
和辭不應下  
果者矣


陸法

命者歸莫告明日遷軍接餼斬有臯者以徇曰莫  
如此志行不果於是人有致死之心王乃命有司  
大徇於軍曰謂二三子歸而不歸處而不處進而  
不進退而不退左而不左右而不右身斬妻子鬻  
於是吳王起師軍於江北越王軍於江南越王乃  
中分其師以爲左右軍以其私卒君子六千人爲  
中軍明日將舟戰於江及昏乃令左軍銜枚泝江  
五里以須亦令右軍銜枚踰江五里以須夜中乃  
令左軍右軍涉江鳴鼓中水以須吳師聞之大駭

曰越人分爲二師將以夾攻我師乃不待旦亦中  
分其師將以禦越越王乃令其中軍銜枚潛涉不  
鼓不譟以襲攻之吳師大北越之左軍右軍乃遂  
涉而從之又大敗之於沒又郊敗之三戰三北乃  
至於吳越師遂入吳國圍王宮吳王懼使人行成  
曰昔不穀先委制於越君君告孤請成男女服從  
孤無奈越之先君何畏天之不祥不敢絕祀許君  
成以至於今今孤不道得臯於君王君王以親辱  
於孤之敵邑孤敢請成男女服爲臣御越王曰昔

告命

同質與不  
志





天以越賜吳而吳不受。今天以吳賜越，孤敢不聽天之命而聽君之令乎？乃不許成，因使人告於吳王曰：「天以吳賜越，孤不敢不受，以民生之不长，王其無死，民生於地上，寓也。其與幾何？寡人其達王於甬句東，夫婦三百，唯王所安，以没王年。夫差辭曰：『天既降禍於吳國，不在前後，當孤之身，實失宗廟社稷。凡吳土地人民，越既有之矣。孤何以視於天下？夫差將死，使人說於子胥曰：『使死者無知，則已矣。若其有知，吾何面目以見負也。』遂自殺。越滅吳，上征上國，宋鄭魯衛陳蔡執玉之君皆入朝，夫唯能下其羣臣以集其謀故也。」

圖曰：固方曰鹿，蒲涼蒲也。不須至之會，不待遠兵也。中國國都也。從我言從我而戰也。將不能之會，言吳邊鄙雖來，將不能會戰。禦兒越北境，今嘉興。吳邊鄙兵若至，以禦兒之民臨敵之，遂可出使，出奔也。申包胥，楚大夫。王孫包胥也。銓稱也。阿，曲從也。審物，說云：別物善惡。韋氏云：謂旌旗物色徽幟之屬。辨別也。備守禦之備。聲謂鐘鼓進退之聲。聲不審，則衆惑也。必審之，使執思計之也。道術也。過五日則晚矣。軍當出也。故術將不行，闔左闔陽開陰，示幽也。去筭，去節也。側，猶特也。禮，受者側席而坐。楹，說云：楹，屋外邊壇也。唐尚書云：屋名也。韋云：楹，謂之楹。楹，門戶掩陽也。壇，列在野，所以講列士衆，誓告之處。環金玉之環，或塞耳，問遺也。通行賂以亂軍也。





二卷俱托板  
編其事而此  
為特秀簡動  
事者凡略長  
此皆為不同  
德由所信名  
異注而可視  
文上象

袁一作哀

國語第九


越

皇明萬曆己未仲秋烏程閔齊伋遇五父裁注

子為我禮已重言去父母而來也。若已之若汝也。已止也。接餼上下皆餼也。江吳江去吳五十里。須須後命也。不言越委制於吳。而言先委制於越。謙而反之也。其與幾何言幾何時。甬句東東海口外洲。上國中國也。

越王句踐棲於會稽之上，乃號令於三軍曰：凡我父兄昆弟及國子姓，有能助寡人謀而還吳者，吾與之共知越國之政。大夫種進對曰：臣聞之，賈人夏則資皮，冬則資絨，旱則資舟，水則資車，以待乏也。夫雖無四方之憂，然謀臣與爪牙之士不可不養而擇也。譬如蓑笠，時雨既至，必求之。今君王既棲於會稽之上，然後乃求謀臣，無乃後乎？句踐曰：

NATIONAL CENTRAL LIBRARY, TAIWAN, R.O.C.





二卷俱托板  
編其事而此  
為特秀簡動  
事者凡略長  
此皆為不同  
德由所信名  
異注而可視  
文上象

袁一作哀

國語第九


越

皇明萬曆己未仲秋烏程閔齊伋遇五父裁注

子為我禮已重言去父母而來也。若已之若汝也。已止也。接餼上下皆餼也。江吳江去吳五十里。須須後命也。不言越委制於吳。而言先委制於越。謙而反之也。其與幾何言幾何時。甬句東東海口外洲。上國中國也。

越王句踐棲於會稽之上。乃號令於三軍曰。凡我父兄昆弟及國子姓。有能助寡人謀而還吳者。吾與之共知越國之政。大夫種進對曰。臣聞之。賈人夏則資皮。冬則資絨。旱則資舟。水則資車。以待乏也。夫雖無四方之憂。然謀臣與爪牙之士。不可不養而擇也。譬如蓑笠。時雨既至。必求之。今君王既棲於會稽之上。然後乃求謀臣。無乃後乎。句踐曰。

NATIONAL CENTRAL LIBRARY, TAIWAN, R.O.C.






辭命

精工深吳信  
然却勃快

黃池結盟即  
此故智


苟得聞子大夫之言何後之有執其手而與之謀  
遂使之行成於吳曰寡君句踐乏無所使使其下  
臣種不敢徹聲聞於天王私於下執事曰寡君之  
師徒不足以辱君矣願以金玉子女賂君之辱請  
句踐女女於王大夫女女於大夫士女女於士越  
國之寶器畢從寡君帥越國之衆以從君之師徒  
唯君左右之若以越國之臯爲不可赦也將焚宗  
廟係妻孥沈金玉於江有帶甲五千人將以致死  
乃必有偶是以帶甲萬人以事君也無乃卽傷君  
王之所愛乎與其殺是人也寧其得此國也其孰  
利乎夫差將欲聽與之成子胥諫曰不可夫吳之  
與越也仇讎敵戰之國也三江環之民無所移有  
吳則無越有越則無吳將不可改於是矣負聞之  
陸人居陸水人居水夫上黨之國我攻而勝之吾  
不能居其地不能乘其車夫越國吾攻而勝之吾  
能居其地吾能乘其舟此利也不可失也已君必  
滅之失此利也雖悔之亦無及已越人飾美女八  
人納之犬宰嚭曰子苟赦越國之臯又有美於此





者將進之。大宰諫曰：「諫聞古之伐國者，服之而已。今已服矣，又何求焉？夫差與之成而去之，句踐說於國人曰：『寡人不知其力之不足也，而又與大國執讎，以暴露百姓之骨於中原，此則寡人之孽也。』寡人請更於是葬死者，問傷者，養生者，弔有憂賀有喜，送往者，迎來者，去民之所惡，補民之不足，然後卑事夫差，宦士三百人於吳，其身親爲夫差前馬，句踐之地南至於句無，北至於禦兒，東至於鄞，西至於姑蔑，東姑蔑廣運百里，乃致其父兄昆弟而誓

之曰：「寡人聞古之賢君，四方之民歸之，若水之歸下也。今寡人不能將帥，二三子夫婦以蕃，命壯者無取老婦，令老者無取壯妻，女子十七不嫁，其父母有孽，丈夫二十不取，其父母有孽，將免者以告，公令醫守之，生丈夫，二壺酒，一犬，生女子，二壺酒，一豚，生三人，公與之母，生二人，公與之餼，當室者死，三年釋其政，支子死，三月釋其政，必哭泣葬埋之，如其子，令孤子寡婦，疾疹貧病者，納宦其子，其達士潔其居，美其服，飽其食，而摩厲之於義，四方





之士來者必廟禮之。句踐載稻與脂於舟以行國之孺子之游者無不饋也。無不歡也。必問其名非其身之所種則不食。非其夫人之所織則不衣。十年不收於國民。居有三年之食。國之父兄請曰。昔者夫差恥吾君於諸侯之國。今越國亦節矣。請報之。句踐辭曰。昔者之戰也。非二三子之臯也。寡人之臯也。如寡人者安與知恥。請姑無庸戰。父兄又請曰。越四封之內親吾君也。猶父母也。子而思報父母之仇。臣而思報君之讎。其有敢不盡力者乎。

請復戰。句踐既許之。乃致其衆而誓之。曰。寡人聞古之賢君不患其衆之不足也。而患其志行之少恥也。今夫差衣水犀之甲者億有三千。不患其志行之少恥也。而患其衆之不足也。今寡人將助天滅之。吾不欲匹夫之勇也。欲其旅進旅退也。進則思賞。退則思刑。如此則有常賞。進不用命。退則無恥。如此則有常刑。果行國人皆勸。父勉其子。兄勉其弟。婦勉其夫。曰。孰是君也。而可無死乎。是故敗吳於圍。又敗之於沒。又郊敗之。夫差行成。曰。寡人





句音鈞內傳  
作九共切

禮先一飯將  
云自爾之辭  
言已曾思臨  
句說而制有  
越國今雖敗  
亡抑先句踐  
一着

舊本分此以  
下為下卷蓋  
當時見聞不  
一故著者著  
兩存之  
抑宗元曰越  
之下篇尤奇  
峻而其事多  
雜蓋非出於  
左氏吾乃今

之師徒不足以辱君矣請以金玉子女賂君之辱  
句踐對曰昔天以越賜吳而吳不受今天以吳予  
越越可以無聽天之命而聽君之令乎吾請達王  
甬句東吾與君為二君乎夫差對曰寡人禮先壹  
飯矣君若不忘周室而為敝邑宸宇亦寡人之願  
也君若曰吾將殘女社稷滅女宗廟寡人請死余  
何面目以視於天下乎越君其次也遂滅吳

山處曰棲號令三軍而言父兄昆弟者方在危  
阨親而呼之國子姓年在衆子同姓之列者選  
女為女女偶對也言致死則必有對敵越舉是  
得帶甲萬人以事君矣民無所移言非吳則越  
也黨所也上所之國謂中國前馬前驅在馬前  
也諸暨有句無亭嘉興有語兒鄉即禦兒也姑  
篋今太湖東西為廣南北為運言取境內近者  
百里之中耳蓄息也免乳也母乳母也當室適  
子支子庶子宦仕也任其子而教之廩以食之  
也廟禮禮之於廟告先君也稻糜脂膏也少恥  
謂進不念功臨難苟免億有三千言多也旅俱  
也就是君言誰有思惠如是君者禮先壹飯言  
已年長於越王覺差一飯之間欲以少長求  
免也宸屋宇邊也喻庇覆吳也次舍也

越王句踐即位三年而欲伐吳范蠡進諫曰夫國  
家之事有持盈有定傾有節事王曰為三者奈何  
范蠡對曰持盈者與天定傾者與人節事者與地  
王不問蠡不敢言天道盈而不溢盛而不驕勞而





厚薄一書混  
高矣如其妙  
理球辭職請  
之而心驚  
玩之而味永  
還須以糾歷

謙言猶言謙  
心故曰吾已  
漸之註非

庸當作非但  
解乃名政

知文之可以  
行於遠也以  
披膚藏骨惟  
之語而歸殿  
之金石之用  
震耀後世之  
耳目而諸者  
莫之或非反  
謂之近經則  
知文者可不  
慎耶

國語

不矜其功。夫聖人隨時以行，是謂守時。天時不作，  
弗為。人客，人事不起，弗為之始。今君王未盈而溢，  
未盛而驕，不勞而矜其功，天時不作，而先為人客。  
人事不起，而創為之始，此逆於天而不蘇於人。王  
若行之，將妨於國家。靡王躬身，王弗聽。范蠡進諫，  
曰：夫勇者，逆德也；兵者，凶器也；爭者，事之末也；陰  
謀，逆德也；好用凶器，始於人者，人之所卒也；淫佚之  
事，上帝之禁也；先行此者，不利。王曰：無是貳言也。  
吾已。斷之矣。果興師而伐吳，戰於五湖，不勝，棲於

會稽。王召范蠡而問焉，曰：吾不用子之言，以至於  
此，為之奈何？范蠡對曰：君王其忘之乎？持盈者，與  
天定，傾者，與人節。事者，與地。王曰：與人奈何？范蠡  
對曰：卑辭尊禮，玩好女樂，尊之以名，如此不已，又  
身與之市。王曰：諾。乃令大夫種行成於吳。曰：請士  
女於士大夫，女於大夫，隨之以國家之重器。  
吳人不許。大夫種來而復往，曰：請委管籥，屬國家，  
以身隨之。君王制之。吳人許諾。王曰：蠡為我守於  
國。范蠡對曰：四封之內，百姓之事，蠡不如種也。四





務為志論  
務又多用  
自別國末  
種次守

地德可  
作一篇坤元

此下是與地  
之

詳論

因以為常則  
彼國之德原  
以為常而我  
無損設之形

封之外敵國之制立斷之事種亦不如蠡也王曰  
諾令大夫種守於國與范蠡入宦於吳三年而吳  
人遣之歸反至於國王問於范蠡曰節事奈何范  
蠡對曰節事者與地唯地能包萬物以為一其事  
不失生萬物容畜禽獸然後受其名而兼其利美  
惡皆成以養生時不至不可彊生事不究不可彊  
成勿注自若以處以度天下待其來者而正之因時之  
所宜而定之同男女之功除民之害以避天殃田  
野開闢府倉實民衆殷無曠其衆以為亂梯時將

有反事將有閒必有以知天地之恒制乃可以有  
天下之成利事無閒時無反則撫民保教以須之  
王曰不穀之國家蠡之國家也蠡其圖之范蠡對  
曰四封之內百姓之事時節三樂不亂民功不逆  
天時五穀稷孰民乃蕃滋君臣上下交得其志蠡  
不如種也四封之外敵國之制立斷之事因陰陽  
之恒順天地之常柔而不屈彊而不剛德虐之行  
因以為常死生因天地之刑天因人聖人因天人  
自生之天地形之聖人因而成之是故戰勝而不





地不微方尾  
陽為一章

報取地而不反兵勝於外福生於內用力甚少而名聲章明種亦不如蠶也王曰諾令大夫種爲之

與天法天也與人取人之心也與地法地也靡損也始於人者人之所卒言始以伐人人終害之也貳言陰謀淫佚之二言也五湖今太湖身與之市謂以身隨之以爲一不偏也不失不失時也受其名受其功名也兼其利萬物終歸於地也自若無妄動也功農穡絲枲之功反遠也三樂三時之務使之勤事樂業也權和也德虛之行因以爲常唐尚書云言無德行虛習以爲常昭謂德有所懷柔及爵賞也虛謂有所斬伐及黜奪也以爲常以爲常法也刑法也

四年王召范蠡而問焉曰先人就世不穀卽位吾年旣少未有恒常出則禽荒入則酒荒吾百姓之

不圖惟舟與車上天降禍於越委制於吳吳人之那不穀亦又甚焉吾欲與子謀之其可乎范蠡對曰未可也蠡聞之上帝不考時反是守疆索者不祥得時不成反受其殃失德滅名汙走死亡有奪有予有不子王無蚤圖夫吳君王之吳也王若蚤圖之其事又將未可知也王曰諾

不古流字

那於也甚焉言見困苦也考成也天未成越當守天時天時反乃可以動耳得天時而人弗能成則反受其殃夫差克越可取而不取後反見滅是也有奪予而復奪也有予天所授也不予去也





又一年王召范蠡而問曰吾與子謀吳子曰未可也今吳王淫於樂而忘其百姓亂民功逆天時信讒喜優憎輔遠弼聖人不出忠臣解骨皆曲相御莫適相非上下相偷其可乎范蠡對曰人事至矣天應未也王姑待之王曰諾

賈唐二君云解骨子胥伏屬鏹也昭謂此時子胥未死言體骨解倦不復念忠耳御猶將也

又一年王召范蠡而問焉曰吾與子謀吳子曰未可也今申胥驟諫其王王怒而殺之其可乎范蠡對曰逆節萌生天地未形而先為之征其事是以

不成雜受其刑王姑待之王曰諾

未形天地之占未見也征征伐雜猶俱也刑害也

又一年王召范蠡而問焉曰吾與子謀吳子曰未可也今其稻蟹不遺種其可乎范蠡對曰天應至矣人事未盡也王姑待之王怒曰道固然乎妄其欺不殺邪吾與子言人事子應我以天時今天應至矣子應我以人事何也范蠡對曰王姑勿怪夫人事必將與天地相參然後乃可以成功今其禍新民恐其君臣上下皆知其資財之不足以支長





久也。彼將同其力，致其死，猶尚殆。王其且馳騁弋獵，無至禽荒，宮中之樂，無至酒荒，肆與大夫觴飲，無忘國常。彼其上將薄其德，民將盡其力，又使之望而不得食，乃可以致天地之殛。王姑待之。

上將薄其德，民將盡其力，言吳王見越馳騁射獵，不以爲意，必不修德，而縱私好，以盡民力也。望而不得食，怨望於上，而天又奪之食也。

至於玄月，王召范蠡而問焉，曰：「諺有之曰：『鼫飯不及壺殮，今歲晚矣。』子將奈何？」范蠡對曰：「微君王之言，臣固將謁之。臣聞從時者，猶救火，追亡人也。蹶而趨之，唯恐弗及。」王曰：「諾。」遂興師伐吳。至於五湖，

吳人聞之，出挑戰，一日五反。王弗忍，欲許之。范蠡進諫曰：「謀之廊廟，失之中原，其可乎？王姑勿許也。」臣聞之，得時無怠，時不再來，天子不取，反爲之災。羸縮轉化，後將悔之。天節固然，唯謀不遷。王曰：「諾。」弗許。范蠡曰：「臣聞古之善用兵者，羸縮以爲常，四時以爲紀，無過天極，究數而止。天道皇皇，日月以爲常，明者以爲法，微者則是行。陽至而陰，陰至而陽，日困而還，月盈而匡。古之善用兵者，因天地之







常與之俱行。後則用陰。先則用陽。近則用柔。遠則用剛。後無陰蔽。先無陽察。用人無莠。往從其所。剛彊以禦。陽節不盡。不死其野。彼來從我。固守勿與。若將與之。必因天地之災。又觀其民之饑飽勞逸。以參之。盡其陽節。盈吾陰節。而奪之。宜爲人客。剛彊而力疾。陽節不盡。輕而不可取。宜爲人主。安徐而重固。陰節不盡。柔而不可迫。凡陳之道。設右以爲牝。益左以爲牡。蚤晏無失。必順天道。周旋無究。今其來也。剛彊而力疾。王姑待之。王曰。諾。弗與戰。

奇字

直而疏洩

運音旋或如字

俞或作俞

居軍三年。吳師自潰。吳王帥其賢良。與其重祿。以上姑蘇。使王孫雄行成於越。曰。昔者上天降禍於吳。得臯於會稽。今君王其圖不穀。不穀請復會稽之蘇。王弗忍。欲許之。范蠡進諫曰。臣聞之。聖人之功。時爲之庸。得時弗成。天有還形。天節不遠。五年復反。小凶則近。大凶則遠。先人有言曰。伐柯者。其則不遠。今君王不斷其忘會稽之事乎。王曰。諾。不許。使者往而復來。辭俞卑。禮俞尊。王又欲許之。范蠡諫曰。孰使我蚤朝而晏罷者。非吳乎。與我爭三。

章注



江五湖之利者非吳邪夫十年謀之一朝而棄之其可乎王姑勿許其事將易冀已王曰吾欲勿許而難對其使者子其對之范蠡乃左提鼓右援袍以應使者曰昔者上天降禍於越委制於吳而吳不受今將反此義以報此禍吾王敢無聽天之命而聽君王之命乎王孫雄曰子范子先人有言曰無助天為虐助天為虐者不祥今吾稻蟹不遺種子將助天為虐不忌其不祥乎范蠡曰王孫子昔吾先君固周室之不成子也故濱於東海之陂鼃

鼃魚鼃之與處而鼃鼃之與同階余雖覲然而人面哉吾猶禽獸也又安知是譏諷者乎王孫雄曰子范子將助天為虐助天為虐不祥雄請反辭於王范蠡曰君王已委制於執事之人矣子往矣無使執事之人得舉於子使者辭反范蠡不報於王擊鼓興師以隨使者至於姑蘇之宮不傷越民遂滅吳反至五湖范蠡辭於王曰君王勉之臣不復入於越國矣王曰不穀疑子之所謂者何也范蠡對曰臣聞之為人臣者君憂臣勞君辱臣死昔者






君王辱於會稽臣所以不死者爲此事也今事已濟矣後、法、蠡請從會稽之罰王曰所不掩子之惡揚子之美者使其身無終沒於越國子聽吾言與子分國不聽吾言身死妻子爲戮范蠡對曰臣聞命矣○抄○古○君行制臣行意遂乘輕舟以浮於五湖莫知其所終極王命工以良金寫范蠡之狀而朝禮之浹日而令大夫朝之環會稽三百里者以爲范蠡地曰後世子孫有敢侵蠡之地者使無終沒於越國皇天后土四鄉地主正之

爾雅曰九月爲玄月。虺大也。盛饌未具。不及壺。殮之。救饑疾。言已欲滅吳。以快意得之而已。不能待有餘力也。弗忍不忍其忿也。以爲常隨其竊縮也。紀猶法也。四時有轉運。用兵有利鈍也。明謂日月盛滿時也。微謂虧損薄食也。法其明者以進取。行其後時以隱遁。困窮也。匡齡也。後動先。先動也。用陰謂沈重固密。用陽謂輕疾。猛厲。敵近則用柔順。示之以弱。遠則抗威厲辭。以亢禦。後動者泰舒靜。爲陰蔽。先動者泰顯露。爲陽察。葺射的也。無葺無常所也。行軍用人之道。因敵爲制。不豫設也。故曰往從其所。剛彊以禦。言敵以剛彊來禦已。其陽節未盡。尚未可克。故曰不死其野。勿與。勿與之戰也。因天地之災言彼有災變。則可與戰耳。先動爲客。於時宜爲人客。剛彊力疾。陽數未盡。雖輕易人。猶不可得取也。時宜爲主人。安徐重固。陰數未盡。雖柔不可困迫也。陳有牝牡。使相受也。無究無窮。若日月然也。不成子言。越本蠻夷小國。於周室爵列。







不能成子也。水邊曰簡。談讓巧辯之言。及辭於  
王謂以辭告越王。從甲至甲爲決日。決。匝也。  
注國語者漢有鄭衆賈逵魏有王肅吳有虞翻  
唐固韋昭晉有孔晁歷世久多所散佚其以全  
書傳者獨韋氏解耳。嗣因鄭賈之精確採虞  
唐之博賅輯而成書。患不在寡若之汰之。或者  
有所未盡與夫眩精猶以了義當不厭詳。期指  
點而會心宜學其要竊不自量輒爲裁注如右  
皇明萬曆己未長至日烏程閔齊伋過五父識







國立中央圖書館 NATIONAL CENTRAL LIBRARY, TAIWAN, R.O.C.





UNIVERSITY OF NATIONAL CENTRAL LIBRARY, TAIWAN, R.O.C

